



Foreign Language Teaching and Research Press (Beijing)

Գրքի հրատարակությունն իրականացվել է
«Օտար լեզուների ուսուցման եւ հետազոտությունների
հրատարակչության» (Պեկին, Չինաստան) աջակցությամբ:



听盐生长的声音：80后作家短篇小说集

The Sound of Salt Forming:
Short Stories by the Post-80s Generation in China
/Armenian version/

Translation into Armenian by Khoren Gasparyan

Stepanakert 2018

ԱՂԻ ՁԱՅՆԸ

20-րդ դարի հետազոտական թվականների սերնդի
չին գրողների պատմվածքներ

Թարգմանությունը՝
Խորեն ԳԱՍՊԱՐՅԱՆԻ

Ստեփանակերտ 2018

ՀՏԴ 821.581-32
ԳՄԴ 84(52)-44
Ա 486

«Գեդարմ» հանդեսի մատենաշար

ԱՂԻ ՉԱՅՆԸ: 20-րդ դարի հետախույնական թվականների սերնդի չին գրողների պատմվածքներ/ Թարգմ. անգլերենից՝ Խ. Գասպարյան: Ստեփանակերտ, «Ոգի-Նաիրի» հրատ., 2018, 352 էջ:

Գրքում ներկայացված են անցյալ դարի 80-ական թվականներին ծնված չին տասնվեց արձակագիրների պատմվածքները: Նրանց գործերը մեծամասամբ հիմնված են սեփական կենսափորձի վրա, եւ դրանցում հաճախ առկա են, այսպես կոչված՝ «օրագրային գրականության», ֆանտասմագորիայի տարրեր: Երիտասարդ արձակագիրներն արժարժում են սոցիալական ու կենցաղային, բարոյական բնույթի, կին-տղամարդ, հայրեր-որդիներ, գրող-իրականություն-գրականություն, մարդիկ-պետություններ, սեռային-սեռական հարաբերություններին առնչվող և իրենց սերնդին հուզող տարաբնույթ այլ հարցեր: Հետախույնական թվականների գրականությանը հատուկ է նաև պատմական միհիլիզմի, պատմական բեռից ազատ և նպատակազուրկ լինելու շեշտված միտումը:

ISBN 978-9939-1-0880-3

ՀՏԴ 821.581-32
ԳՄԴ 84(52)-44

Copyright:

The Sound of Salt Forming: Short Stories by the Post-80s Generation in China

Edited by Song Geng and Yang Qingxiang

Original edition published by Foreign Language Teaching and Research Publishing Co., Ltd. (FLTRP), 2016

Armenian Translation© Foreign Language Teaching and Research Publishing Co., Ltd. (FLTRP)

All rights reserved.

© «Ոգի-Նաիրի»/թարգմանության համար/, 2018

ՆԵՐԱԾՈՒԹՅՈՒՆ

Հետազոտողները (80 հոգի) սա մի բնորոշում է, որ լայնորեն շրջանառվում է չինական լրատվամիջոցներում: Այդպես են անվանում 1980 թվականից հետո ծնված սերնդին, որի ներկայացուցիչները չափահաս տարիքի են հասել Չինաստանում «բարեփոխումների եւ բացախոսության» դարաշրջանում: Որոշակի առումով դա նույնիմաստ է Արեւմուտքում շրջանառվող «Y սերնդի» հետ: Այս սերնդի գրողները գրական ասպարեզում հայտնվել են հետսոցիալիստական դարաշրջանում Չինաստանի ՉԼՄ-ների եւ մշակութային հաստատությունների արագ առեւտրայնացման՝ կոմերցիալիզացիայի հետ մեկտեղ: Սակայն, մի քանի անուններից բացի, երիտասարդ այս գրողներն Արեւմուտքում հիմնականում անհայտ են:

Ավելի ճշգրիտ լինելու համար՝ հարկավոր է տարբերակում մտցնել «հետազոտողների գրականություն» հասկացության նեղ եւ լայն իմաստների միջեւ: Նեղ իմաստով՝ «հետազոտողների գրականություն» ասելով նկատի ունեն մոտավորապես 2000 թվականին հանրային գիտակցության մեջ հայտնված երիտասարդ գրողների մի խումբ: Նրանց կարելի է բաժանել նաեւ երկու ենթախմբի: Գեղարվեստական արձակի հեղինակները հիմնականում այն խմբավորումից էին, որ կոչվում էր «Նոր կոնցեպտի՝ հայեցակարգի գրողներ», այսինքն՝ Շանհայի «Մենյա» գրական հանդեսի կազմակերպած «Նոր կոնցեպտուալ գրականություն» մրցույթի հաղթող գրողները, այդ թվում Գո Ցզինմինը եւ Չժան Յուեժանը: Մեկ այլ խմբավորում էին կազմում երիտասարդ բանաստեղծները, որոնք ակտիվորեն հանդես էին գալիս պոեզիայի ամսագրերում եւ առցանց ֆորումներում: Մոտավորապես 2004 թվականին հանրային լրատվամիջոցներն սկսեցին տարփողել «հետազոտողների» հասկացությունը: Այդ նույն թվականին «Time Magazine Asia Weekly» հանդեսի փետրվարյան համարի կազմին հայտնվեցին Չուն Շուի եւ Հան Հանի լուսանկարները: Հավանա-

ԱՂԻ ՁԱՑՆԸ

բար իր ընտրողական բնույթի եւ սահմանափակ քանակի ընթերցողներ ունենալու պատճառով՝ պոեզիան լրատվամիջոցներում հիմնականում անտեսվում էր, եւ ավելի շատ ներկայացվում էր գեղարվեստական արձակը: Այսպիսով, նեղ իմաստով «հետադարձության գրականություն» ասելով՝ գլխավորապես նկատի էին ունենում գեղարվեստական արձակ ստեղծող հեղինակների խմբավորումը, որի միջուկը կազմում էին «Նոր կոնցեպտի՝ հայեցակարգի գրողները»: Դրանք գրողների երիտասարդ սերնդի ներկայացուցիչներ էին, որոնք շեղվում էին գրականության արտադրության՝ առկա սոցիալիստական կարգից եւ անմիջականորեն հաշվի առնում շուկան ու նրա պահանջարկները: Ձեւավորվում էին նոր գաղափարախոսություններ, որոնք մարտահրավեր էին նետում իշխանություններին, եւ դրանք կրողները դրսեւորում էին ազատ ինքնարտահայտման կամք ու ցանկություն:

Երիտասարդական գրականությունը միայն այդ խմբավորման գրողների եւ նրանց ընթերցողների տարիքի հետ չէր կապված: Գրելն ի սկզբանե ընկալվում էր որպես եկամուտ ստանալու միջոց: Շեշտադրում կատարելով երեսակայության վրա՝ գրողներն ապստամբում էին ռեալիզմի ավանդական ուսմունքի դեմ: Հորինվածքի հանդեպ պաշտամունքը հանդես էր գալիս գրվածքի անհատականությունն ու ինքնատիպ հայեցակարգը պաշտպանելու եւ երեսակայության դերն առավելագույնի հասցնելու դիրքերից: Հետադարձության սերնդի գրողների գործերն, այսպիսով, եզակի հնարավորություն են ընձեռում ուսումնասիրել շուկայի եւ մշակույթի միջեւ դիսամիկ փոխներգործությունն այսօրվա Չինաստանում: Որպես գրական արտադրության հին համակարգից անկախ գրողների առաջին սերնդի ներկայացուցիչներ՝ «հետադարձության գրողներ» գրողներն իրենց ստեղծագործություններում ցուցաբերում են տնտեսական եւ մշակութային կապիտալի միջեւ եղած փոխներգործության խոր ըմբռնում: Նրանք խորապես կարեւորում են անհատի ուսումնասիրությունը՝ լարված, պարադոքսներով ներթափանցված եւ խիստ անկանխատեսելի սոցիալական համատեքստում: Այս իմաստով՝ «հետադարձության գրականություն» ի սկզբանե եղել է խորապես քաղաքականացված: Դա անցումային դարաշրջանի արդյունք է եւ համահունչ է դարասկզբին չինական հասարա-

կության մեջ տեղի ունեցող կապիտալիստական բուռն վերափոխմանը:

Լայն իմաստով «հետադարձության գրականություն» ասելով, սակայն, ավելի «օբյեկտիվ» վերաբերմունք է ցուցաբերվում հետադարձության սերնդի գրողների բոլոր գործերի նկատմամբ: Այս խորագրի ներքո գոյակցում են նաև վերը հիշատակված՝ դեպի շուկան կողմնորոշված երիտասարդական գրականությունը, նաև ավելի «ավանդական» գրողների ու նրանց ստեղծագործությունների ամբողջությունը, ինչպես, օրինակ, հեղինակավոր ամսագրերում ներկայացված գրողները, որոնց խրախուսում են պաշտոնապես հաստատված քննադատները, կամ մրցույթներում աչքի ընկած գրողները եւ այլն: Ներկայումս երկու ճամբարների միջև մրցակցությունը դեռ բնորոշում է հետադարձության գրական պատկերը:

Այնուամենայնիվ, ընդհանուր առմամբ, երկու ճամբարներն էլ իրենց ստեղծագործություններում ցուցաբերում են գեղագիտական որոշակի ընդհանուր առանձնահատկություններ: Նախ՝ գերազանցապես գրում են քաղաքի եւ քաղաքային կյանքի մասին՝ ի տարբերություն հետիստական եւ հետվաթսուական սերունդների գրողների: Նրանք հետազոտում են սեփական եւ քաղաքի կենսատարածքում: Թեեւ որոշ գործերում ներկայացվում է գյուղական միջավայրը նաեւ, բայց այն դրվում է քաղաքի հսկայական հայելու դիմաց: Քաղաքի ժամանակակից կյանքի եւ նոր ապրելակերպի պատկերումը բնորոշ են գործերի մեծամասնությանը: Ըստ էության, ինչպես այս գրքում ներկայացված շատ գործերում է պատկերված, «հետադարձություններ» հասկացությունը կշանակում է նաեւ քաղաքային Չինաստանում ծեւավորված՝ այս նոր սերնդի կենսակերպ: Այդ կենսակերպին բնորոշ են սպառողական հոգեբանությունը, հեղինակմը, կոսմոպոլիտիզմի ձգտումը՝ գլոբալիզացիայի դարաշրջանում:

Երկրորդ՝ ստեղծագործություններն աննախադեպորեն հիմնված են անձնական փորձի վրա: Պատումը հաճախ ներկայացվում է առաջին դեմքի կողմից: Երիտասարդ շատ գրողների համար գրական ստեղծագործությունն անհատի մենությունն արտահայտելու ամենալավ միջոցն է: Եվ շատ դեպքերում՝ աշխարհին չհարմարվելու ու այդտեղ իր տեղը չգտնելու զգացողությունը միախառնվում է դեռահասների հուզական ընկճվածության ու հուսալքության հետ: Քննադատները կշել են, որ հետադարձու-

ԱՂԻ ՁԱՑՆԸ

կանների որոշ գործերում առկա է «մեծանալուց հրաժարվելու» միտումը:

Վերջապես՝ հետութսունական թվականների գրականությանը հատուկ է նաեւ պատմական նիհիլիզմի, պատմական բեռից ազատ եւ նպատակազուրկ լինելու ուժեղ միտումը: Պոստմոդեռնիստական այդ գործերից մի քանիսում առկա են այսպես կոչված «օրագրային գրականության», ֆանտասմագորիայի տարրեր: Կերպարները կարող են հայտնվել մի պահի, ապա հաջորդ պահին անհետանալ: Ե՛վ անցյալը, ե՛ւ ապագան սեղմված են ներկայի մեջ, որը ոչ այլ ինչ է, քան պարզապես նյութական տափակ ու ձանձրալի մի աշխարհ:

ՅԱՆ ՅԻՆՍՅԱՆ

ՉԺԱՆ ՅՈՒԵԺԱՆ

ՏՈՒՆԸ

1. Յյու Լո

Մեկնելուց մեկ օր առաջ Յյու Լոն բավականին վաղ արթնացավ: Բայց որպեսզի չխախտի արդեն ընդունված կարգը, երկար ժամանակ պառկած մնաց անկողնում: Երբ արդեն ժամն էր, գիշերանոցը հագը գցեց, գնաց հյուրասենյակ, միացրեց երաժշտությունը, մոտեցավ լուսամուտին, սեղմեց կոճակը, որպեսզի էլեկտրական շերտավարագույրները դանդաղ բացվեն: Աչքերը կկոցած նայեց արեհին, որի կարմրությունից մաշկը փափառվեց: Ապա ցնցող ընդունեց, ֆենով չորացրեց մազերը, սուրճ եփեց, հաց բովեց, օրվա թերթը վերցնելու համար իջավ ցած, հետո այն թողեց սեղանին:

Այդ ամենն անելուց հետո նայեց պատի ժամացույցին. Յզին Յույին արթնացնելու ժամանակն էր: Բայց երբ մոտեցավ նրա ննջասենյակին, տեսավ, որ Յզին Յույն արդեն արթնացել է, նստել է անկողնում եւ զարմացած տեսք ունի:

Այդ առավոտ Յզին Յույը շատ դանդաղաշարժ էր: Արդեն ժամն անցել էր, երբ սովորաբար դուրս էր ելնում, բայց նա դեռ սեղանի մոտ նստած թերթ էր կարդում՝ սուրճի կիսախմած բաժակը ձեռքին: Ընկերությունը երեկ պաշտոնապես հայտարարել էր նրա առաջընթացի մասին լուրը, այնպես որ՝ գուցե վերջապես հասկանալով, որ իր ներդրած ջանքերի գնով հասել է նպատակին, հանկարծ այդպես ընդարմացած տեսք ուներ:

Յյու Լոն երկար էր սպասել այս օրվան: Մի քանի անգամ շտապեցրեց, մինչեւ որ Յզին Յույը վերջապես վեր կացավ: Նախքան դռանը հասնելը նա Յյու Լոյին խնդրեց հետը գնալ այդ երեկո իր համար գործընկերների կազմակերպած տոնական միջոցառմանը: Վերջինս հրաժարվեց, բայց անմիջապես էլ զղջաց: Յզին Յույի դեմքն ուրախություն եւ գոհունակություն արտահայտեց թե ոչ՝ Յյու Լոն միշտ անհանգստության նույն զգացումն էր ունենում:

Յզին Յույին ճանապարհի դնելուց հետո նա դուռը ներսից փակեց,

ՉԺՃՆ ՑՈՒԵԺՃՆ

դուրս քաշեց կաշվե դատարկ ճամպուկը եւ սկսեց իրերը դասավորել: Միայն մի քանի հիմնական, իր սիրած շորերից էր դրել, բայց արդեն տեղ չկար: Յյու Լոն մեկ առ մեկ հասեց շորերը եւ ևորից դրեց զգեստապահարանի մեջ՝ ինքն իրեն հիշեցնելով, որ ուզում է բոլորովին ևոր կյանք սկսել, եւ ուրեմն այդ հին շորերը հետը վերցնելու անհրաժեշտությունը չկա: Ֆեւը, գանգրացուցիչը, հարդարանքի պարագաները, խտասկավառակները, գրքերը, այն ամենն, ինչ պետք կգար ճանապարհին, խնամքով ընտրեց եւ մեկ առ մեկ տեղավորեց, ապա կրկին հասեց՝ հանկարծ որոշելով, որ դրանցից ոչ մեկն էլ պետք չէ եւ որեւէ արժեք չունի իր համար: Ճամպուկը լրիվ դատարկվեց: Այդ պահին կատուն, որ ամբողջ ժամանակ կողքին նստած նայում էր, ցատկեց ճամպուկի մեջ, նստեց հենց մեջտեղում եւ չէր ուզում դուրս գալ: Յյու Լոն վստահ չէր՝ արդյո՞ք դա նշանակում էր, որ կատուն իր գնալը չի ուզում, թե՞ կատուն էլ էր ուզում իր հետ գնալ:

Մեծ ջանքերի գնով միայն հաջողվեց բռնել կատվին ու փակել աշխատասենյակում: Եվ երբ ետ եկավ, արդեն կորցրել էր համբերությունը: Վերցնելով այսուայնտեղ ընկած հագուստը, հարդարանքի պարագաները՝ դրանք բոլորը, էլեկտրական մի քանի անհրաժեշտ սարքավորումների ու դեղորայքի հետ, խցկեց ճամպուկի մեջ եւ անմիջապես փակեց ճամպուկը՝ այլեւս չուզելով հայացք գցել դրա կողմը: Նա շատ անփորձ էր, երբ բաւերը հասնում էր իրերը դասավորելուն, թերեւս այն պատճառով, որ հազվադեպ էր տևից հեռու ճամփորդության մեկնում: Նախկինում երբեք չէր սիրել ճամփորդել: Դա լի էր անհարմարություններով եւ իրավիճակի հետ կապված սահմանափակումներով: Այժմ, սակայն, նրա վերաբերմունքը որոշ չափով փոխվել էր: Ավելի հակված էր դա անվանել «չափավոր կենսակերպ»: Ծանրումեծ ճամպուկը ևորից պատշգամբ քարշ տվեց եւ կոշիկի փոշեպատ տուփը ևորից դրեց վրան: Բացի աշխատասենյակում նվազող կատվից, ոչ ոք չգիտեր, որ ճամպուկում պահված էին այն իրերը, որոնք անհրաժեշտ էին ուր որ է սկսվող՝ իր «չափավոր կենսակերպի» համար:

Մի կես ժամ կար մինչեւ սուպերմարկետի բացվելը: Նա նստեց թախտին եւ ավարտեց արդեն կեսը կարդացած վեպը, ապա մյուս գրքերի մեջ դրեց: Հիմար ավարտ: Վերջին էջերը գրելիս հեղինակն ինքը երեւի հասկացել էր, թե ինչ կեղծ, սարքովի պատմություն է եւ կորցրել էր դրա հանդեպ հետաքրքրությունն ու վստահությունը, այդ պատճառով էլ հապճեպ ավարտել էր: Վաղուց Յյու Լոյին չէր գոհացնում իր կարդացած գրքերի ավարտը: Շատ վեպեր սկզբում որոշ հուզիչ մասեր ունեին, բայց դրանք

միայն փոքրիկ ձեռքբերումներ էին, որ շուտով կորչում էին: Գիտեր, որ չափազանց խիստ ու դաժան է այդ հեղինակների հանդեպ, բայց ևս այն էր պահանջում նաեւ ինքն իրենից: Ահա թե ինչու երբեք գրող չդարձավ: Պատանեկության տարիքում միշտ երազել էր գրելու մասին, բայց պարզվում է՝ միայն նրա համար, որպեսզի այդ երազանքները սեփական խստապահանջ անգթությամբ կործանի:

Ժամը 10-ին գնաց սուպերմարկետ: Մեւ տոպրակներ աղբի համար (50 սմ լայնությամբ, 60 սմ երկարությամբ), մարմինը մաքրող հեղուկ՝ տղամարդու համար, շամպուն մազերի թեփոտման դեմ, չինական օշինդրի օճառ, մաքրող փոշի՝ օձիքի կեղտը հեռացնելու համար, ձեռքի հեղուկ օճառ, երեք տուփ թղթե անձեռոցիկ, համակցված վիտամիններ տղամարդկանց համար, վաթսուն վատտանոց Էներգախնայող լամպեր, A4 չափի տպագրական թուղթ, պնդուկի միջուկով թխվածք: Վճարելուց առաջ չորս տուփ AA մարտկոցներ վերցրեց եւ զգեց գնումների սալակի մեջ:

Ժամը 12 - չոր քիմաքրման կես՝ վերցնելու Յզին Յոյի կոստյումը եւ երեք վերնաշապիկը:

12:30 - խոզի կռճիկից պատրաստված մի թաս ապուր կերավ մենակ՝ նախքան կենդանիների խանութ շտապելը, որպեսզի հիևզ կիլոգրամանոց տոպրակով եւ տասը փաթեթ կեր գնի կատվի համար: Խանութի վաճառողից այցեքարտ խնդրեց. վրան գրված էր հասցեն եւ առաքումների պատվեր տալու հեռախոսահամարը: Սոտակա բանկից մի քիչ գումար հանեց եւ վերալիցքավորեց Էլեկտրականության ու գազի կանխավճարային քարտերը:

Կեսօրից հետո ժամը մեկին գնաց սրճարան: Մեկ գավաթ Էսպրեսոյից հետո դեռ հոգնածություն զգալով՝ գլուխը դրեց սեղանին ու քնեց:

2-ին մոտ էր, երբ Յուան Յուանը եկավ: Իհարկե, դստերն էլ հետն էր բերել: Դուրս ելան արեւի տակ տաքանալու եւ երկար չգրուցեցին, քանի որ երեխան սկսեց լաց լինել: Երբ Յուան Յուանը վերցրեց նրան, փոքրիկ դեմքը մոտեցրեց իր ճակատին եւ մեղմ փաղաքշեց, Յյու Լոյի գլխով հանկարծ տարօրինակ մի միտք անցավ. գիտե՞ արդյոք այս փոքրիկ աղջնակը, որ իր մոր կոպի ծալքը վիրաբուժական միջամտությամբ է բացվել: Իհարկե, չգիտե, ինչպես որ չգիտե, թե մարմնի որ մասն են կոպերը: Յյու Լոն մտածեց, որ այս աշխարհն ի սկզբանե սուտ է: Եւ այնչափ մորդ աչքերը, որ խելահեղ ժպտում են քեզ, կարող են բոլորովին արհեստական լինել:

Երեքն անց կես նրանք դուրս եկան սրճարանից: Ճանապարհին Յյու

ՉԺՃՆ ՅՈՒԵՇՃՆ

Լոն մերենան լվաց եւ բենզին լցրեց՝ մտածելով, որ չի կարող իրենից հետո կյանքում այդքան շատ դատարկ բան թողնել Յզին Յոյի համար: Երբ տուն հասավ, տնային աշխատողը՝ Սյառ Յզոյն, արդեն այնտեղ էր եւ հատակն էր լվանում:

- Այսօր պետք է մի լավ մաքրություն անենք», - ասաց Յյու Լոն՝ հենց որ ներս մտավ:

- Հյուրե՞ր ես գալու,- հարցրեց Սյառ Յզոյը:

- Մի՞թե չենք կարող գարնանային մաքրություն անել, եթե հյուրեր չեն գալիս, - առարկեց Յյու Լոն: Սյառ Յզոյը ոչինչ չասաց: Առաջին անգամն էր, որ Յյու Լոն տնային գործով էր զբաղվում Սյառ Յզոյի հետ: Հանեցին եւ լվացին վարագույրները, փոխեցին սավանները: Սառնարանի ժամկետանց ու համը կորցրած ուտելիքի համարյա կեսը դեն գցեցին, տեղափոխեցին զգեստներից չորսը եւ երեք զույգ կոշիկ, որ արդեն չէին հագնելու, սանրեցին ու խուզելով հարդարեցին կատվի երկար, խճճված բուրդը եւ պատշգամբում կարգի բերեցին ամսագրերի կույտը: Որքան շատ էր մաքրում, այնքան անելու շատ բան էր ի հայտ գալիս, եւ միայն հիմա տեսավ, թե ինչ խառն ու կեղտոտ էր տունը: Սյառ Յզոյն ամեն օր կեսօրից հետո գալիս էր ու մի երկու ժամ մաքրություն անում, եւ ինչպես հիմա պարզվեց՝ այդ ամենը ձեւի համար էր միայն: Յյու Լոն հանկարծ վատ զգաց՝ հասկանալով, որ մայրը նախկինում փողի համար էր նախագզուշացնում: Ինքը չափազանց ներողամիտ էր եղել Սյառ Յզոյի հանդեպ եւ երես էր տվել՝ դարձնելով ծույլ ու անբան:

Ժամը յոթին մոտ էր, երբ մաքրման աշխատանքներն ավարտեցին: Սյառ Յզոյը դժգոհ էր՝ առանց պատճառի մի քանի ժամ ավել աշխատելու համար: Յյու Լոն մտածեց՝ քանի որ վերջին օրն էր, չարժեր նեղացնել նրան: Հին շորերն ու կոշիկները տվեց Սյառ Յզոյին: Գիտեր, որ հագուստի սիրահար է եւ միշտ սիրում է լավ հագնվել: Բնականաբար, Սյառ Յզոյի դեմքը կրկին պայծառացավ, եւ նա, տեսնելով, որ Յյու Լոն սկսել է մակարոն պատրաստել, մոտեցավ օգնելու: Կողքից անցնելիս Յյու Լոն մեկ անգամ էլ զգաց նրա վրայից եկող թեթեւ հոտը: Երբ Սյառ Յզոյն առաջին անգամ եկավ, ինքը պարզապես չէր կարող տանել այդ հոտը: Մի տեսակ խոտի հոտ էր դա՝ չոր, կոշտ ու կոպիտ, որի պատճառը լավ չուտելն ու բավարար սնունդ չստանալն է: Դրանից է աղքատության այդ հոտը: Հետագայում, երբ նա բնակություն հաստատեց քաղաքում, հոտն աստիճանաբար վերացավ: Այն, ինչ ինքն զգաց հիմա, դրա վերջին ծվեններն էին, որ ակնթարթորեն ցնդելով կորան յուղի ու մակարոնի բուրմունքի մեջ:

Սյառ Յգույը հաճախ էր նայում, թե ինչպես է ինքը մակարոն պատրաստում, եւ արդեն սովորել էր մի քիչ գետնանուշի յուղ լցնել ամանի մեջ, որպեսզի մակարոնն իրար չկպչի: Նա իրենից սովորել էր նաեւ պիցցա, շոռակարկանդակ եւ բլիթներ պատրաստել, ինչպես նաեւ սուրճ եփել եւ կարմիր գինու շիշը բացել: Յյու Լոն համոզված չէր, թե Սյառ Յգույը երբեւէ կկիրառի իրենից սովորած այդ հմտությունները:

Սկզբնապես նախատեսել էր, որ Սյառ Յգույը մնա եւ ճաշի իր հետ, բայց վերջինս ստիպված էր շտապել՝ մեկ այլ ընտանիքում աշխատելու, եւ ասաց, որ արդեն ուշանում է: Յյու Լոն մակարոնը մենակ կերավ: Քանի որ մնացած ամբողջ մսի սոուսն արդեն օգտագործել էր, մակարոնն աղի էր ու հաստ, եւ ինքը դրա մի փոքր մասը միայն կերավ:

Միայնակ նստած՝ հանկարծ մտաբերեց, որ մոռացել էր կեսօրին Յուան Յուանին պատմել երկու շաբաթ առաջ իր տեսած ֆիլմի մասին, որ կոչվում էր «ՌՎ Է վախենում Վիրջինիա Վուլֆից»: Յուան Յուանը շատ վաղուց էր այդ մասին ասել: Ասել էր, որ պարզապես հասկանալի չէ, թե «ՌՎ Է վախենում Վիրջինիա Վուլֆից» տողը, որ անընդհատ կրկնվում էր ֆիլմում, ինչ-որ խոր իմաստ ունի՞ արդյոք: Ֆիլմը դիտելուց հետո Յյու Լոն փնտրեց համացանցում եւ ի վերջո պարզեց, որ այդ տողը «ՌՎ Է վախենում մեծ չար գայլից» հայտնի ժողովրդական երգի նմանաձայնական հարմարեցումն է (*Wolf - անգլերեն «գայլ» բառը եւ Woolf ազգանունը նույն կերպ են հնչում - Ծ. Թ.*): Հետո Վուլֆի ստեղծագործությունների ժողովածուներից մի քանիսը գտավ, որպեսզի կարդա, եւ նույնիսկ որոշ ժամանակ մանրամասն ուսումնասիրեց հեղինակի նկարը տիտղոսաթերթի էջին: Այդ երկարավուն դեմքին, որն արդարեւ չէր կարող գեղեցիկ համարվել, երկու սրաթափանց աչքեր էին: Դրանց նայելիս սիրտը կտոր-կտոր էր լինում՝ այժմ ապրածդ կեղծ գոյությունը խոստովանելու անհաղթահարելի գիտակցումից: Հատ էր ուզում դա քննարկել Յուան Յուանի հետ, այնքան, որ հենց այդ պահին մտածեց հավաքել նրա համարն ու զանգել: Բայց Յուան Յուանը երեւի դատեր հետ խաղում էր խորանարդիկներով, կամ հանդիմանում էր նոր եկած չորրորդ դայակին, կամ էլ սկեսրոջ հետ շարունակում էր բուռն քննարկել՝ երեխային հանրային՝ մանկապարտեզ տանել, թե՞ մասնավոր: Այնպես որ, եթե անգամ հիշեր էլ, որ այդ կեսօրին էին հանդիպել, Վուլֆը գրույցի թեմա չէր դառնա եւ երբեք էլ չի դառնա: Յուան Յուանն այդ պահին վախենում էր միայն մեծ չար գայլից, ոչ թե Վիրջինիա Վուլֆից:

Կատուն ցատկեց սեղանին, հոտոտեց մակարոնը, մի քանի քայլ ետ գնաց, նստեց եւ նրան նայեց կասկածով լի հայացքով, կարծես ասելիս լի-

ՉԺՃՆ ՅՈՒԵԺՃՆ

ներ՝ «Եթե գևաս, ես ի՞նչ եմ անելու»: Յյու Լոն ինքն էր միշտ պնդել, որ կատու ունենան. Յզին Յոյը կատու չէր սիրում: Կատվի պատճառով Յզին Յոյն ամեն առավոտ հինգ րոպե էր կորցնում, որպեսզի կոստյումի վրայից հեռացնի մազերը: Հիմա, երբ Յյու Լոն պատրաստվում էր հեռանալ, կատուն, բնականաբար, անհանգստանալու էր սեփական ճակատագրի համար: Բայց, փոքր-ինչ ավելի լավատեսորեն մտածելու դեպքում, եթե ամենուր որոնելով այնպիսի մի ընտանիք, որին կուզենար հանձնել կատվին, Յզին Յոյը սիրային նոր հարաբերությունների մեջ մտներ, եւ այնպես լիներ, որ տան հաջորդ կինը կատուներ շատ սիրեր ու դեմ չլիներ, որ սա իր մարմնի վրա կրեր անցյալի հետքերը, ապա կատուն էլ կարող էր շատ հանգիստ ներգրավվել նոր կյանքի մեջ:

Նա ընկավ Յզին Յոյի նոր կյանքի մասին երեակայության գիրկը՝ թե ինչքան ժամանակ կփնտրի իրեն, ինչքան ժամանակ կսգա իր կորուստը, ինչքան ժամանակում կհաղթահարի ցավը, եւ որքան ժամանակ կպահանջվի, որպեսզի գտնի հաջորդ աղջկան, որին կսիրի: Ինչքա՞ն ժամանակ կհանդիպի այդ աղջկա հետ, նախքան միասին կընեն, ինչքա՞ն ժամանակ կընեն միասին, մինչեւ որ կսկսեն ապրել իրար հետ: Իհարկե այս քայլերից մի քանիսը կարող են միաժամանակ արվել կամ ընդհանրապես չարվել. դա համապատասխանում էր արդյունավետությունն ընդգծելու նրա գործելաոճին: Ավելին, դա իսկապես նրա անձին բնորոշ շատ վճռական կողմերից մեկն էր: Սաստիկ վատ զգաց, ասես Յզին Յոյն իրեն խորապես վիրավորել էր, եւ իր հեռանալն էլ՝ դրան ի պատասխան ինքնապաշտպանության մի տեսակ էր:

Յյու Լոն բորբոքված վիճակում էր: Նայելով ժամացույցին եւ տեսնելով, որ արդեն ժամը տասն է, չկարողացավ զսպել Յզին Յոյին գանկությունը: Խռպոտ մի խառնամբոխ էր հավաքվել այնտեղ, ուտելուց հետո շատերը գնում էին Լաո Հոյի մոտ՝ մի քիչ խմելու: Յզին Յոյի ձայնը շատ ուրախ էր եւ աշխույժ, թվաց՝ նա էլ էր խմում:

- Կգամ եւ քեզ կվերցնեմ:

Վախենալով, որ Յզին Յոյը կմերժի առաջարկը, Յյու Լոն անմիջապես կախեց խոսափողը:

Լաո Հոն Յզին Յոյի վերադասն էր: Նրա տունը ծայրամասում էր: Յյու Լոն մի քանի անգամ եղել էր այդտեղ: Ամեն անգամ, երբ մտնում էր այդ հսկա համալիրը, ճանապարհը կորցնում էր, չնայած, բարեբախտաբար, պահակն արդեն դարպասի մոտ էր հասած լինում իր հեծանվով եւ առջեւից գնալով ցույց էր տալիս ճանապարհը: Առաջին անգամ, երբ եկավ

այդտեղ, իրեն շատ դուր եկավ: Հնարավոր չէր չսիրել եվրոպական ոճի այդ կառույցները՝ այդպիսի ընդարձակ մասնավոր այգիներով, գիշերային անդորրը, որ գրեթե այլաշխարհային էր թվում, և տունը, որ լի էր հնաճոց կահույքով՝ ամեն մեկն իր սեփական պատմությամբ: Մարդ զգուշանում էր քայլել մեր տատերի տարիքից ավելի տարիք ունեցող և անխառն կարգի վրայով: Մրգամանում մրգերն այնքան գեղեցիկ տեսք ունեին, ասես ուղղակի Վերմենրի յուղաներկ կտավներից էին դուրս ելել: Սպասքն ամբողջովին շողարձակում էր, և երբ ձեռքը վերցրեց գիտու բաժակը, մտածեց՝ երբեք այսպիսի խաղացկուն, շողարձակող գիսի չեմ խմել: Ամենայն սիրալիրությամբ տանտիրուհին ինքնաթիռով և որ բերված ծովախեցգետին հյուրասիրեց և ևոր մորթած կովի փափկամիս: Իսկ ճաշից հետո դուրս հանեց ևեֆրիտի իր հավաքածուն, որպեսզի հիացնի հյուրերին: Տանտիրուհին հին աշխարհի կահույքի նման ծանրումեծ էր, ասես հարմարեցված էր տանը: Հատակից վեր խոյացող լամպից ընկած լույսի շերտը, տիրոջը հաճոյանալ իմացող շան պես, տանտիրուհուն լուսաշող աստվածուհու տեսք էր հաղորդում: Միայն ավելի ուշ նրան սրճարանում տեսնելուց հետո Յու Լոն թեթևացած շունչ քաշեց, երբ պարզվեց, որ նրա դեմքին շպարն այնքան հարթ ու հավասարաչափ չի քսված և չի կարող ամբողջովին քողարկել ժամանակի դրոշմած դարչնագույն բծերը:

Յու Լոն փորձում էր ամեն կերպ թաքցնել իր չհարմարվող եսը՝ ներկայանալով ամենահամապատասխան ձեռով: Գիտեր, որ Յզին Յույը ևույն բանն է զգում, և անգամ ավելին, քանի որ գյուղում էր մեծացել, և անկախ նրանից, թե հետագայում ինչպիսի փորձառություն էր ձեռք բերել, սրտի խորքում դեռ կորստյան զգացողություն կար: Առաջին անգամ, երբ դուրս եկան Լաո Հոյի տնից, ինքը Յզին Յույին հարցրեց, թե արդյոք իրենք է՞լ կարող են ապրել մի այսպիսի տան մեջ, երբ ևս ապագայում Լաո Հոյի պես բարձր պաշտոնի հասնի: Չգիտեր, թե ինչու բերանից թոցրեց այդ հարցը: Գուցե պարզապես իրենց և տան միջեւ ընկած հեռավորությունը հաղթահարելու համար, բայց հենց որ հարցը հնչեցրեց, ինքն էլ ևույնիսկ սրտի խորքում բուռն ցանկություն զգաց: Յզին Յույն այդ ասաց: Սակայն անվճռական էր ոչ թե սեփական հեռանկարների, այլ այդպիսի տուն ունենալու անհնարինության հետ կապված: Բայց որպես նպատակ, որին պետք է ձգտել, այս տունն այդուհանդերձ իրական մի բան էր:

Հետագայում Յու Լոն վախճնում էր Լաո Հոյի տուն գալ: Ամբողջ երեկոն անցկացնելով սեղանին դրված՝ Մին գահատոհմի ժամանակների հիսավուրց սկահակի մասին քննարկման մեջ՝ հանկարծ խելահեղորեն դաժան

ՉԺՃՆ ՅՈՒԵՇՃՆ

մի ցանկություն էր ունենում՝ արագ ոտքի կանգնել եւ գետնին շարտել սկահակը՝ այդպիսով ապացուցելով, որ ինքն ունի այն երեխայի քաջությունը, որը բացահայտել է կայսեր Նոր զգեստի զաղտնիքը: Բայց դա չէր անում: Միակ բանը, որ անում էր, իրեն այդքան անհարմարություն պատճառող այդ չար մտքերը թաքցնելն էր, եւ շատ մեծ դժվարությամբ էր ստիպում իրեն նստած մնալ: Ամեն անգամ, երբ այս վիճակում էր հայտնվում, ցավագին մի հայացք էր գցում Յզին Յոյի կողմը, բայց վերջինս ոչ մի անգամ չէր նկատում այդ հայացքը:

Զգվանք էր զգում այդպիսի ապրելակերպից, որին ձգտում էր: Ամենավատն այն էր, որ խանդոտ չէր: Շատ արագ հրաժարվեց այս ամենը Յզին Յոյին պատմելու ամեն մի մտքից. նա պետք է բոլոր ուժերը կենտրոնացներ նպատակին հասնելու համար եւ շարունակեր տքնաջան աշխատել: Նպատակը վերափոխելու ամեն մի փորձ Նոյնը կլիներ, ինչ շանը ոսկորից զրկելը: Հետեւանքները պետք է կանխատեսել: Այսպիսով, ինքը լուրմ էր, բայց շատ շուտով սկսեց գիտակցել, որ իրենք տարբեր իդեալներ ունեն: Համեմատած բաժանվելու, առանձին ապրելու կամ ունեցվածքը կիսելու հետ՝ նրանց իդեալների տարբերությունն ընդամենը թեթեւ մի քամի էր:

Յյու Լոն մոտեցավ Լաո Հոյի տանը, ներսից եկող ծիծաղի ձայնը լսեց, եւ միտքն ու մարմինը լարվեցին. չէր ուզում մտնել մի սենյակ, ուր բոլոր աչքերը սեւեռուն վրադ են նայում: Մտածեց, որ կարելի է պարզապես մի քիչ կանգնել լուրջության մեջ: Նայեց այդտեղ կանգնեցրած երեք սեւ մեքենաներին: Հանկարծ չկարողացավ տարբերել, թե դրանցից որն է Յզին Յոյինը: Միայն երբ ետեւի կողմից մոտեցավ, որպեսզի համարը տեսնի, հասկացավ, թե որ մեկն է: Դրանք բոլորն այնքան նման էին:

Հեռվից մի աղջիկ էր քայլելով մոտենում: Լաո Հոյի դուստրն էր, որն ընդամենը տասնչորս տարեկան էր, բայց արդեն շատ լիքը կազմվածք ուներ: Տատանվեց՝ մտածելով, թե արդյո՞ք պետք է բարեւի, բայց ի վերջո արագ կախեց գլուխը, հանեց հեռախոսը եւ ձեւացրեց, թե զանգ է տալիս: Աղջիկը մոտեցավ, նայեց նրան եւ հարցրեց.

- Ինչո՞ւ ներս չեք գնում:

Ձայնը հնչեց փոքր-ինչ սառն ու պաշտոնական, ասես սադրանքի երանգ պարունակեք, խիստ զայրացնելով Յյու Լոյին: Եվ նա, ի պատասխան, քիչ էր մնում նետի՝ ինչո՞ւ պիտի ներս գնամ: Բայց զսպեց իրեն՝ ոչինչ չասելով եւ շարունակելով գլուխը կախ սեղմել հեռախոսի ստեղները:

Աղջիկը ներս մտավ եւ դուռը փակեց: Յյու Լոն գիտեր, որ այժմ ստիպված է ներս մտնել: Հենց որ պատրաստվում էր սեղմել դռան զանգի կոճա-

կը, դուռը բացվեց: Հյուրերը դուրս եկան, եւ Լաո Հոյի կինը ձեռքի ափով մեղմորեն դիպավ իր ուսին:

- Եկել եք: Ներս գայիք եւ նստե՛իք մի փոքր:

Յյու Լոն ժպտաց եւ գլուխը բացասաբար շարժեց: Տեսելով նրան՝ բուրդը հերթով ողջունեցին: Յզին Յոյը դռան մոտ էր: Կոշիկները հագնելուց հետո նա դուրս եկավ եւ Յյու Լոյին մեկնեց մեքենայի բակախները:

Նրանց դեպի մեքենան ճանապարհելիս Լաո Հոյի կինը մատներով շոշափեց Յյու Լոյի բարակ վերնաշապիկը:

- Չե՞ք մրսում. Այդքան թեթեւ եք հագել:

- Ձեզ նայելով՝ մրսում եմ,- Յյու Լոն ուրախ ծիծաղեց՝ ձեռքով ցույց տալով Լաո Հոյի կնոջ՝ ջրաքիսի մորթուց գործած շալը:

Յզին Յոյը մեքենայում քնեց: Յյու Լոն միացրեց երաժշտությունը: Թախճոտ մի տղամարդ էր երգում: Նախկինում չէր լսել այդ երգը. այդ ալբոմը չէր գնել: Յզին Յոյն ինքնիրեն արթնացավ հենց որ մեքենան կանգ առավ, բացեց դուռը եւ ուղիղ քայլեց դեպի ավտոտնակի վերելակի դուռը՝ կոստյումը ձեռքին: Նայելով նրա ետեւից՝ այնպիսի զգացողություն ունեցավ, ասես Յզին Յոյն արդեն ապրում էր Յյու Լոյից հետո եկող աշխարհում:

Նրանցից ոչ ոք չէր պատրաստվում այդ գիշերն ավելի երկար դարձնել, դրա համար էլ սիրով չզբաղվեցին: Դեռ հաջորդ օրը չէր եկել (երբ ճամպարուկը քաշելով դռնից դուրս ելավ), որ գոջման զգացողություն ունեցավ՝ ասես ուղեբեռից ինչ-որ մի մաս էր թողել:

Յյու Լոն միշտ կանխագգացել էր, որ վերջին գիշերն անքնություն կունենա: Այդպես չեղավ սակայն: Նախքան քուն կմտներ՝ շրջվեց եւ մի պահ նայեց Յզին Յոյին: Վերջին անգամն էր, բայց ոչ մի տխրություն էլ չզգաց: Այս երեկոյից առաջ էլ գիշերները հաճախակի էր այդպես նայում նրան՝ յուրովի նախապատրաստվելով իրենց բաժանմանը: Այնքան շատ էր նախապատրաստվել՝ ամեն անգամ ավելի քիչ ցավ զգալով, որ ի վերջո չէր կարողանում նույնիսկ սկսել: Ով իմանար, որ իր հեռանալու պատճառը պարզապես այն էր, որ ինքն այդքան շատ ժամանակ էր պատկերացրել դա, հետեւաբար դա ուղղակի պետք է լիներ, այլապես կյանքը կեղծիք կլիներ:

2. Սյառ Յգոյ

Երկրորդ օրն առավոտյան Սյառ Յգոյը շատ աշխատանք չունեի անելու: Օրվա երկրորդ կեսին պետք է վազեր փոստային բաժանմունք, հետեւաբար բավականին շուտ էր եկել: Երբ մտավ բնակելի շենք, դեմառդեմ հանդիպեց Յյու Լոյին, որը ճամպուով էր քարշ տալիս: Երբ տեսավ նրան, Յյու Լոյի դեմքին մի պահ վախեցած արտահայտություն հայտնվեց:

-Գործուղման եք մեկնում,- հարցրեց Սյառ Յգոյը:

-Այո:

Յյու Լոն մի պահ կանգ առավ, ապա շարունակեց ճանապարհը:

Սյառ Յգոյը մտածեց, որ Յյու Լոն կարող է որոշ հանձնարարություններ տալ իրեն, դրա համար էլ մարմնով մի փոքր թեքվեց եւ նայեց նրան: Բայց Յյու Լոն ավելի ու ավելի արագ քայլեց՝ ձեռքով անելով հենց նոր ուղեորից ազատված տաքսուն: Սյառ Յգոյը տարօրինակ մի զգացողություն ունեցավ, որ Յյու Լոն հավանաբար ետ չի գալու:

Սյառ Յգոյը բացեց դուռը, կոշիկները հանեց եւ սկսեց տան գործը: Խոհանոցում սուրճի գավաթներն էր լվանում, բայց մտքում դեռ Յյու Լոյի հեռանալն էր: Վար դրեց սուրճի կիսավազած գավաթները, ձեռքերը սրբեց եւ շրջեց ննջարանում ու աշխատասենյակում: Նամակ կամ որեւէ գրություն չգտավ: Դա իմաստ ուներ՝ մտածեց: Եթե նա գիտեր, որ տան աշխատակցուհին կարող է գործ անելիս դա տեսնել, էլ ինչո՞ւ պետք է նամակ կամ գրություն թողներ, որպեսզի այն գտնեին: Բացի այդ, գուցե տան տղամարդը գիտեր նրա մեկնելու մասին: Այդուհանդերձ, ինքն էլ չիմանալով, թե ինչու, Սյառ Յգոյը դեռ հակված էր կարծելու, որ տղամարդ տաները տեղյակ չէ: Ապա նայեց պատի պահարանում եւ դիմահարդարման պարագաների մեջ: Պահարանը լի էր հագուստով, առաջին հայացքից թվում էր պակաս ոչինչ չկա: Դիմահարդարման ոչ մի պարագա ըստ էության չէր պակասում: Մանյակները, ականջօղերն ու մատանիները բոլորը զարդատուփի մեջ էին: Նա մի փոքր հոգնեց զննելուց եւ ի վերջո մտածեց, որ դա պարզապես սովորական աշխատանքային գործուղում է մի քանի օրով:

Յյու Լոյի տնից դուրս գալով՝ Սյառ Յգոյը նստեց փոստային բաժանմունք զննող ավտոբուսը: Ճանապարհին Դե Մինը երեք անգամ զանգ տվեց, եւ ամեն անգամ ինքն անջատեց հեռախոսը: Պարզապես չէր ուզում ավտոբուսի մեջ գոռալ ու ճչալ նրա վրա: Երբ հասավ փոստային բաժանմունքի մոտ, ձեռքի հեռախոսը մեկ անգամ էլ զանգեց: Միացրեց հեռախոսը:

-Ինձ մի՛ շտապեցնի: Արդեն փոստային բաժանմունքի առջեւ եմ:

Հուզված ու զայրացած՝ անջատեց հեռախոսը, որը վերջապես լռեց:

Փոստային բաժանմունքում շատ մարդ կար հավաքված: Ամենաերկար հերթը դրամական փոխանցումների համար կանգնածներին էր: Իր դիմաց կանգնած աղջիկը՝ փնջած մազերով, որոնք չէին կարող ավելի կարճ լինել, շորե փոքրիկ մի փաթեթ էր պահել ձեռքին, որ ամենեւին դրամապանակի նման չէր: Հեշտ էր ասել, որ նա նաեւ դայակ է: Երբ առաջ նայեց, զգաց, որ առնվազն երկու հոգի էլ կային, որոնք նույնպես դայակ էին: Հետաքրքիր էր, թե ինչու են բոլոր այս կանայք այստեղ եկել փող փոխանցելու, եւ արդյոք տանը նրանց ամուսիններն է՞լ էին Դե Սինի նման:

Անցյալ տարվա աշնանից Դե Սինը դադարել էր աշխատել: Սկզբում պատճառն այն էր, որ տունը պետք է կառուցվեր, բայց երբ տունը կառուցվեց, նա դեռեւս մտադիր չէր աշխատանք փնտրել: Սյառ Յգոյն ըստ էության միտք չուներ, որ նա Պեկին գա: Նրանց դուստրն աշնանը պետք է տարրական դպրոց գնար, եւ եթե իրենցից մեկը տանն ավելի մոտ լիներ, ապա կկարողանային հոգ տանել երեխայի մասին: Դե Սինն ինքն էլ չէր ուզում Պեկին գալ: Անցյալ տարի նա մի վեց ամսի չափ եկավ, եւ հենց որ շինարարական բրիգադը բաժանվեց, թողեց աշխատանքը: Սյառ Յգոյնը միայն հույս ուներ, որ նա կգնա Սյանյան: Դա ընդամենը մեկ ժամվա ճանապարհ էր, այնպես որ՝ կարող էր ամեն օր տուն վերադառնալ: Գարնանային փառատոնից անմիջապես հետո Դե Սինը մի կես ամիս էլ գնաց Սյանյան: Հետո մի քանի օր շարունակ անձրեւ էր եկել, աշխատանքը հետաձգվեց, եւ նա այլեւս ետ չգնաց: Նա մի քանի ընկեր հավաքեց, որ ամեն օր թղթախաղով զբաղվեն, եւ, իհարկե, զբաղվում էին նաեւ մուլեխաղերով՝ դրամ էին շահում ու տանուկ տալիս, այնպես խաղն իրենց չէր հետաքրքրում: Ամեն անգամ, երբ Սյառ Յգոյնը գանգ էր տալիս տուն, Դե Սինը միշտ ասում էր.

-Վեր կացա եւ տեսա՝ երկինքն իսկապես ամպամած է, դրա համար էլ վախեցա, որ անձրեւ կգա...

-Ի՞նչ է, բոլոր ամպերն եկել հավաքվել են Սիչուանում քո գլխավերեւո՞ւմ,- զայրացած նրա վրա էր հարձակվում Սյառ Յգոյնը:

Սակայն նա միշտ էլ պատճառներ ուներ՝ ասելով, որ եղանակն այս տարի անկանոն է եւ ինչ-որ աղետ է կանխանշում: Ով իմանա, հնարավոր է ուժգին ամպրոպ լինի կամ սողանքներ առաջանան: Սյառ Յգոյնը ծաղրանքով հավելում էր.

-Ի՞նչ, ուրեմն, հիմա էլ կարող ես ասողագիտության նշաններ կարդալ, հա՞:

ՉԺՃՆ ՑՈՒԵԺՃՆ

Եվ այսպես վիճում էին սարսափելի բորբոքված, մինչև որ երկուսն էլ գոռում էին ամուսնալուծվելու մասին: Ապա, մեկ շաբաթվա բաժանումից հետո, երբ Սյառ Ցգոյի գայրոյթն անցնում էր, եւ ևս զանգ էր տալիս տուն, եղանակը Սիչուանում դարձյալ վատ էր լինում, եւ նրանք նորից սկսում էին կռվել: Այս շրջափուլը շարունակվում էր, եւ Սյառ Ցգոյն ամեն ամիս դեռ փող էր ուղարկում տուն, բայց արդեն երկու ամիս էր, ինչ սկսել էր իր աշխատած փողից որոշակի լրացուցիչ գումար պահել իրեն: Այս անգամ դա մեկ ամիս չէր, եւ Դե Սինն արդեն անհանգստացնում էր, որ փող ուղարկի: Սյառ Ցգոյն այնքան հարցուփորձ արեց, մինչև Դե Սինը խոստովանեց, որ գումարն ուղարկել է իր զարմիկին, որպեսզի տուն կառուցի: Սկսեցին նորից վիճաբանել: Սյառ Ցգոյը սաստիկ հանդիմանեց նրան հեռախոսով, բայց դարձյալ եկել էր փոստային բաժանմունք:

Այդ մասին մտածելիս Սյառ Ցգոյը խիստ գայրանում էր: Ինքնուրույն աշխատանքի դուրս գալն իր համար ըստ էության դժվարություն չէր ներկայացնում, ի տարբերություն որոշ մարդկանց, որոնք դեռ կարոտում էին տանը, անկախ նրանից, թե ինչքան ժամանակ էին այստեղ, եւ սրտակեղեք էին լինում իրենց երեխայի մասին մտածելիս: Եւ շատ արագ հարմարվեց դրան՝ զգալով, որ Պեկինում լինելն իր առավելություններն ունի: Նույնիսկ մի հին հեռուստացույց գնեց, այնպես որ՝ կարող էր կորեական դրամաներ դիտել, երբ գիշերը վերադառնում էր իր բնակատեղին, երբեմն էլ գնում էր շուկա՝ ուտելու համար ծուկ եւ մանր ծովախեցգետիններ գնելու: Չէր մոռանում դստերը, բայց շատ չէր կարոտում, քանի որ զանգում էր երբեմն եւ չէր անհանգստանում: Գուցե հենց այդպես էր, որովհետեւ կարողանում էր այստեղ շատ լավ հարմարվել, ինչից էլ ավելի էր կասկածում, թե ինչ օգուտ կա այդպիսի անարժեք տղամարդուց, որն իր կյանքը չի կարողանում անգամ փոքր-ինչ բարելավել:

Այդ օրը Սյառ Ցգոյը դրամապանակը ձեռքին մի քանի դայակների հետ կանգնել էր հերթում՝ դրամական փոխանցում կատարելու համար: Դանդաղ առաջ շարժվելով՝ հանկարծ խոր ցավ ու տխրություն զգաց: Ըստ էր ուզում ազատվել այս հերթից, որը միայն կապանքներ էր խոստանում, եւ ազատություն ձեռք բերել: Ազատություն: Այդ բառի մասին մտածելիս՝ աչքերի առջեւ անմիջապես պատկերվեց թիկունքով դեպի իրեն շրջված Ցյու Լոն՝ կաշվե ճամպուրկը քարշ տալիս: Խորապես հավատում էր, որ այդ ուրվանկարը գնում է դեպի ազատություն:

Հաջորդ օրը Սյառ Ցգոյը եկավ Ցյու Լոյի տուն: Տանը ոչ ոք չկար: Բայց

տարօրինակն այն էր, որ սենյակները չափազանց մաքուր էին, ճիշտ նույն վիճակում, ինչպիսին թողել էր: Ամեն բան իր տեղում, կարծես ոչնչի ծեռք չէին տվել: Թվում էր՝ տան տղամարդն էլ ետ չի եկել: Կատվի կերակրամալը լրիվ դատարկ էր: Սյառ Յգյույը մի քիչ ուտելիք դրեց, կատուն ազահաբար խժռեց այն: Նրան նայելիս թվում էր, թե նախորդ օրն էլ չէին կերակրել: Թեև տունը մաքուր էր, բայց Սյառ Յգյույը չէր կարող իրեն թույլ տալ՝ անգործ մնալ, դրա համար էլ նորից սրբեց հատակն ու գրապահարանը: Գործ անելիս մտածում էր, թե ինչ է այստեղ կատարվում: Երկու հավանական բացատրություն կար: Սեկն այն էր, որ երկուսն էլ գործուղման էին գնացել կամ արձակուրդ էին: Սյուն էլ՝ որ Յյու Լոն իրոք հեռացել էր տնից, եւ այդ մասին իմանալով՝ տղամարդ տանտերը գնացել էր նրան փնտրելու: Շատ արագ բացառեց առաջին տարբերակի հնարավորությունը, քանի որ եթե երկուսն էլ գնացած լինեին, Յյու Լոն պետք է որ այդ մասին ասեր իրեն, երբ հանդիպեցին, կամ էլ տանը մի գրություն թողներ: Բայց երկրորդ տարբերակը նույնպես այնքան էլ խելքի մոտ բան չէր: Որոշ ժամանակ կպահանջվեր, մինչեւ տղամարդը տուն գալուց հետո նկատեր Յյու Լոյի բացակայությունը: Սպասելու ընթացքում ևս ինչ-որ բան պետք է կերած կամ խմած լիներ, մինչդեռ ոչ մի գավաթ անգամ տեղից չէր շարժվել: Հեռանալիս Սյառ Յգյույը նորից դռան վրա փակցրեց գովազդային թերթիկը, որ հանել էր ներս մտնելիս:

Երկրորդ օրը, երբ վերադարձավ, տեսավ, որ գովազդային թերթիկը դեռ դռան վրա է: Տան ներսում դարձյալ նույն մաքրությունն էր, եւ հենց որ կատուն տեսավ նրան, մոտ ցատկեց՝ շուրջը պտտվելով ու վրավելով: Ոչ մեկը տուն չէր վերադարձել: Արագ մաքրեց տունը, ապա նստեց բազմոցին եւ սկսեց թերթել սեղանին դրված նորածեւության ամսագրերը: Կեսօրվա արելը ողողեց սենյակը, ամսագրերը թերթելիս կոպերը ծանրացան, եւ ևս մի քիչ քնեց՝ պառկելով բազմոցին: Երբ արթնացավ, կատուն քսմովեց ոտքերին՝ տաքացնելով դրանք: Հագավ վերարկուն եւ կոշիկները, վերցրեց բանալիներն ու դուրս եկավ: Տնից հեռանալիս հանկարծ ցավի ու ափսոսանքի թեթեւ մի զգացում ունեցավ:

Հինգերորդ օրն ի վերջո այլեւս չկարողացավ իրեն զսպել եւ հեռախոսով զանգ տվեց Յյու Լոյին: Բայց Յյու Լոյի հեռախոսն անջատված էր: Կեսօրից մինչեւ երեկո զանգում էր ու զանգում, բայց հեռախոսն անջատված էր: Ամենից շատ նրան անհանգստացնում էր այն, որ տղամարդը կարող էր ինչ-որ դժբախտ պատահարի ենթարկված լինել, բայց Յյու Լոն հեռացել էր տնից եւ դեռ տեղյակ չէր այդ մասին: Նախքան քնելը՝ անկողնում պառկած

ՉԺՃՆ ՅՈՒՆՇՃՃՆ

հիշեց, թե ինչպես էր տղամարդն առաջին անգամ զանգել զբաղվածության գործակալություն եւ խնդրել, որ ինքն աշխատելու գա: Գուցե զբաղվածության գործակալությունը դեռ պահպանո՞ւմ էր նրա համարը: Որոշեց վաղը գնալ եւ հարցնել նրանց:

Բայց դա այնքան էլ հեշտ չէր: Ինքը վաղուց էր կապերը խզել գործակալության հետ՝ շատ հասարակ մի պատճառով. որոշ մշտական գործատուներ գտնելուց հետո թողել էր զբաղվածության գործակալությունը՝ անմիջականորեն կապվելով եւ նրանց հետ վերահաշվարկելով իր վարձատրության չափը: Այս կերպ նրա գործատուները կարող էին մի քիչ ավելի պակաս վճարել, իսկ ինքն էլ առնվազն կրկնակի չափով ավել գումար կարող էր վաստակել: Տևային շատ աշխատողներ էին այսպես վարվում, թեեւ լինում էին նաեւ ծախողված շատ փորձեր, լինում էին մի քանի ամիս անց նաեւ հյու-հնազանդ վերադարձողներ, որ գործակալությանը խեղճացած խնդրում էին ետ ընդունել իրենց: Երբ Սյառ Յգյույը տեսել էր, որ այդպես են անում, քաջություն էր հավաքել: Ոչ մի վերադարձ չէր լինելու, եթե հեռանար:

Կարող էր միայն խնդրանքով դիմել Քույր Սյային: Երբ ինքը հեռանում էր կազմակերպությունից, Քույր Սյային խնդրեց գնալ իր հետ, բայց Քույր Սյայի վիճակն էլ հուսալի չէր, եւ նա վախենում էր գործակալության հետ կապերը խզել: Բայց ամեն մեկն ինքն է որոշում: Սյառ Յգյույը չէր ուզում որեւէ բան պարտադրել: Նրանք գիշերը պարբերաբար հանդիպում էին եւ զրուցում:

Սյառ Յգյույը չէր պատմել Քույր Սյային ճշմարտությունը: Միայն ասաց, որ տանտերն ու տանտիրուհին վիճել են, եւ տղամարդը մի քանի օր տուն չի եկել: Տանտիրուհին տանն է, զայրույթից հիվանդացել է եւ ոչ ուտում է, ոչ խմում: Քույր Սյան ծաղրեց նրան.

-Իրոք որ շատ բաների մասին ես հոգ տանում: Հո չե՞ս ձգտում դառնալ նրանց գլխավոր տնտեսուհին, հը՞:

Բայց հետո ասաց, որ, ցավոք, չի կարող օգնել. ուղղակի հարցնելն անկասկած հնարավոր չէր, իսկ փակ դարակում պահված հեռախոսագիրքը չէր կարող թաքուն նայել: Սյառ Յգյույը թախանձագին խնդրեց, մինչեւ որ ի վերջո նա կարողացավ համաձայնել, բայց ամեն ինչ հանգամանքներից էր կախված:

Սակայն հաջորդ օրը շտապ առաքում ստանալով՝ Սյառ Յգյույն իսպառ հրաժարվեց տղամարդ տանտիրոջը զանգելու մտքից: Դատարկ տանն էր, կատվի մորթին էր սանրում, երբ փոստային շտապ առաքման աշխատողը

դուռը թակեց: Նա պարզապես մոտակայքում էր եղել և եկել էր բախտը փորձելու:

-Մի քանի օր զանգել եմ: Հեռախոսները միշտ անջատված են եղել,- բացատրեց շտապ առաքման աշխատակիցը:

Սյառ Յգույը ծրարը ստացավ ` այն ընդունողի անվան դիմաց գրելով Յյու Լոյի անունը:

Առանց անգամ մտածելու` բացեց ծրարը: Շտապ առաքման ընկերությունների այսպիսի մեծ ծրարներ ամենուր կարելի էր տեսնել. անհրաժեշտության դեպքում դժվար չէր լինի վերակնքել այն: Ներսում բարակ թղթի վրա գրված կամակ էր: Նայեց և տեսավ, որ Յգին Յույից է:

Երբ կամակն աչքի անցկացրեց, դանդաղ քայլեց դեպի բազմոցն ու նստեց: Ապա մեկ անգամ էլ կարդաց:

«Լո Լո,

Այն օրը, երբ ստացա պաշտոնիս բարձրացման մասին լուրը, ամբողջ իմ էությունը այնպես զգացի, ասես դատարկվել էի: Եստեցի գրասենյակում և ոչինչ չէի ուզում անել: Չէի ուզում կանգնել և անհարկ զբոսնել: Ինձ զգում էի ինչպես հողը, որ անընդհատ ավելի ու ավելի արագ է պտտվել, այնքան արագ, բայց հանկարծ մեկ էլ կանգ է առել:

Նույնիսկ չէի կարողանում կանգնել:

Գիտեմ, որ պետք է գոհ լինեմ մեր կյանքից: Այն իսկապես կայուն, հարմարավետ կյանք է եւ, բացի այդ, երաշխիքներ կան, որ էլ ավելի է բարելավվելու: Բայց ես չեմ կարող պատկերացնել, թե ինչ է իրականում այդ «ավելի լավ կյանքը»: Ամեն անգամ երբ մտածում եմ այդ մասին, անմիջապես զգում եմ, որ այդ «ավելի լավ կյանքն» անիմաստ է:

Երբ առաջին անգամ հանդիպեցիք, դեռ անմեղ էիք: Դու դեռ գրում էիր: Հիշում եմ ինձ ասացիր որ վեպ ես ուզում գրել: Հիմա երբ մտածում եմ այդ մասին, տեսնում եմ, որ դա շատ վաղուց էր: Գիտես կան, որ միշտ ասել եմ կարելու չէ՝ աշխատում ես թե ոչ: Արա ինչ ուզում ես, քանի դեռ երջանիկ ես: Բայց եթե որեւէ բուռն ցանկություն ունենայի, դա կլիներ այն, որ դու ինձ ոգեւորություն ներարկեիր, պարզապես մի քիչ իդեալիստական բան: Ես այնքան եմ վախենում, որ գործընկերներիս նման անհամ ու անբովանդակ կդառնամ, բողբոջիկ անճաշակ: Ինձ սխալ չհասկանաս: Քեզ դատապարտելու համար չեմ ասում սա:

Երբեմն, երբ առավոտյան արթնանում եմ, մտածում եմ կյանքիս մնացած մեծ կեսի մասին, ուր ոչ մի ակնկալիք չկա, և ինձ շվարած եմ զգում:

ՉԺՃՆ ՅՈՒԵՇՃՆ

Գիտեմ, որ այս կերպ հեռանալը կնշանակի շատ բան կորցնել: Բայց պարզապես ոչ մի կերպ չեմ կարող ինքս ինձ համոզել այստեղ մնալ ու շարունակել ապրել մի կյանքով, որից ոչ մի ակնկալիք չկա: Ինչ վերաբերում է ուր գնալուն եւ ինչ անելուն, իրականում ոչ մի ծրագիր չունեմ:

Հիշում եմ երբ այս տարի Ամստրդիս ծնողներդ մեզ հետ քննարկում էին մեր ամուսնության հարցը, հույս հայտնում, որ կամուսնանանք: Եթե մտածենք այդ մասին, ապա վեց տարի է՝ միասին ենք: Բայց հիմա չենք կարող իրականացնել նրանց երազանքը, եւ ես այնքան զոջում ու ցավ եմ զգում: Բայց իմ հեռանալու պատճառն իրականում ամուսնությունից խուսափելը չէ: Այն, ինչից խուսափում եմ, գուցե ավելին է, քան ամուսնությունը:

Հիմա, երբ գրում եմ այս նամակը, գրասենյակում եմ, ու երեւի այստեղի մթնոլորտից է, բայց դրանից գրածս շատ լուրջ է դառնում, եւ ես չեմ կարող հուզական թեմաները խորությամբ քննարկել քեզ հետ: Դրանք կարելի է թողնել հետագայում, ավելի ուշ քննարկելու, եւ թերեւս այն ժամանակ մի քիչ ավելի պարզ կլինի:

Տունը եւ մեքենան կարող են քեզ մնալ: Մի օր, երբ վերադառնամ, կօգնեմ քեզ փաստաթղթերի հարցում:

Յգին Յույ»:

Սյառ Յգյույը, խիստ ապշած, ցած դրեց նամակը: Այդ երկուսն էլ, փաստորեն, տնից հեռացել են միեւնույն օրը, եւ նույնիսկ ամուսնացած էլ չեն եղել այս ամբողջ ժամանակ, թեւեւ ներկայացել են որպէս տարիներ առաջ ամուսնացած զույգ: Սյառ Յգյույն ինքը մեկ տարով ավելի երիտասարդ էր Յյու Լոյից, բայց իր դուստրն արդեն վեց տարեկան էր: Քաղաքում կանայք երկար են աղջկական կյանքով ապրում:

Այդ երեկո Սյառ Յգյույի բնակության վայրում էլեկտրականությունն անջատվեց: Նա նստել էր մթության մեջ եւ մտածում էր շատ բաների մասին: Մտածում էր, որ մարդիկ քաղաքում ապրում են այդպէս հաշվենկատ ու չմահավան. հենց զգում են, որ ինչ-որ խնդիր կա, անհրաժեշտ են համարում անմիջապէս ամեն ինչ փոխել: Իր նման գավառից եկածի համար պարտադիր չէր կյանքը փոխելու քաջություն ունենալը, ասես իր ապրած օրերն անցել էին մշուշի մեջ, եւ երբ կյանքում խնդիր էր ունեցել, չէր կարողացել տեսնել այն: Բայց այս կերպ ապրելն էլ պետք չէր. ինքն իրոք կարող էր նկատել, թե ինչ խնդիրներ կան: Եվ այդ խնդիրը Դե Մինն էր: Ըստ

էութեան նա էր բոլոր հոգսերի աղբյուրը: Ուրեմն ինքը փաստորեն միշտ իմացել է, թե որտեղից է այդ խնդիրը: Եվ չէր վախենում կրել այն հետեւանքները, որ կառաջանային, եթե փոխեր իր կյանքը: Պարզապէս երբեք մտքին չի դրել այդ խնդիրը լուծել:

Սյառ Յգոյը մտորում էր ամուսնալուծութեան վերաբերյալ: Եթե դա աներ, ապա հաստատ չէր վերադառնա Սիչուան: Եվ կիրաւորվէր իրենց երեխայից: Նա մտածում էր Պեկինում մնալու մասին, ինչպէս հիմա, որն ամենեւին չէր վախեցնում իրեն: Ինչ վերաբերում է տղամարդկանց, ապա կարծում էր, որ ի վերջո մեկին կճարի: Եթե այդպէս չլինի, դրան էլ կհամաձայնի: Յյու Լոն մի անգամ ասաց իրեն, որ կենդանակերպով Կոյս է: Սյառ Յգոյը կարծում էր, որ Կոյսերի մասին բոլոր նկարագրություններն իրեն համապատասխանում են: Նա իր սեփական սկզբունքներն ու չափանիշներն ուներ, որոնցից չէր ցանկանում հրաժարվել, եւ համարվում էր այնպիսի անձնավորություն, որը չափավոր կյանքն ու խնայողությունը գերադասում է ճոխ շվայտությունից:

Այդ մասին մտածելիս Սյառ Յգոյն իրեն փոքր-ինչ ճնշված զգաց եւ որոշեց դուրս գալ գբոսանքի: Երբ փողոց ելավ, երեւացին ճանապարհի երկու կողմերում կարմիր, առկայծող վառ լուսանշաններով փոքր ռեստորանները: Մարդիկ հավաքվել էին կլոր սեղանների շուրջ, ախորժահամ կերակուր էին ուտում եւ խմում փրփրուն գարեջուր: Ծիծաղով եւ խոսքուզրոյցով լի զվարթ մթնոլորտ էր տիրում: Քայլելիս նայեց նրանց կողմը եւ զգաց, որ ջերմութեամբ ու եռանդով է լցվում: Հանեց բջջային հեռախոսը, որպէսզի Դե Սինին հաղորդագրություն ուղարկի:

«Նշել էի բաժանման մասին: Բայց զայրույթի ազդեցության տակ չէի: Իրոք մտածում եմ՝ այսպէս ապրելը նշանակություն չունի», - գրեց նա: Երբ ավարտեց, մեկ անգամ էլ կարդաց եւ «նշանակություն» բառի փոխարեն գրեց «իմաստ»:

Տեքստն ուղարկելուց հետո իրեն ավելի անկեղծ զգաց: Գլուխը բարձրացրեց եւ հասկացավ, որ անգիտակցաբար շարժվում է դեպի Յյու Լոյի բնակարանի կողմը: Մի պահ տատանվեց նախքան վեր բարձրանալը կարճ ժամանակով: Կարող էր այդտեղ տաք ցնցուղ ընդունել:

Սյառ Յգոյը բանալիով բացեց դուռը: Լսելով տան ներսից եկող խուլ մի ձայն՝ մի փոքր նյարդայնացավ՝ անհանգստանալով, որ զույգը տուն է վերադարձել: Բայց նաեւ հետաքրքիր էր, դրա համար էլ որոշեց առաջ գնալ: Հենց որ ներս մտավ, միանգամից շուրջը մթնեց: Չէր երեւում, թե տանը մարդ կա: Երբ լույսը վառեց, միակ բանը, որ կարող էր տեսնել, կո-

ՉԺՃՆ ՅՈՒՆԵՎՃՆ

շիկի պահարանից ետ ցատկել փորձող կատուն էր: Նա միշտ սիրում էր խաղալ կոշիկի քուղերով: Այս ու այնտեղ միշտ իրար խճճված քուղեր էին: Ինչպես կենդանի արարածի՝ կատուն հաճախ զգազում էր ու դեսուդեն նետում դրանք: Բայց այս անգամ այնպես էր արել, որ չորս թաթերով խճճվել էր քուղի մեջ, իսկ կոշիկը լավել էր պահարանի տակ եւ տեղից չէր շարժվում: Եվ որքան էլ կատուն ջանում էր իրեն թափ տալով ազատվել, չէր կարողանում կապված մնալով պահարանի տակ լաված կոշիկին:

Սյառ Յգոյը կապը քանդեց: Կատուն արդեն ուժասպառ էր եղել: Նա իրեն զգեց դեպի ջրամանը եւ ազահաբար սկսեց լակել: Սյառ Յգոյը երբեք կատու չէր սիրել, բայց հիմա մի փոքր կարեկցանք զգաց: Եթե այս երեկո այստեղ չգար, հավանաբար չէր գա մինչեւ վաղը կեսօր, եւ կատուն հավանաբար ամբողջ այդ ժամանակ այստեղ կչարչարվեր ու արդեն անհույս վիճակում կլիներ:

Կատվի դեպքը Սյառ Յգոյի համար պատրվակ եղավ. դրանից հետո ամեն երեկո այստեղ կգա: Լոզանք կընդունի, հեռուստացույց կդիտի: Երբեմն նաեւ տեսակավառակներ կդիտի. Յյու Լոյի տանը մի քանի տուփ տեսակավառակ կա: Պարզապես ցնցող ընդունելը բավարար էր, որպեսզի իրեն շատ ավելի վստահ զգա կյանքում: Ջրի հոսքն այնքան հոժ էր եւ ուժեղ, անվերջ կարելի էր օգտվել տաք ջրից, եւ ինքը կարող էր նույնիսկ նստել լոզարանում ցավոտ ոտքերն ու ոտնաթաթերը ջրի մեջ պահելով: Յյու Լոն նաեւ շատ գրքեր ուներ: Սյառ Յգոյը միշտ էլ սիրում էր կարդալ: Առաջ, երբ Յյու Լոն այստեղ էր, հաճախ իրեն հին ամսագրեր էր տալիս: Սակայն Յյու Լոյի տան գրքերը բոլորն էլ չափազանց բարդ էին: Շատ գրքեր կային, որ ինքը չէր կարող հասկանալ: Այն գրքերը, որոնք Յյու Լոն ընթերցել էր նախքան հեռանալը, դեռ գրասեղանին էին եւ դարակին չէին դրված: Դրանց մեջ շատ էին Վոլֆ անունով արտասահմանցի կին գրողի գրածները: Սյառ Յգոյը վերցրեց դրանք՝ մեկ առ մեկ թերթելով, բայց չէր կարող հասկանալ, թե ինչ է գրել: Ինչ էլ որ գրել էր, բառերի երկար շարք էր, որ մարդու տարակուսանքի մեջ էր զցում, եւ այդպես էլ պարզ չէր, թե ինչ է տեղի ունեցել: Դրանց մեջ, սակայն, կար մեկը, «Սեփական սենյակը» վերնագրով, որ ասում էր, թե կանայք պետք է սեփական սենյակ ունենան: Կարդալով դա՝ Սյառ Յգոյն իրեն ցնցված զգաց: Այն Սյառ Յգոյը, որն այժմ, այս պահին այս տունն ուներ, զգաց, որ կյանքը հիմա բոլորովին այլ էր:

Բայց նա հազվադեպ էր մնում այնտեղ, բացառությամբ՝ երբ երկու անգամ վախենում էր սարսափի ֆիլմեր դիտելուց հետո գիշերը տուն գնալ: Անկողինների հարցում մի քիչ բժախնդիր էր ու չէր ցանկանում, որ ուրիշ-

ները քննել իր անկողնում, եւ կարծում էր, որ Յյու Լոն էլ հավանաբար պետք է Լույն զգացողությունն ունենա: Ինչ վերաբերում է Դե Մինին, ապա մեկ օր առաջ ևս այսպես էր պատասխանել. «Արա ինչպես կուզես»: Սյառ Յզոյը մտածեց, որ իրոք գործելու է իր սեփական մոդումներով: Նախատեսում էր ժամանակ գտնել, որպեսզի տուն գնա եւ ինչպես հարկն է Դե Մինի հետ խոսի բաժանվելու մասին:

Այնուհետեւ, կես ամիս անց, մի շատ լուրջ խնդրի առջեւ կանգնեց: Ո՛չ Յյու Լոն, ո՛չ տղամարդ տանտերն այլեւս այդտեղ չէին: Ոչ ոք չկար, որպեսզի վճարեր իր աշխատավարձը,- իսկ ամսական 600 յուանը նրա ամբողջ աշխատած գումարի մեծ մասն էր կազմում: Բացի Յյու Լոյի ընտանիքից, մի քանի այլ ընտանիքներ, որ պարբերաբար պատվերներ էին տալիս իրեն, միայն շաբաթը մեկ էին իր կարիքը զգում: Կային նաեւ ոչ մշտական աշխատանքներ, որոնք կատարում էր, եթե կանչում էին: Եթե չէին գանգում ու կանչում, ապա պարապ էր մնում: Հիմա, առանց 600 յուանի, ժամանակի կեսից ավելին պարապ էր: Այն ամենն, ինչ կարող էր անել, պնդերեսի պես իր որոշ պատվիրատուներին խնդրելն էր, որ գանգ տան ու տեսնեն, թե արդյոք իրենց ընկերներից մեկնումեկն աշխատողի կարիք չի՞ զգում: Աշխատանք փնտրելու համար պահանջվում է համբերություն: Ստիպված էր պատրաստ լինել: Առաջիկա ամիսներին մի քանի գործ էր լինելու: Ծայրաստիճան հակասական վիճակների մեջ էր, երբեմն ցանկություն էր ունենում, որ Յյու Լոն եւ Յզին Յոյը շուտ ետ գային եւ վճարեին իրեն: Բայց եթե ետ գային, այլեւս չէր կարող օգտագործել բնակարանը: Այս բնակարանն իր համար նշանակում էր ազատություն, բայց իր վիճակն այնպիսին էր, որ փող ունենալով կկորցներ այդ ազատությունը: Եվ ազատության դիմաց փող ընտրելու իրավունքն իր ձեռքերում չէր: Սյառ Յզոյը դա կարող էր թողնել միայն ճակատագրին:

Այնուամենայնիվ, երկինքն ու ճակատագիրը ավելի բարձր ծրագրեր էին նախատեսել: Այդ շատախոս ճղճղան Դե Մինն իսկապես ճիշտ էր գուշակել: Թեեւ երկրի ոչ բոլոր ամպերն էին քշվել դեպի Սիչուանը ծածկող երկինք, երկրակեղեւի տակ եղած ամբողջ էներգիան դուրս էր ժայթքել Սիչուանում: Երկրաշարժի օրը Սյառ Յզոյն աշխատում էր պատվիրատուներից մեկի մոտ, եւ Քոյր Սյան էր, որ գանգեց ու տեղյակ պահեց իրեն: Ինքը փորձում էր գանգ տալ Դե Մինին եւ իր մոր տուն, բայց չէր կարողանում կապ հաստատել: Միայն երեկոյան լուրերը դիտելուց հետո Սյառ Յզոյը գիտակցեց իրավիճակի լքությունը: Նա կարող էր միայն ինքն իրեն հանգստացնել, որ որոշակի հեռավորություն կա լուրերով ներկայացված

ՉԺՁՆ ՑՈՒԵԺՁՆ

աղետի գոտու շրջանների եւ իրենց բնակավայրի միջեւ:

Նստած էր բազմոցին, Յյու Լոյի տանը, հեռուստացույցի առջեւ, հեռախոսը ձեռքում սեղմած, շարունակաբար սեղմում էր զանգի կոճակը: Քույր Սյան Լորից զանգ տվեց՝ հարցնելով իրավիճակի մասին, ապա հուզախոռով հառաչեց եւ ասաց.

-Այսպիսի ահավոր բան է պատահել, բայց դու լավ էլ հանգիստ ես դա տանում, հը՞:

-Իսկ ուրիշ ի՞նչ անեմ,- պատասխանեց Սյառ Յգյույը:

Նա արդեն տեսել էր տարերային աղետի դաժանությունը: Մայրը մահացել էր 98 թվականի ջրհեղեղի ժամանակ՝ սյանը բախվելով ու ամբողջովին ճզմվելով: Դեռ հիշում էր, որ այդ ժամանակ հիվանդանոցի միջանցքում էր՝ կրտսեր եղբորը սեղմված, երկուսն էլ գոռալով լաց էին լինում: Նրա այսպես կոչված քաջությունը ծնվել էր այդ արցունքների ամռանը: Սյառ Յգյույն ամբողջ ժամանակ նստած էր հեռուստացույցի մոտ եւ սպասում էր վերջին լուրերին Սիչուանից: Շատ էր քաղցած եւ Յյու Լոյի սառնարանից կնճռոտված մի խնձոր գտավ: Չիմանալով էլ, թե որտեղից իրեն այդքան քաջություն, մի շիշ կարմիր գինի բացեց եւ խմեց: Քիչ անց հեռախոսը միացավ: Սյուա կողմում Դե Սինն էր բղավելով խոսում: Նույնիսկ մտածեց, թե ոգելից խմիչքի ազդեցության տակ է: Մի քանի րոպե սարսափած էր, վախենում էր պատասխանել: Դե Սինը եւ իրենց դուստրը լավ էին, երկուսն էլ տանն էին դեռ, բայց Լոր կառուցված տունն ամբողջովին ավերվել էր: Նրանք ժամանակավորապես պետք է տեղափոխվեին երկրաշարժից տուժածների ապաստարան:

Հաջորդ շաբաթվա ընթացքում լուրերն անընդհատ հաղորդում էին արտակարգ փրկարարական գործողությունների եւ օգնությունների ցուցաբերման մասին: Բացի աշխատանքային ժամերից՝ Սյառ Յգյույը մշտապես հեռուստացույցի առջեւ էր: Իրենց գյուղին մոտ գտնվող գյուղը Լույնպես շատ զոհեր էր ունեցել: Դե Սինը հաճախ զանգում էր եւ իրեն ասում, որ ամեն ինչ լավ է, եւ անընդհատ հայտնում էր Լոր մահացած այս կամ այն ազգականի մասին:

Երբեմն Սյառ Յգյույը ցած էր դնում հեռախոսը, անջատում հեռուստացույցը եւ մի տեսակ հափշտակվածի նման նայում ուղիղ իր դիմաց: Կատուն պառկել էր թիկնաթոռին՝ կատարյալ անտարբեր, քամին մեղմորեն խաղում էր թափանցիկ վարագույրների հետ՝ ծածանելով դրանք, լուսամուտագոգի զարդենիայի ծաղիկներն արդեն լրիվ բացվել էին, իսկ պատի ժամացույցի վրա վայրկենացույց սլաք կամ թվեր չկային, եւ միշտ կարելի

Էր կարծել, թե ժամացույցը կանգ է առել: Չէր կարող ասել՝ ամեն ինչ չափազանց հանգիստ էր, թե՞ չափազանց սառն ու քարացած:

Քույր Սյան հարցրեց, թե ինքն ինչու է դեռ այստեղ եւ չի վերադարձել Սիչուան: Սյաո Յգյույն ասաց, որ իրենց տունը փլուզվել է, իսկ տորը կառուցելու համար փող է պետք: Եթե ետ գնա, ինչպե՞ս կարող է փող աշխատել: Քույր Սյան կարծում էր, որ ճիշտ է: Սակայն Սյաո Յգյույն ինքն էլ շվարած էր: Վերջերս, Պեկինում նա շատ գումար չէր վաստակել: Եթե Քույր Սյայի հարցը չլիներ, ինքը փաստորեն մոռացած կլիներ, որ Պեկին է եկել փող աշխատելու համար: Եվ հենց հիմա էր փողն անհրաժեշտ: Դե Սինն անգամ փող էր տվել իր ավագ զարմիկին՝ տուն կառուցելու համար, եւ հիմա այդ տունն էլ է փլուզվել, այնպես որ՝ այն փողը, որ պարտք էին վերցրել, հավանաբար երբեք չէին կարող ետ վճարել: Սյաո Յգյույն զայրացավ՝ մտածելով այս մասին:

Մի քանի օր էլ անցավ: Դե Սինի ավագ քույրը, որ Սյանյանում էր ապրում, ծնողներին տարավ իր մոտ: Այսպիսով, տանը մնացին միայն Դե Սինը եւ իրենց դուստրը: Դե Սինը փոքր-ինչ անպատրաստ էր, դրա համար էլ զանգեց Սյաո Յգյույին՝ նրա կարծիքը հարցնելու:

-Մի՞թե չեք կարող դուք էլ քրոջդ գտնել Սյանյանում,- սառն առաջարկեց Սյաո Յգյույնը:

-Այնքան շատ մարդ է այնտեղ գնում, ո՞վ նյարդեր ունի: Հիմա Սյանյանում էլ խառնաշփոթ է: Դու ուղղակի չես կարողանում աշխատանք գտնել,- եղավ Դե Սինի պատասխանը:

-Ուրեմն ի՞նչ ես մտադիր անել:

-Ուզում եմ Լան Լանին թողնել նրանց տանը, քանի որ դպրոցում հիմա, մեկ է, դասեր չկան: Եվ ծնողներս կկարողանան նրա մասին հոգ տանել:

-Իսկ դո՞ւ:

-Կարծում եմ՝ ես էլ կարող եմ գալ քեզ գտնել Պեկինում,- ասաց Դե Սինը՝ ոչ այնքան համոզված: - Այստեղ այլեւ ոչինչ չկա,- հավելեց առավել թույլ ձայնով:

Սյաո Յգյույն երկար ժամանակ լուռ էր, հետո պատասխանեց.

-Թող մտածեմ այդ մասին:

Հեռախոսն անջատեց եւ հանկարծ զգաց, որ միայն այսպես կարող էր լինել: Ըստ էության, էլ մտածելու ոչինչ չկար: Բայցեւայնպես, կարծես ուրախության մի շող փայլեց, անբացատրելի մի համոզմունք, որ Դե Սինը փոխվել է դեպի լավը, թեկուզ մի փոքր:

Այն օրը, երբ Դե Սինը գնացք նստեց Պեկին գալու համար, տան տղա-

ՉԺՃՆ ՅՈՒԵՇՃՃՆ

մարդը նամակ էր ուղարկել՝ «Հանձնել Յյու Լոյիս»: Երբ Սյաո Յզյույը տեսավ ծանոթ անունը, ներքուստ փոքր-ինչ մտահոգվեց:

«Լո Լո,

Այս նամակը գրում եմ Սյանյանում: Տևից հեռանալուց հետո թափառեցի այս ու այնտեղ, բայց այդպես էլ մնալու տեղ չկարողացա գտնել: Սկզբում պատրաստվում էի գնալ եւ հյուսիսարեւմտյան գյուղերից մեկում ուսուցիչ աշխատել: Հետո, երբ երկրաշարժի մասին լուրն իմացա, մտածեցի, որ կարող եմ գնալ Սիչուան: Սի քանի օր առաջ գնացի մարդկանց օգնություն ցուցաբերելու մի քաղաքում, որը սոսկալի տուժել էր աղետից: Ամենատարածված բառերը, որ լսում էի ամեն օր, «Կյանքի նշաններ» բառերն էին: Այդ բառերը միշտ հուզում են ինձ, ասես կյանքի իմաստն են կրում իրենց մեջ: Ծիծաղելի է, իրոք, խոսել այս մասին, որովհետեւ փաստորեն, չէի կարող շատ օգնություն ցուցաբերել: Այնուամենայնիվ, այստեղ գտնվելով, ամեն օր վազքի մեջ, միշտ ջանալով օգտակար լինել, ուղղակի այնպես էի զգում, կարծես ամբողջ մարմինս լիցքավորվում էր:

Գյուղի ուսուցիչ դառնալու եւ այստեղ գալով կամավոր աշխատող լինելու մասին գրածս կարդալով կարող ես ծիծաղել ինձ վրա: Մենք այն տաքարյուն մարդկանցից չենք, ոչ էլ կարեկցանքով լի սիրտ ունենք: Սկզբում ինքս էլ դա չէի հասկանում: Հետո հիշեցի կարդացածս գրքերից մեկը: Այն նկարագրում է որոշ մոլեռանդ նվիրյալների հոգեկան վիճակը: Նրանք անձնվիրաբար տրվում են գթասրտությանն ու հասարակական բարեգործական ծառայություններին, որովհետեւ կատարելապես պարտվածներ եւ անդառնալի ձախողակներ են իրենց կյանքում: Այդ մարդիկ դա անում են, որպեսզի խուսափեն պարտության մշտական զգացումից: Ուրիշներին օգնություն ցուցաբերելը գոհ եւ բավարարված լինելու զգացում է պարգետում նրանց, եւ դա միակ աշխատանքն է, որ քննադատություն ու անհավանություն չի հարուցում: Սրտի բարությունը դառնում է նրանց վերջին ապաստանը: Այստեղ կամավորները նման են մորեխների, եւ ես չգիտեմ՝ արդյո՞ք նրանք էլ ինձ նման այստեղ են եկել իրենք իրենք օգնելու համար:

Քիչ հետո մեկ այլ շրջան պետք է մեկնեմ, դրա համար էլ չեմ կարող երկար գրել: Հա՛, հենց նոր հիշեցի, որ մեր տանն աշխատող Սյաո Յզյույը Սիչուանից է: Կստահ չեմ, թե իր ընտանիքը չի տուժել: Խնդրում եմ փոխանցել նրան իմ բարեմաղթանքները:

Յզին Յույ»:

Վերջին տողերը կարդալիս Սյաո Յզյույի արցունքներն սկսեցին հոսել,

թեև դեռ չէր հասկացել, թե ինչու է Յզին Յույը գնացել Սիչուան: Նա միացրեց հեռուստացույցը եւ հետեւում էր աղետի գոտու վերականգնման պատկերներին՝ հույս ունենալով գտնել Յզին Յույին մարդկանց ծովի մեջ:

Նայեց ամբողջ մի հավերժություն, բայց Յզին Յույին չտեսավ: Սակայն, անսպասելիորեն, կամավորներից բաղկացած բժշկական փրկարարական թիմի կազմում հանկարծ տեսավ մեկին, որ շատ նման էր Յու Լոյին: Սյաո Յզյույը մտածեց, որ ինքը պետք է պատկերացրած լիներ դա, քանի որ մոռացել էր, թե Յզին Յույն ինչպիսի տեսք ուներ, եւ հետեւաբար իր փնտրած մարդը Յու Լոյի տեսքն ստացավ: Բայց երբ կիսն անհետացավ Էկրանից, ինքը հստակ թիկունքի կողմից տեսավ նրան, տեսավ ճամպուրկը քարշ տալով հեռանալու այն նույն պատկերը: Դրանից հետո Սյաո Յզյույը հաճախ էր մտածում տարօրինակ տեսարանի մասին, որ այդ օրը տեսել էր հեռուստացույցով: Ավելի ու ավելի էր համոզվում, որ դա Յու Լոն էր: Ինքն իրեն ասում էր՝ եթե նրանք կարող էին տևից հեռանալ միեւնույն օրը, ուրեմն ինչո՞ւ հնարավոր չէր, որ երկուսն էլ գնային եւ կամավոր դառնային Սիչուանում:

Այդ ընթացքում, շատ հորդորելուց հետո, Դե Մինն իրենց առավել արժեքավոր ունեցվածքը դրեց հյուսածո պլաստիկ մի պայուսակի մեջ եւ շտապեց դեպի երկաթուղային կայարան: Հեռուստացույցը երբեք չէր ցուցադրել իրենց գյուղի պատկերը, բայց Սյաո Յզյույը կարծես կարողանում էր տեսնել այն. Դե Մինը դուրս է ելնում աղյուսե պատի եւ տանիքի կղմինդրի ավերակների միջով, ապա գլուխը շրջում եւ դժկամությամբ ետ նայում:

Դե Մինի՝ Պեկին ժամանելուց մի քանի օր առաջ Սյաո Յզյույը տատանվում էր, թե արդյոք նրան պատմի՞ դատարկ տան մասին: Բայց այն ժամանակ, երբ Դե Մինը պիտի գար, նա ինքնաբերաբար ննջարանում փոխեց անկողինների սավանները: Նոր լվացված սավաններից լվացքի փոշու թույլ կիտրոնաբույր էր գալիս: Սյաո Յզյույը բացեց տուփը եւ լվացքի փոշին սփռեց բնակարանով մեկ, ասես բարեպաշտորեն դիմագրավում էր նոր կյանքին: Այդ պահին հասկացավ, թե որքան է սպասում Դե Մինի արագ ժամանմանը, թեև այդ սպասումը լի էր ամոթով ու անվճռականությամբ, ասես պատրաստվում էր չափազանց համարձակ մի բան անել: Ուրախությունից իրեն կորցրել էր եւ այն զգացողությունը չուներ, թե օտար սենյակում սպասում է իր սեփական տղամարդուն, այլ կարծես իր սեփական տանը սպասում էր, որ անձանոթ մեկը կսեղմի դռան գանգի կոճակը:

ԴԻ ԱՆ

ՍԵՆ ԳԵՏՈՂ ԶԻ ՍԱՈՂՈՒՄ

Մեր տուրիստական գործակալության հետ աշխատող չինական ռեստորանը, որ զբոսաշրջիկների մեր խմբերի հետ պայմանագրեր է կնքում ընթրիքի համար, կոչվում է «Դրախտ՝ Դրախտից անդին»: Հանրահայտ «Գալերի Լաֆայետ» հանրախանութից ընդամենը մի քանի քայլ հեռավորության վրա՝ միայն «Սիչուան» ռեստորանն ունի որոշ հատուկ ուտեստներ, որ Յունանի ֆիրմային ուտեստներ են: Երկուսից երեք օրվա շրջագայությունների ծրագիրը սովորաբար այսպիսին է՝ Աստվածամոր տաճար, Պանթեոն, Լուվր եւ նավարկություն Սեն գետով, ապա հաջորդում են Էյֆելյան աշտարակը, Ելիսեյան դաշտերը եւ Հաղթական կամարը, իսկ հետո Մոնմարտըրը եւ նրա Սակրե կյոր (Սուրբ սրտի) բազիլիկ եկեղեցին: Հանգամանքներից է կախված՝ կտեսնեն Մուլեն Ռուժը թե ոչ, եւ իհարկե վերջին օրը բոլորին տանում ենք գնումներ կատարելու Փարիզի 9-րդ շրջանում: Երբ խումբը տեսնում է «Գալերի Լաֆայետի» ցուցանակը, միշտ հիացական բացականչություններ են լսվում ամբողջ ավտոբուսով մեկ, եւ այդ ձայնը փոքր ալիքներով բարձրանում ու իջնում է, ասես նկատած լինեն վաղուց կորցրած մի բարեկամի:

Սովորաբար երբ խումբն ամբողջովին բեռնավորված վերադարձել է «Դրախտ՝ Դրախտից անդին» գոհ եւ ուրախ, եւ կարողանում են թեթեւացած շունչ քաշել, քանի որ աշխատանքս գրեթե ավարտված է լինում: Հաջորդ առավոտյան նրանք կուղեւորվեն նախատեսված հաջորդ վայր եւ ո՛ր երկիր էլ ժամանեն հետո, ինձ նման մի ուղեվար կլինի, որը նրանց կուղեկցի ամենուր:

Կառավարիչը լուռ ըմբռնումով նայեց ինձ եւ մատուցողներին պատվիրեց բերել խմբի համար նախատեսված ուտեստները: Մեր խմբի՝ ռեստորան բերած աղմուկ-աղաղակից մատուցողներն ավելի եռանդուն դարձան: Նեղ սեղանների տակ, ճաշարանային աթոռների կողքին, ամենուր, որտեղ կարելի էր ինչ-որ բան տեղադրել, կիտված էին պայուսակներ ու իրեր ինչեղ անուններով՝ «Գուլչի», «Քրիստիան Դիոր», «Պրադա», «Շանել», «LV» եւ այլն: Անկյունում մի քանի այլ հաճախորդներ կային եւ դրանք

կարծես զույգերի երկու խումբ էին, հավանաբար քսանհինգից ոչ ավելի: Նրանք նույնպես եկել էին ուտելու բան պատվիրելու եւ այդքան շատ մարդու հանկարծակի հայտնվելուց կարծես թե սրտնեղած՝ սառն ու արհամարհական հայացքներ էին նետում մեր կողմը: Նրանցից մեկը՝ մի աղջիկ, խոսում էր բարձր ձայնով՝ առանց անհանգստանալու, որ իրեն կարող էին լսել:

-Այս մարդիկ... դրանք այն կոռումպացված տարրերի՞ց են, որ, ինչպես լսում ենք, կան Չինաստանում:

Ծիծաղելով եւ միաժամանակ փորձելով աղջկան լռեցնել՝ նրա երեք ուղեկիցներն ասացին.

-Պետք չէ այդքան բարձր, օրհորդ Հայ Հեթ: Սրանք օտարերկրացիներ չեն: Ձեր ասածը հասկանում են:

Ես տեսա, որ նրանք չինաստանցի ուսանողներ են: Տեսա նաեւ, որ այդ պահին փոքր-ինչ զինված եւ ուրախ են: Թեթեակի ժպտացի աղջկան, որն այդքան աննրբանկատ էր խոսել: Ապա արագ անցա խմբիս հուզող հարցերին, որն այժմ նստած էր: Երկու սեղան պետք է միացվեին: «Գուհի» գնումների պայուսակներն ինչ-որ մեկին պետք կգային: Խմբի միակ երեխան հենց նոր շրջել էր թեյի իր գավաթը: Պարոն, որտեղ է զուգարանը... Երբ այս բոլոր հարցերը լուծվեցին, նստեցի: Դեմքիս անտարբեր արտահայտություն տալով՝ ընտրեցի այդ երիտասարդներին ամենամոտ սեղաններից մեկը: Ինձ դուր էին գալիս երիտասարդները, եւ ես սիրում էի լսել, թե ինչի մասին են նրանք խոսում: Դա իմ սովորությունն էր: Նկատի ունեմ այն, որ երբ տուրիստական մի խումբ եմ բերում չինական ռեստորան, իմ սովորությունն է նայել շուրջս եւ տեսնել, թե արդյո՞ք Չինաստանից ուսանողներ չկան, եւ եթե կան, նրանց մոտիկ նստելու մի միջոց գտնում եմ:

Դա նրանից էր, որ այդ երիտասարդների խոսակցությունն ինձ միշտ ստիպում էր մտածել իմ անցած կյանքի մասին: Առաջ ես ճիշտ նրանց նման էի: Ես նույնպես Չինաստանից Փարիզ եկա՝ որպես ուսանող: Հանգստյան օրերին երեկոյան ընկերներիս հետ գնում էի մի բան ուտելու, զարեջուր խմելու եւ մի լավ գրուցելու: Դա իմ մեծագույն երջանկությունն էր հանդարտ եւ ինքնապարփակ կյանքում: Հիմա, սակայն, ուսանողական այդ կյանքը, որ ձանձրացնում էր, զգվեցնում, անգամ հոգնեցնում էր ինձ, դարձել է մի բան, որ կուզեի վերհիշել, ըստ էության, հիշում էի կարոտով: Դա նրանից էր, մտածում էի ես, որ ծերացել եմ:

Դա ճիշտ էր: Մեկ շաբաթ հետո քսանվեցս կրթնար: Ես ծերացել էի: Չինաստանից հեռացել էի, երբ տասնինը տարեկան էի, սովորել էի մի քա-

Դ.Ի ԱՆ

նի տարի, հետո դարձել տուրիստական ուղեվար: Ասում են, որ Չինաստանից դուրս ապրողները մեկ տարում երեք տարով են ծերանում: Ուրեմն ես, քանի որ յոթ տարի էր անցել, իսկ յոթ անգամ երեք՝ քսանմեկ էր անում... Դե, արդեն ամեն մարդ կարող էր հաշվելով պարզել իմ «իսկական տարիքը»:

Իմ ետեւում նստած երկու զույգերն, ինչպես երեսում էր, դեռ չէին ծերացել: Այդուհանդերձ, դժվար էր ասել, ոչ ոք իրականում չի իմանա երիտասարդի սրտի տարիքը՝ նրա կենսունակությանը կամ նորածեւ արտաքինին նայելով: Լսեցի երկու աղջիկների շաղակրատանքը օձանելիքների մասին. Փարիզն իսկապես սրբազան հող է այդ թեմայի համար: Երկու երիտասարդ տղաները խոսում էին մեքենա պահելու դժվարությունների մասին՝ նավթամթերքի գների բարձրացման պայմաններում: Որպես արտասահմանում սովորող ուսանողներ՝ նրանք պետք է որ բավականին ապահովված լինեին: Դժվար չէր նկատել, որ դեռ վիատված չեն չափից դուրս շատ հոգս ու խնդիրների առկայությունից:

Նրանց զրույցը, բնականաբար, իրենց ծանոթ մարդկանց մասին էր: Հենց որ խաշած ձուկը բերեցին, իմ ետեւում նստած տղաներից մեկն ասաց.

-Լսե՞լ եք. չինացի մի աղջիկ իրեն Սենն է նետել:

Երիտասարդ աղջիկը, որն այնքան կոպիտ ու աննրբանկատ էր խոսել, ասաց.

-Օ՛, այո: Դա այն աղջիկը չէ՞ր, որ մատուցողուհի էր աշխատում 18-րդ շրջանի իռլանդական պանդոկում: Ընկերոջս ընկերներից մեկը գիտեր նրա նախկին ընկերոջը: Լսել եմ, որ երբ նրան ջրից հանել են, ստամոքսը փուչիկի պես ուռած է եղել:

Մյուս աղջիկը, որը, ձայնից դատելով, ավելի հավասարակշռված էր թվում, ասաց.

-Արդյոք նրա նախկին ընկերը «Հեւի մեթըլը» չէ՞: «Հեւի մեթըլը» այժմ այնքան հանրահայտ է Բի-Բի-Սի-ով:

Այլեւս չէի կարող լսել եւ շրջվեցի ու հարցրի նրանց.

-Ներեցեք, այն աղջիկը, որի մասին խոսում էիք, որը ջուրն է նետվել... նրա անունը Սու Մեյյան է:

Չորսն էլ մեկ մարդու պես նայեցին ինձ:

-Ես պարզապես լսեցի, թե ինչ էք խոսում:

Չգիտեի՝ կարիք կա՞ր արդյոք բացատրելու, բայց այնուամենայնիվ շարունակեցի բացատրել.

-Ես գիտեի այդ «Հեղի մեթոդին», որի մասին խոսում եք: Նաև Սու Մեյ-յանին էի ճանաչում, դրա համար էլ ինձ վատ զգացի...

-Ճիշտն ասած, աղջկա անունը չգիտեմ,- անկրթական աղջիկն անմեղ հայացքով ինձ նայեց:

Նրա կողքի ուսանող տղան կասկածոտ հայացքով ոտքից գլուխ չափեց ինձ.

-Սու Մեյյան... Կարծես ինչ-որ տեղ լսել եմ այդ անունը, բայց չգիտեմ, թե...

-Չէ, դա հաստատ Սու Մեյյանն էր,- հավելեց մյուս աղջիկը:- Ես էլ էի ճանաչում նրան, բայց վերջին երկու տարիներին այլևս կապ չունեինք, դրա համար էլ չգիտեմ, թե ինչ է եղել նրա հետ վերջերս:

Երիտասարդ տղա ուսանողը, որ մինչև հիմա լուռ էր, ապշած հայացքով նայեց նրան.

-Դուք ապրում էիք նույն փողոցում... Ուզում ես ասել, որ երկու կամ երեք տարվա մեջ մեկ անգամ էլ չես հանդիպել նրան:

Այլևս չստեցի, թե ինչ էին նրանք խոսում: Ինձ այլևս չէր հետաքրքրում: Հիմա համոզված էի՝ Սեն գետի այն աղջիկը պետք է որ իմ ճանաչած Սու Մեյյանը լիներ: Չգիտեմ ինչու, բայց երբ լսեցի նրանց խոսակցությունը Սենա նետված աղջկա մասին, անմիջապես մտածեցի, որ դա հավանաբար Սու Մեյյանն է:

Այդ երեկո, ավելի ուշ, ես խմբի հետ վերադարձա հյուրանոց ել ասացի, թե առավոտյան ե՛րբ կհանդիպենք կրկին: Հետո ավտոբուսը նրանց Բելգիա էր տանելու, ինչպես ապրանքներն են բարեհաջող տեղ հասցնում: Այս խմբի հետ կապված իմ պարտականությունները հիմնականում ավարտված էին: Հաջորդ խումբը միայն չորեքշաբթի էր ժամանելու Շառլ դը Գոլ օդանավակայան: Ինձ հնգօրյա հանգիստ էր սպասվում: Որոշեցի գնալ խմելու: Եթե նույնիսկ տուն գնայի, օրվա այդ ժամին Լան Ինը տանը չէր լինի:

Լան Ինն իմ ընկերուհին էր: Մենք միասին ապրում էինք յոթ տարի եւ սառը պատերազմի թունդ շրջանում էինք:

Հուլիսը Փարիզում դռես ամառ չէր: Միշտ այնպիսի տպավորություն եմ ունեցել, թե Փարիզը տարվա մեջ վեց ամիս ձմեռ ունի, բայց դժվար էր որբւէ բան ասել մնացած վեց ամսվա մասին: Մի շաբաթ կարող է վաղ գարնան նման լինել, մեկ այլ շաբաթ՝ ուշ աշնան պես, իսկապես աննորմալ մի բան: Երբ առաջին անգամ եկա Փարիզ, այս կլիման ինձ ամենամեծ անախորժությունն էր պատճառում, քանի որ ամբողջ ժամանակ պետք է

Գ.Ի ԱՆ

ունենայի բոլոր չորս եղանակների հագուստները: Այդ օրերին Լան Ինն ու ես մի սենյակ էինք վարձել, որ ընդամենը 15 քառակուսի մետր տարածք էր զբաղեցնում, եւ ստիպված էինք մեր շորերը կախել ամեն մի անկյունում: Մենք հանդիպել էինք Փարիզ եկած մեր առաջին տարում եւ անմիջապես էլ սկսել էինք միասին ապրել: Արտասահմանում սովորող ուսանողների շրջանում սա անսովոր մի բան չէր: Այդ ժամանակ 19 տարեկան էի, ինչպես արդեն ասել եմ կարծեմ: Լան Ինը 18 տարեկան էր: Նրան արտասահման էր ուղարկել ընտանիքը՝ դպրոցում ունեցած ինչ-որ սիրային պատմության պատճառով, որ ավելի խոշոր մի բանի էր վերածվել: Եթե Լան Ինն ու ես հանդիպած լինեինք եւ, ասենք, ինչ-որ առնչություն ունեցած այնտեղ՝ Չինաստանի քաղաքներից մեկում, դա թերեւս հեռուստատեսային անճաշակ դրամայի նման մի բանի կվերածվեր, եւ, ինչպես այդպիսի դրամաներում է լինում, որոշակի վեճեր ու հաշտություններ ունեցած կլինեինք: Բայց փոխարենը՝ ճակատագիրը մեզ երկուսիս նետել էր բեմ, եւ մենք, սխալ կապերով կապված, առանց սցենարի ու դեպքերի մասին գիտելիքների, կարող էինք միայն հանպատրաստից մի ներկայացում խաղալ՝ ըստ մեր ունակությունների: Վերջնական արդյունքն արտառոց լինելու աստիճան անշնորհք մի բան էր, բացառությամբ այն փաստի, որ սա, ըստ էության, մեր պատմությունն էր, մեր կյանքը:

Երբ Լան Ինը Փարիզ էր եկել, իր գործակալությունը նրան հատկացրել էր 18-րդ դարի քարե խարխուլ ու կիսավեր մի հին շենք: Այդտեղ խավար էր, ցուրտ ու խոնավ, իսկ վառարանից աղմուկ էր լսվում, որ կասկածելիորեն հնչում էր մկան ձայնի նման: Դժբախտաբար, նրա սենյակակիցները արտասահմանցի մի քանի ուսանող էին Բանգլադեշից եւ Պակիստանից, որոնք, նրա նման, ֆրանսերեն ընդհանրապես չգիտեին: Պարզ չէ, թե ինչ էր տեղի ունեցել սկզբում, բայց դա ավարտվել էր այն բանով, որ այդ ուսանողները միավորվել էին եւ նրան թույլ չէին տալիս խոհանոցում օգտվել միկրոալիքային վառարանից, իր անունը գրել նախասենյակի փոստարկղի վրա եւ էլի նման բաներ: Մի օր, ինքնագլուխ, առանց ձայն իսկ հանելու, նա կապել էր իր երկու մեծ ճամպուռները եւ մետրոյի մի քանի կայարան փոխելուց հետո կանգնել իր զարմուհու դռան շեմին: Այդ ժամանակ մենք երեքով՝ ես, նրա զարմուհին եւ զարմուհու ընկերը, որ հայտնի էր Հեյի մեթոդ մականունով, վարձով ապրում էինք մի բնակարանում: Ահա այսպես անհավանականորեն՝ մի ուշ գիշեր Լան Ինն ու ես հանդիպեցինք իրար:

Մի օր զարմուհին եւ Հեյի մեթոդն ամբողջ գիշեր տուն չեկան: Այդ ան-

գամ Լան Ինը քնեց իմ սենյակում: Գիշերվա կեսին, հուզմունքից վառվող դեմքերով եւ արագ բաբախող սրտերով, երկուսս էլ, մեզկից յուրաքանչյուրը, ճաշակեցինք մեր առաջին գիշերը: Ժամը երկուսին մոտ արդեն քննարկում էինք, ինչպես երկարամյա մի զույգ, թե ինչպիսի բնակարան կարող էինք գտնել, եթե զարմուհու բնակարանից տեղափոխվեինք, ուր կարող էինք գնալ, ինչքան վարձ կարող էինք մուծել: Զգում էի, որ վերածվել ենք հին հեքիաթների այն մարդկանց, ովքեր առաջին անգամ ճաշակել են ամուսնական երանության գիշերն ու ծաղկազարդ մոմեր են վառել եւ ապա կամաց եկել են հարգելու միմյանց՝ որպես հյուրերի: Հաջորդ օրը վաղ առավոտյան երկուսս էլ քայլեցինք դեպի Սեն գետի ափը: Քաղաքում ամեն ինչ սովորականի պես էր: Ոչ ոք հետաքրքրությամբ չի հայացքով մեզ չէր նայում: Գուցե նրանց համար այդ քաղաքում ձեռք ձեռքի քայլող, երիտասարդության ծաղկուն հասակում գտնվող դեղնամորթ, սեւաչյա ասիացիների զույգը, ըստ էության, հետաքրքրող ոչինչ չունեիր: Բայց ես որոշակիորեն զգացի, որ ինչ-որ բան է մարել իմ տասնիննամյա էության մեջ: Եվ լուռ համաձայնեցի դրան ու սկսեցի ծերանալ:

Յոթ տարի անց Լան Ինն ու ես կարծես թե բաժանվելու հիմնավոր պատճառ չունեինք: Մենք անցել էինք բոլոր փորձությունները, որ աշխարհը դնում է տղամարդու եւ կնոջ առօրյա կյանքում՝ համատեղ կենցաղի օրըստօրե ավելացող տաղտուկը, վառելիքի, բրնձի, յուղի, աղի հարցերի շուրջ առաջացող խոսքակոծիվը, վաղանցիկ անհավատարմությունը, որին հետո հաջորդում են առավոտյան հորդաբուխ արցունքները: Ընդհանուր առմամբ, ամեն բան ճաշակել էինք, բացառությամբ խորն ու սրտաբուխ սիրո, որ կրակի պես կիզիչ է եւ սառույցի պես սառցահարող: Այսօրվա Լան Ինն այլևս այն խեղճ երիտասարդ աղջիկը չէր, որին վախեցնում էին բենգալացիները: Հիմա նա հարդարուն գեղեցիկ վարսեր ուներ, շուրթերին Lancome շոթներկ էր քսում, նրա ամեն մի ժեստն ու շարժումը խոսում էր մի մարդու մասին, որը բավականին փորձառու է: Մաքսից ազատված խանութում, որտեղ նա աշխատում էր, որը պատկանում էր Վենչժուոկից եկած մի զույգի, նոր եկած բոլոր երիտասարդ աղջիկները նրան անվանում էին «Ավագ քույր Լան Ին»: Նա հեռախոսագանգերին պատասխանում էր ջերմ, սիրալիկ, հանդարտ ձայնով եւ պատասխաններ էր գտնում բոլոր խնդիրների համար՝ մշտական բնակության հետ կապված ներգաղթի ընթացակարգերից մինչեւ ցածր տոկոսադրույք ունեցող բանկերն ու աբորտ անելու համար բժիշկ փնտրելը: Ոմանց աչքերում նա արդեն դարձել էր փարիզուհի:

Գ.Ի ԱՆ

Միակ բանը, որ ևս այլևս չէր գործածում, ինձ հետ խոսելու այդ ջերմ տոնն էր: Շատ լավ գիտեի, որ ևս աստիճանաբար սկսել էր արհամարհանքով և այլև ինձ: Ես յոթ տարի Փարիզում էի եւ շատ հաճախ էի փոխել ուսման վայրս՝ երբեք չկարողանալով դասընթացներիցս ետ չմնալ, քանի որ երբեք սովորող չեմ եղել: Ի վերջո, մեծ դժվարությամբ կարողացա բակլավրի աստիճան ձեռք բերել մասնավոր մի հաստատությունում: Դա այնպիսի հաստատություն էր, որի անունը կցանկանայի նշել, քանի որ այդ դեպքում ծիծաղի ու կատակի տեղիք կտայի: Իմ ծերուկը Չինաստանում տուրիստական գործակալություն էր դեկավարում, դրա համար էլ ուսումնա ավարտելուց հետո իմ գործը շոջագայությունների եվրոպական, հատկապես ֆրանսիական վերջնակետի աշխատանքները համակարգելը դարձավ: Վերջին երկու տարիներին, այդ գործի հետ կապված, եղել էի ավելի քան քսան երկրներում: Եվ, հավանաբար, հետագա շատ տարիներ էլ անցկացնելու էի մեկ հանրահայտ վայրից մյուսը ճամփորդելով՝ բոլորովին առանց ակնկալիքի: Մի խոսքով, հավանաբար, ամբողջ իմ կյանքում այնպիսի մեկն էի լինելու, որն ապրուստը հոգալու համար ապավինելու էր իր ծերուկին: Լան Ինն այդպիսին չէր: Նա կարող էր, բացառապես սեփական ընդունակությունների շնորհիվ, հիացմունք պատճառել բոլոր նրանց, ում հանդիպում էր: Գրեթե յուրաքանչյուր ֆրանսիացի տղամարդ առաջին իսկ հանդիպման ժամանակ զովաբանում էր ֆրանսերենը, որ հնչում էր նրա շուրթերից: Շատ շուտով ևս մագիստրոսի կոչում կստանար հայտնի ուսումնական հաստատությունում: Նրա խորհրդատուն, ոչ չինացի մի անձնավորություն, ուզում էր, որ ևս ուսումն ավարտելուց հետո մնա եւ ժամանակավորապես աշխատի լաբորատորիայում՝ իրենց օգնելով, եւ ասել էր, որ եթե ևս նոր աշխատանք սկսի փնտրել, ինքը նրա համար փայլուն բնութագիր կգրի: Նույնիսկ կոսմետիկայի խանութի դեկավարը, որտեղ Լան Ինն աշխատում էր գրպանի առօրյա ծախսերի փողի համար, սիրում էր նրան եւ միշտ նրան էր մատնացույց անում դժվարահաճ հաճախորդների մոտ՝ ասելով. «Նա մեր խանութի կառավարիչն է: Եթե որեւէ ինդիք ունեք, դիմեք իրեն: Դա նույնն է, թե ինձ եք դիմել»:

Այդ ամենից հետո նույնիսկ ես զգում էի, որ Լան Ինն ավելի քան հիմնավոր պատճառներ ունի ինձնից հեռանալու համար: Գիտեի՝ բաժանման մասին դեռ չէր խոսում միայն այն պատճառով, որ նրա սրտում դեռեւս ինչ-որ բան կար, եւ դա թույլ չէր տալիս այդպես անել: Գուցե չգիտեր, որ իմ սրտում էլ ինչ-որ բան կա, որը թույլ չի տալիս բաժանվել: Միշտ հիշում էի, թե ինչպես էր այն տարին, երբ ընդամենը տասնութ տարեկան էր, այն կիսա-

մութ սենյակում, վերմակի մեջ փաթաթված, ինձ հետ հաշվում տան վարձի, էլեկտրականության արժեքը: Տասնութ տարեկանում ևս արդեն տեսել էր աղքատության եւ զրկանքի մեջ ապրող զույգի հարյուրավոր հոգս ու մտահոգություն: Տասնիննում արդեն հասկանում էր, թե ինչպես են ծանծաղուտում թաքտացող ձկները մեկը մյուսին թրջում՝ փրփուր անելով: Եվ արդեն քսան տարեկանում այլեւս չունեի ոչ մի երազանք: Հիմա ևս քսանհինգ տարեկան էր, կենսասեր, ուժեղ, զգայունակ: Եվ անկախ՝ ֆինանսների ու դիրքի առումով: Քանի որ կազմ ու պատրաստ դիմակայեց աշխարհին՝ լինելով փորձառու եւ դիտողունակ: Միայն ես գիտեի, որ ևս երբեք չի վայելել երիտասարդությունը, եւ հենց այդ պատճառով էլ իմ սրտում միշտ քնքուշ զգացմունքներ էի տածում նրա հանդեպ:

Մետրոյում ևստած մտածում էի այս ամենի մասին: Մի քանի անգամ մտածեցի բջջային հեռախոսս հանելու եւ նրան գանգ տալու մասին, բայց հետո մտածեցի, որ իմաստ չունի: Երբ նորից տեղեկացա, թե որտեղ եմ դեպի հյուսիս տանող 2-րդ գծի վրա, որոշեցի դուրս գալ 18-րդ շրջանում եւ մի տեղ խմել: Այդպես ճիշտ էր. կարող էի գնալ իռլանդական բար, որտեղ աշխատել էր վերջերս կյանքից հեռացած Սու Մեյյանը:

Փարիզում մեր ապրելու երրորդ տարին էր, երբ Լան Ինս ու ես ծանոթացանք Սու Մեյյանի հետ: Միևս այդ մեր կյանքում շատ փոփոխություններ էին եղել: Երկուսս էլ բավականին լավ աշխատանք էինք գտել՝ քանի դեռ սովորում էինք, այնպես որ՝ բավականաչափ փող ունեինք ուտելու, խմելու եւ հանգստյան օրերին ընկերների հետ զվարճանալու համար: Փարիզը մի քաղաք էր, որ չափազանց լավ էր համապատասխանում հարբած մշուշի մեջ ապրելուն: Հիշում եմ՝ երբ Լան Ինսի գարմուխին նշանվեց օտարերկրացու հետ, եւ Հեի մեթըը, որ միայնակ էր մնացել, սկսեց հետաքրքրվել սիրո նոր օբյեկտով. դա Սու Մեյյանն էր: Մենք չորսով, էլի ուրիշ մի քանի հոգու հետ, խրախճանողների մի խումբ ստեղծեցինք, եւ հաճախ զվարճանում էինք միևսեւ լուսաբաց: Եթե կեսգիշերին դեռ սթափ էինք լինում, ապա խմբով խենթի պես վազում էինք փողոցն ի վար՝ որպեսզի մետրոյի վերջին գնացքով տուն հասնեինք: Իսկ եթե արդեն սթափ չէինք, ամբողջ գիշեր խմում էինք ու թափառում: Եվ հետո, երբ տեսնում էինք, որ առավոտյան լույսն աստիճանաբար ճերմակ գույնով է ներկում երկինքը, մեծ զարմանքով պարզում էինք, որ Փարիզի լուսաբացը նման է մեր հայրենի քաղաքի լուսաբացին՝ ճնշող, միայնակ, անփայլ ու անշուք: Այդ ժամանակ էր հենց, այդ օրերին, երբ հաճախ ամբողջ գիշեր միևսեւ լուսաբաց խմում էի ու թափառում, որ վերջապես զգացի՝ ժամանակն ինքնին

Գ.Ի ԱՆ

շատ երկար էր, եւ ավելին՝ Փարիզի այդ ժամանակն էր երկար:

Իռլանդական բարը երկար, նեղ մի նրբանցքում էր: 18-րդ շրջանի շատ վայրեր դեռեւս պահպանում էին հին Փարիզի տեսքը: Հյուզոյի վեպերում պատկերված՝ 1848 թվականի հեղափոխության փողոցի կոիվները պետք է որ այսպիսի նեղ նրբանցքներում տեղի ունեցած լինեին: Ճանապարհներից մի քանիսը սալարկված էին իրար ագուցված շատ փոքր կլոր քարերով: Այդ ճանապարհները պետք է որ պատիժ լինեին բարձր կրունկներով կոշիկ հագած կանանց համար, բայց հիշում եմ, որ Մեյյանը միշտ հագնում էր 7 սմ բարձրությամբ կրունկներ ունեցող կոշիկներ եւ քայլելիս ասես ճախրում էր: Ապշեցուցիչ հմտություն: Այդ տարիներին մեզնից մի քանիսը ետ էին մնում եւ հետեւում, թե ինչպէս է նրա նրբագեղ կազմվածքը բոլորիցս առաջ անցնում: Եվ այդ գեղանի տեսքով աղջիկը, առաջ սլանալով, ձուլվում էր հինավուրց ճանապարհներին: Եվ մեկ էլ շրջվում էր ու ասում. «Շտապեք, երեխեք, ես աշխատանքից ուշանում եմ»:

Մեյյանն այնքան էլ գեղեցիկ չէր: Նրան, օրինակ, չէիր համեմատի Լան Ինի հետ: Բայց դեմքին այնպիսի մի բան կար, որ մեկ անգամ տեսելուց հետո, դժվար էր նրան մոռանալ: Պահ էր լինում, այն օրերին, երբ խմում էինք (երբ որ խմելու բան էր լինում), հաճախ փորձում էի հասկանալ, թե այդ ինչից էր, որ նա մարդկանց վրա այդպիսի տեսական տպավորություն էր թողնում: Երբեք համոզիչ եզրահանգման չէի գալիս, միայն կարողանում էի ինքս ինձնից դժգոհ դա բնորոշել որպէս «ոճ»: Հիմա ես թափառում էի այն նախկին վայրերում, ուր քայլում էինք, գնալով այն բարը, ուր առաջ էինք այցելում, բայց Մեյյանն ինքն արդեն անհետացել էր, եւ ես նույնիսկ ստիպված էի նրա մահվան մասին իմանալ բոլորովին օտար մարդկանց շուրթերից: Ես չգիտեի՝ երբ նա այդքան հեշտուհանագիստ իրեն հանձնել էր Սեն գետին, այդ ժամանակ հիշե՞լ էր արդյոք մեզ, մտածե՞լ էր արդյոք մեզ զանգ տալու մասին, չնայած այս երկու տարվա ընթացքում այնքան քիչ էինք իրար տեսել, որ կարելի էր ասել, թե մենք նույն մարդիկ էինք բոլորովին տարբեր ճանապարհների վրա: Բայց եթե հիշում եք, թե ինչ էինք մենք կիսում, երբ բոլորս մի մարդու պէս մեզ զգում էինք մետրոյի վերջին գնացքը, եթե հիշում եք դա, ապա անշուշտ պետք է որ հրաժեշտ էլ լիներ:

Համոզված էի, սակայն, որ Մեյյանը մակերեսային հույզերին տրվող անձնավորություն չէր: Ավելի ճիշտ, ես միշտ զգում էի, որ մեր խմբում նա ամենախոր զգացմունքներն ունեցող մարդն էր: Բայց հիմա նա մահացած էր: Եվ հեռացել էր մեզնից առանց մի խոսքի:

Ժամը տասին բարը նոր միայն սկսեց լցվել հաճախորդներով, ծխախոտի ծխի մշուշով եւ մռայլ մթնոլորտով: Բայց այս մռայլությունը ստիպում էր, որ մարդ հարմարավետ զգա, որովհետեւ չէր ուղեկցվում մզլահոտերով: Սեղմվելով ճամփա հարթեցի դեպի բարի առջեւի մասը եւ բարմենին մի փոքրիկ բաժակ շոտլանդական վիսկի պատվիրեցի: Երկմտեցի՝ արդյո՞ք պետք է մի շնչով խմեմ՝ ի պատիվ Սեյյանի, թե՞ պետք է խմեմ դառնադ, քիչ-քիչ ի հիշատակ նրա: Գիտեի, որ երկուսն էլ անխմատ են, բայց այլ ձեւ չունեի՝ արտահայտելու հետեւյալ միտքս. «Սեյյան, թեեւ չգիտեմ ինչու, բայց գիտեմ, որ դու մահացած ես: Ես քեզ կկարոտեմ: Չեմ կարող ասել, թե հաճախ կկարոտեմ քեզ, բայց անպայման կկարոտեմ ժամանակ առ ժամանակ: Չգիտեմ, թե ինչ էին զգում մեր խմբի մյուս անդամները, բայց ինչ վերաբերում է ինձ, ապա ես միշտ մտածել եմ, որ դու սովորական աղջիկ չէիր, թեեւ հիմա այլեւս հնարավորություն չունես աշխարհին ցույց տալու, որ դա այդպես է»:

Մի տարի մենք չորսով կիրակի մի առավոտ բաևտ գնացինք: Չեմ հիշում, թե՛ ինչու: Ավելի ճիշտ, դա թանգարան էր, որ նախկինում բաևտ էր եղել: Մենք չորսով՝ Սեյյանը, Հեւի մեթըրը, Լան Ինս ու ես, գնացինք հենց այնպես, առանց հատուկ նպատակի: Միայն հետո, երբ մտանք այդ բաևտը, իմացանք, որ դա կարելի է աշխարհահռչակ բաևտ համարել, որ այդտեղ են բաևտարկված եղել Մարի Անտուանետը, ինչպես նաեւ Ռոբեսպիերը կամ գուցե Դանտոնը, չեմ հիշում, ամեն դեպքում այս երկու խիստ հանրահայտ մարդկանցից մեկն էր: Անհոգ շրջում էինք՝ զննելով վանդակներից յուրաքանչյուրը եւ դրանցից յուրաքանչյուրում ցուցադրված մոմե կերպարանքները՝ հնարավորությունը բաց չթողնելով ոչ այնքան նրբանկատ կատակներ անելու այն ամենի առիթով, ինչի շուրջ կարող էինք սրամտել: Ոչինչ չարտահայտող դեմքով՝ Հեւի մեթըրը հարցրեց.

-Կարո՞ղ էին Մարի Անտուանետի ստիւնքներն իրականում այդքան մեծ լինել, ինչքան այս մոմե կերպարանքինը:

Հետո պատահաբար հասանք ետնաբակին: Դա մի փոքրիկ ներքնաբակ էր՝ չինական ներքնաբակի նման: Գետինն ամբողջովին մամռապատ էր: Անկյունում քարի մեջ փորված մի ջրավազան էր, որի մեջ հին ու ժանգոտած ծորակից անընդհատ ջուր էր կաթում: Զբոսաշրջիկներից մեկն անփութորեն մոտեցավ, բացեց ծորակը եւ լցրեց հանքային ջրի իր շիշը: Մենք չորսս, թեեւ չգիտեինք՝ ինչու, երբ տեսանք, որ այդ մարդն այդպես մոտեցավ եւ այդպես անփութորեն բացեց ծորակը, լռեցինք: Ապա Լան Ինս անվճռակաևորեն առաջ մեկնեց ձեռքը՝ զգալու ծորակից կաթող ջրի

Գ.Ի ԱՆ

կաթիլները եւ ասես ձեռքն այրելով՝ զարմացած արտաբերեց.

-Ինչ սառն է: Ուղիղ ոսկորներիդ է հասնում:

Եվ այդ պահին հանկարծ պատկերացրի, որ զուցե Մարի Աստուանետն էլ, երբ տանում էին մահապատժի ենթարկելու, այդ զբոսաշրջիկի նման խմել է այս ծորակի ջրից: Մի քանի ժամ անց, քայլելով դեպի գիյոտինը եւ պատահաբար ոտքը դնելով դահճի ոտքին, այդ հպարտ, արտասովոր, էքստրավագանտ կինն ամենաբարեկիրթ ձեռով ասել է նրան. «Հայցում եմ Ձեր ներողամտությունը»:

Միայն երբ պատրաստ էինք հեռանալ, հանկարծ նկատեցինք, որ Մեյյանն անհետացել է: Գնացինք փնտրելու: Երբ ևորից տեսա Մարի Աստուանետի մոմե կերպարանքը, շատ ցանկացա իմ ծանր, չինացու առոզանությամբ ֆրանսերենով հարցնել նրան՝ Ձերդ Մեծությունը նկատե՞լ է մեր ընկերուհուն: Պարզվեց, որ Մեյյանը մնացել էր այն փոքրիկ ներքնաբակում: Երբ տեսանք նրան, մինչեւ գոտկատեղը խոնարհվելով ձգվել էր, ճերմակ ձեռքը մեկնել էր դեպի այն ծորակը, լիովին հանգիստ, բոլորովին չէր շարժվում, ասես արդեն սառել էր մոմե կերպարանքի մեջ:

Այն ջուրը, որ ոսկորները թափանցող սառնություն ուներ Լան Ինի բերանում, այժմ դանդաղ, կաթիլ առ կաթիլ հավաքվում էր նրա զավթածեւ ձեռքի մեջ: Եվ այդ պահին այդ ձեռքն անկասկած սառցե մի քանդակի էր վերածվել:

Լսելով, որ իրեն կանչում են, ևս չըջվեց եւ ժպտաց հրեշտակային ժպիտով: Ինչ-որ շատ հզոր մի բան հայտնվեց նրա աչքերում, ապա անցավ: Բոլորս փոքր-ինչ վախեցած էինք այդ պայծառ ժպիտից, որ ոչ մի պատճառ չուներ: Նա ասաց.

-Ես հենց ևոր տեսա Մարի Աստուանետին: Դա, իրոք, Մարի Աստուանետն էր:

-Դու խենթ ես,- կշտամբեց նրան Լան Ինը, ապա բոլորս սկսեցինք ծիծաղել ու կատակել:

Մեյյանն ամենեւին չառարկեց եւ միայն գլուխը շփոթված տարուբերեց: Բայց ես զգացի, որ թերեւս Լան Ինի ասածը ճշմարիտ էր: Այդ պահին էր, որ հանկարծ, չգիտեմ ինչու, մտքովս անցավ, թե Մեյյանն այնպիսի անձնավորություն չէ, որ երկար կապրի: Ամփջապես ծաղրանքով ինձնից վանեցի այդ խելացևոր ու սևահավատ միտքը: Բայց դա հաստատ այն դեպքն էր, որ պահի ազդեցությամբ, անորոշ մի ձեռով, ես հասկացա, թե ինչն էր պատճառը, որ ստիպում էր այդքան դժվարությամբ մոռանալ նրան: Նա այնքան երիտասարդ էր, բայց դեմքին ու ճակատին այլաշխարհային, իս-

կապես լքված ու մենավոր մի ոգի կար, հատկապես երբ ժպտաց այդ շլացուցիչ ժպիտով:

Երբ վիսկին խմեցի վերջացրի, մեծ գավաթով զարեջուր խնդրեցի: Միայն սառը զարեջուրը կարող էր զգացնել տալ, որ ամառ է: Եվ հենց այդ ժամանակ էլ, երբ ամեն ինչից հոգևած՝ զարեջուրը ձեռքիս դուրս էի ելնում բարից, իմ ետեվից, բազմաժխոր ձայների միջից, հստակ եւ աշխույժ մի ձայն լսեցի չինարեն.

-Չժեն Տաո, իրոք որ դու ես: Վաղուց չեմ տեսել քեզ:

Սու Մեյյանը, ձեռքին զարեջրի գավաթ՝ ճիշտ եւ ճիշտ իմ գավաթի նման, կանգնած էր հենց իմ ետևում եւ ժպտում էր:

Այդ պահին ինձ կատարյալ ապուշի պես զգացի: Ընդամենը մեկ րոպե առաջ հանդիսավոր կերպով փորձում էի ճշտել, թե որը կլիներ իմ առջեւ դրված վիսկին խմելու ամենապատշաճ ձեւը, որպեսզի արտահայտեի հիշատակի հանդեպ իմ հարգանքը, եւ ահա այս գեղեցիկ մեռած մարդը ժպտադեմ կանգնած է իմ դիմաց: Թվում էր, թե երկինքը վերջնականապես ուժեղ ապտակ է հասցրել ինձ: Ինչպե՞ս կարող էի այդքան հիմար լինել, որ հավատայի ռեստորանում ինչ-որ անձանոթների դատարկ բամբասանքին:

Անշնորհք ժպտացի.

-Ա՛, Մեյյան, իսկապես դու ես... Երկար ժամանակ չեմ տեսել քեզ:

-Արդեն երկուսուկես տարի է,- ճշտեց Մեյյանը:- Միշտ մտածում եմ, թե այս շաբաթվա վերջին պետք է գանգեմ Չժեն Տաոյին ու Լան Ինին: Բայց երբ շաբաթն ավարտվում է, ինքս ինձ ասում եմ՝ ավելի լավ է սպասեմ մինչեւ մյուս շաբաթ-կիրակի:

Եւ թեթեւակի ժպտաց՝ դեմքին այն նույն արտահայտությունը, ինչպես նախկինում:

-Հաստատ այդպես է,- գլխով արեցի:- Մենք էլ՝ նույն կերպ:

-Կարծում եմ,- ասաց նա՝ արագ մի կում անելով զարեջրից,- մենք բուրբուս ենք ծույլ դարձել այս անորակ երկրում: Ըարունակ մտածում ենք, որ ժամանակը շատ երկար է, որ պետք չէ շտապել որեւէ բան անելիս, կարծես օրը քառասունուրեք ժամ ունի:

-Ճիշտ է, -դառն ծիծաղեցի ես:- Դու լա՞վ ես:

-Ինչպես միշտ: Անցյալ տարվա վերջին պայմանագիր կնքեցի պատկերասրահի հետ: Եվ ժամանակ առ ժամանակ նրանց համար մի քանի բան եմ նկարում: Այստեղ՝ բարում աշխատանքս թողել եմ երկու ամիս առաջ: Իսկ դո՞ւ:

Գ.Ի ԱՆ

Ուշադիր նայեցի նրան: Թվաց՝ մի փոքր փոխվել է: Նրա ջիւղը եւ ծոպավոր, սեւ վերնազգեստը փայլուն ուլունքահատիկներով էին պատված: Շուրթերն ու մաշկը նույնպէս փայլում էին մարգարտյա պայծառությամբ: Նա երբեք այսպէս ցուցադրական չէր հագնվում, բայց չէի կարող ժխտել, որ նրան շատ էր սագում, եւ դա նրա անծին ամբողջովին համապատասխան նպատակասլաց տեսք էր տալիս: Ժպտացի:

-Ես այլեւս ուսանող չեմ: Տուրիստական գործակալության ուղեվար եմ: Ըստ էության աշխատում եմ հորս համար: Այսպիսին է կյանքը: Հակառակվելու ոչինչ չունեմ: Նույնիսկ այն, որ Լան Ինն ինձ ավելի ու ավելի անտանելի է համարում, դա էլ ինձ շատ չի անհանգստացնում: Ես զգում եմ, որ ապրում եմ մեկ այլ աշխարհում:

-Իսկապէս հետաքրքիր է: Չարմանալի է, թե ինչպէս եք դու եւ Լան Ինը միասին ապրել այդքան տարի, - նա հին ընկերոջ սման սկսեց խոսել՝ ինձ հանգստացնելու համար: - Նայիր Հելի մեթոդին եւ ինձ: Մենք կարծում էինք, թե երբեք չենք բաժանվի, բայց ի վերջո երկու տարի էլ չձգեցինք: Այնպէս որ՝ ձեր՝ յոթ տարի միասին լինելն իրոք անսովոր մի բան է: Լավ կանեիք շտկում մտցնեիք, եթե կարող եք:

-Իսկ քո մասին ինչ կասես,- արագ փոխեցի թեման: - Այս անցած երկու տարվա մեջ ընկեր ունեցե՞լ ես:

-Ախիսի, այդ ընկեր կոչվածը,- նա խաղացկուն կատակով ձգեց բառերը: - Դե, միշտ մեկը կա, ավել կամ պակաս...

Երկուսս էլ միաժամանակ ուրախ ծիծաղեցինք եւ բարձրացրինք մեր գավաթներն ու իրար զարկեցինք դրանք:

-Կենացդ, Մեյյան,- ասացի ամենայն անկեղծությամբ: - Նշենք մեր վերստին հանդիպումը:

-Ճիշտ է: Նշենք մեր վերստին հանդիպումն այսքան տարիներ հետո:

Նա աչքերն ինձ հառեց, եւ դրանց մեջ մութ-ջրային մի հայացք ծփաց, մի արտահայտություն, որն ամբողջովին փոխանցվում էր ինձ:

Դրանից հետո ամեն բան փոքր-ինչ մշուշոտ դարձավ, թեւս ըստ էության անխուսափելիորեն, անողոք կերպով զարգացավ սպասելիքների համաձայն: Մենք շարունակեցինք իրար զարկել գավաթները, շարունակեցինք նշել մեր հանդիպումը: Որքան խմում ու բարեհոգի էինք դառնում, այնքան փոխըմբռնման ու փոխհամաձայնության զգացումն ուժեղանում էր: Չեմ հիշում, թե ինչքան խմեցինք այդ օրը: Չեմ հիշում նույնիսկ, թե ով հաշիվը փակեց: Ի վերջո, մշուշոտ գլխով, օրորվելով, իսկապէս հարբած, նույնքան հարբած Մեյյանին քարշ տվեցի դեպի մետրո: Հետո, վերջապէս,

երբ հանկարծ սթափվեցի, արդեն կանգնած էի այն շենքի մուտքի մոտ, որտեղ Մեյյանի բնակարանն էր:

-Միայն այս տարվա հունվարին եմ այստեղ տեղափոխվել:

Մեյյանի ձեռքին հևաոճ մի բանալի էր, եւ նա, ժպտալով, բացեց դուռը:

Ես ավագ դպրոցի աշակերտ չէի: Իհարկե, գիտեի, թե ինչ է լինելու հետո: Հիմա, երբ հասել էինք այս աստիճանին, լավագույնս այն կլիներ, որ թողնեինք՝ ամեն բան իր ընթացքով գնա: Ձեւական հրաժեշտ տալն այդ պահին, ակներեաբար, խելամիտ քայլ չէր լինի: Մեյյանը մտավ լոգարան: Լսեցի ցնցուղի ձայնը: Որոշ ժամանակ պառկեցի բազմոցին: Սենյակը պտտվում էր շուրջս: Հանկարծ սոսկալի մի զգացում ինձ համակեց: Առանց պահ իսկ մտածելու ինձ զգեցի լոգարան, գրկեցի զուգարանակոնքը եւ փսխեցի: Ականջներիս մեջ հնչում, արծագանք էր տալիս ցնցուղի եւ ջրատաքացուցիչի ձայնը, որն ասես թրջում էր ուղեղս:

Երբ փսխելն ավարտեցի, ջուրը քաշեցի, մաքրեցի զուգարանակոնքը եւ ինձ լավ զգացի: Ծորակը բացելով՝ լվացի դեմքս եւ բերանս ողողեցի: Եվ այդ պահին հիշեցի, որ պետք է ներողություն խնդրեմ ցնցուղ ընդունող աղջկանից: Ուստի, առանց մտածելու, գլուխս բարձրացրի եւ զարմանքով նկատեցի, որ ինչ-որ պահի Մեյյանն արդեն մի կողմ էր քաշել զուգարանակոնքն ու ցնցուղն առանձնացնող վարագույրը:

Նայեցի նրա մարմնին եւ քիչ էր մնում ասեի. «Ինչքան գեղեցիկ դաջվածք է»: Բայց երբ բառերը շուրթերիս հասան, հասկացա, որ դրանք ամենեին էլ դաջվածքներ չեն: Նրա ոտքերին, մեջքին եւ գոտկատեղին՝ կապույտ, փայլատակող թեփուկների արծաթե մի նրբամաշկ էր: Դա արտառոց արծաթ էր, որ եւ՛ փայլատակում էր, եւ՛ անշարժ էր: Ավելի մոտիկից գննելիս նկատելի էր, որ նրա ոտքերի մատների արանքում արդեն նույն արծաթավուն գույնի մաշկաթաղանթ էր աճում: Իմ առջեւ կանգնած՝ նա մի հայացքով տեսավ ամեն բան եւ տխուր ինձ նայեց: Թերեւս դա լիներ գաղտագողի հանդիպող տղամարդու եւ կնոջ ամենասովորական մի գիշեր այդ քաղաքում, եթե նա չբացեր իր ամենից նվիրական, թաքուն ու գերանձնական գաղտնիքը:

Միայն հիմա հասկացա, թե որքան է նա վստահում ինձ:

-Չժեն Տառ,- սաստիկ տխուր ասաց նա,- պետք է որ սարսափելի տեսք ունենամ հիմա:

Ես գլուխս տարուբերեցի եւ կամացուկ ասացի.

-Մեյյան, Սեն գետի ջուրը պետք է որ շատ սառը լինի:

-Դու գիտե՞ս ամեն բան,- վախեցած հարցրեց նա՝ աչքերը լայն բացելով:

Գ.Ի ԱՆ

-Միայն այսօր իմացա:

Ձեռքերս պարզեցի եւ ամուր գրկեցի նրան: Նրա մարմինն իսկապես սառն էր, ասես սառույց լիներ: Սառն էր, ինչպես այն բանտի մամուռը, որտեղ շատ տարիներ առաջ բանտարկված էր Սարի Անտուանետը:

-Չժեն Տառ, դու վախենում ես ինձնից, ես հիմա ուրվական եմ,- հանգիստ հարցրեց նա՝ արցունքները զսպելով:

-Չեմ վախենում,- պատասխանեցի:- Բայց չեմ հասկանում, Մեյյան, թե ինչու ես դա արել:

Նա գլուխը տարուբերեց:

-Չգիտեմ, Չժեն Տառ: Ես այնքան մեռակ էի: Եվ երբ հասկացա, որ նույնիսկ մահը չի կարող ջնջել իմ մենությունը, թեփուկներն արդեն կամաց հայտնվում էին: Երբեմն դուրս էի փախչում եւ շրջում այն վայրերում, ուր գնում էի սովորաբար: Բարեբախտաբար, Սեն գետը չի սառչում, այնպես որ՝ ես երբեք չեմ փակվի՝ սառույցի տակ զմռսվելով: Եվ անկախ նրանից, թե երբ կլինի, եթե ուզեմ, կարող եմ դուրս գալ ու շրջել: Ես իսկապես երջանիկ եմ, որ այսօր քեզ հանդիպեցի:

Անշտապ համբուրեցի նրա թեփուկները, եւ մենք տանջալից գալարվելով փաթաթվեցինք մեկս մյուսին: Այդ գիշերն ասես մի վերք էր ժամանակի մեջ, որից մարդու բոլոր հույսերն ու զգացմունքները թարմ արյան պես անդադար դուրս էին հորդում իրենց ակունքից:

-Օ՛, Աստված իմ, Չժեն Տառ,- հառաչեց նա՝ ապակե, երազուն հայացքով:- Ես իսկապես նախանձում եմ Լան Ինին:

Ես նրա գլուխը պահեցի ձեռքերիս մեջ եւ խոսեցի լրջորեն.

-Հիշիր, ես տուրիստական խմբերի մարդկանց հաճախ կտանեմ Սենի վրա նավակով զբոսանքի: Եթե ուզում ես տեսնել ինձ, վստահաբար ինձ ազդանշան տալու մի ձեւ գտիր: Հասկանո՞ւմ ես: Դու հաճախ պետք է ինձ ազդանշան տաս, այլապես ես քեզ կկարոտեմ:

-Շատ լավ,- նա գլխով արեց քաղցր ժպիտով:- Սա մեր երկուսի միջեւ գաղտնիք կլինի:

ՅԱՆ ԳԵ

ՈՂԲԵՐԳՈՒԹՅԱՆ ԹԱՏՐՈՆԸ

- Ողբերգություն ներկայացնող թատրոնները ողբերգական վախճան կունենան:

Այսպես ասաց ինձ վիպասանուհին, երբ դեռ բավականին երիտասարդ էիք, եւ ես դեռ ապրում էի Վանֆու փողոցում: Ինչպես մեր մյուս մերձավոր ազգականներին, այնպես էլ նրան իմ բնակության վայրից հասնելու համար ես ընդամենը պետք է քայլերի կես թաղամաս: Դա մորաքույր Լյուի սրճարան-ճաշարանից եւ թափոնների կայանից ներքեւ էր: Կոչվում էր Թիվ 7 բակ, եւ այդտեղ էլ ապրել էր վիպասանուհին մորաքրոջս եւ նրա ամուսնու հետ:

Նա շատ վաղ տարիքից վայրենի երեխա էր: Դասերից հետո տուն չէր գնում: Միշտ ինձ հետ ստում էր մեր տանը եւ կարդում այն գրքերը, որ հայրս էր գնել ինձ համար: Իմ սենյակը փողոցին էր կայում, իսկ նա սիրում էր նստել պատուհանագոգին եւ ոտքերը դնել հին ու ժանգոտ ծաղկամանի վրա: Կարդում էր եւ կայում հեռուն: Ինձ համար պարզ չէր՝ նա անցորդների՞ն էր գնում, թե՞ թույլ էր տալիս, որ անցորդներն իրեն գնեն: Ամեն դեպքում, վերջիվերջո մայրս աշխատանքից տուն էր գալիս եւ փողոցից տեսնում էր նրան ու կտրուկ դիտողություն անում:

-Ժուժուժ, ցած իջիր: Ցած իջիր: Ի՞նչ ենք անելու, եթե ընկնես:

Երբ դա տեղի էր ունենում, վիպասանուհին գիտեր, որ մեր ժամանակն սպառվել է, եւ անմիջապես, կապկի նման՝ պատուհանից սահելով ցած էր իջնում, նստում իմ կողքին՝ գրասեղանիս մոտ, պայուսակից հանում իր աշխատանքային տետրը եւ ձեւացնում, թե կենտրոնացել է տնային աշխատանքի վրա:

Մայրս վեր էր բարձրանում՝ ճանապարհին հարեաններին ողջունելով: Նրա ոտնաձայներն ալելի ու ալելի էին մոտենում: Վերջապես ներս էր մտնում, ցած դնում պայուսակները եւ բացում բոլոր դռներն ու պատուհանները՝ որքան հնարավոր է արագ: Մեկ վայրկյանում մեր սեփական փոքրիկ աշխարհը բացվում էր, ամբողջովին ի ցույց դրվում: Այն դառնում էր հսկայական մի սպունգ, որ կլանում էր Վանֆու փողոցից եկող ամեն մի ձայն:

ՅԱՆ ԳԵ

Մորս դա չէր հուզում: Նա արդեն խոհանոցում բանջարեղեն էր պատրաստում՝ քթի տակ ուրախ դնդևալով: Բայց ներս հորդող այդ բոլոր ձայները գրեթե զրկում էին ականջներիս մեջ: Ամենաբարձր ձայները մորաքույր Լյուի ճաշարանից էին գալիս: Իր գործն իմացող մատուցողուհին՝ Սյառ Լյուն, կանգնում էր դռների մեջ և կանչում.

- Բարի գալուստ: Ներս եկեք:

Եվ բլբլալով մեկ առ մեկ ներկայացնում էր գլխավոր խոհարարի բոլոր հատուկ կերակրատեսակները՝ սկսելով Գինկգո հավի ռագուից մինչև Գուն Բառ տապակած հավի միսը: Սիայն լսելիս բերանիդ ջուրը գնում էր: Սակայն, ցավոք, շուտով գալիս էր աղբատարը, և օրեր շարունակ կուտակված աղբ ու թափոնը աղմուկ-շրխկոցով դատարկվում էր աղբի տեսակավորման կայանում, որպեսզի սպասեր էլ ավելի մեծ աղբատար մեքենայի ժամանմանը, որը հավաքելու էր այն և տանելու մի փոքր ավելի հեռվում գտնվող վերամշակող գործարան: Եվ դատարկվող աղբ ու թափոնի հնչյուններն արագ վերջ էին տալիս համեղ ուտելիքի մասին ցանկացած երագանքի:

Բացի այդ, ձայներ կային, որ չէիք կարող ամեն օր չլսել՝ մարդկանց բարեկամական ողջույնները փողոցում, ցածրաձայն կարճ զրույցներն ու ծախոթ անունների հիշատակմամբ փոխանցվող գաղտնիքները: Թեև այդ ամենօրյա հնչյունները համատարած էին, մեր փողոցում մեծացող բոլոր երեխաներս այնքան էինք սովորել դրանց, որ դրանք անհետանում էին այն պահից, երբ գլուխներս թաղում էինք մեր դասագրքերի մեջ:

Բայց վիպասանուհին ուրիշ էր: Կասկածում եմ, որ նա ավելի շատ հետաքրքրվում էր Վանֆու փողոցում հնչած զրույցներով ու ասեկոսներով: Կտքներ կիրառական մաթեմատիկայի հարցերի սեւագրությունների վրա, բայց ոչնչի չէր հասնի: Նրա ականջներում մշտապես ուրիշ ձայներ էին: Մանրուքներն ու աննկարագրելի բաները նրա համար միշտ շատ ավելի հետաքրքիր էին, քան մաթեմատիկական չորուցամաք բանաձեւերը: Նա մի պահ լսում էր, ապա հանկարծ ասում էր ինձ.

-Քույրի՛կ, լսեցի՞ր այդ ձայնը:

Նայում էր ինձ լայն բացված պայծառ աչքերով՝ սպասելով պատասխանի:

Ես շունչս պահում էի և փորձում գանազանել յուրահատուկ ձայնը, որ փողոցային աղմուկի միջից լսել էր նա և որի մասին ասում էր:

-Այդ մեկը,- ասում էր՝ կարծես դիվահար եղած:

-Ես ոչինչ չեմ լսում,- պատասխանում էի:

- Տարօրինակ է, - ասում էր նա: - Ես լսեցի դա, զանգի պես պարզ:

Նայում էինք միմյանց՝ ամեն մեկս մնալով իր սեփական կարծիքին, մինչեւ որ նրա աչքերն սկսում էին կորցնել իրենց փայլը:

Այն, ինչ նա չէր սպասում, հեռվից եկող երաժշտություն լսելն էր: Պետք է որ ինչ-որ մեկը պարապելիս լիներ: Պա այնքան անպատեհ էր հնչում Վանֆու փողոցի աններդաշնակ խառնաժխորի մեջ, եւ ես զարմանում էի, որ վիպասանուհին կարողանում է նույնիսկ որսալ հնչյունը: Բայց պնդում էի, թե չեմ լսում, եւ համոզված էի, որ եթե ես, որպես երկու ներկաներից մեկը, ասում եմ, թե չեմ լսում, ապա նա ի վերջո կկասկածի իր սեփական զգացողությանը եւ ստիպված կլինի ընդունել, որ երեւի պարզապես պատկերացրել է այդ ամենը: Եվ նա անում էր հենց այն, ինչ ես հույս ունեի, բայց չէի սպասում, որ ժամանակն անցնելու հետ ես նույնպես ի վերջո մոռանում էի հնչյունների մասին՝ իմ իսկ ժխտողական վերաբերմունքի պատճառով:

Չայնս այնքան թույլ էր, որ կուլ էր գնում երեխաներին հանդիմանող հարեաններիս աղմուկ-աղաղակի մեջ: Բայց շարունակվում էր որոշ ժամանակ՝ միայն ճաշից առաջ դադարելով:

Այդ ժամանակ վիպասանուհին եւ ես անցած էինք լինում մեկ այլ թեմայի: Միշտ ավելի հետաքրքիր ու հուզիչ մի բան էր լինում, որ գրավում էր նրա ուշադրությունը: Քանի որ մեր ներկա իրավիճակն այդքան անտանելի էր, մեր զրույցը հիմնականում վերաբերում էր ապագային: Երագում էինք մեր ապագա աշխատանքի, մեր արտաքինի մասին, այն մասին, թե որտեղ կարող էինք ապրել, մեր ապագա կողակիցների եւ նույնիսկ երեխաների մասին: Վիպասանուհին հենց ուզում էր վիպասանուհի լինել: Ասում էր, որ հույս ունի, թե մի օր կկարողանա իսկական գիրք հրատարակել՝ սիրուն, շքեղ, կապույտ կազմով: Եվ ինձ ապացուցելու համար, որ կարող է դա անել, կարմրելով, ցույց տվեց իր առաջին վեպը, որը հենց նոր էր սկսել:

Վեպի անունն էր «Հնչյունների նվագախումբը»:

«Երբ մենք բոլորս դեռ երիտասարդ էինք, Յունաս քաղաքում բոլորը կարող էին լսել գազանների մուչոցը»: Ահա թե ինչպես էր սկսվում վեպը՝ բավականին պատշաճ եւ փորձառու գրչով:

Վեպը գրված էր ձեռագիր՝ կապույտ թանաքով, կանաչ կազմով նոթատետրի մեջ: Մի հրեշի մասին էր այն, որն ամբողջ օրը մուչնում էր թափոնների վերամշակման գործարանում, որ գտնվում էր քաղաքից դեպի հյուսիս: Ձեռագիրը շատ մաքուր էր ու կոկիկ, եւ բոլոր սխալները խնամքով ծածկված էին սպիտակեցնող նյութով: Ես ամբողջ սրտով կլանված կար-

ՅԱՆ ԳԵ

դում էի նրա առաջին վեպը, իսկ նա ամենայն ուշադրությամբ ինձ էր նայում: Չկարողացա, սակայն, ավարտել, բայց ո՛չ նրա համար, որ կարծում էի, թե վատ է գրված եւ անհաջող: Տասնչորս տարեկան աղջկա դեպքում դա ըստ էության միակամայն գրագետ եւ ավարտուն ստեղծագործությունն էր: Ավելի շուտ պատճառն այն էր, որ նա այդքան բացահայտորեն ամեն բան ընդգրկել էր վեպում: Հրեշի մոնչոցն ակներեւաբար կապված էր մի քանի փողոց հեռվից լավող զանգի ձայնի հետ, եւ փողոցը, որտեղ ապրում էինք, նկարագրված էր ամենայն մանրամասներով՝ մորաքրոջս ամուսինն ու մորաքույրս, փողոցում եղած ամեն բան ամեն մեկի մասին: Բոլոր ցնցող բամբասանքներն ու ակնարկ-գրպարտությունները, որ նա եզրակացրել էր իր ամեն օրվա լսածներից: Նա նայում էր ինձ՝ ճիշտ ինչպես այն ժամանակ, երբ հարցնում էր, թե արդյոք լսե՞լ եմ այդ ձայնը, լայն բացված աչքերով զննելով դեմքս, հուսալով, որ իրեն արժանահավատ պատասխան կտամ:

«Նչյունների նվագախումբը» զբաղեցնում էր նոթատետրի առաջին տասնմեկ էջերը, եւ անավարտ էր:

-Ինչ ես մտածում սրա մասին, քույրիկ,- հարցրեց նա:

-Լավ է գրված:

Փակեցի նոթատետրը եւ ժպտացի նրան:

Ես նրան պատասխան էի տվել եւ հույս ունեի, որ այս անգամ էլ կհամոզվի: Իմ հաճոյախոսությունը շփոթեցրեց նրան:

-Ես միայն մի փոքր բան եմ գրել,- ասաց:- Երկար ժամանակ կպահանջվի, մինչեւ ավարտեմ:

-Ուրեմն լավ կանես՝ շարունակես գրելը:

Նոթատետրը դրեցի մեր գրասեղանի վրա, կարծես այն այրում էր ձեռքերս:

-Հա:- Վիպասանը վերցրեց նոթատետրը, ասես այն գանձ լիներ, եւ սեղմեց կրծքին:- Բայց ես դա հորինել եմ: Ես փայլուն ավարտ եմ գտել: Այս քանի օրը հանկարծ մտածեցի այդ մասին: Այսպես եմ ավարտելու՝ «Ողբերգություն ներկայացնող թատրոնները ողբերգական վախճան կունենան»: Ի՞նչ ես կարծում: Լավ չէ՞: «Ողբերգություն ներկայացնող թատրոնները ողբերգական վախճան կունենան»:

Գրասեղանի մյուս կողմից նա կրկին շեշտեց նախադասությունը: Ակնհայտ էր, որ շատ հպարտ է իր այդ արտահայտությամբ: Նա կզակը դրեց գրասեղանին եւ աչքերը վեր հառելով նայեց ինձ՝ վախենալով, որ կարող եմ մոռանալ իր ասածը:

Բայց դա շատ վաղուց էր, եւ դրանից հետո շատ բան է պատահել. ամառային արձակուրդներից հետո մայրս որոշեց, որ մեր ընտանիքը տեղափոխվի Վանֆու փողոցից, այնպես որ՝ վիպասանուհին եւ ես հեռացանք իրարից: Վանֆու փողոցի աղմուկն ու իրարանցումը ծածկեցին բոլոր դեպքերն ու իրադարձությունները, մանրամասները, Լույսիսկ այն, թե ինչպիսի տեսք ունէր Լա, ճիշտ այնպես, ինչպես խլացրել-խեղդել էին այն մեղեդային Էտյուդը:

Այդպես էր դեռ տասն օր առաջ:

Տասն օր առաջ վիպասանուհին ընկավ Յունան քաղաքի Երրորդ սիմֆոնիկ Լվագախմբի երաժշտական դահլիճի օթյակի պատշգամբից: Ներկայացվում էր Չայկովսկու «Պաթետիկ» սիմֆոնիան, որը ղեկավարում էր եվրոպացի մի խմբավար: Դահլիճը լեփ-լեցուն էր, եւ երբ մարդիկ արդեն հեռանում էին, Լա հանկարծ ընկավ ապշեցնելով բոլորին: Պարզ չէր՝ հավասարակշռությունն էր կորցրել, թե՞ ինչ-որ մեկը հրել էր: Ոչ մի փաստ կամ ապացույց չկար: Պատշգամբը գետնից շատ բարձր չէր: Նա ընկավ անցումներից մեկի վրա, եւ Լուսան անմիջապես տեղափոխեցին շտապ օգնության կենտրոնակայան: Տասն օր կոմայի մեջ էր, ապա դադարեց շնչել:

Միայն ամբողջ մի հավերժություն թվացող այս ամենից հետո ես վերջապես Լորից կարդացի այն տողը՝ «Ողբերգություն Լերկայացնող թատրոնները ողբերգական վախճան կունենան»:

Վիպասանուհին մեկնվել էր աշխատասեղանին եւ կզակով սեղմել էր Լորթատետրը, դեմքը ողողված էր լուսամուտից Լերթափանցող լույսով, երբ քրքջում էր.

-Դա իմ պատմության վերջին տողն է: Վատ չէ, հը՞:

Իսկապես վատ չէ:

Վիպասանուհու մահը Յունան խաղաղ քաղաքի խոսակցության թեման դարձավ: Հաջորդ օրը դա բոլոր թերթերի գլխավոր կյուրսն էր: Մի գիշերվա մեջ Լա մայրաքաղաքային օրաթերթի աննշան թղթակցից վերածվեց ազգային մեծ արվեստագետի: «Յունան դեյլի» թերթն ամենայն մանրամասնությամբ ներկայացրել էր ողբերգությունը՝ տպագրելով Լաուսի վիպասանուհու լուսանկարը: Լուսանկարում Լա մազերը դեռ երկար էին, եւ հագին գորշ-ճերմակավուն վերնաշապիկ էր: Նա անսովոր նրբագեղ տեսք ուներ: Միտումնավոր ներկայացված այդ գեղեցկությունն, անկասկած, կարժանանար օտարների համակրանքին ու կարեկցանքին:

Յունանի 6-րդ հեռուստաալիքը Լաուսի հարցազրույց վարեց վիպասա-

ՅԱՆ Գ.Ե

ևուհու մոր՝ իմ մորաքրոջ հետ: Նա կանգնած էր՝ վշտից խորտակված, մազերն այնպես զգզված, որ սարսափելի էր նայելը, իսկ դեմքն էլ ավելի էր բշտիկներով պատվել: Վանֆու քաղաքի բոլոր բնակիչները խմբվել էին նրա ետևում եւ իրենց բարոյական աջակցությունն էին հայտնում դժբախտության այդ ժամին: Մորաքրոջս եւ մեր հարեանների խոսքերով վիպասանուհին դարձել էր ամենասիրելի դուստրը, եւ մայրն ու դուստրն իրար համար ամեն ինչ էին, միմյանց հանդեպ հարգալից եւ սիրող. դա սաստիկ հուզեց հեռուստալրագրողին: Հոյակապ հնարավորություն էր ներկայանում վերահրատարակել վիպասանուհու մի քանի հետաքրքիր գեղարվեստական ստեղծագործություններ, որ նախկինում երբեք 10 000 օրինակից ավելի չէին տպագրվել: Նրա անավարտ վեպը՝ «Հնչյունների նվագախումբը», շարունակաբար սկսեց տպագրվել մայրաքաղաքի օրաթերթում եւ այն աստիճան դարձավ քննարկումների կիզակետ, որ ամեն ինչով հետաքրքրվող որոշ մարդիկ նույնիսկ փորձեցին այդտեղ նրա մահվան հետ կապված գաղտնի, դավադիր տարրեր փնտրել:

Ասում են, թե վեպի ստեղծումը կապված էր Յունան քաղաքի Երրորդ սիմֆոնիկ նվագախմբի հետ, ինչի առիթով նվագախմբի խեղճ ղեկավարը մռայլ ու վշտալից դեմքով հանդես եկավ հեռուստատեսությամբ՝ խորը ցավ եւ ափսոսանք հայտնելով իրադարձությունների այս անսպասելի շրջադարձի համար եւ հեռուստադիտողներին հավաստիացնելով, որ Համերգասրահը մտադիր է ուժեղացնել իր անվտանգության նախազգուշական միջոցները՝ հետագայում ցանկացած ողբերգությունից խուսափելու համար: Վիպասանուհու մահով վերջնականապես իրականություն դարձավ ամբողջ կյանքում ունեցած նրա ցանկությունը՝ նա դարձել էր այն անձը, որ միշտ երազել էր դառնալ:

«Ողբերգություն ներկայացնող թատրոնները ողբերգական վախճան կունենան»:

Ճիշտն ասած, նրա մահը չէր, որ ինձ ստիպեց մտածել այդ նախադասության մասին: Չորեքշաբթի մի օր էր, մոտ վեց ամիս առաջ: Ինչպես միշտ, աշխատանքի գնալիս տեղական թերթի մի օրինակ գնեցի՝ ավտոբուսով քառասուն րոպե ճանապարհ անցնելու ժամանակ ինչ-որ բան կարդալու համար: Եվ թերթի հավելվածում աչքովս ընկավ վիպասանուհու՝ շարունակաբար տպագրվող նոր վեպը՝ «Հնչյունների նվագախումբը» վերնագրով:

«Նչյունների նվազախումբը»
Հեղինակ՝ Լյու ժուևժուն

Գլուխ 1

Փողհարը, որ վերականգնում է հիշողությունը

-Ամեն անգամ, երբ լսում եմ շեփորի ձայնը, չեմ մտածում, թե դա ես եմ նվագում: Այնպես է հնչում, ասես ձայնը զայլս է հեռավոր մշուշներից:

Փողհարը, որ վերականգնում է հիշողությունը, կկոցեց ասքերը, բայց ոչ ոքի չտեսավ, ապա ասաց.

- Կարո՞ղ եք պատկերացնել: Ձայնն ասես ելնում է իմ ետետում գտնվող խոր մի հովտից՝ մառախուղի պես տարածվելով, կլանելով ամբողջ բեմահարթակը: Նա ընդգրկող մի շարժում արեց ձեռքերով:

Ահա ինչպես էր սկսվում այն:

Ես ապշած էի: Հենց միայն անունը տեսնելով՝ ականջներիս մեջ կորից հնչեցին Վանֆու փողոցի բոլոր ձայները: Այն ամենն, ինչ այդտեղ եղել էր տեղափոխվելուցս առաջ, բոլոր հիշողությունները, քաղաքի տեսքը, թե ինչպես ենք ես և Լյու ժուևժունը դպրոցից տուն վերադառնում, տանտիրուհիների եփած ճաշի բույրը, այն ամենն, ինչ նա ասում էր ինձ՝ փորի վրա պառկած, կոր հորինած տողերը, որ հպարտորեն ներկայացնում էր ինձ, հեռավորությունից դուրս լողալով՝ երեւութացան ասքերիս առջեւ:

Հիշեցի այն տողը, որ միշտ ինձ հետ էր: Եվ անմիջապես հայտնվեց, հենց որ արմուկով թեթեւ հրեցի: Ասես երբեք չէի էլ մոռացել:

Նախքան ընդմիջման գնալը հաղորդագրություն ուղարկեցի նրան՝ հուսալով, որ չի փոխել իր բջջային հեռախոսի համարը: Այսպես գրեցի. «Տեսա կոր վեպը»:

Բայց նա չպատասխանեց:

Այդ օրը տավարի մտով ու տոմատով բրինձ կերա, հետո, նախքան կորից վեր բարձրանալը, վերուվար արեցի այն նրբանցքով, որ ձգվում էր հրատարակչատան կողքով: Երբ վերելակում էի, հեռախոսս հանկարծ զանգեց: Նա էր: Ոչինչ չկարողացա լսել: Արագ սեղմեցի կոճակը, որպեսզի կանգ առնեմ հաջորդ հարկում, և դուրս ցատկեցի վերելակից՝ մի քանի անգամ բղավելով «Ողջո՛ւյն»: Վերջապես լսեցի նրա ձայնը՝ «Քույրի՛կ, քույրի՛կ»:

-Հե՛յ, ողջո՛ւյն,- պատասխանեցի:

- Հե՛յ, որտե՞ղ ես: Կապն ինչո՞ւ է այսքան վատ,- Լյու ժուևժունը խոսում

ՅԱՆ ԳԵ

Եր մտերմիկ տոնով, չնայած ամիսներ շարունակ չէինք խոսել:

-Աշխատանքի վայրում,- ասացի:

-Գո՞րծ ես ճարել,- ականջներին չէր հավատում:

-Ըհը: Անցյալ տարի ավարտեցի:

-Ինչ լա՞վ է: Վերջապես ավարտեցի՞ր: Ինձ թվում էր՝ դեռ սովորում ես,-
ևս խոսեց շեշտված, ծայրը խզվեց, եւ սկսեց հազալ:

-Դու լա՞վ ես: Հո չե՞ս մրսել,- հարցրի:

-ՉԷ՛, չԷ՛:

Զգացի, որ մի կում ջուր խմեց: Կոկորդը մաքրեց եւ ասաց.

-Նոր եմ արթնացել: Կոկորդս մի քիչ համը հանեց:

-Պարզ է: Գրածս տեսա՞ր,- հարցս խնամքով ձեւակերպեցի:

-Հա: Ստացա:

Նրա պատասխանն անսպասելիորեն պարզ էր ու անկեղծ:

-Վերջերս ի՞նչ ես արել,- հարցրի:

-Առանձնապես ոչինչ,- պատասխանեց ուրախ ծայրով:

Զգիտեմ, թե երբ սկսվեց դա, բայց թվում էր, թե Լյու ժունժունը յուրաց-
րել էր նրբագգաց լինելու արվեստը: Գուցե դա սովորել էր իմ չափազանց
հիստերիկ մորաքրոջ բացասական օրինակից: Ամեն օր դասերից հետո
մեր տուն էր շտապում կամ երկար նամակներ էր գրում ինձ, բայց այդ օրե-
րը վաղուց էին անցել:

-Ըմմմ,- մի պահ չիմացա ինչ ասել:

-Հա՛: Ասում էիր՝ վեպս կարդացի՞ր,- ևս ինքը բացեց թեման:

-Կարդացի ու մի քիչ անհանգստացա քեզ համար,- ասացի:

-Ինձ համար մի՞ անհանգստանա: Ոչ մի վատ բան չկա: Ես սիրահար-
ված եմ, եւ այնքան երջանիկ եմ: Վերջում կհասկանաս:

Եւ սկսեց ծիծաղել:

Հենց այդպես էլ ասաց՝ «Վերջում կհասկանաս»: Խոսակցությունն
ավարտեցինք, եւ ես չորս հարկ ոտքով բարձրացա դեպի իմ գրասենյակ:
Նստեցի գրասեղանիս մոտ եւ ավարտեցի թերթում տպագրված առաջին
գլուխը: Այդ առաջին գլխում գլխավոր կերպարները երեքն էին՝ «ես»,
խմբավարը եւ փողհարը: Որպեսզի պարզ լինի, ասեմ այսպես. խմբավարն
ու «ես» սիմֆոնիկ նվագախումբ «Էինք» ստեղծել, իսկ փողհարը մեր թեկ-
նածուներից մեկն էր:

Իհարկե, դա բոլորը չէ: Հաճախակի հիշատակվում էր հրեշի մասին,
որը շարունակում էր մռնչալ քաղաքի հյուսիսում գտնվող աղբակույտերի
մեջ: Եւ արդեն հայտնվել էր «Հնչյունների նվագախմբի» առաջին դրվա-

գում եւ ինձ վրա խորը տպավորություն էր գործել, բայց այս անգամ ևս ձայնը կտրել էր հենց պատմության սկզբից:

«Գազանի ձայնը մարել էր, եւ ևս ոչ միայն անձայն էր, այլեւ անվաս», - գրում էր Լյու ժուլժուները:

Դրանից հետո, անհայտ պատճառներով, դասական շատ երաժիշտներ քաղաքում կորցնում են իրենց աշխատանքը, իսկ սրճարաններում երաժշտությունը դադարում է հնչել: Հետո հայտնվում է խմբավարը եւ հայտարարում, որ եթե ինքը նվագախումբ հիմնի, եւ նվագեն Սալերի թիվ 2 սիմֆոնիան, ապա հրեշը նորից կմոռացա:

«Ես» հավատում «եմ» խմբավարի անհեթեթ պնդմանը եւ օգնում նրան երաժիշտներ հավաքագրելու: Քաղաքում հրեշի մասին տարբեր հիշողություններ են պտտվում, բայց ինչ վերաբերում է «ինձ», «իմ» հիշողությունն այսպիսին է. «Հրեշի մոռացող կտրվելուց շատ ժամանակ չէր անցել, երբ հայրս մահացավ: Աշխատանքից տուն վերադառնալիս նրան հարվածել էր բեռնատար մեքենան: Ուժեղ հարվածը նրան թոցրել էր օդի միջով` նետելով 17- 18 մետր հեռու: Դա ուղիղ յոթն անց քսան րոպեին էր»:

Համեմատած մեր փոքր ժամանակվա հետ՝ բացի նրանից, որ գրածը շատ ավելի կոկիկ ու մշակված էր, եւ որ ևս վերջապես շոշափել էր սիրո ու մեկ գիշերվա հանդիպման թեման, Լյու ժուլժուներն ըստ էության շատ չէր փոխվել: Նրա պատմություններում ես էլի կարող էի հստակ գանազանել իր կյանքի դեպքերը, եւ ևս մշտապես անդրադառնում էր Դելֆին Բարին:

Դելֆին Բարն այն վայրն էր, որտեղ խմբավարը հարցազրույց է անցկացնում բոլոր նոր երաժիշտների հետ, եւ «Ես» ի վերջո քնում «եմ» փողհարի հետ: Ակնապիշ նայում էի թերթին, ասես դա ինձ օգնելու էր հասկանալ, թե ինչու է ևս այդպես գրել: Կամ ավելի ճիշտ, ոչ թե նրա համար, որ չգիտեի պատճառը, այլ՝ որ պարզապես չէի ուզում մտածել այդ մասին: Բայց Լյու ժուլժուները ծանուցում էր՝ «Փողհարը, որ վերականգնում է հիշողությունը»: Նա այնքան լավն էր: Այդ օրը երեք անգամ կարդացի գրածը: Պատմությունը, հավանաբար, պարզապես այլոց մասին էր: Պարզապես մեկ այլ արտառոց պատմության սկիզբ: Բայց ինձ համար այն հուսահատ մի ազդանշան էր Լյու ժուլժուներից: Ի՞նչն էր պատճառ դարձել, որ ևս ամենեւին չմտածի գգուշության ու շոջահայեցության մասին: Ասես փորձում էր ազատվել սեփական մարմնից:

Բայց ևս չէր արդարացնում ընթերցողի ենթադրությունները:

Առաջ, երբ Լյու ժուլժուները մեկ կամ երկու գիրք էր հրատարակել, հարցրի նրան.

ՅԱՆ ԳԵ

-Ինչո՞ւ ես միշտ քո պատմություններում ընդգրկում Դելֆին Բարը:

Այդ ժամանակ այցելել էր իմ հանրակացարան եւ մահճակալիս եզրին նստած, հայելին ձեռքին՝ իր նոր շրթներկն էր փորձում: Նա հայելին ցած դրեց եւ ձեռացնելով, թե զարմացած է, պատասխանեց այնպես, ասես օպերայում երգում է.

-Մարդ ինչպե՞ս կապրի առանց Դելֆին Բարի:

Սա նրա մշտական արտահայտությունն էր այդ ժամանակ: Դա այն տարին էր, երբ նա վերջնականապես տեղափոխվեց մորաքրոջս մոտից եւ բնակարան վարձեց՝ իր հեղինակային հոնորարների հաշվին: Թեեւ դա փոքր-ինչ սպարտայական վիճակ էր, եւ նրա հարեանները բոլորն էլ ինձ համար կասկածելի տեսք ունեին, նա իրեն դեռ յոթներորդ երկնքում էր զգում եւ շարունակում էր ասել. «Ինչպե՞ս կարելի է ապրել առանց շրթներկի: Ինչպե՞ս կարելի է ապրել առանց վանիլային պաղպաղակի: Ինչպե՞ս կարելի է ապրել առանց Տյանմեյ Սոլի»: Մի օր նույնիսկ ասաց. «Քույրիկ, ինչպե՞ս կարող եմ ապրել առանց քեզ»:

Նրա համար հաճելի էր նման բաներ ասել, կարծես թե մեր զգացմունքներն ամբողջովին կվերանային, եթե չասեր: Երբեմն զանգում էր ինձ ինչպես ծարավից մեռնող մեկը, որպեսզի պարզապես հայտարարի. «Քույրիկ, ես կարոտում եմ քեզ, կարոտում եմ քեզ, կարոտում եմ»: Եվ երբ հասնում էր գերագույն հուզմունքի աստիճանի, ավելացնում էր. «Քույրիկ, ինչպե՞ս կարող եմ ապրել առանց քեզ»: Իհարկե, իրականությունը բոլորովին այլ էր: Մենք բավականին կատաղի վիճեցինք եւ հեռացանք իրարից: Բայց Լյու ժուլժուլը չէր նեղացել: Նա կարող էր պարզապես կրկնել բերանից դուրս եկած առաջին արտահայտությունը:

Մորս հեռախոսազանգից կարողացա զգալ, որ Լյու ժուլժուլի մահը մեկ այլ մահացու հարված էր մորաքրոջս համար: Նա լաց էր եղել ամբողջ օրը՝ պատմելով բոլորին, ովքեր եկել էին իրեն տեսնելու, իր ծանր աշխատանքի եւ տառապանքի ու թշվառության տարիների մասին: Այդպես պատմում էր անգամ նրանց, ում չէր էլ ճանաչում:

-Բոլորը շատ հոգնել էին նրա պատմածներից,- մեղադրող տոնով ասաց մայրս:

Մայրս ասաց, որ մարդիկ ձանձրացած ու զայրացած էին նրա տրտունջներից, եւ եթե հարազատներն էին այդպես արձագանքում, էլ ի՞նչ երաշխիք, թե ուրիշները ցավ կապրեին Յունան մեծ քաղաքում: Լյու ժուլժուլի այդ հանրահայտ անկումը կարող էր միայն զավեշտական արձա-

զանք առաջացնել թերթի տեղական լրատվության բաժնում: Ես խաղում էի ձեռքիս բռնած թերթի հետ՝ ևորից ու ևորից կարդալով նրա մասին գրված լրատվությունը, փորձելով հասկանալ, թե ինչ կզգա օտարը, երբ կարդա դա:

Հրապարակումներում հանգուցյալ վիպասանուհին իր շնորհները շռայլորեն փոխանցում էր մյուսներին. այն մեկնաբանները, որոնք բարձր էին գնահատում նրա վեպերը՝ համարելով բացառիկ, եւ նշում, որ նա չափազանց համեստ էր ու աշխատասեր, հիշատակում էին քաղաքային թերթի խմբագրին, ինչպես նաեւ մորաքրոջս ու իր փողոցի բոլոր հարեւաններին: Դրանց թվում էր նաեւ տնօրեն Ինը՝ խմբագրության կառավարիչը: Թերթերում Լյու ժուլետին մահվան մասին լուրերի հրապարակման հաջորդ օրը տնօրեն Ինը, ինչպես միշտ, հարգանքով անցավ իմ գրասենյակի մոտով, բայց կանգ առավ եւ հանգիստ ասաց.

-Օրիորդ Յան, «Նւյունների նվագախումբը» գործը հավանության է արժանացել: Դուք հիմա պետք է հետեւեք դրան:

Ես զարմանքից պապանծվել էի: Հագիվ կես ամիս առաջ այս գրասենյակի մոտ տնօրեն Ինը մերժեց իմ առաջարկությունը եւ ամենակտրուկ ձեռով ինձ խորհուրդ տվեց.

-Օրիորդ Յան, մենք այստեղ աջակցում ենք ինտելեկտուալ բարձր արժեք ունեցող գրականությանը: Ինչպե՞ս կարող էիք այդպիսի աղբ առաջարկել: Լսել եմ հեղինակը ձեր ազգակա՞նն է: Այդուհանդերձ, չենք կարող այդ տեսակ աղբը տպագրել:

Հավանաբար նկատելով իմ տարակուսանքը՝ տնօրեն Ինը շարունակեց.

-Նախագահ Չժոուն ևույնպես բարձր է գնահատում այս ստեղծագործությունը, օրիորդ Յան: Պետք է ջանաք, որ ամեն բան լավ լինի: Վստահեք ինձ: Իսկապես շատ լավ գիրք է լինելու:

-Բայց...,- փորձում էի բառեր գտնել:- Իսկ հեղինակային իրավո՞ւնքը...

-Աստվա՛ծ իմ,- տնօրեն Ինը սարսափած ինձ նայեց:- Ինչո՞ւ դեռ չեք սկսել հեղինակային իրավունքի հարցերով զբաղվել: Անհարմար կլինի: Առաջարկում եմ հնարավորինս արագ կապ հաստատել: Ի վերջո, հեղինակը ձեր զարմուհին էր: Մի՞թե հեշտ չէ խոսել հարազատների հետ: Մենք սովորականից ավելի լավ պայմաններ կարող ենք առաջարկել, բայց լավ կլինե՞ր՝ հնարավորինս ցածր լինե՞ր...

Նա սկսեց պատվերներ տալ՝ նախքան կկարողանայի պատասխանել.

-Կարծում եմ հենց այսօր էլ պետք է գնաք եւ ամեն բան կարգավորեք:

ՅԱՆ Գ.Ե

Երկաթը տաք-տաք եմ ծեծում: Մենք ուզում ենք, որ այս գիրքը ժամանակին տպագրվի՝ ամռան արձակուրդների շրջանում:

Հինգ թույն հետո տնօրեն Ինը դուրս կանչեց ինձ եւ պահանջեց, որ այդ երեկո զանգեմ իրեն՝ պատրաստի պատասխանով: Դեմքի արտահայտությունից այն տպավորությունն ստացա, թե զլուխգործոցի մասին ենք խոսում:

Քանի որ Լյու ժուլժուլն այլեւս չկար, ես պետք է գնայի եւ խոսեի նրա միակ՝ ապրող հարազատի հետ:

Ամբողջ ճանապարհին մտքիս մեջ միայն կրկնում էի, թե ինչպես եմ քննարկելու այդ թեման: Լյու ժուլժուլի մարմինը դեռ չէր սառել, իսկ հեռուատանտեսությամբ մորաքրոջս խայտառակ ցուցադրումը դեռեւս թարմ էր իմ մտքում: Ականջներիս մեջ հնչում էր նաեւ մորս տրտուկը: Ինձ մնում էր միայն փորձել խոր շունչ քաշել:

Սկսեցի նրանից, որ զանգ տվեցի մորաքրոջս:

Հեռախոսը մի քանի անգամ զանգեց, մինչեւ որ նա վերցրեց լսափողը:

-Այո,- ձայնը մի քիչ խոպոտ էր:

-Մորաքույր,- մի պահ լռեցի,- ես եմ:

-Ո՞վ է,- հարցրեց անվճռական, երբ փորձում էի հիշել, թե որքան ժամանակ է անցել վերջին անգամ նրան զանգելուցս հետո:

-Յան Ֆանն է,- ասացի:

-Ա՛խ, Ֆանֆան, կներես: Ես այնքան խառնված էի: Դու այսօր գալո՞ւ ես,- սպասողական արձագանքեց մորաքույրս:

-Անպայման: Ժամանակ ունեմ: Հենց հիմա կգամ:

Շնորհակալ եղա իմ բախտավոր աստղերին եւ շարժվեցի հոսանքին համընթաց:

-Օ՛, սիրելիս, դու այնքան զբաղված ես աշխատավայրում: Ինչպե՞ս կարող ես գալ եւ տեսնել ձեր մորաքրոջդ: Մոռացի՞ր այդ բանը: Մոռացի՞ր, - ասաց նա:

-Ամենեփն: Արդեն ճանապարհին եմ,- պատասխանեցի:

-Լավ, ուրեմն: Կսպասեմ քեզ: Այնքան ուշադիր ես, Ֆանֆան:

Մորաքրոջս ձայնը հանկարծ փոխվեց, եւ ես զգացի, որ ուր որ է կհեկեկա:

-Մի վայրկյանում այդտեղ կլինեմ: Շուտով կտեսնվենք:

Հեռախոսն անջատեցի, նախքան կհասցնեի բան ասել:

Մինչ Յունան քաղաքը շարունակաբար փոխվում էր, Վանֆու փողոցը թվում էր՝ միշտ նույնն է մնում: Սակայն այսօր այլ էր: Երբ հասա մորաք-

րոջս տանը, նկատեցի, որ ներքնաբալի մուտքի մոտ կանգնած հովանոցածեւ ծառն անհետացել է: Երբ ներս մտա, այդտեղ Լյու ժուժուժի սգո սրահն էր, ամեն բան դասավորված էր ներքնաբալում: Ամենուր հուղարկավորության գունավոր ծաղկեպսակներ ու ծաղկաշղթաներ էին, եւ չհնական այրվող թղթե կուռքի ծուխն աչքերս արցունքներով լցրեց:

Մորաքոյրս նստած էր սգո սրահում: Կեսօրից հետո շատ այցելուներ չկային: Նա գլուխը կախել էր, ասես քնած լիներ:

Ես մոտեցա նրան եւ ձայն տվեցի.

-Մորաքոյր:

Նա ուղիղ նստեց, ասես հենց նոր էր արթնացել տեսած երագից, եւ հանկարծ բռնեց ինձ ու քաշեց դեպի իրեն՝ բարձր կանչելով.

-Ժուժոժն, ժուժոժն:

- Մորաքո՛յր,- ասացի կրկին:

Միայն այդ ժամանակ հասկացավ, որ ես եմ, եւ, ետ ընկնելով աթոռին, մրմնջաց.

-Ֆանֆան:

Ցած դրեցի ձեռքիս պայուսակը եւ իսկի ձողիկ վառեցի Լյու ժուժուժի համար: Սգո դիմանկարում նա ինձ այնքան անձանոթ ու անսովոր թվաց, չնայած հանդիպել էիք ոչ այնքան վաղուց: Երկու օր առաջ հիվանդանոցի վերակենդանացման բաժանմունքում ես անօգնական նայում էի, երբ նա վերջին շնչում էր: Բայց համեմատած ամենայն բժախնդրությամբ արված լուսանկարի հետ՝ նրա դեմքը դեռ մահից առաջ բոլորովին այլ կնոջ դեմք էր:

Ծնկի իջա՝ ձեռքերս իրար սեղմելով: Միտքս դատարկ էր, իսկ իմ ետեւում մորաքոյրս թաշկինակով քիթն էր մաքրում:

Երբ ուռքի կանգնեցի, տագնապեցի՝ տեսնելով, որ նրա սգո դիմանկարը նստած էր այն գրասեղանին, որի վրա շատ տարիներ առաջ մեր տնային աշխատանքներն էիք կատարում: Կամ գուցե այն գրասեղանը չէր: Հնարավոր է՝ պարզապես պատահական մի գրասեղան էր, բայց քանի որ Լյու ժուժուժի դեմքն այդտեղ էր երեւում, ուղղակի դարձավ տարիներ առաջվա մեր գրասեղանը:

Ես սարսափած էի եւ ետ-ետ գնացի: Մորաքոյրս արագ մոտեցավ եւ բռնեց ինձ:

-Ֆանֆան, լա՛վ ես:

Ընդամենը մի քանի օր էր անցել, ինչ տեսել էի նրան, բայց մորաքոյրս մաշկը հանկարծակի թուլացել, թռչել էր, իսկ դեմքին նոր դարչնագույն

ՅԱՆ ԳԵ

բիծ էր հայտնվել: Նա կորցրել էր քաշը, իսկ ճակատը ծածկված էր քրտինքի մանր կաթիլներով: Նախկինում նա միշտ մեղադրել էր Լյու ժուլետին եւ իր ամուսնուն՝ իր մարող գեղեցկության համար:

-Պուք երկուսով կյանքս խորտակել եք,- ամենայն կրթոտությամբ կշտամբում էր նրանց:

Բայց հիմա նույնիսկ այդ եռանդն էր լքել նրան: Նա գրկել էր ինձ եւ շնչում էր.

-Հենց նոր երագում Լյու ժուլետին տեսա: Այնքան պատիկ էր, եւ հագին սվիտեր էր, որի վրա պղպջակներ փչող երեխա էր:

Մեր գրույցն այսպես շարունակվեց՝ սկսած սվիտերից, որի մասին վաղուց մոռացել էի, եւ վերջացրած մեր տարբեր հարազատների հետ կապված բոլոր մանր գործերով: Նա խոսեց իմ տատի ու պապի մասին, որոնց երբեք չէի տեսել, հորս մասին, եւ նույնիսկ չմոռացավ հիշել մորս: Նախկինում շատ քիչ թեմաների շուրջ կարող էինք գրուցել, եւ դարձյալ այն մասին էինք խոսում, ինչ տեղի էր ունեցել մինչեւ Վանֆու փողոցից մեր հեռանալը: Չնայած դրան՝ մորաքույրս կարողացավ անթիվ թեմաներ ի հայտ բերել: Նա անընդհատ խոսում էր ու խոսում, եւ ես չէի կարողանում բառ իսկ խոսել:

Երբ վերջապես խոսելու հնարավորություն ստացա, խոսակցությունը տարա իմ ուզած ուղղությամբ: Ամեն ինչ լավ ստացվեց, եւ մորաքույրս համաձայնեց իմ բոլոր խնդրանքներին: Նա նույնիսկ ինձ տվեց Լյու ժուլետինի բնակարանի բանալին եւ ասաց, որ կարող եմ գնալ ու վերցնել ինչ ուզում եմ:

Մենք շարունակեցինք փոքրիկ խոսակցությունը մի քիչ ավելի երկար, մինչեւ 5:15:

Մեկ էլ մորաքույրս ոտքի կանգնեց, ասես զարթուցիչ լիներ, եւ ասաց.

-Հիմա պետք է գնամ դեղս խմել:

Երկար տարիներ մորաքրոջս արյան մեջ շաքարի մակարդակը բարձր էր, եւ նա ամեն օր պարտաճանաչ կերպով խմում էր իր դեղը:

-Վախենում է, որ կմեռնի, եթե հանկարծ մեկ րոպե անգամ ուշացնի,- ծիծաղելով ասում էր ինձ Լյու ժուլետինը:

-Ես հիմա գնում եմ, - ասացի մորաքրոջս:

-Լավ: Չմոռանաս յոթերորդ օրը գալ:

Մորաքույրս շրջվեց կրունկների վրա ու ձեռքով ինձ հրաժեշտի նշան արեց՝ վերադառնալով ներս եւ շուտով անհետանալով ստվերում:

Չնայած հարյուր անգամ փորձել էի, թե ինչպես համոզեմ մորաքրոջս,

փաստորեն, դա շատ պարզ ու հասարակ բան էր: Ես միայն ասացի.

-Ժունժունը մեր ընկերության հետ պայմանագիր է կնքել իր վերջին վե-
պը հրատարակելու համար: Վեպն ավարտված չէ: Կուզեի գնալ ստուգել,
թե արդյոք էլի ինչ-որ բան չի՞ գրել, որ դեռ լույս չի տեսել:

Ճիշտ ինչպես տևօրեն ինը, մի պատմություն հորինեցի: Բայց, ի տար-
բերություն նրա, իմ պատմությունն ամբողջովին սուտ չէր: Այն ժամանակ,
երբ վեպի կենս արդեն շարունակաբար լույս էր տեսնում, ես իսկապես
կապվեցի Լյու ժունժունի հետ եւ նրան ասացի, որ կուզեի հրատարակել
«Նչյունների նվագախումբը»:

Նա միանգամից համաձայնեց: Երբեք այնպիսին չէր, որ մեծամտա-
նար: Նույնիսկ ասաց.

-Քույրիկ, լիովին վստահում եմ քեզ:

Երբ հեռախոսով գրուցում էինք, պայմանավորվեցինք, որ մեկ ուրիշ
անգամ, երբ առաջարկը հավանության արժանանա, կխոսենք մանրա-
մասների մասին: Սակայն, ճիշտ այնպես, ինչպես նախորդ դեպքերում, դա
երբեք տեղի չունեցավ:

Երբ Վանֆու փողոցից դուրս եկա, արդեն բավականին ուշ էր: Գիշեր-
վա այդ ժամին Յունան քաղաքի հյուսիսային մասը միշտ ամայի տեսք ու-
ներ: Շատ վաղուց այստեղ էին հավաքվում եւ թափառում բոլոր քաղաք
եկածներն ու արվարձանների բնակիչները: Վերջապես հիմա տարածքը
վերափոխվել էր, բայց վերակառուցման պատճառով փողոցներում խառ-
նաշփոթ էր, եւ շինարարական կապույտ վրանները ձգվում էին ուր աչքը
կտրեր, իսկ դա է՛լ ավելի էր նմանվում աշխարհի վերջին:

Երբ հասա խաչմերուկին, ուղղությունս կորցրի, դրա համար էլ ինձ
զգցեցի տաքսու մեջ, շրիկոցով փակեցի դուռը եւ վեր բարձրացրի պատու-
հանները, ասես փախչում էի սարսափելի մի թունաքիմիկատի թափոննե-
րից: Փողոցը, որտեղ ես հասակ էի առել, ծերացել էր: Եվ չկարողացավ հե-
տևել տաքսու արագությանն ու մի ակնթարթում մնաց ետևում:

Այն պահին, երբ թիկունքս հպվեց նստարանի թիկնակին, ինձ թվաց
կերպափոխվել եմ՝ դառնալով ժունժունը: Ի վերջո, երբ մենք ապրում էինք
այս փողոցում, անբաժան էինք: Ես նա էի, իսկ նա՝ ես: Մեր հիշողությունն
էր՝ թե ինչպես էինք դպրոց գնում եւ տուն գալիս, ինչպես էինք մեր գրպա-
նի մանրադրամը հանում եւ պաստեղ գնում, ինչպես էինք պագում ճանա-
պարհին եւ դիտում Յունան քաղաքի ամենաառաջին կարմիր տաքսիների
հայտնվելը, ինչպես էինք նախանձում հարուստ մարդկանց եւ ինչքան

ՅԱՆ ԳԵ

Էինք անհամբեր, որ դժվարին վիճակից դուրս գանք: Հիշողություններից գլուխս պտտվեց, եւ ես չէի կարողանում պարզել, թե որոնք են նրա ապրածները, իսկ որոնք` իմը: Նույնիսկ չէի գիտակցում, որ տաքսու վարորդին ժուլժուլի հասցեն էի ասել, քանի դեռ չէինք թեքվել դեպի Սինֆու պողոտա:

Պա ըստ էության կարելու էլ չէր, քանի որ իսկապես չգիտեի, թե ուր եմ գնում:

Լյու ժուլժուլն ապրում էր Ամպահայաց Առանձնատների 17-րդ հարկում: Մի անգամ արդեն մորաքրոջս հետ եղել էի այնտեղ, երբ Լյու ժուլժուլը հիվանդանոցում էր, որպեսզի նրա համար մի քանի զգեստ վերցնեի:

Ես միայն հասկացա, թե շենքը եւ նրա անունը որքան անհամատեղելի էին, երբ կարողացա մոտիկից դիտել: Շենքի միջանցքները ծածկված էին ցեխի խորհրդավոր կեղտոտ շերտով, իսկ վթարային ելքերը գրեթե արգելափակված էին կուտակված աղբի զանգվածով: Երբ սպասում էի վերելակին, ոչ քաղաքաբնակ դրսեկ տղամարդուց փչող զարշահոտից ողնաշարովս սարսուռ անցավ:

Բարեբախտաբար, տղամարդն ինձ հետ նույն վերելակը չմտավ: Վահանակի վրա արագ սեղմեցի 17-րդ հարկի կոճակը, ապա առանձնության մեջ սկսեցի խորհել այդ հաստատության մասին: Մի քանի օր առաջվա շտապ այցը ինձ վրա մեծ տպավորություն չէր թողել, միայն հիշում էի, որ սենյակը բավականին կեղտոտ էր ու թափթփված, իսկ պատուհանները լայն բացված էին: Հենց դուռը բացում էիր, քամին ուղիղ խփում էր դեմքիդ:

Ի վերջո, մարտ ամիսն էր, դրա համար էլ քամու հարձակումից պաշտպանվելով` բացեցի դուռը: Եվ ի՞նչ: Պարզվեց, որ սենյակը մաքուր է եւ տաք: Ամեն ինչ ինամքով դասավորված էր: Կարծես նախորդ աղետի գոտին այն ժամանակվա իմ զգացողությունների հորինվածքն էր եղել: Ննջասենյակում լույս կար, եւ մարդկային թույլ ձայներ էին լսվում, ասես ինչ-որ մեկը լալիս էր:

Սա համապատասխանում էր շենքի սարսափազդու միջավայրին, եւ ես ակամա ցնցվեցի: Ներսում գտնվող մարդը նույնպես վախեցավ: Լսեցի, թե ինչպես մեկը վեր կացավ ու հարցրեց.

-Ո՞վ է:

Երիտասարդ մարդու ձայն էր, զորեղ, բայց մի փոքր խռպոտ:

Նա հարցրեց ով եմ ես, բայց հարցն ինձ շփոթեցրեց: Ինձ կորցրի՞ չի-մանալով ինչ ասել: Պարզապես ասացի.

-Ես եմ:

Այդպիսի համառ սովորություն միայն ժուլժուլն ուներ: Երկար ժամանակ, անկախ նրանից՝ հեռախոսով խոսելի՞ս լիներ, թե՞ դուռը թակելիս, ծանոթ մարդ լիներ, թե՞ անծանոթ, երբ մեկը հարցնում էր նրան՝ ո՞վ է, պատասխանում էր. «Ես եմ»: Եվ եթե հարցը կրկնում էիր, պատասխանը միշտ նույնն էր լինում: Տորու պես համառ էր ու իրասածի: Փորձում էի գլխին քարոզ կարդալ.

- Ինչպե՞ս կարող եմ ուրիշներն իմանալ, թե ով ես դու:

Բայց, եւ դա սպասելի էր, ինչպես ցանկացած այլ լուրջ հարցի դեպքում, նա անհոգ եւ անփոյթ պատասխանում էր.

- Բարձրածայն աղաղակելու համար ես պարզապես ես եմ:

Իրականում այս ամենը գլխովս անցավ մեկ վայրկյանի ընթացքում, երբ կանգնած էի դռան մոտ, եւ այդ ժամանակ սենյակի բևակիչը դուրս նետվեց: Ձեռքս բռնելով՝ նա դիմեց ինձ.

- Ժուլժուլն:

Ճիշտ ինչպես մորաքույրս, նա ի վերջո հասկացավ, որ ես Լյու ժուլժուլն էմ, ապա արագ բաց թողեց ձեռքս եւ ապշահար ու տարակուսած նայեց ինձ:

- Ո՞վ եք Դուք,- հարցրեց:

Իհարկե, չէի կարող պատասխանել այնպես, ինչպես ժուլժուլնը, եւ ասել՝ «Ես պարզապես ես եմ», դրա համար էլ ասացի.

- Ես նրա քույրն եմ:

Նա ոտքից գլուխ զննեց ինձ, ապա լիովին թեթեւացած ասաց.

- Ա՛խ, հա՛, ժուլժուլնն ասել է Ձեր մասին: Ողջույն, ես նրա ընկերն եմ:

Ես լուռ մնացի, միևնույն նա հասկացավ, որ լրիվ չի ներկայացել, այդ պատճառով էլ հավելեց.

- Ես Չժուլ Յուլտանն եմ:

- Ողջույն,- վերջապես պատասխանեցի՝ թաքուն կրկնելով նրա անունը:- Չժուլ Յուլտառ:

- Ողջույն, - ասաց նա, - ես... այստեղ եմ... որ մի երկու բան վերցնեմ:

- Հա, իհարկե,- պատասխանեցի:- Ես նույնպես այստեղ եմ, որ մի երկու բան վերցնեմ:

- Լավ: Դե, ուրեմն, Ձեզ մենակ կթողնեմ: Ես հիմա դուրս կգամ:

Նա իսկապես բարձրահասակ տղա էր, ամրակազմ, եւ, իհարկե, Լյու ժուլժուլնի տիպի: Բայց նա տանջված տեսք ուներ, աչքերը կարմրած էին: Դրանից ես ինձ անկոչ հյուրի պես զգացի, այդ պատճառով էլ շտապեցի ասել.

ՅԱՆ ԳԵ

-Խնդիր չկա, շտապելու ոչինչ չունեմ: Դուք մնացեք, իսկ ես կգնամ:
Շրջվեցի, որ գնամ, բայց նա կանգնեցրեց ինձ:

- Ամեն ինչ կարգին է: Այստեղ ինձ տխուր եմ զգում: Ինչո՞ւ չեք նստում:
Նրա դեմքի արտահայտությունն այնքան սրտաճմլիկ էր, որ նստեցի, իսկ նա գնաց խոհանոց ինձ համար ջուր բերելու, ասես տանտերն ինքն էր:

Չժող Յունտանս մի բաժակ նարնջի հյութ բերեց ինձ, մեկն էլ իրեն, ապա նստեց մյուս մեկտեղանոց բազմոցին եւ մի կում արեց՝ ոչինչ չխոսելով:

Լռությունը խզելու համար փորձեցի գրույց սկսել: Սովորաբար, երբ մարդ առաջին անգամ հանդիպում է իր զարմուհու ընկերոջը, խոսելու շատ բան է լինում, ինչպես, օրինակ, «Որքա՞ն ժամանակ եք ճանաչում միմյանց», կամ «Ինչպե՞ս եք ծանոթացել»: Եվ լինում է նաեւ մտերիմ բարեկամից պարտադիր հորդոր. «Նա բռնկուն բնավորություն ունի, այնպես որ՝ ավելի լավ է զգույշ լինեք»: Բայց հիմա այս բոլոր հարցերն անտեղի էին թվում, եւ ես հուզված ու շփոթված՝ ընտրեցի պատահական մի հարց.

- Եվ այսպես, ինչո՞վ եք զբաղված:

Նա մի պահ ցրված էր, միևնույն ուր հասկացավ, թե ինչ եմ հարցնում իրեն, ապա պատասխանեց.

-Աշխատում եմ Մայրաքաղաքային Երրորդ սիմֆոնիկ նվագախմբում:

Ականջներս սկսեցին զնգալ, ճիշտ այնպես, ինչպես այն ժամանակ, երբ տեսա Լյու ժուժուկի շարունակաբար տպագրվող նոր ստեղծագործությունը թերթում:

-Ես շեփոր եմ նվագում,- շարունակեց նա:

Ես միանգամից ծիծաղեցի:

Իմ ծիծաղը զարմացրեց նրան, եւ նա հարցրեց.

-Ի՞նչ է պատահել:

-Ոչինչ, ոչինչ,- գլուխս տարուբերեցի եւ տիրապետեցի ինձ, երբ դեմքիս էր նայում:

Նա ոչ մի կերպ չէր հասկանա, թե ինչու եմ ծիծաղում: Գուցե կարող էր մտածել, որ դա իմ վշտից է: Բայց այդպես չէր: Ես ծիծաղեցի, որովհետեւ Լյու ժուժուկը նման էր հիմար գերմանամկան: Նա իրական կյանքում եղած ամեն ինչ ընդգրկում էր իր ստեղծագործության մեջ: Եվ ես վերջապես որոշակի սփոփանք գտա «Փողհարը, որ վերականգնում է հիշողությունը» վերնագրով հատվածի մեջ: Փողհարը, որին պատկերել էր, այն փողհարը, որի հետ «եսը» մեկ գիշերվա հանդիպում էր ունեցել, այն մեկը,

որ փնտրում էր իր նախկին սիրեցյալին, որը նման էր «ինձ», իմ առջեւ կանգնած մարդն էր:

-Դուք երկար մազե՞ր եք ունեցել,- հարցրի նրան:

-Այո: Ինչպե՞ս իմացաք:

Ձարմացած՝ հանկարծակիի եկավ:

Նորից ծիծաղեցի: Գուցե չէր կարդացել Լյու ժուլիժուսի պատմությունը: Գուցե կարդալ չէր սիրում կամ գուցե ժամանակ չուներ, դրա համար էլ հնարավորությունը բաց էր թողել ականատես լինելու, որ ժուլիժուսն իր մասին ամեն բան այդքան կոպիտ ու անմիջական, բայց եւ այդքան ճշգրիտ ներկայացրել է թերթում: Իր արտաքինի, մասնագիտության, անձի մասին, այն ամենի մասին, որ կարող էր տեղի ունենալ կամ իրականում տեղի էր ունեցել նրանց երկուսի միջեւ: Ամեն մի վառ մանրամասն: Ես վերհիշեցի փողհարի նկարագրությունը վեպում եւ հասկացա, որ դա իսկապես նույնն անձնավորությունն է:

Չէի կարողանում ծիծաղս դադարեցնել: Ասես իմ ծիծաղն իր սեփական տրամադրությունն ուներ: Այն փախչում էր իմ թույլ ու դյուրաբեկ մարմնից եւ լցնում ամբողջ սենյակը:

-Ծիծաղելի ի՞նչ կա,- հարցրեց Չժոու Յունտան՝ մի տեսակ դժգոհ ձայնով:

Ես գսպեցի ինձ՝ վերականգնելով ինքնատիրապետումս:

-Ոչինչ: Պարզապես մտածում էի որոշ բաների մասին, որ ժուլիժուսն ու ես անում էինք, երբ փոքր էինք:

-Հա՞: Ինչպիսի՞ բաների:

Ինձ հաջողվել էր շեղել նրա ուշադրությունը: Դրա համար էլ ստիպված էի որոշ պատմություններ մտածել ժուլիժուսի մասին, երբ նա փոքր էր, որպեսզի պատմեի Չժոու Յունտային: Խելահեղորեն ուղեղս լարեցի՝ համապատասխան մի դեպք հիշելու, քիչ առաջ ինքնատիրապետումս կորցնելը բացատրելու համար:

Ես նրան պատմեցի քննության մասին պատմությունը: Լյու ժուլիժուսը ժամանակ չուներ մեզ հանձնարարված թեմայով շարադրություն գրելու, այդ պատճառով մի հաճոյացող շարադրություն գրեց՝ «Ես սիրում եմ Ձեզ, օրիորդ Չժան» վերնագրով: Նա գովելով երկինք հանեց իր նորավարտ ուսուցչուհուն, եւ դա վերջինիս այնքան խորապես էր հուզել, որ կարդաց ամբողջ դասարանի առջեւ: Դա ոչ միայն փրկեց ժուլիժուսին, այլեւ նա հայտնի դարձավ որպես «լավ գրող»:

Այս պատմությունը մի քանի անգամ պատմել էի նախկինում: Երբ նա

ՅԱՆ Գ.Ե

Նոր-նոր սկսել էր մի քանի գործ տպագրել, ես դրանք ցույց էի տալիս բոլոր իմ ծանոթներին եւ նրանց պատմում էի այս պատմությունն ու ասում, որ ժուժունը ծնվել է հորինող լինելու համար: Այնքան շատ էի պատմել, որ հատ-հատ գիտեի ամեն մի մանրամասնը: Եվ այնքան լավ ներկայացրի, որ Չժոու Յունտան ծիծաղեց:

Մենք որոշ ժամանակ միասին ծիծաղում էինք, մինչեւ որ հյուրասենյակում կրկին լռություն տիրեց, եւ նա ասաց.

-ժուժունն իրոք որ եզակի տեսակ էր:

Էլի մի քանի բան ասաց: Քանի որ մահացել էր, իմ բուն ու կրակոտ, փոփոխական, անկայուն զարմուհին այդպիսի չափազանցված գովասանքի արժանացավ:

Քանի որ մահացել էր, շատերս ստիպված էինք կարոտելու նրան եւ հաշտվելու մեր հիշողությունների հետ, կամ ձեռացնելու՝ թե կարոտել ենք եւ ինքներս մեզ հավատացնելու, որ այդքան չենք հեռացել նրանից: Ինչքան կատաղի վիճեցինք մեր վերջին հանդիպման ժամանակ: Ինչքան դառն ու խայթող խոսքեր ասացինք իրար եւ ինչպե՛ս երդվեցինք այլեւ երբեք իրար չտեսնել:

Բայց բոլոր այդ բաներն անհետացան, դարձան հիշողություն՝ կորցնելով իրենց գույներն ու հույզերը: Մահը նման է մաղի, որ իրեն է պահում ամեն վատ բան եւ միայն լավն է թողնում, ասես դա այն ամենն է, ինչից երբեւէ ստեղծվել ենք նախեառաջ:

«Դա մի հնչյուն է, որ անցյալը լսելի է դարձնում»:- Ահա թե ինչպես էր այն նկարագրում խմբավարը՝ «Հնչյունների նվագախումբը» գործի առաջին գլխում:

Մենք հաճույքով գրուցեցինք, եւ, բնականաբար, գրույցը Լյու ժուժունի մասին էր: Դրանք բոլորը ուրախ հիշողություններ էին: Չժոու Յունտան ժամանակ առ ժամանակ ծիծաղում էր, եւ ես նկատեցի, որ ծիծաղելիս այնքան անկեղծ է ու վարակիչ: Մենք խմեցինք մեր նարնջի հյութը, եւ նա խոհանոցից շոկոլադե թխվածք բերեց: Հետո, երբ ինձ սկսեց հետաքրքրել գրույցի ավարտը, նրա հեռախոսը զանգ տվեց:

Կարող էի ասել, որ դա կնոջ ձայն էր: Չժոու Յունտան վեր կացավ եւ խոսեց խոհանոցում: Նա սկսեց խոսել ցածրաձայն, բայց ես լսում էի ինչ է պատասխանում, հետո ասաց. «Ես անմիջապես կվերադառնամ»:

Երբ վերադարձավ, մի վայրկյան ասես լրիվ անձանոթ մարդ լինել:

Ինքնատիրապետումը վերականգնելով՝ ասաց.

-Ղե լավ, քույրիկ, ես հիմա դուրս եմ գալու: Ձեզ այստեղ մենակ կթողնեմ: Ես ճանապարհեցի նրան, եւ սենյակում հանկարծ մեռյալ լուրջութիւն տիրեց: Մի որոշ ժամանակ նստել ու ապշահար հայացքով շուրջս էի նայում, ապա սեղմեցի խտասալիկային ձայնասկավառակի նվագարկչի կոճակը: Ղա փոքրիկ նվագարկիչ էր: Մայրս գնել էր Լյու ժուժուժի համար, երբ նա արդեն ավագ դպրոցում էր, եւ ես մորս ասացի, որ ժուժուժը միշտ ցանկացել է նվագարկիչ ունենալ: Լյու ժուժուժն այնքան ուրախ էր, որ գրկեց եւ համբուրեց մորս, բայց մորաքույրս խոժոռվեց եւ դուրս եկավ՝ դուռը ետեւից շրխկացնելով: Մենք կանգնած էինք այնտեղ՝ նրանց հին տան պատերի մէջ, եւ իրար էինք նայում: Մայրս մի քիչ անհարմար վիճակում էր եւ չգիտեր ինչ ասեր:

Ո՞ւմ մտքով կանցներ, որ Լյու ժուժուժը ուրախ ժպիտը դեմքին այսպէս կարծազանքեր՝ դիմելով մորս:

-Մորաքո՛ւյր: Վերջապէ՛ս: Ես ազա՛տ եմ: Նա գնացե՛լ է:

Ճանապարհին, տուն գնալիս, մայրս ու ես խառն զգացումներով էինք լի՝ Լյու ժուժուժի ասածի հետ կապված, դրա համար էլ չէի կարող մտքիցս հանել: Եվ նա այս ամբողջ ժամանակ պահել էր նվագարկիչը:

Սկավառակն սկսեց պտտվել, եւ ես զարմացա՝ լսելով հուզախոռով, դիվային տաղանդով օժտված մի հատված, որն ինձ նորից ամբողջովին շանթահար արեց: Անջատեցի նվագարկիչը, դուրս հանեցի սկավառակն ու տեսա, որ դա Մալերի թիվ 2 սիմֆոնիան էր: Լյու ժուժուժն այս հատվածի մասին հիշատակել էր իր վեպում: Խմբավարը մտադիր էր այն օգտագործել, որպէսզի հրեշիւն արթնացնի, Մալերի թիվ 2 սիմֆոնիան, որ կոչվում էր «Հարություն»:

Վեպում խմբավարը հավատում էր, որ ինքը պետք է միայն ղեկավարի այս հատվածի կատարումը, եւ հրեշը կսկսի նորից մոնչալ: Վեպի աշխարհում նման անտրամաբանական, չհիմնավորված ենթադրությունը բնականաբար կարող էր բանականության կողմից ընդունելի եւ բացատրելի լինել: Պատմությունը պարզապէս պատմություն է, ուստի վիպասանուհին կարող էր անել ինչ ուզում էր: Նա ասում էր.

- Հրեշը կսկսի նորից մոնչալ, երբ Մալերի Երկրորդ սիմֆոնիան հնչի:

Եվ դա կատարվեց:

Բայց ակնհայտ է, որ իրական աշխարհում ամեն ինչ այդպէս չէ: Լյու ժուժուժի մահից հետո չնայած իր սենյակում այս հուզախոռով երաժշտությունը միացրի, բայց հրեշը հրաժարվեց նորից մոնչալ: Յունան քաղաքի կորցրած ոչ մի բան այլեւս ետ չէր գա երբեք:

ՅԱՆ ԳԵ

Ավելի թեթեւ՝ փոփ երաժշտության մի սկավառակ դրեցի եւ սկսեցի աննպատակ զննել նրա սենյակի իրերը: Երբ մարդիկ մահանում են, կորցնում են իրենց անձնական կյանքի գաղտնիության իրավունքը: Լյու ժուժուները մահացել էր մերկ, վերակենդանացման բաժանմունքում: Բուժքույրերը, ովքեր նախապատրաստում էին նրա մարմինը հուղարկավորության համար, պարզապես անտեսեցին նրան կրծկալ հագցնելու իմ խնդրանքը:

Երբ զննում էի նրան պատկանող իրերը, չէի կարող չմեղադրել ժուժուներին իր տարօրինակ սովորությունների համար: Այս բոլոր տարիների ընթացքում նա դեռ հրաժարվում էր նորմալ մարդու պես իր վեպերը համակարգչով հավաքել ու տպագրել: Այդպես շատ ավելի հեշտ կլիներ խմբագրել եւ պահպանել: Բայց նա համակված էր թղթի վրա գրելու նախասիրությամբ: Նա իր գործերն սկսում էր նոթատետրում, ապա անցնում էր թղթի կտորների վրա գրելուն, մինչեւ որ դրանք ամեն տեղ գրված էին լինում եւ կարող էին լինել ամենուր: Շատ է պատահել, երբ գրիչը ցած դնելով ուղիղ անկողին էր մտնում եւ երբ արթնանում էր, չէր կարողանում գտնել թղթի այն կտորը, որի վրա գրել էր գիշերը: Եվ արտասովախառն աչքերով զննում էր ինձ ու լացակումած խնդրում արագ զնալ եւ օգնել, որ կորցրածը գտնի: Ամեն անգամ նա խորապես զոջում էր եւ խոստանում.

-Քույրիկ, վաղը կգնամ եւ համակարգիչ կգնեմ: Վաղն անպայման կգնամ:

Բայց, իր շատ ուրիշ պարտավորությունների նման, ասվածը շատ շուտով մոռացվում էր: Մեկի համար, ով լեզուն օգտագործում էր այդքան հաճախակի եւ այդքան կրքոտ, այդքան բացականչական նշաններով, դադարներով ու հարցականներով լի, այդ խոստումները կորած բան էին: Դրանք նման էին հոսող ջրի. սահուն ու հպանցիկ անցնում էին նրա մարմնի վրայով՝ առանց հետք թողնելու:

Ինձ զգում էի ինչպես հինավուրց գերեզմանախույզ, որ նախնիների հանդեպ ունեցած վախից ազատվում է աստվածանարգ, անպարկեշտ խոսքեր արտաբերելով:

Բայց ինձ չհաջողվեց «Նւյունների նվագախմբին» վերաբերող որեւէ ձեռագիր գտնել:

Փոխարենը՝ սուրճի սեղանի տակի զգրոցում հայտնաբերեցի կես տուփ ծխախոտ, որ նա չէր հասցրել ծխել, հինգ վառիչ եւ ստամոքսի դեղորայքի յոթ կիսադատարկ շիշ: Ի վերջո, որոնումներս ընդհատվեցին ձեռքիս պայուսակի միջից հնչող բջջային հեռախոսի հանկարծակի զանգով:

Ձանգի ձայնն անձանոթ էր: Որոշ ժամանակ անցավ, մինչև հասկացա, որ դա փաստորեն Լյու ժուժունի հեռախոսն էր: Վերակենդանացման բաժանմունքի բժիշկներն էին տվել ինձ, երբ մեկ շաբաթ առաջ հիվանդանոց էի գնացել: Նրա հեռախոսահամարների ցուցակի բոլոր խառնիխուռն մականունների, ծածկանունների, գաղտնի պայմանանիշերի թվում միայն իմն էր ընտանիքի անդամի հեռախոսահամար: Լյու ժուժունն այն պահպանել էր պարզապես «Քոյրիկ» անվամբ:

Ինչպես միշտ, զանգող հեռախոսն ասես անհանգիստ ոգի լիներ, որ թրթռում էր ձեռքիս մեջ: Ձանգահարողի անունը «Գուստավ» էր: Գաղափար չունեի, թե ով է «Գուստավը»: Հավանաբար պատահական ծանոթներից մեկը, որին Լյու ժուժունը հանդիպել էր բարում: Մարդիկ երբեք չեն հայտնում իրենց իսկական անունները: Նրանք սիրում են իրենց ամեն տեսակի շփոթեցնող մականուններով կոչել: Կարծում եմ, որ Լյու ժուժունը նույնպես այդպիսի մի ծածկանուն ուներ: Հիմա ժուժունը միակն էր, որը կարող էր վերծանել պայմանանիշերը, բայց քանի որ նա այլևս չկար, չէր կարող պատասխանել որեւէ հարցի, ոչ էլ կարող էր պատասխանել իր հեռախոսին:

Հեռախոսը, հավանաբար, նույնն էր զգում, ուստի մի քանի զանգից հետո դադարեց զանգահարել:

Նորից նստեցի՝ հենվելով աթոռի թիկնակին եւ տեսա, որ ամբողջովին սառը քրտինքով եմ պատված: Նրա բջջային հեռախոսն իմ ձեռքին էր: Սեւ գույնի էր: Նա այս հեռախոսն օգտագործում էր այն ժամանակվանից, ինչ մոտ էինք: Թվերը սեւ-սպիտակ էին, յույսը՝ կանաչ: Նվազագույն գործառույթներ ուներ, եւ ամենավատն այն էր, որ միայն 50 տեքստային հաղորդագրություն էր պահպանում: Ես արդեն մի քանի անգամ այժմ էի անցկացրել դրանք, եւ նա դրանցից շատերը ջնջել էր: Եվ քանի որ անունները մեծ կարեւորություն չունեին, հաղորդագրություններն ըստ էության անիմաստ էին:

Եվ հանկարծ, անսպասելիորեն, տեքստերից մեկը գրավեց իմ ուշադրությունը: Ճիշտն ասած, դա առաջ էլ էի նկատել: Հաղորդագրությունն ուղարկողը «ՉՅՏ»-ն էր: Գրված էր՝ «Չե՛մ կարող հավատալ, որ այդպիսին ես: Ատո՛ւմ եմ քեզ»: Շուրջ մեկ ամիս առաջվա թվագրություն ուներ, դրա համար էլ մտածեցի, որ ժուժունը մտադրված է պահպանել այն:

Այդ ժամանակ երկու բացականչական նշանները գրավեցին ուշադրությունս: Ինձ չգարմացրեց, որ ինչ-որ մեկն ատելություն է հայտնել Լյու ժուժունի հանդեպ: Ճիշտ ինչպես մորաքույրս՝ նա իրեն շրջապատողներ-

ՅԱՆ Գ.Ե

րին կյարդայնացնելու տաղանդ ուներ: Նա մշտապես խոսքից ետ էր կանգնում, երբեք խոստումները չէր կատարում եւ ամեն ինչում կարողանում էր արդարանալ: Բայց մեզ վերջնականապես բաժանեց այն, որ ես հոգուս խորքում պարզեցի, թե որքան սառը, որքան անտարբեր էր նա ամենքի եւ ամեն ինչի հանդեպ, որքան օտար էր եւ ատելությամբ լի: Գուցե իր սիրեցյալը նույնպես պարզել էր նրա գաղտնիքը:

Նա Վանֆու փողոցի ամենահայտնի աղջիկն էր, միշտ նստում էր լուսամուտագոգին եւ ցած կախում իր գեղեցիկ սպիտակ ոտքերը: Բայց վերածվել էր մի հրեշի, որը խիստ սարսափեցնում էր ինձ, դրա համար էլ մենք դադարեցինք հանդիպել մեկս մյուսիս, բացառությամբ պատահական հանդիպումների, մինչեւ հիմա, երբ նա վերջնականապես ընդմիշտ հեռացավ իմ կյանքից:

Ես սովորաբար չէի զարմանում, երբ տեսնում էի, որ նա այսպիսի հարողագրություններ է ստանում, բայց այս մեկը կրկին գրավել էր իմ ուշադրությունը՝ տեքստն ուղարկողի պատճառով: ՉՅՏ, Չժոռ Յոլետա... Այն երիտասարդը, որ քիչ առաջ, այդքան ջերմ ու կրքոտ, կյու ժուլետինի մասին իր հիշողություններն էր կիսել ինձ հետ:

-ժուլետինս իրոք որ եզակի տեսակ էր,- ասել էր նա:

Վանֆու փողոցի բնակիչները մի ասացվածք ունեն այն մասին, որ դուք կարող եք օրը միայն մեկ գաղտնիք բացահայտել: Երբ ասում էին դա, խոսում էին հանգիստ ու լուրջ, քանի որ չափազանց շատ գաղտնիքներ կան, եւ շատ ժամանակ կա դրանք հայտնաբերելու համար: Բայց երբ դա ասացի, հանկարծ ինձ մի քիչ հոգնած զգացի: Կյու ժուլետինի ընկնելու պահից մինչեւ նրա մահը՝ միայն հիմա ինձ հաջողվեց միայնակ նստել լռության մեջ առանց ազգականի կամ հարեանի կամ գործընկերոջ, էլ չեմ ասում անձանոթի մասին: Միայն ես եւ նա էինք: Նստած էինք դեմդիմաց եւ իրար էինք նայում, ճիշտ այնպես, ինչպես անում էինք փոքր ժամանակ՝ տնային աշխատանքը կատարելիս: Բայց Վանֆու փողոցի աղմուկներն ընդմիշտ հեռացել էին: Մենք երկուսս էլ լքել էինք փողոցը, թեւ տարբեր ուղիներով, բայց այդ տարբեր ուղիները մեզ առաջնորդել էին դեպի նախասահմանված միեւնույն վայրը:

-Ի՞նչ հիշողություն ես փորձում վերականգնել այդ փողիարի հետ,- հարցրի նրան:

Նա ժպտաց ամբողջովին խաբուսիկ-հրապուրիչ ժպտով, բայց ոչ մի բառ չասաց, քանի որ այլեւս չէր կարող պատասխանել իր հեռախոսին կամ ձայն հանել:

ՖՈՒ ՅՈՒԷՀՈՒՅ

ՀՍԿԱ ՓԻՂԸ

1

Հսկա փղերն առաջ էին շարժվում արեադարձային անտառի միջով՝ անցնելիս հարթելով, գետնին հավասարեցնելով բուսականությունը: Լի Շենը զգաց, որ հողն իր ոտքերի տակ տազնապով ցնցվում է, եւ հովհարածեւ փոշու պտտահողմեր եւ գոյանում, կարծես ընկել էին զարկվող թմբուկի վրա: Խոտե հյուղակը նրա ետեւում նույնպես դողում էր, մզլած տակիքի ծղոտե ծածկն ասես ցնցուղվում էր՝ անծրելի սլաքների պես այսուայնտեղ գետնին թափվելով: Լի Շենը դեմառդեմ կանգնել էր փղերի առջեւ եւ բերանը լայն բացած՝ մտացիր նայում էր, ասես նողկանք էր զգում: Երկու ձեռքերը խուճապահար դետուղեն էր շարժում՝ չկարողանալով կառչելու որեւէ բան գտնել: Նա տեսածից ամբողջովին շվարել, կաթվածահար էր եղել, զրկվել էր անգամ փախչելու մասին մտքից: Ի՛նչ վիթխարի էին: Շքեղ անտառը միայն նրանց ձևկներին էր հասնում, ասես խառնիխառն թփուտ լիներ: Փղերի հայացքը հանգիստ էր, երբ իջնում էին զառիթափը: Երբ անցնում էին, դարավոր ծառերը սաստիկ ճոճվում էին՝ միանգամից տապալվելով, տների չափ մեծության արմատները դուրս էին ցցվում հողից: Ամեն տեսակի թռչուններ էին վեր խոյանում՝ ջղագրգիռ թռիչքով պտտվելով կենդանիների շուրջբուրդը: Թռչունների վառ գունավորված փետուրները փայլվում էին երեկոյան սառն ու մաճուցիկ լույսի տակ, իսկ նրանց ճիչերը խլանում էին կապարե ծանր ոտնածայներից: Թռչել չհասցրած թռչունների փետուրները թշվում էին ընկնող ծառերից եւ կախվում օդի մեջ, ինչպես բազմագույն մշուշ:

Լի Շենը կարկամել էր, կմկմում էր՝ մեկ նախադասություն իսկ չկարողանալով արտաբերել: Երբ փղերը մոտեցան, պարզ լսեց նրանց շեփորածայնը, տեսավ նրանց խոր ընկած աչքերը, որ նման էին իսկա դռների բացվածքի, եւ կոշտուկոպիտ, ամուր մաշկից կախված վիթխարի կանաչ ցողակաթիլները: Առաջնորդող փիղը վզին կրում էր փոքրիկ կարմիր մի կապոց, ինչպես ժայռին ամրացված սիհարիկ մի կակաչ: Երբ փիղը մոտե-

ՖՈՒ ՅՈՒԵՀՈՒՅ

ցավ, եւ նրա շունչը փոքր տորևադոյի պես զարկեց իր դեմքին, Լի Շենը տեսավ, որ դա կապոց չէր, այլ կարմիր անջրանցիկ թիկնոցով աղջիկ: Նա աղջկա դեմքը չէր տեսնում, բայց կռահում էր նրա երկար, ուսերին թափված մազերից եւ նրբագեղ կազմվածքից:

Երբ տեսավ, որ փղի վրա նստած մարդ կա, արդեն թաքնվելու համար շատ ուշ էր: Փիղն արագացրեց քայլերը եւ հանկարծ հարվածեց կիսավեր, խարխուլ շիւնոթյանը՝ ահաբեկելով եւ խուճապահար թոցնելով հյուղակի թռչուններին, հեծաններն ու գերանները ճոռացին ու տնքոց արծակեցին: Լի Շենը տեսավ, թե ինչպես են փղի ոտքերը կեսգիշերի պես ճնշելով իջնում, եւ նրա կոկորդը սեղմվեց ու քարացավ, մինչեւ որ վերջապես մի ձայն արծակեց՝ կարճ ու սուր հեւալով արտաբերելով. «Ա՛հ...»:

Լի Շենը մի կողմ նետեց մահճակալի բարակ ծածկոցները, որ ներծծված էին քրտինքով եւ քրտինքի հոտ էին արծակում: Նա երկու անգամ խորը շունչ քաշեց, փակեց աչքերը, ապա նորից բացեց եւ ապշած, անհաղորդ հայացքով նայեց մոծակների ցանցի վերնամասին: Արդեն երկրորդ անգամն էր տեսնում այդ երազը:

Մանկությունից ի վեր նույն բանն էր. որոշ երազներ պարզապես կրկնվում էին: Երբ փղի մասին երկրորդ անգամ երազ տեսնելուց հետո արթնացավ, խոր անհանգստություն էր զգում: Չգում էր, որ իր ուղղությամբ գրոհող փիղը ինչ-որ սպասվող իրադարձության նախանշան էր: Փիղ կամ էլ աղջիկ: Նա համոզված էր, որ դա աղջկա հետ ինչ-որ կապ ունի:

Լուսամուտից դուրս լսվում էր թռչունների խռպոտ ճովոյունը: Եվ այդ ձայնը հոժ էր, ինչպես իր հայրենի քաղաքի գիշերային երկնքի խիտ աստղերը: Ուշ էր: Նա մի պահ փակեց աչքերը, ապա վեր կացավ եւ լվաց դեմքը: Դուրս էր ելել, երբ հիշեց, որ մոռացել է սափրվել, եւ նորից ետ եկավ: Սափրվելուց հետո հայելուն նայելով դեմքը ծամաճռեց՝ խոժոռվելով ու ատամները բաց ժպտալով: Բնագղաբար լայն բացեց աչքերը, եւ ճակատն ակոսեցին անհարթ կնճիռների գծերը: Դա զարմացրեց նրան: Պիտեր, որ դեռ բավականին երիտասարդ է: Դեռ երկու օր առաջ էր նշել ծննդյան քսանիններորդ տարեդարձը: Աշխատավայրում բոլորը նրան նայում էին որպես քսանամյա երիտասարդի, եւ ինքը սիրում էր ուշադրության կենտրոնում լինել: Բայց, մյուս կողմից, երեսունից ընդամենը մի մազաչափ էր պակաս: Հիսուսին խաչին գամեցին, երբ երեսուներեք տարեկան էր: Որտե՞ղ կգամի կյանքն իրեն, երբ երեսուներեք տարեկան լինի: Նա թուլացավ, եւ ճակատը նորից դարձավ հարթ ու փայլուն: Թեեւ ամբողջ տասը տարով մեծ էր աղջկանից, բայց համոզված էր, որ նա իրեն որպես ծեր չի տեսնի:

Մինչ այդ միայն երկու անգամ էր տեսել աղջկան, եւ դա իրենց առաջին իսկական հանդիպումն էր: Առաջին անգամ նրան տեսել էր գնացքում: Ուսապարկը մեջքին եւ ճամպրուկը քաշելով՝ աղջիկը հեռասպառ եկավ նստեց իր դիմաց: Գիտեր, որ նա նոր սովորող է: Այդ ժամանակ ինքն արդեն չորս տարի էր, ինչ դպրոցից դուրս էր եկել: Եվ մտածում էր, որ բոլոր աշակերտները պարզ ու միամիտ տեսք ունեն, բայց միաժամանակ կարոտով նրանց կողմն էր մղվում: Նաեւ անհիմն կերպով կարծում էր, թե ինքն արդեն ծեր է: Հպարտանում էր, որ չափահաս է, բայց դեռ սիրում էր խառնվել աշակերտներին, եւ շատ կարճ ժամանակում իրեն բարձր էր զգում նրանցից: Բայց այս անգամ երբ գնացքում աղջկան հանդիպեց, սովորականի պես չփորձեց գրույցի բռնվել: Նա բոլորովին գրավիչ չէր: Թուխ դեմք ուներ եւ կճատ քիթ, եւ պարզապես նման էր գյուղից եկած՝ ավագ դպրոցի ցածր խմբի աշակերտի: Այդ ամբողջ՝ երեսուն ժամ տեսած ուղեւորության ընթացքում լուռ, փայտի նման նստել էին դեմոկրատաց: Միայն, երբ ուղեւորությունն ավարտին էր մոտենում, աղջիկը երկչոտ խնորել էր նրան, թե չի՞ զանգի արդյոք իր փոխարեն: Հեռախոսը ձեռքին ամաչկոտ շուռումուռ տալով, թուխ դեմքը շփոթմունքից կարմրատակած՝ ասաց, որ իր հեռախոսի մարտկոցի լիցքավորումը սպառվել է, իսկ հարազատներն իրեն դիմավորելու էին գալու: Նա հստակ հիշեց նաեւ, որ աղջիկը խոսելիս քիչ էր մնում լաց լինի: Թեեւ փոքր-ինչ զայրացած՝ անտարբեր զանգ տվեց եւ մեծ գոհունակություն ստացավ նրա շնորհակալական ջերմ խոսքերից: Ինքը ցույց տվեց, որ քաղաքը լավ գիտի, երբ մեծահոգաբար ուղեկցեց աղջկան խառն ու դժվարանցանելի կայարանի միջով ու հանձնեց նրա հարազատներին: Ապա շրջվեց եւ անմիջապես հեռացավ՝ չսպասելով անգամ նրանց շնորհակալական խոսքերին: Հետագայում մտածում էր, որ գուցե հենց դա էր այդքան լավ տպավորություն գործել աղջկա վրա:

Երբ աղջիկն իրեն հաղորդագրություն ուղարկեց, ինքն արդեն լրիվ մոռացել էր նրա մասին: Հաղորդագրության բնույթից կարող էր եզրակացնել, որ ուղարկողը երիտասարդ կին է, բայց վերջինս չէր ասում, թե ով է: Ուզում էր, որ ինքը գուշակի: «Գուշակեք: Մենք հանդիպել ենք ոչ այնքան վաղուց»: Զգացվում էր նրա սեթեւեթանքը:

Այդ ժամանակ նստած էր գրասեղանի մոտ, բայց սիրտը մի պահ արագ զարկեց: Աշխատանքի բնույթի պատճառով շատ հնարավորություններ չունեի կանանց հանդիպելու, հատկապես գեղեցիկ կանանց: Ծատ կուզեր

ՖՈՒ ՅՈՒԵՆՆԵՐ

իմանալ, թե ինչպիսի գեղեցիկ դեմք կարող է լինել անձանոթ թվերի այդ շարքի ետեւում, երբ երկդիմի պատասխանում էր. «Այնքան շատ աղջիկների գիտեմ: Ինչպե՞ս իմանամ ով եք»: Չէր համարձակվում իրական որեւէ հույս փայփայել, բայց չէր էլ կարող դիմակայել երազելու իր ցանկությանը: «Ուրեմն, իսկապես գրավում եք կանանց»: Երբ այս պատասխանը տեսավ, էլ ավելի հուզվեց: Մի պահ մտածեց՝ իրո՞ք գրավում է կանանց: Գուցե ոչ, բայց իրեն դուր եկավ, որ նա այդպես է ասում: Տեքստում ամկա թաքուն խանդը բավական հաճելի էր: Բայց երբ նա ասաց, որ այն աղջիկն է, որին ինքն օգնել էր երկաթուղային կայարանում, ինքը մի պահ սառեց: Այդ մասին մտածելիս հուզմունքն արագ անցավ: Ատեց իրեն, բայց մի քիչ զայրացավ նաեւ աղջկա վրա: Ինչո՞ւ ուղղակի չէր ասում: Չկարողացավ հիշել, թե նա ինչպիսի տեսք ուներ, բայց հստակ հիշեց, որ այնքան էլ գրավիչ չէր: Անտարբեր մի պատասխան գրեց՝ ասելով, որ աշխատանքի է, և սկսեց շարունակաբար անտեսել նրան:

Դրանից հետո աղջիկն իրեն պարբերաբար մի քանի տեքստային հաղորդագրություններ էր ուղարկում՝ որոշ հարցեր տալով իր ուսման հետ կապված: Այն թեթեւ հուզմունքը նորից չառաջացավ, բայց ինքը դեռ պատասխանում էր նրան: Նույնիսկ նրան հանդիմանեց, որ պետք է հատկապես զգույշ լինի տղաների հետ, որպեսզի հանկարծ չխաբվի: Աղջիկն ասաց, որ ինքը շատ բարի է և որ իր նման շատ կենսափորձ ու շատ բան իմացող անձնավորությունը չէր կարող մարդկանց հիացմունք չպատճառել: Դա ստիպեց քնազդաբար մտածել իր ընկերուհու մասին: Վերջինիս աչքում ինքն ավելի ու ավելի թույլ ու կամագուրկ էր դառնում:

Ընկերուհին տեղացի քաղաքաբնակ մի աղջիկ էր: Միասին հանդիպում էին դեռ համալսարանական օրերից: Անցած չորս տարիների ընթացքում ինքը մի քանի անգամ առաջարկել էր, որ օրինականացնեն իրենց հարաբերությունները: Առաջին անգամ ընկերուհին իր հեծանվի ետեւում էր նստած, երբ սլանում էին սոսիների ստվերի տակ: Ընկերուհին ձեռքերով զրկել էր իր գոտկատեղը, և երբ ինքը ետ նայեց, տեսավ, որ նրա դեմքը կարմրատակել է: Վերջին անգամ, երբ այդ մասին ակնարկել էր, նա զայրույթով էր նայել իրեն:

-Ամուսնություն: Ինչպե՞ս կարող ենք ամուսնանալ: Գետնախորշո՞ւմ ենք քնելու, ինչ է:

Ինքը խուսափեց հարցից և առաջարկեց, որ գուցե կարողանան ապրել իր մոտ:

-Ամուսնանալ եւ ապրել վարձակալած բնակարանում: Դու խենթ ես,-
անփութորեն նետեց նա:

Խիստ ազդվեց այդ անփույթ վերաբերմունքից, բայց հանդուգն քմծի-
ծաղեց եւ ասաց, որ եթե ամուսնության մասին խոսք չի կարող լինել, թող
այդպես լինի: Սակայն սրտի խորքում խոր զղջում ապրեց:

Սի անգամ էլ վիճեցին փողի պատճառով, եւ ինքն իջավ սուպերմար-
կետ ու երկու շիշ գարեջուր գնեց, հետո տուն վերադարձավ ու խմեց ամ-
բողջը: Խիստ հուզված էր, երբ նորից ու նորից բջջային հեռախոսի անու-
ներն ու համարներն էր դեսուդես անում՝ փնտրելով, թե ում հետ խոսի:
Մատները կանգ առան աղջկա անվան վրա, եւ մի հաղորդագրություն ու-
ղարկեց. «Դու ինձ դուր ես գալիս»: Երկար լռությունից հետո նրանից պա-
տասխան եկավ. «Խմա՞ծ եք»: Շփոթվեց, բայց մարտահրավեր նետող տո-
նով պատասխանեց. «Ոչ: Ես ազնիվ եմ եղել»: Այս անգամ պատասխանն
անմիջապես հետեւեց. «Իրոք խմած եք: Գիտե՞ք, որ մենք անհամատեղելի
ենք: Դուք այդքան լավ դպրոց եք ավարտել եւ աշխատանք ունեք, իսկ ես
ոչինչ չունեմ»: Երբ հաղորդագրությունը կարդաց, պատասխանեց՝ խառը
զգացմունքներով լի. «Այդ բաները կարեւոր են: Սերը շատ պարզ է: Նա
դրանց կարիքը չունի: Ես պարզապես սիրում եմ քեզ, մաքուր եւ պարզ»:
Տեքստն ուղարկելուց հետո զգաց, որ ստամոքսում մի հանգույց է պրկվել:
Իսկապես հիվանդանում էր: Լուռ կշտամբեց ինքն իրեն: Թվաց՝ մի հավեր-
ժություն անցավ, իսկ նա դեռ չէր պատասխանել: Ասես սիրտը խաշվել էր
եռացրած ջրով, եւ գլուխը գոլորշու ամպ էր: Զայեց դեպի պատշգամբ եւ
շնչեց գիշերային օդը: Նայելով քաղաքի հեռավոր լույսերին՝ վերականգ-
նեց ինքնատիրապետումը եւ մեկ այլ հաղորդագրություն ուղարկեց. «Եթե
համաձայն չես, ապա մոռացիր: Դարգապես ասա, որ հարբած եմ»: Հան-
կարծակի թեթեւցում զգաց, բայց նաեւ չէր կարող զսպել փոքր-ինչ հի-
ասթափվածությունը: Որոշ ժամանակ անց պատասխան եկավ. «Դուք
իրո՞ք վերջն եք: Փոփոխական, ինչպես քամին»: Կրծքավանդակում ջուրը
կրկին թեթեւակի ծփաց: Դրանից հետո մի քանի անգամ նա հաղորդա-
գրություն ուղարկեց իրեն՝ հարցնելով, թե ինչու այդ գիշեր ինքն այդպես
ասաց, բայց ինքը պարզապես շարունակում էր ծուլորեն անտեսել: Երբ
մտածում էր նրա տեսքի մասին, սկսում էր զղջալ: Այդ գիշեր ինքն իրոք
սարսափելի վիճակում էր:

Եթե ընկերուհու տուն ընթրիքի գնացած չլիներ, համոզված էր, որ դրա-
նով հարցը փակված կլիներ:

Երբ ընկերուհու հետ նորից հաշտվել էր, նա իրեն հրավիրեց տուն ընթ-

ՖՈՒ ՅՈՒԵՀՈՒՑ

րիքի: Գիտեր, որ նրա հորը դուր չի գալիս՝ որպես դոստ, բայց այդուհանդերձ բավականին հարգանք ցուցաբերեց ծերուկի հանդեպ և շարունակում էր վերջինիս կենացն առաջարկել մի քանի անգամ խմելու մարտահրավեր նետելով, մինչև որ ծերուկը երեք բաժակ գցելուց հետո փլվեց ընկերուհու տան բազմոցին և քուն մտավ: Երբ անվստահ հրաժեշտ էր տալիս, ընկերուհին դեմքը ծամաճռեց և ասաց, որ ինքն իրոք չափն անցավ: Ստաճեց, որ այս անգամ խաղն իսկապես ավարտված է: Մի՞թե չէր կարող շատ խմել, բայց մարդավարի: Սովորաբար ինքը կարող էր մեկ շիշ թունդ ոգելից խմիչք խմել, ասենք՝ օղի, անհանգստանալու բան չկար, ուրեմն ինչպե՞ս կարող էր այդքան հարբել այսօր մի քանի շիշ գարեջրով և խերեսով: Տան ճանապարհին մեկ այլ հաղորդագրություն ուղարկեց աղջկան, ասելով, որ ինչ-որ գործով դուրս է եկել և որ անցել է նրա դպրոցի մոտով ու կուզեր իմանալ՝ ժամանակ ունի՞ արդյոք: Պատասխանն արագ հետևեց. աղջիկը հարցնում էր, թե որտեղ է:

Երբ մետրոյից դուրս եկավ, բավականին ուշ էր: Մետրոյի կայարանի դիմաց մի փոքրիկ զբոսայգի կար, իսկ զբոսայգում եվրոպական ոճի շատրվան էր՝ շրջանակված կապույտ լույսի լուսապսակով: Լույսը շողում էր շատրվանի կենտրոնում գտնվող մերկ կնոջ արծանի վրա, որի կապույտ դեմքը թունտոտ չարությամբ էր լի: Զայլեց փոքրիկ զբոսայգու շուրջը, բայց նա չհայտնվեց: Միգուցե ինչ-որ բան էր պատահել: Նորից մտածեց ընկերուհու մասին: Պե՞տք է, արդյոք, տուն գնա: Իրոք որ՝ ընկերուհու հետ չպետք է դա աներ: Երկմտում էր՝ շատրվանի շուրջը վերուվար անելով: Գուցե շատրվանի մեջ գտնվող աղջիկը ինչ-որ բան էր ակնարկում իրեն: Հանկարծ անորոշ կերպով գիտակցեց, որ եթե այդպես շարունակի, ապա ինչ-որ բան տեղի կունենա, և դա կլինի հանցագործություն: Միրտն արագ զարկեց, և ուժեղ, բայց աննկատ մի ալիք անցավ մարմնով մեկ: Վերջին գնացքը պատրաստվում էր մեկնել մետրոյի կայարանից: Ամուր սեղմեց հեռախոսը, և շատրվանից ընկնող բարակ մշուշը ծածկեց իր դեմքը: Ամբողջ մարմինը թուլացավ լիակատար թեթևության զգացումից: Մի բան անելու է վերջապես: Պահ՝ գրողի ծոցը,- մտածեց:

Հենց որ աղջիկը հայտնվեց, բռնեց նրա ձեռքն ու գրկեց՝ շուրթերը հպելով նրա շուրթերին: Աղջիկը շուրթերը պրկելով ետ քաշեց՝ աքցանի պես ամուր սեղմելով իրար: Ինքը փութեռանդորեն առաջ մղեց լեզուն՝ ճեղքելով վահանը, բայց միայն խոչընդոտող հսկա բարիկադի հանդիպեց: Իր սպասած հաճույքին չէր հասել, բայց չէր նահանջի, երբե՞ք: Ուղղակի շարունակում էր լեզուն առաջ ու ետ տանելով շոշափել, տևողել նրա

ատամները: Բայց աղջիկը, կտր աչքերը լայն բացած, չէր պատասխանում, որքան էլ որ ինքը համառ էր ու անզիջում: Ի վերջո հոգևեց այդ խաղից եւ բաց թողեց նրան:

-Պա համբույր ընդունելու ձեւ չէ,- ասաց փոքր-ինչ ընկճված:

-Պուք պետք է խոսե՞ք: Իմ առաջին համբույրը եւ այսպես... Եվ դուք այդքան շատ եք խմել:

Աղջիկը քիչ էր մնում արտասվի:

Ուշադիր նայեց նրան: Դեմքը թուփ էր, քիթը կճատ: Բուրբուրվիս գրավիչ չէր: Եվ նրանից տարօրինակ մի հոտ էր գալիս, որ առաջ չէր զգացել: Պա նման էր օգտագործած վառոդի տհաճ հոտի: Խղճաց նրան, բայց ավելի շատ ատեց իրեն:

Ինքը կրկին ու կրկին պնդում էր, որ անհրաժեշտություն չկա ամբողջ ճանապարհն անցնել, քանի որ հենց նոր սենյակ է պատվիրել: Նա չէր խոսում, բայց երբ բացեց բերանը, միայն հարցրեց՝ ամբողջ ճանապարհը: Նայեց նրան: Չէր կարողանում հասկանալ՝ արդյոք անմեղ է ձեւանում, թե՞ իրոք այդպես է: Ինքը հանկարծ կարմրատակեց, երբ ասաց՝ սիրիր ինձ: Լսեց նրա հազիվ լսելի շշուկը՝ դու խեղճ ես: Պարզ բառերը կատաղեցրին իրեն, երբ ի պատասխան բղավեց՝ ի՞նչ խենթ: Սա բնական բան է: Վախենում ես: Ի՞նչ ես կոտորատվում: Աղջիկը թաքուն շուրջը նայեց՝ աղաչելով իրեն, որ ձայնը չբարձրացնի: Ամուր բռնեց նրան՝ հյուրանոց մտնելու մտադրությամբ, բայց նա գալարվելով մի կողմ փախավ, ինչպես ուժեղ երիտասարդ հորթ: Լավ, այդ դեպքում մոռացիր,- ասաց ինքը: Ես կզևամ: Եվ անմիջապես ետ քաշեց նրան դեպի մետրոյի կայարան: Մետրոյի զնացքները վաղուց դադարեցրել էին երթուկը: Ինչպե՞ս էին վերադառնալու: Ստիպված էին լինելու տաքսի կանչել: Իր բնակարան վերադառնալու համար մոտ հարյուր յուան էին վճարելու: Երբ աղջիկը լսեց այդ թիվը, կասեցրեց իրեն: Իսկ ի՞նչ կլինի, եթե մենք... աղջիկը վարանեց: Եկ ետ չզևանք: Եթե ետ չզևանք, ո՞ր ենք գնալու: Մեռնուն նայեց աղջկան: Չե՞նք կարող պարզապես թափառել այստեղ՝ հրապարակում: Փողոցի լապտերների լույսն առկայծում էր աղջկա աչքերում: Հետեւելով նրա հայացքին՝ աչքը գցեց փոքրիկ ամառի գրոսայգու կողմը, որտեղ մի քանի անտրոշ, ստվերոտ կերպարանքներ էին շարժվում: Ինչպե՞ս կարող ենք դա անել: Կեսգիշերին շատ ցուրտ կլինի, էլ չասած՝ մոծակների մասին, ու նաեւ այնտեղ... այդ մարդիկ:

Մեկ սենյականոց էր պատվիրել: Երբ հեռուստացույցը միացրեց, այն ամբողջ ուժով գոռաց: Գիտեր, թե ինչ պետք է անի, եւ հեռուստացույցի

ՖՈՒ ՅՈՒԵՀՈՒՅ

ձայնը երկար ճանապարհ էր անցնելու՝ իր վախկոտությունը խլացնելու համար: Բայց ինչ էլ ասում կամ ինչքան էլ պնդում էր, աղջիկն անդրովելի էր եւ հերոսուհու պես կանգնել էր անզիջում: Համարձակության այն փորձիկ նշույլը, որ այդպես վճռականորեն քաջալերել էր իրեն, աննկատորեն չքացավ: Ինչպե՞ս կարող էիր այդքան պահպանողական լինել: Ինձ հետ ներս եկար, էլ ինչո՞ւ չես թողնում: Եթե չէիր ուզում, ինչո՞ւ հետս ներս մտար: Իր ասածն այնքան համոզիչ էր: Աղջիկը ծնկներն ամուր սեղմեց իրար եւ երկու ձեռքերով ծածկեց կրծքերը: Աչքերում արցունքներ էին լճացել:

Իսկապե՞ս սիրում ես ինձ: Թե՞ պարզապես ուզում ես հետս ժամանակ անցկացնել: Ինքն սկսում էր կորցնել համբերությունը: Ես իրոք սիրում եմ քեզ: Արհամարհանքը զսպելով սեղմեց ատամները: Եթե քեզ չսիրեի, ինչպե՞ս կարող էի այսպիսի բան մտածել: Տեսավ, թե նա ինչպես է շրթունքը կծում եւ վարանում: Ինձ մի քիչ ժամանակ տուր, լա՛վ: Այս պահին... Ես դրան սովոր չեմ... Պարզապես խմած էիր, եւ ես վախենում եմ, որ կարող ես մի փոքր չափն անցնել: Երբ լսեց «դուր ես գալիս» բառերը, վիատված բաց թողեց նրան: Այդ պահին հաղորդագրություն եկավ: Իր ընկերուհին էր, հարցնում էր՝ տա՛նն է արդեն, թե՞ ոչ: Հեռախոսն անջատեց եւ այտը դրեց աղջկա այտին: Շունչը ետ բերեց. գիտու եւ փսխուքի այդ հոտն իսկապես զզվելի էր: Ստամոքսը կրկին տակնուվրա եղավ:

-Կարծում եմ, լավ կլինի տուն գնաս, - ասաց հանգիստ:

-Չե՞մ կարող մնալ: Դու քնիր: Ես ուղղակի կնստեմ կողքիդ եւ հեռու-տացույց կնայեմ:

-Չէ: Եթե մնաս, չեմ կարողանա ինձ զսպել, եւ քեզ համար լավ չի լինի:

Վճռական էր: Վերականգնել էր պատշաճ քաղաքավարությունը: Ինքն իրոք վատ երիտասարդ չէր: Նույնիսկ տեւական վախի զգացում ուներ: Որքան վտանգավոր էր եղել հիմա: Քիչ էր մնում շատ մեծ սխալ գործեր:

-Սաստիկ հուզված էիր,- ասաց աղջիկը՝ զննելով իր դեմքը, երբ ինքը տաքսու մոտ ճանապարհում էր նրան:

-Ե՛ս, վախեցա՞՞մ: Ի՞նչ կար վախենալու: Քո մասին էի մտածում: Եթե իսկապես մի բան անեի, ապա քեզ համար լավ չէր լինի:

Խուսափեց աղջկա հայացքից եւ նորից ամբողջովին կարմրատակեց:

Վերադարձավ հյուրանոց: Թվաց՝ ամբողջ մի հավերժություն անցավ, մինչեւ որ ջուրն իր ուզած ջերմաստիճանն ստացավ: Յնցուղն ուղղեց դեպի շուրթերը: Տրի ուժեղ շիթը զարկեց փայտացած քիմքին, երբ նրբորեն ճաշակում էր շփումն ու ցավը: Ինքն ու ընկերուհին այդպես էին անում

հյուրանոցում միմյանց համար: Դա լավ խաղ էր: Բայց հիմա միայն մտադիր էր շուրթերի վրայի այդ զգվելի հոտը հեռացնել: Երկար ժամանակ անց լեզուն թմրեց ու անզգայացավ, եւ այդքան երկար զսպված արցունքները դուրս հորդեցին: Կուչ եկավ մահճակալի վրա: Ի՛նչ տարօրինակ էին այս գիշերվա դեպքերը: Ի՛նչ խորհրդավոր էր, որ ինքը մտում էր այս հյուրանոցում: Անհանգիստ շուռումուռ գալով քուն մտավ եւ անորոշաբար, մշուշի մեջ սկսեց հսկա փղի ձեւ ընդունել: Փիղն աջուձախ ամեն ինչ խորտակելով ճանապարհ էր հարթում անտառի միջով՝ ոտնատակ տալով ու գետնին հավասարեցնելով տերեւները: Իրեն թվում էր, թե ողջ գետինը ցնցվում է իր ոտքերի տակ, եւ ինքն ամեն րոպե կարող է ընկնել: Թվում էր՝ ուր որ է կճգմվի այդ արարածի սմբակների տակ: Գոռալով արթնացավ: Լուսնի լույսը փայլում էր կիսաբաց լուսամուտից, վարագույրները մեղմ քսվում էին հատակին: Ի՛նչ ապշեցուցիչ նմանություն ուներ մեծ ստվերը փղի ամրակազմ մարմնին:

Շատ հստակ հիշում էր, որ դա առաջին անգամն էր, երբ երագում տեսավ փղին, բայց նրա վրա կարմիր անջրանցիկ թիկնոցով աղջիկ չկար:

Ժողովրդական զբոսայգին շրջապատող բարձրահարկ շենքերը նույնպես նման էին հսկա փղերի: Մի պահ Լի Շենը պատկերացրեց, որ դրանք գրոհում էին իր վրա: Բայց մի էական տարբերություն կար. ի տարբերություն երազի՝ լիովին ապահով էր զգում: Նա սիրում էր վտանգը պատկերացնել ապահով հեռավորությունից, հուզագրգիռ մի զգացողություն, որ ստանում էր վտանգից այդպես ապահովված լինելով: Շուտ էր տեղ հասել եւ բավական շատ ժամանակ ուներ մտածելու անցյալ ամսվա կամ էլ ավելի առաջվա իրադարձությունների մասին եւ կանխատեսելու, թե ինչ կարող էր տեղի ունենալ այս երեկո: Այսօր գիշերը... չէր կարող փոքր-ինչ չհուզվել: Անցած անգամվանից տարբեր կլինի: Անկասկած: Ինչ էլ որ անի, ընկերուհուն կրկին հուսախաբ չի անի: Այն բանից հետո, երբ ընկերուհին ասել էր, որ նոր ընկեր ունի, ետուառաջ էր արել իր սենյակում, ինչպես վանդակված մի կենդանի: Կապ չունի՝ ո՛ր ուղղությամբ էր գնում-գալիս, հինգ քայլից ավել չէր կարող անել, որովհետեւ դեմ կառներ պատին: Իրոք ուզում էր գոռալ, սակայն, կանգնած նեղ պատշգամբում, որտեղ իրար գլխի ամեն տեսակ հնոտիք էր կիտված, մեկ այլ բնակելի շենքից ընդամեն-

ՖՈՒ ՅՈՒԵՀՈՒՑ

ևր 10 մետր կամ մի քիչ ավելի հեռավորության վրա, լայն բացեց բերանը, բայց ծայն չկար: Մարդիկ կկարծեին, թե խելագար է: Հասնեց բջջային հեռախոսը և սկսեց նորից դեսուդեն անելով նայել համարները: Մատները հերթով անցնում էին անունների վրայով: Բոլոր անուններն իրենց կյանքն ունեին: Նրանք ոչ մի կապ չունեին իր հետ: Եվ այնքամ նորից կանգ առավ աղջկա անվան վրա: Այն գիշերից հետո կապի մեջ շատ չէին եղել: Ի՞նչ կարող էր ասել: Հասկացավ, որ նա միակն է, որի հետ կարող էր խոսել: Այնքան շատ ընկերներ ուներ, բայց նա... անկեղծ ասած՝ նա միակ մարդն էր, որի հետ կարող էր խոսել, և նա դեռ չէր կարող ընկեր համարվել: Երբեմն, իսկապես, ամեն բան այնքան տարօրինակ է:

Քանիցս նրան խնդրեց մտածել այն մասին, թե իրենց ինչպես կզգային, եթե այն գիշեր իրոք միասին լինեին, բայց ամեն անգամ աղջիկը ճարակորեն փոխում էր թեման: Ինքը նիզակով որսորդ էր, իսկ նա փոքրիկ սարսափած եղևիկ: Որսի ընթացքում իր սիրտը, որ կողոպտված էր ընկերուհու կորստից հետո, այժմ լի էր անխոհեմության զգացումով: Դա էլ ավելի մեծ վիշտ էր հարուցում: Իր սրտում ընկերուհին անսկատորեն վերածվել էր քաղաքի խորհրդանիշի. երբ նրա հետ էր, զգում էր, որ ինքն իսկապես քաղաքի մի մասն է: Եվ նրա մեկնումով ինքնաբերաբար զգաց, որ չի կարողացել մտնել քաղաք: Դառնորեն մտածում էր, որ ինքը մնացել է «գեղջուկ»: Մինչդեռ աղջիկն, ինչպես ինքը, օտարական էր, և ինքն օգտվել էր քաղաք շուտ մուտք գործած լինելու իր առավելությունից, որպեսզի հեշտությամբ պահանջի նրան: Որոշակի չափով նա կարող էր փոխհատուցել իր կորուստը, և ինքը մեկ անգամ էլ խղճաց ու ատեց իրեն: Մի՞թե ես իսկապես արժանապատիվ մարդ եմ: Երբեմն հարցնում էր ինքն իրեն: Այո: Այս օրերին և այս տարիքում դա իսկապես ոչինչ էր, բայց պահպանողականությունը դեռ իշխում էր: Եվ ինքը նրան էր ասում, թե շատ պահպանողական է: Բայց այս անգամ գիտեր, որ այդպիսի արդարացումն իսկապես չէր կարող իր ներքին տազնապը փարատել: Միակ ընտրությունը ինքնին հարցից խուսափելն էր: Պետք է կանգ առնի, քանի դեռ շատ հեռուն չի գնացել: Փառք Աստծո, անցած անգամ ոչինչ չպատահեց: Բայց հետո նորից չէր կարողանում զսպել իրեն: Անհամբեր էր և ձգտում էր խախտել սահմանները:

Շուրջը նայեց: Չբոսայգին շրջապատված էր բարձրահարկ շենքերով, և երկինքը վերելում փակվում էր: Երեւի շուտով անձրեւ էր գալու: Որքան տարբեր էր այս հեղձուցիչ եղանակը իր հայրենի քաղաքի եղանակից: Նույնիսկ գրեթե տասը տարի անց էլ՝ դեռ չի կարողացել սովորել այս եղա-

նակին: Սիրահարները շարունակում էին կրքոտ գրկախառնվել մոտակա նստարաններին: Ինքը դա չէր կարողանում տանել: Հենվելով քափուրի ծառին՝ աչքերը փակեց: Երկու մուգ կարմիր տերեւ իջան կրծքին:

Ինչ եկել էր այս քաղաք, միայն տեսել էր այս տարօրինակ ծառերը, որ զարնան են տերեւները թափում: Վերցրեց տերեւները եւ տրորեց ափի մեջ, ապա թողեց, որ ընկնեն գետնին: Իսկապես խղճում էր աղջկան: Նախկինում դա եղել էր, ուստի նա պետք է պատրաստ լիներ այս անգամ: Ինքը չէր կարող պատասխանատվություն կրել որոշման համար:

Աղջիկը գրեթե մեկ ժամ ուշ եկավ: Սեղադրական հայացքով նայեց նրան ու հարցրեց, թե ինչքան է վճարել: Նրա դեմքը դարձավ վառ կարմիր, եւ ասաց, որ սխալ ուղղությամբ մեկնող գնացք էր նստել եւ գլխի չէր ընկել, մինչեւ որ վերջին կայարանին էր մոտեցել: Սոռաջել էր, որ ինքն էլ է նույն բանն արել, երբ նոր էր քաղաք եկել, եւ ասաց՝ ինչպե՞ս կարող էիր այդքան հիմար լինել, որ լրիվ այլ ուղղությամբ գնայիր: Կատաղած էր, երբ մի քանի անգամ կրկնեց «հիմար» բառը: Նա գլուխը կախեց՝ ընդունելով իր նախատիկների տարափը եւ պնդելով, որ դա այլեւս չի կրկնվի: Կրկնվի՞: Փոթկացրեց: Ո՞վ գիտի ո՞ր կգնաս հաջորդ անգամ, մինչեւ արթնանաս:

Բայց լռեց, երբ տեսավ, որ նրա աչքերը սկսում են թրջվել:

Առաջ քայլեց զբոսայգու նեղ արահետով, եւ աղջիկը ձգտում էր հասնել իր ետեւից: Սովոր էր միայնակ զբոսնել քաղաքում արագ քայլերով, եւ աղջիկն ստիպված էր գրեթե վազել, որպեսզի ետ չմնար: Շրջեց դեմքը եւ քայլեց աննպատակ՝ նայելով միմյանց ձեռք բռնած սիրահարներին, իրենց երեխաների հետ զբոսնող միջին տարիքի տղամարդկանց կամ անվասայլակներին նստած ծերերին: Արեւի լույսը խայտաբղետ շողում էր մարդկանց դեմքերի վրա: Կրկին մտածեց այն փղերի մասին. ինչպես էր արեւն իր հզոր ճառագայթներով ընկել նրանց ցողածածկ կոպիտ մաշկի վրա եւ շողում էր՝ ջրի մեջ շարժվող ոսկե ծածանի նման: Ուզում էր փախչել, բայց ինչ-որ բան բռնել էր ձեռքը: Մի ակնթարթում սթափվեց ցնորքներից եւ ետ նայեց ու տեսավ, որ շնչակտուր աղջիկը բռնել է իր ձեռքը:

-Ի՞նչ ես այդպես արագ վազում: Չես էլ սպասում ինձ:

-Սովոր եմ այդպես մենակ քայլելու,- ժպտաց անտարբեր:

Շարունակեցին դանդաղ քայլել զբոսայգում՝ ձեռք-ձեռքի:

Նրանց տեսնող ցանկացած մեկը համոզված կլիներ, որ սիրահարների զույգ են:

Հանկարծ իր մտքով անցավ, որ գուցե աղջկա աչքում իրենք իսկապես

ՖՈՒՅՈՒԵՆՆԵՐ

զույգ են: Մի տեսակ անհանգստացավ՝ վախենալով, որ ծանոթներից մեկնումենկը կարող է տեսնել իրենց, իսկ միգուցե իր ընկերուհիին: Գիտեր, որ ծիծաղելի բան է մտածում, բայց չէր կարողանում այդ միտքն իրենից վանել: Երբ մոտեցան փոքրիկ լճին, ձեռքը ետ քաշեց և ցանկապատող ճաղաշարին հենվելով՝ նայեց պղտոր ջրին: Այսուայնստեղ ռետինե մի քանի նավակ էին ճոճվում, իսկ լճի մակերեսույթից վեր՝ բաղի կտուցների նմանվող ծորակներից պարբերաբար ջրի շիթերի բարձր շատրվաններ էին արտամղվում: Նավակներում գտնվող աղջիկները ժամանակ առ ժամանակ վախեցած ճիչեր էին արձակում սեղմվելով իրենց կողքին նստած տղաներին: Շիթերն անմիջապես ծուլորեն ցած էին թափվում ջրի մակերեսույթին, իսկ կաթիլներից մի քանիսն ընկնում էին նրանց դեմքերին՝ թույլ ձկնահոտ արձակելով: Ուզում էս փորձել: Աշխույժ նայեց աղջկան: Բայց նա լճին չէր նայում: Նրա դեմքը մռայլ էր, երբ նայում էր անցնող մարդկանց: Ուզում էս փորձել: Նորից հարցրեց: Չէ՛ եղավ կտրուկ պատասխանը: Մի պահ զարմանքով նայեց նրան և ասաց՝ մոռացիր: Բայց երբ քայլեցին լճի մյուս կողմը, որտեղ վարձու նավակներն էին, աղջիկը կանգ առավ: Եկ թիանավակ նստենք: Թախանձող հայացքով նայեց իրեն: Չասացի՞ր, որ չես ուզում: Պատասխանեց ծուլորեն: Ուզում եմ թիավարել, չեմ ուզում այդպես խաղալ, - ասաց աղջիկը: Նա իրեն ասաց, որ ապրում էր մեծ գետի կողքին: Լայնարձակ գետ էր, և ջուրը հոսում էր հարթ ու սահուն: Նա սիրում էր նավակով մի ափից մյուսն անցնել:

Էի Շենը թիանավակ չվարձեց, ինչպես աղջիկն էր առաջարկել: Փոխարենը վարձեց դանդաղընթաց մի էլեկտրանավակ: Երբ երիտասարդ էր, ապրում էր լեռնային շրջանում, և առաջին անգամ նավակ նստել էր քաղաք գալուց հետո: Նավակ նստելիս դեռ հուզվում էր: Նստեց ղեկավարման մասի նստարանին և սկսեց ղեկավարելով կարգավորել նավակի ընթացքը: Նավակի քիթը շարունակում էր զարկվել կամրջի հենարաններին և ջրափնյա գծին: Շուտով հոգևեց դրանից: Նավակը շատ դանդաղ էր շարժվում, և շատ հեշտ էր այն կառավարել: Տեղը փոխեց աղջկա հետ և տեսավ, թե ինչպես է նա հուզված բռնում ղեկավարելը: Աղջկա դեմքն ամբողջովին կարմրատակել էր, մեկ ճչում էր, մեկ աղաղակում: Նա խանդավառ կերպով պատմում էր երեխա ժամանակ գետի վրա նավարկելիս ունեցած իր փորձի մասին: Ինքը ծուլորեն պատկերացրեց նրան ափին խաղալիս: Աղջիկը, ինչպես միշտ, գրավիչ չէր, բայց հայացքի մեջ որոշակի նուրբ փոփոխություն կար: Մինչդեռ ինքը շուտով սկսեց հոգևածություն զգալ: Միշտ էր հոգևածություն զգում: Չախ ձեռքով նավեզրից բռնած՝ նա-

յեց հեռվում լճի մակերեսին արտացոլվող երկնքին, եւ թուլացած կոպերը խոնարհվեցին:

Նավեզրից բռնած ձեռքը սահեց, եւ Լի Շենն անմիջապես բացեց աչքերը: Աղջիկը թեթեւ ժպիտով նայում էր իրեն: Դեմքը կարմրեց: Քսած ժամանակ այնքան զվարճալի տեսք ունեիր: Նա մեղմ կշկչում էր, իսկ դեմքը ողողված էր արեւի լույսով: Ինքը նույնպես ժպտաց եւ ուղղեց մեջքը՝ շորերը կարգի բերելով: Աղջիկը շարունակում էր քրքջալով նայել իրեն: Ինքը հոնքերը կիտեց եւ մի հայացք գցեց նրա կողմը: Ինչի՞ վրա ես ծիծաղում: Նա զսպեց ծիծաղը: Որոշ ժամանակ անց ամպերը ցրվեցին, եւ ջուրը ողողվեց մթնշաղի լույսով: Լույսն ասես արտացոլվում էր արույրե հայելու մեջ: Փոքրիկ նավակը կանգ առավ լճի մեջտեղում՝ լրիվ մենակ: Գլխացավ զգաց՝ ասես ուժեղ ճառագայթից հանկարծ կտրացած:

-Երբեւէ փիղ տեսած կա՞ս,- հարցրեց անսպասելիորեն:

-Երբեք: Որտեղի՞ց: Քո նախկին բնակավայրում փի՞ղ ունես:

- Ես փղեր տեսել եմ միայն կենդանաբանական այգում,- անփութորեն ասաց Լի Շենը՝ հայացքը հանգիստ հառած ջրի մակերեսույթին խաղացող լույսին:

Երբ ավելի մթնեց, նրանք հեռացան զբոսայգուց: Լի Շենը շարունակում էր քայլել մի փոքր առջեւից, իսկ աղջիկը վազում էր, որպեսզի ետ չմնա, երբեմն իր թելքից քաշելով: Նրանք անշտապ ընթրեցին փոքրիկ, դատարկ ռեստորանում՝ երբեմն զրուցելով: Մեծադիր ապակե լուսամուտից անդին կամաց իջնում էր գիշերը: Սպասեց միչքան աղջիկն ուտի վերջացնի ապուրը: Նա փոքր գդալով իրար ետեւից կում-կում կուլ էր տալիս ապուրը, ասես այն շատ համեղ էր: Ինքը նայում էր նրա թեթեւակի դողացող մատներին, սոխարմատի նման ճերմակ՝ երկար, նեղ եղունգներին: Գիտեր, թե հետո ինչ է լինելու, եւ վստահ էր, որ նա էլ գիտե: Նա չպետք է հավատա իր այսպես ասած հավաստիացումներին:

Ճիշտ այն առաջին գիշերվա նման՝ աղջիկը ձեռքերը խաչեց, որպեսզի պաշտպանի կրծքերը, եւ ամուր պրկեց ոտքերը: Ինքն ուժեղ ճնշում գործադրեց: Չէի՞ր ասում, թե ուզում ես օգնել ինձ՝ նշելու ձենոյանս օրը: Սա՞ ես համարում ինձ տրված ձենոյան օրվա նվեր,- հարցրեց: Աղջիկը պետք է որ ապշած լիներ իր սպառնազին պահվածքից: Արցունքներ խաղացին նրա աչքերում, ասես աղերսում էր՝ ինչո՞ւ ո՛չ հաջորդ անգամ: Հաջորդ անգամ համաձայն կլինեմ: Գուցե այս մեղմ, քնքուշ մերժումը պատճառ դարձավ, որ ինքը վերջ տա եւ պառկի նրա կողքին՝ աչքերն առաստաղին հանելով եւ ծանր շնչելով: Շփոթված էր ու վրդովված:

ՖՈՒ ՅՈՒԵՀՈՒՑ

Աղջիկը շտկեց զգեստը եւ կայեց Լի Շենին՝ կրկին քրքջալով: Հայացքն ուղղեց աղջկա կողմը: Հիմա՞ ինչու ես ծիծաղում: Շրջվելով՝ նա սեղմեց շուրթերը եւ սեւեռուն իրեն կայեց: Այլ տեսք ունես, քան վերջին անգամ քեզ տեսածս ժամանակ:

Ինչպե՞ս թե՛ այլ,- հարցրեց: Նա ծիծաղեց եւ տատանվեց, ապա շարունակեց: Հիմա շատ ես ծերացել: Այս խոսքի վրա նորից սեղմեց նրան: Տրամադրված էր խախտել ամեն սահման, որպեսզի վրեժ լուծի: Միայն մեկ վայրկենական կասկած ունեցավ. աղջիկը տարբեր էր իր նախկին ընկերուհուց: Այս քաղաքում իրենք նույնն էին: Երկուսն էլ թափառական էին, անհանգրվան:

Աղջկա համար սա առաջին անգամն էր: Խոչընդոտը, որին ինքը հանդիպեց, եւ ցավը, որն աղջիկը ցուցաբերեց, իր սպասածից շատ ավելի մեծ էին: Չննեց նրա կծկված, ցնցվող դեմքը եւ մի կարճ պահ վարանեց, ապա շարունակեց՝ էլ ավելի վճռական: Աղջիկը շոթունաբեր կծեց եւ հայացքը մի կողմ շրջեց: Լի Շենը մտածեց, որ նա ուր որ է կարտասվի, բայց աղջիկը պարզապես հայացքն ինչ-որ բանի էր հառել: Նախկինում իր հետ դա երբեք այդքան երկար չէր տեսել, եւ այդ ամբողջ տեսական գործընթացի ժամանակ աղջիկը շարունակում էր հայացքը մի կողմ շրջել եւ իրեն չնայել: Դիմեց նրան՝ անունը տալով՝ Սյառ Յան, Սյառ Յան, բայց նա չէր պատասխանում: Մի պահ հիշեց նախկին ընկերուհուն, եւ սիրտը սեղմվեց: Չգիտեր, թե աղջիկն ինչի մասին է մտածում: Դեմքը հպեց նրա պարանոցին եւ զգաց վառողի այն թույլ հոտը: Ի վերջո աղջիկը դեմքով շրջվեց իր կողմը եւ հարցրեց՝ ձայնի մեջ ձանձրոյթի երանգ՝ դեռ չե՞ս ավարտել: Նրա հայացքի տակ ինքը թուլացավ եւ սաստիկ կարմրեց:

Լի Շենը չտեսավ այն, ինչ սպասում էր տեսնել Սյառ Յանի տակ ընկած սրբիչի վրա: Փոխարենը հանգստացավ ու ծիծաղեց եւ ասաց, որ ոչինչ չկա, ամեն ինչ լավ է: Ուղեկցեց աղջկան մինչեւ լոգարան եւ արագ նկատեց մի մեծ կարմիր բիծ նրա ոտքերի տակ: Կանգնած էր աղջկա կողքին, իսկ կարմիրը դանդաղ հոսում էր նրա ոտքերի վրայով: Այն շարունակում էր հոսել ինչ-որ գաղտնի, վախեցնող տեղից: Ինքը հետո մտածում էր, թե ինչպես պետք է հիմարի պես վախենար այն ժամանակ: Հիշեց, որ առաջին անգամ նախկին ընկերուհու հետ լրիվ մթության մեջ էր: Թվում էր, թե ընկերուհին շատ ավելին գիտեր, քան ինքը, եւ չէր արնահոսել: Ինչից է, որ այդքան շատ է, այդքան շատ է, կրկնում էր անընդհատ: Աղջիկը նրան նայեց վշտալի դեմքով: Ես ի՞նչ իմանամ: Ինքն շտապեց ասել, որ բան չկա, ոչինչ էլ չի լինի: Կարծես նրան էր վստահեցնում, բայց միաժամանակ

վստահեցնում էր ինքն իրեն: Սիրո՞ւմ ես ինձ: Տխուր հարցրեց աղջիկը: Ինքը մի պահ տատանվեց, ապա ասաց՝ իհարկե: Աղջիկն էլ ավելի վշտացավ: Ասա դա: Ուզում եմ ասես դա: Չեմ ուզում պարզապես պատասխանես: Իսկ ինքն ուղղակի ասաց՝ մի՞թե կասկած կա: Գրկեց նրան եւ թեթեւ ծիծաղեց՝ մտածելով՝ այսուհետ ես այլեւս լավ մարդ չեմ:

Առավոտյան երբ արթնացան, աղջիկն ասաց, որ գիշերն ինքը կրճտացնում էր ատամները: Կրճտոցի ձայնը բավականին բարձր էր, ու նաեւ գոռում էր եւ ճչում: Հարցրեց՝ արդյո՞ք մղձավանջ էր տեսնում: Առաջին անգամ իմացավ, որ քնած ժամանակ ատամներն է կրճտացնում: Նախկին ընկերուհին երբեք իրեն չէր ասել այդ մասին: Միշտ ինքն էր արթնանում գիշերվա կեսին եւ անտարբեր նայում հանգիստ քնած ընկերուհուն: Մի պահ մտածեց: Ընկերուհու հետ երբեք չէր խոսել փղերի մասին: Եվ կասկածանքով հարցրեց աղջկան՝ իրո՞ք:

Ծննդյան օրվա առթիվ աղջիկն իրեն սեւ շարժ նվիրեց: Ասաց, որ երկու շաբաթում է գործել դա: Ինքը շնորհակալություն հայտնեց նրան, եւ մինչ նա լոգարանում էր, շարժը խցկեց հյուրանոցի կոշիկի պահարանի մուտք խորքերը:

4

Դրանից հետո փղերը երբեք ամբողջ երազը չէին գրավում: Փոխարենը՝ հայտնվում էին մի շարք տարբեր երազներում: Երազ տեսավ՝ իբր գործընկերոջ հետ աստիճաններով վեր էր բարձրանում, ու երբ հասան վերին հարկին, գործընկերը դեմքով դարձավ դեպի իրեն, եւ նրա գլուխը հանկարծ պայթեց: Դա հսկա փղի վիթխարի գլուխ էր: Ինքն այնքան վախեցավ, որ շրջվեց ու փախավ, բայց տեսավ, որ ոչ մի ուղղությամբ ճանապարհ չկա: Հետո մեկ ուրիշ անգամ էլ երազ տեսավ, երբ նոր էր քուն մտել: Մշուշի մեջ հսկայական մի լեռ էր բարձրանում, որ խաղողի վազերով էր պատված եւ չափազանց գառիվայր էր: Ուժասպառ հասավ գագաթին եւ զգաց, որ ոտքերի տակ գետինն սկսեց ցնցվել: Շուրջը նայեց եւ տեսավ, որ բարձրացել է վիթխարի փղի ուսերին: Այսպիսի երազներից մշտապես արթնանում էր սառը քրտինքի մեջ կորած: Սակայն Սյառ Յանի հետ այն գիշերից հետո պարզեց, որ փղի վրա նստած՝ կարմիր անջրանցիկ թիկնոցով աղջիկն այլեւս երբեք չի հայտնվում: Ուրախ էր, բայց նաեւ փոքր-ինչ հուսախաբ:

Ամեն օր, երբ երազ տեսնելուց հետո արթնանում եր, դեռ միևնույն աշխատանքի գնալը որոշ ժամանակ էր ունենում: Պառկում էր անկողնում, լրիվ սթափվում և պարզապես նայում: Ահավոր տեսք էր ունենում: Սկսեց մաքրող լույսն օգտագործել, դեմքը խնամքով լվանալու համար: Դեմքը լվալուց հետո խնամքով սափրվում էր: Լուռ նայում էր հայելուն ամբողջ մի հավերժություն՝ իսկական ծաղրածուի նման ծամածռվելով ու ատամները բացելով, և հայելու միջի դեմքն արծազանքում էր նույն կերպ: Հետո հանկարծ հանգիստ ու անխռով տեսք էր ընդունում, և հայելու միջի մարդն էլ էր հանդարտվում: Իսկապես հետաքրքիր էր: Անկախ նրանից, թե ովքեր են, մարդիկ երբեք նույնը չեն հասարակության մեջ և առանձին: Միայն ինքն է տեսել իր ծամածռվող դեմքը:

Աշխատանքի գնալու ճանապարհին երբեմն հայացք էր գցում այս կամ այն գեղեցիկ աղջկա կողմը: Այս քաղաքում գեղեցիկ աղջիկներն անպակաս էին: Մի օր ճամփեգրին սպասում էր համալսարանի իր հին դասընկերոջը՝ Յգյանին: Հեռվից նկատեց կարճաթև ճերմակ վերնաշապիկով, սև, կարճ շրջագցեստով նուրբ ու սիրունիկ՝ քայլող մի աղջկա: Աչքերն այնքան թարմ ու մաքուր էին, որ նա ուղղակի հմայիչ էր: Չկարողացավ զսպել իրեն և մի փոքր ավելի մոտեցավ, որ ավելի լավ տեսնի: Աղջիկը մոտեցավ և դիմեց իրեն, ինչպես եղբորը կոհմեն, ասելով, թե ավելի քան գոհ կմնա իր ծառայությունից: Ապշած նայեց նրան և հարցրեց՝ ծառայությունի՞ց: Աղջիկն արագ արծազանքեց մի շարք արտահայտություններով՝ «Փոթորիկ անապատում», «Բյուրեղյա սեր» և այլն: Երբ ավարտել էր, հանդիսավորությամբ ավելացրեց՝ երաշխավորում եմ, որ կբավարարվես: Ինքը հասկացավ, թե նա ինչ նկատի ունի, և սաստիկ կարմրեց, բայց պահպանեց ինքնատիրապետումն ու հարցրեց՝ ինչքա՞ն: Երեք հարյուր՝ լրիվ ծառայության համար կամ հինգ հարյուր՝ երկու հանդիպման համար: Եթե ուզում ես ամբողջ գիշերը, ապա յոթ հարյուր: Այս ասելով՝ ակնկալիքով նայեց իրեն: Ինքն իսկապես գայթակղվեց: Իր ծանոթ աղջիկներից և ոչ մեկն այս աղջկա չափ գեղեցիկ չէր: Գլուխը կախեց, ասես խղճի հետ կռիվ էր տալիս: Աղջիկը նկատեց իր տատանվելը և ասաց, որ ապրում է հարեանությամբ, որ անվտանգության խնդիր չի լինի, որ սովորաբար ծառայություններ չի առաջարկում բացեփբաց և որ սովորաբար իր հաճախորդներին գտնում է առցանց: Այսօր մի փոքր ծանծրույթ էր զգում, դրա համար էլ դուրս էր եկել զբոսանքի և հանդիպել էր իրեն: Եվ կարող էր իրեն ասել, որ կարգին տղա է: Մի պահ վերից վար նայեց աղջկան: Դեմքը նուրբ էր, կուպերին թեթև ստվերաներկ էր նշմարվում, որն ըստ էության անմեղու-

թյան տպավորություն էր հաղորդում: Բայց այդուհանդերձ նա այդ գործն էր անում: Ինքը չգիտեր, թե ինչն ստիպեց իրեն դա անել: Ես ազնիվ տղա-
յի տե՞սք ունեմ,- հարցրեց ծաղրանքով: Աղջիկն աչքով արեց եւ սեղմեց
իրեն՝ գալի՞ս ես, թե՞ չէ:

Չասաց, թե կընդունի նրա առաջարկությունը, ոչ էլ մերժեց այն: Կարմ-
րատակած դեմքով հարցրեց, թե արդյո՞ք նա շատ հաճախորդներ ունի եւ
ինչպե՞ս է նրա առողջությունը: Կակազելով, ճակատը քրտինքի կաթիլնե-
րով պատված, ձեւացրեց, թե մազերն է ուղղում, եւ առիթից օգտվելով՝ ճա-
կատը սրբեց: Ձեռքից սառը քրտինք էր կաթում: Ստածեց, թե աղջիկը
կգայրանա, բայց նա չգայրացավ: Դրա փոխարեն քմծիծաղեց՝ ի ցույց
դնելով կանոնավոր, փայլուն սպիտակ ատամնաշարը: Շալվարդ հագո
պահիր, եղբայր: Սա իմ մասնագիտությունը չէ: Ընդամենը կողմնակի աշ-
խատանք է: Եթե քո բանը չէ, մի՛ գբաղվիր դրանով: Ինքը նորից ու նորից
ներողություն խնդրեց՝ ասելով, որ դա չի եղել իր մտադրությունը: Իսկա-
պես փոքր-ինչ հուզված էր, բայց անհանգստացած էր գլխից եւ, ավելի
շատ, վախենում էր, որ անախորժ մի բան կպատահի: Շատ պատմություն-
ներ էր լսել փորձանքի եկած մարդկանց մասին: Շուրջը նայեց: Իսկ եթե
քեզ մոտ չգնանք,- առաջարկեց,- արի սենյակ վերցնենք: Աղջիկը նայեց
իրեն ու վճռական պատասխանեց՝ չէ, դա չեղավ: Ինչո՞ւ ոչ՝ հարցրեց լկտի-
աբար: Աղջիկը նայեց հեռուն եւ պատասխանեց՝ ասել է ոչ, ուրեմն նշանա-
կում է՝ ոչ: Երբեք կանչով չեմ գնում: Նա ակնհայտորեն անհամբեր դար-
ձավ, երբ դիտավորյալ դոփեց մայթին բարձր կրունկներով եւ սառն աչքե-
րով փնտրեց իր դեմքը: Գալի՞ս ես, թե՞ չէ: Նորից զգաց, որ ճակատը քրտ-
նում է, երբ պատասխանեց, թե ընկերոջն է սպասում: Նկատեց, թե ինչպես
աղջկա դեմքը հանկարծ պաղ սառույցի վերածվեց, երբ ցածր ձայնով հայ-
հոյեց իրեն՝ գնա՛, ես քո... Իզուր ժամանակ վատնեցի, պետք է շուտ գլխի
ընկնեի: Ասաց ու հեռացավ: Ինքն իրոք անհարմար էր զգում: Իր մի մասն
ուզում էր հետեւել նրան, մյուսը վճռել էր տեղում կանգնած մնալ: Նայում
էր աղջկա ուրվագծին, մինչ վերջինս հեռանում էր, եւ ուզում էր, որ նա ետ
նայի: Եթե նայեր ետ, ինքը հաստատ կգնար նրա ետեւից: Բայց աղջիկը
պարզապես շարունակում էր քայլել:

Հենց աղջիկը հեռացավ, ընկերը՝ Յոյանը, եկավ: Սիրտն սկսեց արագ
խփել: Փառք Աստծո, աղջիկն արդեն գնացել էր, թե չէ ինքը դժվարին կա-
ցության մեջ կընկներ, եթե Յոյանը տեսներ իրենց: Իսկ եթե Յոյանը նրա
հետ գնար, էլ ավելի վատ կլիներ: Բայց սրտի խորքում, այնուամենայնիվ,
փոքր-ինչ հուսախաբ էր:

ՖՈՒ ՅՈՒԵՀՈՒՅ

Ամբողջ միջադեպը կատակով կապեց Յգյանի հետ: Յգյանը ծիծաղեց, բայց կատակը սրան բռնում էր, եւ ասաց, որ Լի Շենը դատարկ բանից անհանգստանում է: Երբ գնացին Յգյանի մոտ, Յգյանը խորամանկ մի հայացք գցեց իր վրա եւ ծիծաղեց: Ապա մտավ սոցիալական ցանցի կայքը եւ բացեց մատչելի կանանց ցուցակը: Ոմանք առանց լուսանկարի էին, մյուսները լուսանկարով էին ներկայանում: Ովքեր լուսանկարով էին, բոլորն էլ հիանալի տեսք ունեին: Գեղեցիկ են, չէ՞,- սրամտեց Յգյանը: Քեզ ասում եմ ոչ մի սահմանափակում չկա, թե ինչ կարող ես անել լուսանկարները ցուցադրողների հետ: Դրանց մեծ մասը գործի մեջ է: Նույնիսկ հատուկ հազվելով են, դա կոչվում է «սպիտակ օձիքով գիշերային աշխատանք»: Նկատեց այն սյունակը, որտեղ աղջիկները նշում էին իրենց հայրենի քաղաքը: Բոլորի հասցեներն էլ քաղաքից դուրս էին, բայց, հետաքրքրվելով, հարցրեց՝ ի՞նչ կասես: Յգյանը ժպտաց եւ խնդրեց ընտրել մեկին: Ավելացրեց աղջկա տվյալները եւ կարճ հաղորդագրություն ուղարկեց՝ «Ողջույն»: Պատասխանը չուշացավ. 300՝ լրիվ ծառայության համար եւ 800՝ ամբողջ գիշերվա համար: Եկեք բարձր տրամադրությամբ, հեռացեք լիովին բավարարված: Յգյանը բզեց իրեն եւ ինքնագոհ ծիծաղեց: Նա նորից բացեց աղջկա տվյալների լուսամուտը, որտեղ տասից ավելի լուսանկար կար, բոլորն էլ վառ եւ պատկերավոր: Նաեւ մի համացանցային էջ կար, որ հիանալի պաթոսով լի լեզվով խոսում էր դժբախտ մենության եւ սեր գտնելու վճռականության մասին: Մեկ նախադասությամբ ասվում էր ամեն ինչ. «Ամեն բան սկզբնավորվում ու ընդունվում է հոգով եւ ի կատար է ածվում մարմնով. սերը հասցված է երրորդ աստիճանի ֆիլմի կարգավիճակի»: Էջի վերնագրերը չորս պատահական արտահայտություններ էին՝ «Աշխարհը խավար է», «Պոռնիկներն առատ են», «Տղամարդիկ իմաստուններ չեն», «Ո՞վ չի սիրում փող»: Յգյանը հռիռաց, երբ կարդաց դա: Քա՛ջ է: Եվ էդ աղջիկը սկսնակ բանաստե՛ղծ է: Մեր օրերում անհնար է ասել, թե ով է կարգին ընտանիքի կին եւ ով է քիթն ամեն տեղ խոթող պոռնիկ:

Հավանաբար այն պատճառով, որ շատ դասական վեպեր էր կարդացել մարմնավաճառների սիրային սխրանքների մասին, Լի Շենը ոչ միայն հրաժարվեց սրանց վրա նայել, այլ նաեւ որոշակիորեն խղճաց սրանց: Բայց դեռ մի տեսակ վատ էր զգում: Դրանից հետո երբ մի գեղեցիկ աղջիկ էր տեսնում, չէր կարողանում չհետաքրքրվել՝ արդյո՞ք սրանցից մեկը չէ: Ապա մտքով վերադառնում էր այն միջադեպին: Բավական է, ես դրան վերջ եմ տվել,- մտածում էր: Իսկապես տակակնքի մեկն եմ: Բայց դա չէր

խանգարում, որ երբեմն մտնի այդ օրը Ցզյանի այցելած կայքէջը: Եվ երբ նմանատիպ կայք էր գտնում, նայում էր աղջիկների լուսանկարներին ու ձեռնաշարժությամբ զբաղվում: Երբ ավարտում էր, մի հայացք էր գցում իր ծանրաբեռնված գրադարակներին: Որոշ ժամանակ անց խոր շունչ էր քաշում և մտածում, թե ինչքան է անցել վերջին անգամ հարաբերություն ունենալուց հետո:

Գրեթե մեկ ամիս էր, ինչ Լի Շենը չէր կապվել Սյաո Յանի հետ, ոչ էլ նա իր հետ: Դա մի տեսակ տարօրինակ էր թվում: Սկզբում մտածում էր, թե աղջիկը, ձեռք բերելով առաջին զուգընկերոջը, էլ երբեք տեսադաշտից բաց չի թողնի, դրա համար էլ փոքր-ինչ մտահոգ էր: Բայց նա չէր պտտվում իր շուրջբոլորը, և ինքը չէր կարող իրեն մի քիչ հիասթափված չզգալ: Սակայն այս անգամ, փաստորեն, նախկին ընկերուհին կապվեց իր հետ: Նա մի կարճ հաղորդագրություն ուղարկեց իրեն և ասում էր, որ բաժանվել է: Չգիտեր՝ ուրա՞խ պետք է լինի, թե՞ ոչ, բայց հայտնեց իր ցավակցությունը: Նա դժգոհում էր, որ այն մյուս տղան լքել է հեռավորության պատճառով: Մտածեց, որ դա շատ զվարճալի է: Իսկ մի՞թե աղջիկը մոռացել է, թե ինչպես էր իրեն պահում: Բայց այդուհանդերձ ցույց տվեց, որ չի խառնվում, և իր կարեկցանքը հայտնեց:

Մի քանի օր անց նախկին ընկերուհին կրկին զանգ տվեց և հարցրեց՝ կարո՞ղ է օգնել, որ ուրիշ աշխատանք գտնի: Ինքն արդեն աղջկան ասել էր, որ Ցզյանն իրեն խնդրել է առաջադրել մեկին, որը կարող է աշխատել նրա ստեղծած ընկերությունում:

Կապվեց Ցզյանի հետ և երկար-բարակ խոսեց նախկին ընկերուհու մասին: Ցզյանը համաձայնեց թույլ տալ, որ նա փորձի: Այդ գործը դասավորելով մի փոքր հուզմունք ապրեց: Ոչ միայն այն բանի համար, որ կարող էր միասին անցկացրած օրերը: Չէր կարող մոռանալ նաև սեքսը: Նա միշտ գրգռում էր իրեն: Մի օր չդիմացավ և մի գրություն ուղարկեց նրան. «Կարո՞ղ եսք նորից միասին սեր անել»: Մի քանի րոպե անց եկավ պատասխանը. «Եթե պատրաստ ես վճարել, հնարավոր է»: Մի պահ մտքով անցան այն աղջիկները: Շփոթված, ցնցված էր, թե նա ինչպես կարող էր այդ կերպ պատասխանել: Թիչ մնաց խեղդվեր, ասես հենց նոր ճանճ էր կոպ տվել: «Հա՞: Եվ ինչքա՞ն»:

Լի Շենն սկսեց ուշադրություն դարձնել նախկին ընկերուհու մասին ամեն նորության: Գտավ նրա նոր բլոգը և պարզեց, որ նա իրականում չի «բաժանվել»: Հենց այդ նույն օրը նրա էջում երկուսի՝ շատ սիրով լի մի լուսանկար կար: Դա իրեն խիստ զայրացրեց: Կասկածեց, որ նա իրեն ասել

ՖՈՒ ՅՈՒԵՀՈՒՅ

Է, թե բաժանվել է, միայն իր համակրանքը շահելու եւ իր միջոցով աշխատանք գտնելու համար: Չայրույթի պոռթկման պահին մի հաղորդագրություն ուղարկեց նրան՝ հարցուփորձ անելով այդ մասին: Ի պատասխան՝ աղջիկն ասաց, որ երբեք չի հիշատակել բաժանման մասին: Չայրույթից կուրացած՝ ջնջեց նրա հետ կապող բոլոր տվյալները, բայց նրա հեռախոսահամարը վաղուց էր դաջվել իր ուղեղում, եւ չէր կարողանում ջնջել, որքան էլ որ փորձում էր:

Կյանքը հանկարծ դատարկ էր դարձել:

Լի Շենը միշտ կախվում էր պատշգամբից եւ նայում քաղաքին. ինչպես կյանքը, քաղաքն էլ ձգվում էր այնքան հեռուն, որքան աչքդ կարող էր տեսնել:

Երբեմն Լի Շենը մտածում էր Սյաո Յանի մասին, եւ երբ մտաբերում էր այդ յուրահատուկ ոչ գրավիչ դեմքը, սրտի զարկերն արագանում էին: Նա ասել էր, որ ինքը լավ մարդ է: Իր կամքից անկախ՝ դառը ծիծաղեց: Չէր կապվել նրա հետ: Նա նույնպես օտարական էր, եւ ինքը գրեթե կասկածում էր, թե իրենց միջեւ երբեւէ ինչ-որ բան է եղել: Մի օր երկինքը հանկարծակի մթնեց, եւ կայծակի վառ սպիտակ փայլատակումները պարբոնեցին բարձրահարկ, դժգույն շենքերի միջեւ: Ամպրոպի թնյունից իր գրասենյակի դիմաց գտնվող քափուրի ծառի տակ գետինը ծածկվեց տերեւներով: Բջջային հեռախոսը գանգ տվեց: Տեսավ, որ դա Սյաո Յանն է: Վազեց մինչեւ միջանցքի ամենածայրը, ապա պատասխանեց գանգին: Աղջիկն ասաց, որ երկու դասընկերների հետ դուրս էր եկել զբոսնելու այդ տարածքում, եւ դասընկերները տուն էին գնացել: Այնքան հանկարծակի էր սկսել անձրեւ գալ, որ խնդրում էր՝ եթե կարող է, գա վերցնի իրեն: Ինքը ղեկավարից թոյլտվություն խնդրեց եւ տաքսի նստեց ու գնաց աղջկա ասած տեղը, որտեղ կարող էր հանդիպել նրան: Չկարողացավ գտնել նրան, եւ կասկածները վերականգնվեցին: Հնարավոր է, որ նա իր հետ խաղէ՞ր է խաղում, կամ գուցե նույնիսկ ավելի մեծ ծրագի՞ր ունի: Իսկ գուցե գտել է մեկին, որն եկել է հատուցելու՞ իրեն: Անհանգստացած էր, բայց հենց այդ պահին աղջիկը հաղորդագրություն ուղարկեց: Տեսել էր իրեն: Ինքն սպասեց մի րոպե, եւ աղջիկը հայտնվեց. գլխին մի գեղեցիկ սպիտակ պայուսակ էր պահել եւ ցատկելով ու շտապելով առաջ էր վազում անձրեւի սպիտակ, փայլվուրն քողի միջով:

Լի Շենը բացեց հովանոցը, եւ Սյաո Յանը կույս եկավ դրա տակ՝ սեղմելով իր ձեռքը: Նրանք շրջանցեցին զբոսայգու պատը: Զբոսայգու ցանկապատի պողպատե ճաղաշարի վերեւում քափուրի վիթխարի ծառեր էին

վեր խոյանում, դրանց մուգ կարմիր տերեւների եւ ևուրբ ծաղիկների գորգը ծածկել էր ներքեւում գտնվող մայթը: Ինքը մեկ անգամ էլ հիշեցրեց աղջկան, որ զգույշ լինի, ոտքը չդնի ջրափոսի մեջ, ինչին ի պատասխան աղջիկն ասաց՝ մի քիչ դանդաղ քայլիր, հա՞: Փորձեց ավելի դանդաղ քայլել: Շուտով ամբողջովին մթնեց, եւ նրանք ամբողջ աշխարհի աչքում սիրահարների զույգի էին նման, որ գիշերի գրկում քայլում էին թեւ-թեւի: Լի Շենի սիրտը մի քիչ ջերմացավ: Այդ ժամանակ հասան հյուրանոց, որտեղ մնացել էին անցած անգամ: Նրանց շորերի կեսը, որ հովանոցով չէր պաշտպանվել, լրիվ թաց էր: Հովանոցը ծածկված էր սպիտակ ծաղկաթերթերով, եւ Լի Շենը տեսավ, թե ինչպէս Սյաո Յանը մեկ առ մեկ խնամքով վերցրեց դրանք, զգեց լվացարանի մեջ ու ջուրը բացելով քշեց: Ապա զգուշորեն փակեց հովանոցը: Ինքը նստեց աթոռին եւ դիտում էր նրա ամեն մի շարժումը: Տարօրինակ թվաց հովանոցն այդպէս զգուշորեն փակելը: Ինքը միշտ հովանոցն օգտագործելուց հետո փակում էր այն՝ ինչպէս պատահի ու մի կողմ էր դնում:

Երբ նրանց մարմիններն իրարից առանձնացան, ամեն մեկը վերմակը քաշեց իր վրա: Հիշեց Սյաո Յանի աղճատված դեմքը եւ սրտի ցավ զգաց: Սյաո Յան,- շնչաց,- Սյաո Յան: Աղջիկը կայեց առաստաղին եւ հանգիստ պատասխանեց՝ գիտե՞ս ինչ... Ես դեռ կրում եմ այն ցավը: Եվ Լի Շենն ասաց, որ գիտե: Սյաո Յանը շարունակեց.

-Ծնողներս միշտ մեզ՝ երեխաներիս ասում էին՝ պետք է մաքուր եւ ազնիվ լինեք: Երբեք չպետք է սեռական հարաբերություն ունենաք ամուսնությունից առաջ:

-Գիտեմ,-ասաց Լի Շենը,- բայց քո ծնողները պահպանողական են, հետադիմական: Տես, թե որ դարում ենք ապրում...

Բայց Սյաո Յանն ընդհատեց: Գիտես, որ նրանց նման եմ մտածում: Եվ փոխվեցի միայն հանուն քեզ: Երբեմն, երբ մտածում եմ այդ մասին, խելքս թռցնում եմ: Ինչպէ՞ս կարող էի նման բան անել: Ես միշտ եղել եմ իմ ծնողների սիրելի փոքրիկ աղջիկը: Եթե միայն իմանային՝ ինչ եմ արել, չգիտեմ, թե ինչ կմտածեին: Երկար դադարից հետո Լի Շենն ավելացրեց՝ գիտեմ: Դու սիրո՞ւմ ես ինձ,- հարցրեց Սյաո Յանը,- ինձ պետք է, որ դու դա ասես: Այս անգամ Լի Շենը չասաց՝ «գիտեմ»: Փոխարենը, հիասթափված, մտածեց՝ ինչքա՞ն միամիտ է: Ինքն ու ընկերուհին այդ չորս բառն իրար ասել էին անհաշիվ անգամներ, բայց ի՞նչ կապ ուներ, թե քանի անգամ էին ասել, երբ այդ ամենի գումարն այդուհանդերձ գրոյի էր հավասար:

Լի Շենը հատուկ պատվիրել էր այն սենյակը, որտեղ եղել էին վերջին

ՖՈՒ ՅՈՒԵՀՈՒՑ

անգամ: Թաքուն կայել էր կոշիկի պահարանի մեջ, բայց ով գիտե՞ որ էր կորել այն սեւ շարձը:

Որոշ ժամանակ ձեռքերով շփել էր չորս դատարկ պատերը, մինչև որ սկսել էր ծիծաղել ինքն իր վրա: Ինչ ապո՛ւշն ես դու:

5

Դրանից հետո Նրանք ամեն երկու կամ երեք շաբաթը մեկ զիշերը միասին էին անցկացնում: Լի Շենն աշխատանքով էր զբաղված, ու չկայած Սյառ Յանը գրանցված էր այսպես կոչված ցածրորակ դպրոցում, այնուամենայնիվ, կարգապահությունը խիստ էր, և ոչ մի կերպ չէր կարող դաս բաց թողնել: Դրա համար էլ ամեն անգամ հանդիպում էին աշխատանքից կամ դասերից հետո: Նրանք միասին ճաշում էին, զրուցում որոշ ժամանակ, իսկ եթե շուտ էր լինում, գնում էին զբոսայգի եւ զբոսնում:

Կամ էլ կտրում անցնում էին երկար, ամայի ծառուղին եւ անմիջապես մեկնում էին հյուրանոց ու սենյակ պատվիրում: Այդ ամենից հետո հայտնվում էին իրար զրկում եւ խոսելու թեմաներ մտածում... ըստ Էուրյան խոսելու շատ բան չունեին: Հիմնականում ինքը խոսում էր, իսկ աղջիկը լսում:

Սյառ Լինը հենվում էր բարձին, դեմքը խոնարհում եւ ժպտում իրեն: Լսելով, թե ինքն ինչպես է պատմում իր հայրենի քաղաքի տեսարժան վայրերի, ձայն ու հնչյունների մասին կամ իր մանկությունից ինչ-որ զվարճալի մի անեկդոտ, երբեմն Սյառ Լինն էլ պատմում էր ի՛ր հայրենի քաղաքի մասին: Որոշ ժամանակ զրուցելուց հետո ժամերով լուռ կայում էին առատադին՝ ամեն մեկն իր հեռավոր մեկուսի մտքերով տարված: Հետո ինքը կրկին պատմում էր Նրան, թե որքան լավ էր իր ավագ դպրոցում՝ ծաղրելով ավագ դպրոցում ուսում անցկացնելու աղջկա ծգտումը, որը Նրան բերել էր այսպիսի երկրորդ կարգի դպրոց: Չէր երեսում, թե աղջիկը դրանից վիրավորվում է, իսկ եթե ինքը չափազանց շատ էր խոսում, նա պարզապես ասում էր՝ իմ մասին խոսելիս իսկական հաճույք ես ստանում, այնպես չէ՞: Միայն այդ ժամանակ էր ինքը գիտակցում, որ իր հերոսական անցյալը հիշելով՝ նվաստացնում է Նրան, և դա իրեն գոհունակության դաժան մի զգացում էր պարգեւում: Հետո նա ամենից շատ խոսում էր, թե ինչպես է չորս տարի չինական դասական գեղարվեստական գրականություն սովորել համալսարանում: Ի վերջո հասնում էր «Մարմնեղեն աղոթախսիրը», «Գարնանային ներքնասենյակի գաղտնի պատմությունը» եւ «Ճրագի

պատրույզի վանականի հեքիաթը» գործերի թեմաներին: Երբ Լի Շենն սկզբում սկսեց քննարկել դրանք, բավականին համեստ էր, եւ երբ հասավ ավելի վիճահարույց մասերին, միշտ ծիծաղում էր ու ասում՝ նրանք անում էին «գիտես, թե ինչ»: Բայց որոշ ժամանակ անց ավելի ուղիղ էր ամեն ինչ ասում եւ վառ ու ազդեցիկ շատ բայեր էր գործածում: Բավականին ոգեւորվում էր, բայց աղջիկը շատ բուռն չէր արծազանքում: Փոխարենը՝ հետաքրքրվում էր կերպարների ճակատագրով: Ինքը ցանկանում էր առիթն օգտագործել՝ գրգռելու աղջկա սեռական ցանկությունները եւ չէր սպասում, որ իր պոռնկագրական ֆիլմը նրա ականջներին կհնչի ռոմանտիկ վեպի նման:

Մի անգամ այդպիսի մի հանդիպման վերջում հոգևած եւ ուժասպառ աղջիկը տրտնջաց՝ դու այնքան փորձառու ես: Ես դա արել եմ նրա հետ՝ դուրս թռավ իր բերանից: Աղջիկը լռեց: Ինքը նրան պատմել էր նախկին ընկերուհու մասին, բայց երբեք այդ մասին չէին խոսել հյուրանոցի այս սենյակում: Հյուրանոցի սենյակը մնացել էր իրենց հատուկ գաղտնի գոտին: Արդեն աղջկա հետ անխոս համաձայնության էր եկել: Ինքն էլ լռեց: Մեկ ակնթարթում նրանց միջեւ հսկայական մի ճեղք էր բացվել, չնայած որ իրարից քիչ առաջ առանձնացած մարմինները դեռ փոխադարձաբար կրում էին մեկը մյուսի ջերմությունը: Աղջիկը վեր նայեց եւ հայացքը սեւեռեց դատարկ առաստաղին: Յերեկային լույսի կլոր լամպը գունատ ճերմակ լույս էր արձակում, կրաքարի գույնի սառը, ծանր լույս: Աղջիկը մեկ անգամ էլ երկար, խոր շունչ քաշեց եւ խնդրեց այլեւս ընկերուհու մասին չհիշատակել: Սա իմ միակ խնդրանքն է: Ի վերջո, ոչինչ չեմ կարող փոխել անցյալում:

Սյառ Յանն իսկապես տարբերվում էր Լի Շենի նախկին ընկերուհուց: Նրա պահանջները շատ ավելի քիչ էին: Նա իրեն խնդրել էր, որ գանգ տա, ոչ թե շարունակի հաղորդագրություններ ուղարկել. միշտ թվում էր, թե այդ հաղորդագրություններն ինչ-որ կապ ունեն սեքսի հետ: Եվ ինքն իսկապես մի քանի անգամ գանգ տվեց: Ասաց, որ իրեն դուր չի գալիս, երբ նա հեռախոսով ամբողջ ժամանակ նյարդային պոռթկումներ է ունենում: Խիստ կշտամբեց նրան, եւ աղջիկը դադարեց գանգ տալ եւ այդ մասին էլ չհիշեցրեց: Սյառ Յանն ըստ էության արդեն ասել էր իրեն, որ ինքը չպետք է անհանգստանա, որ նա առանց սկզբունքի չէ: Ինքն ասել էր, որ իրենց համար ապագա չկա, եւ նա համաձայնել էր: Երբեք էլ աղջիկը կեղծ հույսեր չէր փայփայել: Եթե մի օր ինքն ուզենար հեռանալ, նա արգելք չէր հանդիսանա: Լի Շենն այդ առումով որոշակիորեն հանգիստ էր, բայց նաեւ ցավ

ՖՈՒ ՅՈՒԵՂՈՒՅ

Եր ապրում: Մի պահ հիշեց քաղաքից դուրս ապրող այն աղջիկներին, որ եկել էին քաղաք իրենց արհեստի համար:

Երբ Սյառ Յանը տրամադրություն չէր ունենում, նրա փոքրիկ դեմքն ավելի պակաս գրավիչ էր դառնում: Ինքն ինչ-որ չափով վախեցած էր նրա համար և ամբողջ երեկո շատ զգույշ մնաց: Հաջորդ օրը, երբ մոտեցան մետրոյի կայարանին, աղջկա դեմքը դեռ լարված էր: Լի Շենը պոռթկաց՝ միայն այդ մի բանն ասացի: Ի՞նչ է եղել, որ... Սյառ Յանը չուզեց նայել իր կողմը, և ինքը նորից իրեն մեղավոր զգաց: Այլևս նրա մասին չեմ հիշատակի: Ատում եմ նրան: Մի՞թե սա բավական չէ: Սյառ Յանը շարունակում էր անտեսել իրեն: Կայարանում մի գնացք կանգնեց, և ուղեւորների բազմությունը ցած իջավ, բայց աղջիկը պարզապես կանգնած էր կառամատույցին, սառն ու անշարժ: Մտի՛ր գնացք,- գայրացած գոչեց Լի Շենը: Աղջիկը գլուխը շրջեց և նայեց անհետացող երկաթուղու կողմը: Անձրեւ էր գալիս, բայց եղանակն արդեն սկսել էր պարզվել, և երկաթգծերը փայլում էին: Սյառ Յանը երկար ժամանակ չէր խոսում: Ես չեմ գայրանում, որ հիշում ես նրան: Պարզապես ինձ թվում է, թե հյուրանոցից դուրս գալուց հետո մենք օտարականների ենք նման:

Հաջորդ անգամ, երբ հանդիպեցին, սովորականից մեկ կամ երկու ժամ շուտ էր: Ջրոսայգի մտնելիս փորձեց բռնել աղջկա ձեռքը: Եվ անշուրթ կերպով բռնեց նրա մատի ծայրը: Աչքի ծայրով տեսավ, թե նա ինչպես է կծում ստորին շրթունքը և խորամանկ ժպտում իրեն: Անցած երկու տարիների ընթացքում նրանք արդեն ծանոթ էին զբոսայգու յուրաքանչյուր լճակի, յուրաքանչյուր մարգագետնի, ամեն մի արահետի, արահետները եզերող ամեն թուփ ու ծաղկի: Ինքնաբերաբար հատեցին անցան ամբողջ զբոսայգին, ասես ուզում էին ինչ-որ բան ձեռնարկել և այդուհանդերձ ասես ուզում էին ինչ-որ բանի համար սզալ: Տրորեցին անցան քաղաքի ծառից թափված կարմիր տերեւները, բաց կապույտ մի նստարան գտան և նստեցին: Մթնշաղն իջնում էր, և նրանց դիմաց գտնվող լիճն այնքան ամայի էր, որ ցավալի էր: Մի քանի միայնակ ջրային թռչուններ սրընթաց լիճը նետվեցին, և մութ եղեգների մի մեծ հատված աղոտ նշմարվեց լճի հատակին՝ ասես ջնջելով նրա մակերեսին խաղացող ոսկե մայրամուտը: Նրանք հանգիստ նայում էին ջրին, ասես ինչ-որ բան էին գնում, կողք-կողքի, ձեռք-ձեռքի տված:

-Դու հիմա ընկերուհի ունես,- անտարբեր ձայնով ասաց Սյառ Յանը:

-Ուրեմն հիմա կարող ես պարզապես կոչվել իմ ընկերուհի՞ն:

Լի Շենը ցնցված էր, բայց խոսելիս հռիռաց:

-Նկատի ունեմ, որ հանդիպել ես ինչ-որ մեկին, որն իսկապես քեզ դուր է գալիս: Եվ այդ մեկը ես չեմ:

Սյառ Յանը կայում էր լճի մեջ ինչ-որ բանի: Մայր մտնող արեւը լճի վրա նման էր խոր գիշերի մեջ քաղաքի լուսամուտներին արտացոլվող մեկ առ մեկ անհետացող լույսերին:

Լի Շենը լուռ էր: Գլուխը բզզում էր: Ինչպե՞ս կարող էր նա իմանալ: Ճիշտ էր, որ վերջին մի քանի ամիսների ընթացքում ինքը մտերմացել էր համալսարանական նախկին դասընկերուհու հետ: Նրա հետ հանդիպել էր դեռ համակուրսեցի ընկերների հավաքի ժամանակ՝ նշելու իրենց ավարտական վեցերորդ տարեդարձը: Սովորելու տարիներին իրենք մոտ չէին եղել: Ռ՛վ կարող էր մտածել, որ այն գիշեր, երբ հանդիպել էին, մի քանի երգ երգել եւ մի քանի գավաթ գինի խմել, այդպես կիրապուրվեին իրարով: Իրենց փոխհարաբերություններն արդեն հայտնի էին իր ընկերների շրջանում: Նա տեղացի աղջիկ էր եւ արդեն իր բնակարանն ուներ: Տարիներ շարունակ նա փորձեր էր արել եւ շատ անգամ համոզել էր իրեն՝ այդ կապը դարձնել օրինական: Ինքը խուսափում էր այդ թեմայից՝ չիմանալով, թե ինչից է վախենում կամ ինչի է սպասում: Վերջին ժամանակներս սկսել էր անհանգստանալ՝ չիմանալով, թե ինչպես այդ մասին հայտնի Սյառ Յանին:

-Դու ասացիր, որ մենք ապագա չունենք: Ես էլ եմ այդպես կարծում: Ես չեմ կարող այս քաղաքում ինքնուրույն գոյատևել: Միայն ուզում եմ ասես, որ սիրում ես ինձ:

Այս խոսքերի հետ՝ վերջալույսը Սյառ Յանի աչքերում սպառնում էր մաքրել՝ վերածվելով գիշերվա խավարի:

- Դրանով ի՞նչ ես ուզում ասել: Կարծում եմ պետք է հանդիպես մեկին, որին կսիրես:

Լի Շենն ինքն անցավ հակահարձակման:

Սյառ Յանի տրամադրությունն ընկավ, եւ նա դեմքը թաղեց ձեռքերի մեջ ու լուռ արտասվեց:

-Հա, մեկն ինձնով հետաքրքրվել է, բայց ես դեռ չեմ ընդունել նրան: Ասում է, որ ավարտելուց հետո ուզում է ինձ հարավ տանել:

Նրա նիհարիկ ուսերը դողում էին: Լի Շենի գլխում բզզոցն ավելի ուժգնացավ: Հանկարծ քնքշություն ու խղճի սուր խայթ գգաց եւ չէր ուզում թողնել գնալ: Նաեւ խանդի բռնկում գգաց, երբ մտածում էր, թե ինչպիսի շուն շան որդի կարող է լինել այդ տղան: Ուզեց ձեռքը դնել աղջկա ուսին եւ քաշել նրան իր կողմը, բայց փոխարենը պարզապես բռունցքները սեղմեց: Ինչպե՞ս պետք է մխիթարեր նրան: Իրենց համատեղ կյանքի երկու

ՖՈՒ ՅՈՒԵՀՈՒՑ

տարվա մեջ երբեք չէր ասել, որ սիրում է նրան: Ի՞նչ իմաստ կունենար հիմա դա ասելը: Ոչինչ չէր կարող անել: Այն ամենն, ինչ կարող էր անել, թողնելն էր, որ աղջիկը լաց լինի, մինչև նրա արցունքներն աստիճանաբար կհագեցնեին վերջալույսի թարմ օդը:

Վերջալույս էր այդ մեծ, միջազգային մայրաքաղաքում, մարող վերջալույս, եւ գարուն, որ նույնպես հեռանում էր:

6

Երկու ամիս անց Լի Շենը եւ իր նախկին դասընկերուհին ստացան իրենց ամուսնության վկայականը, իսկ արարողությունը նախատեսված էր մայիսի 1-ին: Վկայականն ստանալու երկրորդ գիշերը Լի Շենը կանգնած էր իր նեղիկ պատշգամբում եւ դուրս էր նայում: Այնքան էլ ուրախ չէր: Հաջորդ ամիս պետք է տեղափոխվեր: Սեփական տուն ուներ այս քաղաքում: Քաղաքն իսկապես ընդունել էր իրեն, ուրեմն պետք է որ իրոք երջանիկ լիներ: Մի պահ նայեց քաղաքի գիշերային երկնքին, խավարի եւ լույսի այդ խառնուրդին: Ներս գալով՝ սկսեց ետուառաջ քայլել: Չգեստապահարանում տեսավ կապույտ շարժը, որ ընկերուհին էր իրեն տվել, եւ դա հանկարծ հիշեցրեց, թե ինչ էր մտադիր անել: Սյառ Յանի հետ իրենց վերջին բաժանումից ի վեր կապի մեջ չէին եղել: Ստածեց այն կնոջ մասին, որն այժմ իր օրինական կինն էր: Պե՞տք է կապ հաստատեմ: Պե՞տք է կապ հաստատեմ: Հանկարծակի բուռն ցանկություն զգաց: Ինչպե՞ս էր ուզում մեկ անգամ էլ զգալ նրա մարմնից եկող վառողի եւ քրտնքի հոտը եւ համբուրել այդ կճատ քիթը: Երբեք չէր կարողացել պայքարել իրեն համակող այդ անխոհեմ տենչանքի դեմ: Եվ հանկարծ հաղորդագրությամբ նրան ուղարկեց այն չորս բառը, որոնք նա այդքան փափագել էր լսել: Սոս 15 րոպե անց աղջիկն արձագանքեց՝ նույն ժամանակ, նույն տեղում:

Չղջման սուր ցավ զգաց, երբ այդ պահին մտածեց կնոջ գեղեցիկ ծիծաղի մասին: Եթե գևար, արդյո՞ք դա ազնիվ կլիներ: Հանկարծ շրջվեց ու նայեց լուսամուտին եւ, նայելով քաղաքի շքեղ լույսերին, ջնջեց դրանցից մեկը: Մի չար մտադրություն ունեցավ. պետք է բռնաբարել քաղաքը, ճիշտ այնպես, ինչպես քաղաքն է բռնաբարել իրեն: Դողում էր, եւ համակվեց ուժասպառ հոգևության մի ալիքով: Արյունը սառեց երակներում: Քնաց լուգարան եւ դեմքին սառը ջուր շփեց, ասես արյունն է՛լ ավելի սառեցնելու համար: Իրեն նայեց հայելու մեջ եւ անմիջապես թվաց, թե գորշաճերմակ

երանգ նշմարեց քունքերին: Ավելի մոտիկից նայելով՝ հասկացավ, որ դա փողոցի լույսերի անդրադարձն է: Հայելու առջեւ դեմքը ծամաճոցե, ինչպես հաճախ էր արել, ապա հանկարծ մտածեց ինչ-որ բանի մասին: Երբ երիտասարդ ենք, հաճախ ենք հայելու դիմաց ծամաճոռություններ անում, բայց երբ ծեր ենք, հայելին դա ետ է վերադարձնում մեզ: Հլու-հնազանդ քմծիծաղ տվեց: Դեմքը սառը ջրով լվանալուց հետո միտքը փոխեց: Չէր կարող այդպիսի բան անել կնոջ հանդեպ: Բայց անմիջապես հաղորդագրություն չուղարկեց՝ հաջորդ օրվա հանդիպումը չեղյալ անելու:

Լի Շենը ձգվեց մահճակալին եւ մտածեց իր երեսուն տարիների անցուդարձի մասին մի տեսակ թախճոտ պաթոսով: Ի՛նչ դժվարին տարիներ էին դրանք: Իսկապես ուզում էր լաց լինել, բայց չէր կարողանում: Հանկարծ լուսամուտից մի սոսկալի ուժգին, դրդացող ձայն լսվեց, եւ սենյակն սկսեց ցնցվել: Համոզված էր՝ երկրաշարժ է: Ամիջապես շրջվեց եւ երերուն քայլերով գնաց դեպի դուռը: Ու մեկ էլ՝ լուսամուտից այն կողմ ինչ-որ բան նշմարեց եւ չկարողացավ շարժվել: Զաղաքի գիշերային դատարկ օդի մեջ փղերի երամակը, հաստատուն ու համաչափ դոփյունով, մթին աչքերով, սլանում էր դեպի իր սենյակ, իսկ առաջնորդող փղի ուսերին մի աղջիկ էր նստած՝ կարմիր անջրանցիկ թիկնոցով: Գոռաց ամբողջ ուժով, բայց ձայն չկար: Սարսափած էր, բայց ոչ մի մկան չէր կարողանում շարժել: Ահաբեկված ու ինքնակորույս՝ զգաց, որ ամբողջ քաղաքում մնացել էր միայն այս մի շենքը, որտեղ ինքն էր, եւ որ ինքը սենյակում մենակ է: Գիտեր, որ դատապարտված է: Շնչահեղձ էր լինում եւ այն ամենն, ինչ կարող էր մտածել, հետեյալն էր՝ «Իմ տունը...»... մարմինն սկսեց լողալ եւ բախվեց բետոնի թռչող բեկորներին: Ինքը վայրէջք կատարեց փղի ճակատի վրա եւ փիղն իրեն զգուշորեն բարձրացրեց, ապա նորից ցած դրեց: Նկատեց, թե ինչպես կարմիր անջրանցիկ թիկնոցով աղջիկը շրջվեց: Բայց ցնցվեց, երբ տեսավ, որ դա աղջիկ չէ, այլ երկար բռնակով հայելի, եւ հայելու ձվածեւ մակերեսը ինամքով ծածկված էր կնոջ թիկնոցով: Կարողացավ տեսնել իրեն հայելու մեջ՝ դեմքը ծամաճոռած, էլ ավելի ծոմոռած, քան երբեք ինքն անում էր:

Լի Շենն արթնացավ իր իսկ գոռոցից: Ամբողջ մարմինը քրտինքի մեջ էր: Նայեց սենյակի մեջ շուրջբոլորը, ապա լուսամուտից դուրս: Ամեն ինչ լիովին հանգիստ էր:

Նայեց ձեռքի ժամացույցին: Միայն մեկ ժամ էր քնել: Երկար ու խորը շունչ քաշեց: Երկար ժամանակ էր՝ փղերին երազում չէր տեսել: Երազում չէր տեսել կարմիր անջրանցիկ թիկնոցով այդ անծնավորությամբ: Ըստ

ՖՈՒ ՅՈՒԵՀՈՒՅ

Եության, գրեթե լրիվ մոռացել էր նրանց: Ինչպե՞ս եղավ, որ նորից այս գիշեր տեսավ նրանց: Այդ անձնավորությունը փաստորեն հայելի է, եւ դա ի՛նքն է՝ այդ հայելու մեջ: Հետո հիշեց վաղվա իրենց հանդիպումը եւ ինքն իրեն ասաց, որ այդ երկուսի միջեւ պետք է ինչ-որ կապ լինի: Իրոք խորապես ցավում էր, եւ իրեն համակած սարսափն ամբողջովին փարատել էր կիրքը:

Ճանկեց հեռախոսն ու մի հաղորդագրություն ուղարկեց՝ ասելով, որ հենց նոր իրենց գրասենյակից հայտնել էն, որ ինքը վաղն ինչ-որ գործ պետք է անի, այնպես որ ստիպված են լինելու չեղյալ հայտարարել իրենց ժամադրությունը: Նույնիսկ մի քիչ խղճահարություն զգաց աղջկա հանդեպ, բայց վերագտավ ինքնատիրապետումը: Կկարողանար հանգիստ քնել: Բայց ո՞ւմ մտքով կանցներ, որ կարթնանա հեռախոսի անսպասելի զանգից: Սյառ Յանի համարն էր: Գուցե զայրացե՞լ էր իր վրա: Հեռախոսը երեք անգամ զանգեց, եւ ինքն ի վերջո պատասխանեց, բայց այն, ինչ լսեց, օտար մարդու խոսքն ու տխուր ձայն էր:

-Դու Լի Շենն ես:

-Այո, ես եմ...

-Ես Սյառ Յանի եղբայրն եմ: Դո՛ւ, սրիկա՛: Դու սպանեցի՛ր Սյառ Յանին: Լի Շենի գլուխը քիչ էր մնում պայթի: Ընդամենը մի քանի ժամ էր անցել: Ինչպե՞ս կարող էր Սյառ Յանը... Հավատը չէր գալիս:

-Սյառ Յանը... ինչպե՞ս է մահացել:

Սյառ Յանի եղբայրը մի կողմ նետեց ամեն կեղծ ինքնատիրապետում եւ սկսեց ցածր ձայնով հայիոյել. նա լաց եղավ այնպես, ինչպես Սյառ Յանն էր լալիս:

-Կախվել է: Իր գործած սեւ շարֆով:

Այդ սեւ շարֆը, հսկայական սեւ օձի նման, հանկարծ սահեց Լի Շենի հայացքի դիմաց:

-Նա արդեն համարյա երկու տարի է՝ մահացել է: Ես չէի կարող թողնել նրան, որ գնա: Ես պահպանել եմ նրա հեռախոսահամարները: Մահից առաջ ինձ ասաց, որ սպասում է մի կարեւոր բանի, որ ինչ-որ մեկը պատրաստվում է ասել իրեն: Ասաց, որ այլեւս չի կարող սպասել: Գիտե՞ս ինչ: Այդ մեկը դու էիր:

Հեռախոսագծի մյուս ծայրում այդ մարդը ճիշտ արձակեց, ճիշտ, որի նմանն անցած երկու տարում չէր արձակել:

-Այդ մեկը դու ես,- կրկնեց մարդը՝ վշտից կոտրված:

Լի Շենի մարմինն սկսեց դողալ: Հեռախոսը բռնած ձեռքը սահեց պա-

տի վրայով, եւ Լի Շենս անգուսպ կերպով սկսեց ցնցվել: Հեռախոսը պատին բախվելով ցած ընկավ, ընկնելիս հեծկտոցի ձայն լսվեց այնտեղից: Հետո հանկարծ Լի Շենը հասկացավ, որ դա ամենեւին էլ Սյաո Յանի եղբայրը չէր: Դա ինքը՝ Սյաո Յանն էր: Սյաո Յանը նստել էր լճի կողքի նստարանին եւ գլուխը ձեռքերի մեջ թաղած՝ լուռ լաց էր լինում: Նրա ստվերն ընկել էր լճի հանդարտ ու լայնարձակ մակերեսին: Լճի ջրերը ողողող երեկոյան արեւն արագ մարում էր: Լի Շենս, իրեն կորցրած, չէր կարողանում խոսել:

Շրիկոցով ցած նետեց հեռախոսը, մի քանի անգամ բռունցքով հարվածեց պատին, ապա ուժեղ զարկեց գլխին՝ ականջներից վեր: Սա իսկապես երազ չէր: Սա պառ, ծանր ու դաժան իրականություն էր: Այդ պահին մեկ անգամ էլ լսեց Սյաո Յանի լացի ձայնը մի կողմ նետված հեռախոսից: Նրա մեղմ հեծկտոցը մշուշի պես տարածվեց ամբողջ սենյակում: Լի Շենը լայն բացեց վախեցած աչքերը եւ դուրս նայեց լուսամուտից: Քաղաքի լույսերն, ինչպես միշտ, վառ շողում էին: Ստորեց «նույն ժամանակ, նույն տեղում» բառերի շուրջ, երբ օրորվելով քայլում էր դեպի պատշգամբ: Ինքն իսկապես ծեր է,- մտածեց: Ունա՞կ է, արդյոք, կյանքում այդ եզակի, այդ վերջին թռիչքը կատարել:

Անսպասելիորեն՝ Լի Շենը ցատկեց պատշգամբից եւ, գոռալով, վայրէջք կատարեց մահճակալին: Ապշահար՝ բացեց աչքերը եւ տեսավ, որ այն ամենն, ինչ քիչ առաջ տեղի էր ունեցել իր հետ, երազ էր: Ըփեց սառը ճակատը, եւ ձեռքի ափը քրտինքով պատվեց: Հագիվ էր շունչը ետ բերել, երբ բարձի մոտ նկատեց հեռախոսը: Սի վայրկյան նայեց հեռախոսին, ապա արագ շարժումով հափշտակեց այն: Հաստատ, ժամադրությունը չպետք է կայանա,- մտածեց: Այդպիսի տառապալից գիշերից հետո հաստատ չէր ուզում, որ ժամադրությունը կայանա: Դիվահարի նման մի հարողորգություն հավաքեց՝ հետեւելով իր երազի թեմային, մի պահ վարանեց եւ ապա ուղարկեց այն: Մարմինը ցնցվում էր, եւ ինքը հանկարծակի վախից ասես կաթվածահար էր: Հանգիստ սպասում էր: Վերջապես, սպասո՞ւմ էր: Ի վերջո հեռախոսը զանգեց: Սյաո Յանի համարն էր: Չանգը հնչեց մեկ, երկու... երեք անգամ:

ՉԺՈՈՒ ՑԶՅԱՆԻՆ

ՊԱՐՈՆ ՊԱՈՒՆՆ

Լույուին ասացի.

- Ուղարկելուց առաջ թքիր բաժակի մեջ:

Լույուն այնպես ուժեղ գնդով թքեց, որ մտածեցի՝ այրող սուրճը կցայտի նրա նոր քսած կարմիր շրթներկին, ապա իր պիրկ սրնքամսերը պտտելով՝ բաժակը դրեց պարոն Պաուլոյի սեղանին: Պարոն Պաուլոն: Պարոն Սիայ-նակը: Պարոն Անիծվածը:

Ոչ ոք չէր սիրում պարոն Պաուլոյին: Ես հենց այն մարդկանցից մեկն էի, որոնք նրան չէին սիրում եւ որոնց շարքերն էի այդպես անհոգ խցկվում Լույուին դողելով թքել նրա էսպրեսոյի մեջ: Լույուն նույնպես արհամարհում էր նրան, թեեւ դա չէր խանգարում, որ նրա առջեւ ցանկասիրաբար իրեն ցուցադրի: Լույուն բոլորի հետ էր սիրախաղ անում՝ շիկնելով, աչքով անելով եւ այնպես հազնվելով, ասես հավերժ տասնութ տարեկան էր, դույզն իսկ չամաչելով իր տափակ կրծքավանդակից՝ երկու մնացուկ-բալերի կենտրոններով: Կասկածում եմ, թե նույնիսկ պարոն Պաուլոն կգայթակղվեր եւ երկրորդ անգամ հայացք կզցեր նրա կողմը: Օգտվելով առիթից՝ Լույուն միտումնավոր սայթաքեց սամբուկա խմող մի խպանացու կողքին: Երբ վերջինս չտապեց օգնել, նա ոտքով դուփեց տեղում, շարունակեց քայլել առաջ եւ սուրճը շրխկոցով դրեց պարոն Պաուլոյի սեղանին: Ես կանգնած՝ նրա ծեքծեքուն շարժումներին էի հետետում սուրճի ջարդված մեքենայի ետեւից, որն անընդհատ գոլորշի էր արձակում:

Դեռ նույնիսկ ժամը 10-ը չկար, իսկ Լույուն ուզում էր տուն գնալ: Բարեբաղում կանանց գիշեր էր, դրա համար էլ նա ուզում էր անվճար մարգարիտա խմել եւ օտարերկրացիների հետ անզլերեն խոսել: Նրան դուր էին գալիս օտարերկրացիները, եւ կապ չունեի, թե քանի տարեկան էին, կամ որքան մազոտ էր նրանց կրծքավանդակը: Մի անգամ նրան հարցրի.

-Իրո՞ք հաստ եմ նրանց՝ գիտես ինչերը:

Պատասխանելուց առաջ լրջորեն մտածեց.

-Մոտավորապես ձեռքիս հաստությամբ:

Հետո երկար, անդադար հռիռացիկը:

Դիմացի կինոթատրոնը երկուշաբթի օրերը ֆիլմեր չէր ցուցադրում, դրա համար էլ սրճարանն այդ գիշեր հանգիստ էր: Լուլուի գևալուց հետո մի քանի հաճախորդ միայն մնացին, եւ ես արմուկներս հենեցի վաճառատեղանին, իսկ բարձրախոսները շարունակում էին երաժշտություն ճռռացնել: Պարոն Պաոլոն նստած էր իր սովորական տեղում անկյունում, սուրճի բաժակով: Նա վաղուց խմել վերջացրել էր, բայց չէր երեսում, թե էլի ինչոր բան կպատվիրի: Սակայն հանեց կոշտ, չորացրած ծխախոտի մի փաթեթ, փորձառու հմտությամբ փաթաթեց այն բարակ թղթի մեջ եւ գլանակը կպցրեց թքով: Ապա թիկնեց գևացքի ոճ ունեցող խցիկի նստարանին՝ գլուխը հենելով գլխակային եւ մտմտալով իր հոգսերի մասին: Մի քանի ժամ նստեց այդտեղ, մինչեւ մոտեցա եւ ասացի, որ սրճարանը փակում ենք:

Նա վեր կացավ եւ վճարեց՝ խիստ նրբագեղ շարժումներով:

Զգվելի է, բայց չէի կարող մեղադրել նրան, եւ նա չփնթփնթաց:

Նույնիսկ ինձ ասաց.

-Տեյն, բարի գիշեր:

Մի՞թե սուրճը խմելիս չէր զգացել թքի համը

Պարոն Պաոլոն ասում էր, որ ինքն իտալացի է, բայց բոլորս գիտեինք, որ իրականում հնդկական ծագում ունի: Տարիներ շարունակ նա լուրջ էր երկու թաղամաս այն կողմ գտնվող մի սրճարանում: Ես տեսել էի նրան այնտեղ՝ Էսպրեսոն ձեռքին, անվճար համացանցով համակարգչի դիմաց էլեկտրոնային մեծաքանակ փոստեր ուղարկելիս, կամ վաճառատեղանի մոտ սրճարանի տիրոջ հետ շախմատ խաղալիս: Նա չէր կարողանում միշտ վճարել սուրճի համար, դրա համար էլ հաշիվ ուներ բացված, եւ երբեմն սրճարանատիրոջից պարտքով փող էր խնդրում: Շատ չէր վերցնում, ասենք՝ մի 100 կամ 200 յուան, եւ դրանից հետո ուրախությամբ տապակած խոզապուխտի սենդվիչ էր գնում, ապա ուղիղ դուրս էր ելնում ու տաքսի կանչում, որ իրեն տուն տանի: Սկզբում բոլորը համբերատար էին նրա հանդեպ: Օտար երկրում նա ունեզուրկ հեղինակ էր: Բայց շախմատ խաղալիս անազնիվ էր, իսկ հենց որ չէկ էր ստանում, գոռում էր սրճարանում բոլորի վրա եւ սառը զարեջուր ուզում: Բայց հետագայում սկսեց ավելի ու ավելի շատ գումար պարտք մնալ եւ կախման մեջ ընկավ մարիխուանայից: Երբ սրճարանի տերը հրաժարվեց նրան պարտքով 1000 յուան տալ, էլ երբեք չվերադարձավ այդտեղ: Նա մտածում էր, թե բոլորն իր բարեկամներն են, բայց նրանց աչքում ինքը պարզապես գվարճալի ծաղրածու էր:

Ահա թե երբ նա տեղափոխվեց մեր սրճարան: Երկու սրճարանների

ՉԺՈՈՒ ՑԶՑԱՆԻՆ

սեփականատերերը ընկերներ էին. նրանք օգտագործում էին միեւնոյն «կատվի կղանք» աուրճի հատիկները: Առաջին օրը, երբ պարոն Պաոլոն եկավ, մեր սրճարանատերը Լուլուին եւ ինձ մի կողմ տարավ եւ ասաց.

-Չթողնեք, որ նա հաշիվ բացի եւ չթողնեք սրճարանում մարիխուանա ծխի:

Տարվա չորս եղանակին նա միայն երկու ձեռք հագուստ էր հագնում: Չմոռանք դա մուգ, ծովայինի զգեստի ոճի վերարկու էր: Գարնանն ու աշնանը՝ ավանդական չինական սպիտակ կոճակներով վերնաշապիկ, որը, կարծում եմ, գնել էր առաջին անգամ Չինաստան եկած ժամանակ: Ամռանը նա պարզապես ծալում էր այդ նույն վերնաշապիկի թելքերը: Ամեն անգամ, երբ Լուլուն տեսնում էր նրան փողոցն անցնելիս, մի ավելորդ անգամ գոչում էր՝ «Ահա գալիս է պարոն Պաոլոն», որից հետո ես լիքը լցնում էի սուրճը եւ սկսում էսպրեսոն պատրաստել: Ուրիշ ոչինչ երբեք չէր լինում, ոչ մի հաճելի անակնկալ:

Պարոն Պաոլոյին ճանապարհելուց հետո ես ճամփա ընկա դեպի տուն: Կեսգիշերից անմիջապես հետո հանկարծ սկսեց ուժեղ անձրեւ գալ, եւ ազատ տաքսիները մեծ ջրացայտեր էին գոյացնում, երբ անցնում էին իմ եւ հեծանվիս կողքով:

Ավտոմայրուղիների վերնակամուրջների տակ ջուրը շատ խորն էր, եւ երբ ես հեծանվով անցնում էի դրա միջով, լողացող տանկի պես էի ինձ զգում: Մի պահ մտածեցի պարոն Պաոլոյի մասին եւ այն մասին, որ գուցե նա հովանոց չուներ, եւ երբ դա մտածեցի, ինքս ինձնից զզվեցի: Ես պետք է նման լինեի ֆիլմերի ռոբոտ-մարտիկներին՝ անտարբեր եւ անողոր:

Գիշերը երկար էր: Տաք ցեցուղ ընդունելուց հետո նստեցի համակարգչի դիմաց՝ գրելու իմ մշտապես անավարտ վեպը: Չգիտեմ, թե որն է խնդիրը,- լեզուն, ռիթմը, մարմնական ցանկությունները կամ ուրիշ մի բան,- բայց պարզապես չեմ կարողանում ավարտել այդ գիրքը: Տասը տարի է՝ աշխատում եմ դրա վրա, բայց հավանաբար ամբողջ մի հարյուրամյակ կպահանջվի, որպեսզի ավարտեմ, եւ այդ ժամանակ ես կլինեմ միայնակ, ճերմակահեր մի ծեր վիուկ: Լուլուն գանգեց ինձ: Խմած էր:

-Տեյն, դու պետք է ինձ մի լավ շշպոես, ուղղակի հայիոյիր ինձ, երբ տուն գամ: Ես չեմ ուզում արթնանալ օտարի անկողնում:

Ես հեռախոսով մի քանի հայիոյանք նետեցի՝ իմանալով, որ նա հաստատ կարթնանա օտարի անկողնում: Լուլուն համառեց.

-Ի՞նչ ես անում:

Ասացի, որ հեռուստադրամաներ եմ նայում, ապա հեռախոսն անջա-

տեցի: Եթե երկար շարունակեինք խոսել, ևս էլի կսկսեր հեկեկալ: Միշտ լաց էր լինում, երբ հարբած էր:

Պատուհանից դուրս հորդ անծրել էր եւ ամպրոպ: Ես ուղղակի մտածում էի, թե խոհանոցի տանիքը կկաթի, եւ թե ինչպես պետք է այդտեղ տաշտ դնեմ կաթող ջրի տակ: Հետո քնեցի: Ամեն օր այսպես է՝ տխուր ու հուսալքող:

Բնականաբար, հաջորդ օրը Լուլուի պարանոցի վրա բուռն սիրո հետքեր կային: Արհեստական գործվածքից շարժ էր զգել՝ վրան գանգի պատկեր, թարթիչներին հատուկ մուգ ծարիր էր քսել եւ մռայլ ևստած էր լուսամուտագոգին: Ես հեռավորություն պահպանեցի՝ ձեւացնելով, թե թյունս սից սենդվիչներ եմ պատրաստում, բայց ևս կողքակց մտեցավ:

-Ինչո՞ւ ևս ինձ հաղորդագրություն չի ուղարկում: Երեւի հարբած սխալ համա՞ր եմ տվել:

Այդ աղջկա ուղեղը շարքից դո՞ւրս էր եկել խմելուց: Ինչո՞ւ չէր հասկանում, որ այդ սիրալիր ու պատրաստակամ օտարերկրացի սիրեցյալները միգուցե իրականում երբեք էլ չեն սիրել իրեն:

Երկուսս էլ ճնշված էինք: Այդպիսի դեպքերում մենք լուռ եմք, կտրում ենք լուրիկը, թյուննս թիթեղյա տուփերում խառնում ենք սալաթի սոուսը եւ շոգեխաշող ջարդված կաթսայով կաթի ցածրորակ փրփուր պատրաստում: Մեկ տարի երեք ամիս ես սեռական կյանք չէի ունեցել: Սկզբում հաշվում էի օրերը, բայց հետո դրանք դարձան անգանազանելի, միանման: Հիշում եմ միայն, որ վերջին անգամ սիրով զբաղվեցի մի լուսանկարչի բնակարանում, նախքան թատերական ակադեմիան ավարտելս: Ամբողջ սրտով ուզում էի ապրել Սազանի կենսակերպով, ողջ օրը խմելի ճամփեգրի բարերում ևստած արվեստագետների հետ, սիրով զբաղվելի, խոսելի գրքերի մասին եւ հաճույքներ որոնելի: Հետո հասկացա, որ գտնվում եմ ոչ համապատասխան տեղում՝ ոչ համապատասխան ժամանակ: Հիմա ոչ մի հետաքրքրություն չունեմ սիրո հանդեպ, եւ ոչ ոք չի հայտնվել, որ սիրի ինձ: Հնարավոր է՝ մի քանի տարի հետո ես էլ կլինեմ այդ անհայտ ու չճանաչված, լռակյաց գրողներից մեկը:

Այդ օրը պարոն Պաուլոն չերեաց: Մտածեցի՝ միգուցե մրսել է՝ անծրելից թրջվելով: Եվ այդ գիշեր տարօրինակ մի զգացողություն ունեցա, երբ ցած էի քաշում գլանավարագույրը:

Պարոն Պաուլոն երբեք ինձ չէր վիրավորել. ընդհակառակը, ևս ինձ լավ էր վերաբերվում: Գիտեմ, որ հաճախ էր ինձ նայում, երբ հենվում էի վաճառասեղանին: Դա լրիվ տարբեր էր Լուլուին նայելու ձեւից: Նրա հայացքի

ՉԺՈՈՒ ՑԶՑՄՆԻՆ

մեջ մի տեսակ հարազատ բան կար, բայց դա հենց այն հայացքն էր, որ կյարդայնացնում էր ինձ:

Հիշեցի, թե ինչպես անցած ծմռան մի ուշ գիշեր, չկարողանալով վեպս գրել, բեյսբոլի գլխարկը դրած եւ միևէւ ոտնակոճերս հասնող մեծ, փափուկ վերարկուն հագիս՝ ամբողջ ճանապարհին ոտքով քայլեցի միևէւ թատերական ակադեմիայի դարպասները, որպեսզի խորովածի համար շամփուր ճարեի: Աստիճանների վրա ցածր կուրսի մի քանի ուսանող էին նստած, զարեջուր էին խմում եւ սպասում իրենց քյաբաբին: Վախեցա, որ կճանաչեն ինձ՝ մի ժամանակ լավագույն ուսանողուհուս, որ պոեզիայի ընթերցանության միջոցառումներին կանգնում եւ Ռիլկե էի արտասանում: Մեկը, որ գիշերվա կեսին հայտնվել էր մեքենաներով, ջիպերով ու մոտոցիկլետներով շրջապատված հանրակացարանի մոտ: Այդ օրերի հիշողությունն ինձ ստիպեց կարմրել:

Ուսանողներից խուսափելու համար մտա հարեւան ինքնասպասարկման խանութը եւ չորս լիտրանոց մեծ շշով Նունֆու լեռան աղբյուրի ջուր գնեցի: Երբ կանգնած էի մուտքի մոտ՝ մեծ անոթը բռնած, լսեցի, որ ետեւիցս ինչ-որ մեկը ձայն է տալիս՝ «Տեյն»: Տեյնն իմ անգլիական անունն է, որով ինձ դիմում են սրճարանում: Սրճարանի բոլոր աղջիկները անգլիական դիպուկ անուններ ունեն, հիշելու համար հեշտ, բայց առանձին իրար ասելու համար՝ դժվար:

Դա պարոն Պաոլոն էր: Հագին իր ծովայինի վերարկուն էր, մի ձեռքում ծխախոտի տուփ էր, մյուսում՝ չոր թխվածքաբլիթների: Նա ինձ ասաց.

-Եկել էի այս դիմացի հիվանդանոցը՝ աղալուծույթի կաթիլներ ընդունելու... ստամոքսի համար:

Չափազանց սահուն հյուսիսչինական՝ մանդարինի լեզուն, որով խոսում էր, միայն ավելի ցայտուն էր դարձնում նրա միայնակ լինելու զգացումը:

Հանկարծակի մի մղումով ջուրը թաքցրի իմ ետեւում: Նա աչքերն ինձ էր հառել, եւ ես ոսկորներիս մեջ սարսափ զգացի: Հետո նայեցի նրան իմ բեյսբոլի գլխարկի տակից, նայեցի նրա աջ ձեռքի կաշուն սպեղանուն՝ արյան բիծը վրան: Մենք կանգնած էինք այդպես՝ ուշադիր, հոտոտելով մեկս մյուսիս, փորձելով պարզել, թե արդյո՞ք նույն տեսակից ենք: Ի՞նչ տեսակից: Այն տեսակից, որ ստիպված է գիշերվա կեսին մենակ դուրս գալ՝ կաթիլային ներարկում ընդունելու համար, որ ստիպված է չոր թխվածքաբլիթներ գնել ինքնասպասարկման խանութից՝ քաղցը հաղթահարելու համար, որ ստիպված է, չորս լիտրանոց շիշը ձեռքին, ծմռանը կեսգիշերին

կանգնել փողոցում: Այդ տեսակից: Մեր մարմիններն այնպիսի հոտ ունեին, որ միայն նույն տեսակի մարմինները կարող են արձակել: Պարոն Պաուլոյի դեմքի արտահայտությունն արագ մեղմացավ: Նա այլևս ոգետրված չէր, բայց թվում էր՝ խոնավ մի գոլորշի է լողում նրա շուրջը:

Հակակրանքի մի ալիք զգացի եւ մատնացույց արեցի քյաբաբի վաճառատեղանի մոտ դանդաղ խմող երիտասարդների խմբի կողմը:

-Ընկերներս այնտեղ ինձ են սպասում,- ասացի կանխամտածված: Ապա, ջրի մեծ շիշը բռնած, վազեցի աղմուկի, ծիծաղի ու տապալկած մսի բույրի կողմը:

Այդ գիշերվանից հետո սկսեցի Լուլուին ստիպել, որ թքի պարոն Պաուլոյի սուրճի մեջ: Չցանկանալով դա անել՝ համոզված էի, որ բոլորը գիտեն, որ ատում եմ պարոն Պաուլոյին նույնիսկ ավելի, քան այն սարսափելի տղամարդկանց, ովքեր կեղտոտ խոսքեր են սկսում ասել եւ ձեռն են զգում աղջիկներին, հենց որ խմում են: Բոլորն արդեն ատում էին նրան, որովհետեւ նա այդքան ժլատ էր: Երբեք թեյավճար չէր տալիս եւ երբեք 20 յուանից ավելի արժողության ոչինչ չէր պատվիրում: Եվ երբ սրճարանը շրջապատված էր լինում դրսում հավաքված հաճախորդներով, նա շարունակում էր զբաղեցնել ամբողջ մի սեղան, որի վրա դրված էր իր դատարկ բաժակը: Կարծես ապրում էր այլ մոլորակի վրա:

Մի քանի անգամ, երբ սրճարանում տխրեցի լինում, ես իջնում էի բանջարեղենի շուկա, որ մեկ թաղամաս այն կողմում էր, եւ տեսնում էի, որ պարոն Պաուլոն երեկոյան մենակ քայլում է իր համար: Սովորաբար մտազբաղ տեսք էր ունենում եւ չափազանց դանդաղ էր քայլում: Իր սեփական աշխարհում խորասուզված թվում էր փողոցում չի տեսնում ո՛չ ինձ, ո՛չ ուրիշ որեւէ մեկի: Ես ենթադրում էի, որ նրա առօրյան հետեյալ շարանի նման մի բան էր՝ արթնանալ, գրել, հասնել գրողների միավորում, թափառել, քայլել, գուցե ճամփեգրի ճաշարանում փնթի մի ճաշ ուտել, ապա ուղեւորվել մեր սրճարան: Նա սրճարանում երբեք որեւէ բան չէր անում, միայն խմում էր իր էսպրեսոն եւ մի քանի նշում էր կատարում նոթատետրում իր հիմնավոր ֆարքեր գրիչով: Նստում էր այդտեղ մինչեւ սրճարանի փակվելու ժամը՝ այդպիսով մեկ օր էլ անցկացնելով: Ոչ ոք երբեք չէր հարցնում նրան, թե ինչու է եկել Չինաստան: Ոչ ոքի պետքն էլ չէր: Նրա շուրջբոլորը գտնվող հաճախորդները վիսկի, ջին եւ սամբուկա էին խմում, բայց նա հեռու էր այդ ամենից եւ այդ եռուզեռի հետ կապ չուներ:

Հենց որ նա մոտ էր լինում, ես Լուլուի հետ բարձրածայն զրուցում էի: Թե՛ն իմ հանկարծակի հետաքրքրությունը Լուլուի տարակուսանքն էր հա-

ՉԺՈՈՒ ՑԶՑՄՆԻՆ

րուցում, բայց նա երբեք չէր հոգևում իր սիրելի պարոնների, նրանց չափերի, դիրքերի ու մազոտ կրծքավանդակների մասին խոսելուց: Երբ լսում էի, քունս ասես տանում էր, որովհետեւ ավելի շուտ կգերադասեի նստել անկյունում ու նայել տարածության մեջ, կամ սենդվիչներ պատրաստել, կամ պիցցայի խմոր հունցել: Բայց երբեմն նկատում էի, թե ինչպես է պարոն Պաոլոն ինձ նայում: Նրա հայացքը կասկածանքով լի էր, զայրացած, շփոթված եւ խանդոտ. ակներեւաբար՝ չէր կարողանում հասկանալ, թե ինչու է այս անձնավորությունը, որ իր նման այդքան ակնհայտորեն հանդարտ ու միայնակ է, այդպես խոպոտ ծայրով կատակներ անում ու ծաղրուծանակով խոսում էժանազին վարձու աղջկա նման:

Հաճախ երեկոներ էին լինում, երբ շատ գործ չկար, եւ Լուլուն հրավիրում էր իր խուլիզան ընկերների խառնախմբին՝ պատշգամբում ծխելու եւ զարեջուր խմելու: Նախկինում նրանցից հեռու էի մնում, բայց հիմա ներքին մի մղում ինձ ստիպեց գնալ ու նստել հենց նրանց մեջ: Նորաթուխ ջահելների նման կոշիկներս հանեցի պատշգամբի աստիճանների վրա եւ նստեցի՝ սառը «Հայնեկենը» ոտքերիս մոտ: Նույնիսկ, հարյուր տարվա մեջ առաջին անգամ, ծխախոտ ծխեցի: Նրանք խոսում էին կոպիտ, վիրավորական տոնով, հռհռում էին եւ վիճաբանում: Տղաներից մեկը շոյում էր իր գրկին նստած Լուլուի բացված կրծկալի ուսակապը:

Հենց այդ ժամանակ էլ պարոն Պաոլոն ներս մտավ: Ինչպես միշտ՝ նրա հագին այն սպիտակ կոճակներով վերնաշապիկն էր՝ ամռան համար վերջում թեքերով: Նա մոտենում էր պատշգամբին՝ հայացքն իմ դեմքից չկտրելով: Անթարթ ինձ էր նայում, այնքան, մինչեւ որ սրտումս զայրույթ բռնկվեց, եւ ես ծխախոտիս մնացուկը նետեցի ուղիղ նրա վրա: Ուզում էի, որ ծխախոտի մնացուկը դիպչի ուղիղ նրա վերնաշապիկին, բայց թույլ էի նետել, եւ այն ընկավ գետնին՝ նրա տաբատի փողքի մոտ: Այդուհանդերձ, պարոն Պաոլոն ակնհայտորեն ցնցված էր: Նա կանգ առավ, բայց չզայրացավ: Պարզապես իրեն ստիպեց ժպտալ բերանի անկյունով: Այնքան անօգնական տեսք ուներ, այնքան վշտահար, եւ այնքան շփոթված: Ստածեցի, որ պարզապես կշրջվի ու արագ խոյս կտա:

Շուրջս գտնվող հորմոնառատ, բայց խելապակաս տղաները բոլորը հարայիրոց, ճիչ ու քրքիջ դրեցին, ինչպես եւ Լուլուն, որի նիհարիկ ուսերը ցնցվում էին ծիծաղից:

Ես այնպես արեցի, իբր չէի տեսել պարոն Պաոլոյին, եւ մի մեծ կում թունդ գարեջուր խմեցի:

Նա երեք օր չէր երեւացել, երբ Լուլուն, որ երբեք որեւէ մեկի համար ան-

հանգստություն չէր ցուցաբերում, սկսեց հարցեր տալ:

-Հնարավոր է պարոն Պաոլոն տուն է գնացել: Իհարկե ոչ, մի՞թե իսկապես կարող է իրեն թույլ տալ ինքնաթիռի տոմս գնել: Այ-այ, արդյո՞ք ևս իսկապես կարող է իրեն թույլ տալ ինքնաթիռի տոմս գնել՝ տուն գնալու համար: Դա չափազանց ողբերգական կլիներ:

-Օնոյան տոներ չեն, ինչո՞ւ պիտի տուն գնար:

-Բան չի կարող պատահած լինել, չէ՞:

-Իր նման ապրելու դեպքում մարմինը կսկսի փտել, մինչև որ կհայտնաբերեն:

Ես մտածում էի, որ մի քիչ կհանգստանայի առանց պարոն Պաոլոյի, լուռ կնստեի սուրճի մեքենայի ետևում, ինչպես միշտ էի անում, անտարբեր հայացքով կնայեի քաղցր պղպեղներին եւ սալաթի տերեւներին՝ լվացարանի մեջ՝ մտածելով այն վեպի մասին, որ երբեք չէր ավարտվելու եւ այն երազանքների, որ երբեք չէին իրականանալու: Բայց հիմա այստեղ անգիտակցաբար դուրս էի նայում պատուհանից՝ վատ զգալով այն կնոջ նման, որ սպասում է, թե իր սիրելին ե՞րբ տուն կգա: Պարոն Պաոլոյի սովորական տեղում լուրդ խաղացող մի զույգ էր նստած, աղջիկն իմ ամենաչսիրած տիպի էր՝ հիմնականում Լուլուի տիպի, չափից դուրս զարդարուն հագնված, ծեքծեքուն, հռհռացող եւ հիմար, սակայն կենսունակությամբ լի:

Սոտ մեկ շաբաթ անց, երբ անձրեւոտ մեկ այլ երեկո կինոթատրոնը դատարկվեց, կինոդիտողներից շատերը, ովքեր հովանոցներ չունեին, վազեցին մեր սրճարան ժամանակ սպանելու՝ սպասելով, որ անձրեւը կտրվի: Հուսահատված՝ թե աշխատանքը վերջ կունենա, Լուլուն որոշեց, որ հաճախորդների այս հանկարծակի հորձանքն ավելին է, քան ինքը կարող է սպասարկել, մի քանի անգամ սխալվելով պատվիրած ուտեստները բերելիս: Ես նույնպես անհանգստությունից իրար էի խռովել եւ շոռակարկանդակը դրեցի միկրոալիքային վառարանի մեջ՝ կարծելով, թե բրաունի է: Բոլոր պատվերներն ընդունելուց եւ սպասարկելուց հետո սրճարանը բզզում էր: Անձրեւը հաճախ մարդկանց գրգռում է, եւ այս պահին, ըստ երեւոյթին, շատերի համար անսպասելի հաջողություն էր: Նրանք բարձրածայն գրուցում էին, զարեջուր խմում եւ ֆրանսիական թարմ չիֆսեր ծամում, իսկ ջեռոցից տարածվում էր սխտորով հացի բույրը, եւ բարձրախոսներից հնչում էր Տեկ Տոնսոնի թարմացնող երաժշտությունը: Ամեն անգամ, երբ այսպես է լինում, ես կանգնում եմ լվացարանի մոտ եւ ամաններն եմ չորացնում՝ մի տեսակ շվարած, չիմանալով, թե ինչ եմ անում կամ

ՉԺՈՈՒ ՑԶՑՄՆԻՆ

ինչ եմ անելու հետո: Նայեցի եւ տեսա Լուկուին իսպանական պարային թատերախմբի սեղանի մոտ, որ ծիծաղելիորեն բանեցնում էր իր բոլոր սովորական հնարքները:

Պա այն ժամանակ էր, երբ կինոյի նեոնային լույսերը մթնեցին:

Իմ զարմանս ինձ, վերջինը հայտնվեցին պարոն Պաոլոն եւ մի կին: Ես նրանց էի նայում ապակու միջով: Որոշ ժամանակ նրանք կանգնած էին կինոթատրոնի մոտի աստիճանների վրա, ապա պարոն Պաոլոն բացեց մեծ սեւ հովանոցը, որն ամբողջությամբ ծածկեց փոքրամարմին կնոջը: Նրանք շատ մոտ էին միմյանց. պարոն Պաոլոն պետք է որ մի ձեռքով գրկած լիներ կնոջը: Նրանք քայլեցին սրճարանի ուղղությամբ: Չգիտեմ, թե ինչու այդքան նյարդայնացա: Ինձ նույնիսկ թվաց, թե շլչահեղձ եմ լինում: Բայց պարոն Պաոլոն ներս չմտավ: Գուցե այն պատճառով, որ սրճարանի բազմությունն իր սպասածից ավելի շատ էր: Նախկինում երբեք այս ժամին չէր եկել. նա արդեն պետք է զբաղեցրած լիներ իր տեղը՝ ապահով տեղավորված իր սեփական աշխարհում: Ակներեւաբար, աղմկոտ բազմությունը վախեցրեց նրան: Նա ժպտաց կնոջը, բռնեց նրա ձեռքը, եւ միասին հեռացան: Ես վերադարձա մի խումբ հաճախորդների ետեւից, որոնք խմում էին վաճառասեղանի մոտի աթոռակներին նստած, քարացած՝ որ նա կտեսնի ինձ, կտեսնի ինձ միայնակ՝ անհաշիվ ափսեներ չորացնելիս, ինչպես միշտ, մշտապես:

Մի հայացք զցեցի հովանոցի տակ գտնվող կնոջ կողմը: Ուղքերին չստեր էին, արեւահարված մուգ մաշկ ուներ, հաստիկ հետույք: Դեմքի անորոշ արտահայտությամբ էր, յուզոտ մազերը ծածկում էին ուսերը: Այնպիսի կնոջ տեսք ուներ, որ կտեսնեք բանջարեղենի շուկայում կամ շամպունի խանութում: Ընդհանուր առմամբ, աչքի ընկնող ոչինչ չկար, բայց նա եւս մեկ պատճառ կլիներ, որ մարդիկ ծաղրեին պարոն Պաոլոյին:

Բայց կատարյալ քնքշությամբ եւ գեղագիտությունը հաշվի չառնելով՝ պարոն Պաոլոն կնոջն իր կողմն էր գրավում:

Կկարդա՞ր կինը նրա պատմությունները: Եթե պարզեր, որ նա չքավորության հասած եւ հուսահատ մի գրող է, որը Չինաստանի որոգայթն է ընկել, կլքե՞ր նրան: Արդյո՞ք ես սպասում եմ այն օրվան, երբ նա լքված ետ կգա սրճարան, որպեսզի Լուկուն թքի նրա էսպրեսոյի մեջ: Ես սարսռում եմ իմ սեփական չարակամությունից:

Անձրեւը դեռ չէր դադարել, երբ սրճարանը փակեցինք: Երբ հեծանվով անցնում եմ Էստակադային կամուրջների տակով, զգում եմ, որ իսկապես դառնում եմ մարտաֆիլմերի ռոբոտներից մեկը՝ անտարբեր, անողորմ:

ՄԱ ՍՅԱՌՏԱՌ

ԱՆԱՎԱՐՏ ԶՈՒՅԳԸ

1

Լեյ Լեն նայեց խոր քնած Վեն Սյառնուանին եւ մտածեց, որ նա տարի-քի հետ ավելի ու ավելի է նմանվում կատվի: Դիմագծերը հավաք էին, դեմքի արտահայտությունը՝ մեղմ, բայց խորհրդավոր: Արդյո՞ք այն պատճառով էր, որ նա եւ կատուները երկար ժամանակ միասին էին: Լեյ Լեն համբուրեց նրա այտը: Վերջինս ինչ-որ բան քրթմնջաց, երկու անգամ թույլ հոգոց հանեց եւ շուտ եկավ: Վեն Սյառնուանի ոտքը վերմակի տակից դուրս էր եկել: Եղունգների լաքը փոքր-ինչ թափված էր, եւ դրանց նայելով դժվար կլիներ ասել՝ այս կինն ուզում է գրավի՞չ երեւալ, թե՞ թափթփված է: Լեյ Լեն նրա ոտքը վերմակով ծածկեց, զգույշ շրջանցեց քնած չորս կատուներին, ապա լոք տալով անցավ հատակին այսուայնտեղ թափված իրերի վրայով եւ գնաց աշխատանքի: Ամեն օր նույնն էր: Ժամը յոթին մոտ Լեյ Լեն վեր էր կենում եւ գնում աշխատանքի, բայց Վեն Սյառնուանը, որ ընդամենը մի քանի ժամ առաջ էր պառկել, խոր քնի ամենաքաղցր փուլում էր լինում:

Լեյ Լեն պետք է հասցներ երկրորդ ավտոբուսին՝ աշխատանքի հասնելու համար: Հեռավորությունը մոտավորապես 30 կիլոմետր էր: Մայրուղով կարողանում էր աշխատանքի հասնել մոտ մեկ ժամվա ընթացքում: Ավտոբուսը լեփ լեցուն էր: Վաղ առավոտյան գրասենյակային տարեց աշխատողներից պահանջվում էր բարձր տրամադրություն: Ոչ ոք տեղը չէր զիջում մեկ ուրիշի եւ ամեն մեկը պաշտպանում էր սեփական գնդաստեղաչափ տարածքը: Բայց Լեյ Լենին միշտ հաջողվում էր տեղ գտնել, որովհետեւ նստում էր վերջին կանգառից: Նա ապրում էր քաղաքի արեւելյան ծայրամասում: Ու թեեւ այնքան էլ հարմար չէր այդտեղ հասնելը, բայց դրա միակ առավելությունն այն էր, որ վերջին կանգառ է: Ավտոբուսի երթուղին սկսվում էր ավարտվում էր այստեղից, եւ դանդաղ ու երկար ճանապարհորդության ժամանակ նա ստիպված չէր կանգնել, այլ կարող էր նստել ու հանգստանալ:

Լեյ Լեն արագ լվացվեց եւ ճիշտ ժամը յոթին դուրս եկավ: Աշխատանքի

ՄԱ ԱՅԱՆՏԱՌ

գնալուց առաջ մտավ ներքեւի հարկում գտնվող խորտկարան՝ նախաճաշելու:

Քաղցրաբլիթներ, փքաբլիթներ, յուղաբլիթներ եւ սոյայի կաթ. միայն այս չորս կերակրատեսակն ունեին: Բայց անընդհատ եփուֆափ եւ եռուզեռ էր այդտեղ, ինչպես ընտրության լայն հնարավորություններ ունեցող միջազգային հյուրանոցում: Նախաճաշելիս ստիպված էր ժպտալ շանդունյան առոգանությամբ խոսող երկարադեմ մատուցողուհուն, ասես անմահության էլիքսիր էր պատվիրում:

Առաջ տանն էր նախաճաշում: Վեն Սյանուանը նրանից կես ժամ շուտ էր արթնանում, մշուշված աչքերով դեսուդեն էր վազում խոհանոցային պարագաները շիկշիկացնելով: Երկուսով նախաճաշում էին, Վեն Սյանուանը՝ միշտ կիսաթնած, կուլ գնացած աչքերով եւ ծույլ ու դանդաղ շարժումներով: Լեյ Լեն մտածում էր, որ նա ցանկացած պահի կարող է գիտակցությունը կորցնել: Նախաճաշն ավարտելուց հետո Վեն Սյանուանը ճանապարհում էր Լեյ Լեին մինչեւ դուռը եւ վերադառնում էր ու քուն մտնում: Ուղիղ կեսօրին նա վերջնականապես վեր էր կենում: Նախաճաշը միշտ արտակարգ նրբաճաշակ էր ընտրված: Սրտածեւ ձվածեղ, որի մեջտեղում դեղնուցն էր, նրբագեղ կտրված սենդվիչ՝ ներսում լուլիկ եւ խոզապուխտ: Կարտոֆիլի պյուրեն ձեւավորված էր կատվի դեմքի նման՝ ձվածեւ գլխի վրա երկու եռանկյուն ականջ, աչքերի տեղում երկու չամիչ: Բացված ծաղկի նման կտրված նրբերշիկ, ատամնափորիչ փայտիկով զարդարված՝ ժպտացող նրբերշիկ: Աստվա՛ծ իմ: Ռ՛վ կմտածեր, որ այս քաղաքի արեւելյան արվարձանների կոպիտ սվաղված պատերով տանը մենության մեջ հմուտ շեֆ-խոհարար է ապրում: Երբ առաջին անգամ տեսավ այս սովորական-արտասովոր նախաճաշը, Լեյ Լեն սաստիկ հուզվեց: Համբուրեց Վեն Սյանուանի անլվա դեմքը՝ իր երախտագիտությունն ու հիացմունքն արտահայտելով: Սի քանի օր անց, սակայն, Լեյ Լեն սրտնեղեց: Ամեն օր ձվածեղ ու սենդվիչ եւ արեւմտյան նախաճաշ, ամեն օր: Սիեւնույն ժամանակ Վեն Սյանուանն ավելի ու ավելի էր խելացնոր դառնում: Կարտոֆիլի պյուրեով կատվիկը, որ անգերագանցելի էր, դարձավ առավել թանկարժեք պարսկական կատու՝ իր պսպղուն, կյանքով լի կանաչ եւ մանուշակագույն երկու միաչափ չամիչ-աչքերով: Լեյ Լեն համարյա շվարել էր, իրեն կորցրել ու չգիտեր՝ ինչպես ավերի Վեն Սյանուանի նոր արվեստը, արդյոք կատվի ակա՛նջը կձի, թե՞ աչքը քչփորի: Սովորական տնական նախաճաշը շատ հանդիսավոր էր մատուցվում, եւ դա ստիպում էր Լեյ Լեին տատանվել, չիմանալ ինչ անել եւ սաստիկ վախենալ: Ավելին, նա գտարյուն

հյուսիսցի էր եւ չէր կարող տանել այս հարավֆրանսիական կամ ամերիկյան արեւմտյան ափի նախաճաշը: Մեկ կամ երկու անգամը, որպէս ևորոյթ, լավ էր, բայց երկար ժամանակի առումով ևս իրոք վախեցավ այս՝ ասես հինգաստղանի հյուրանոցի շրջուցիչ փայլից: Ամբողջ սրտով ևս ցանկանում էր ճամփեզրի խորտկարանի քաղցրաբլիթներ կամ շիլա՝ թթվի հետ: Հենց որ տեսնում էր չսանրված ու թափթփված Վեն Սյանուանին խոհանոցում զբաղված, սիրտը սեղմվում էր այն մտքից, թե ինչպէս կարող է դիմակայել արեւմտյան կերակրատեսակներով զարդարված սեղանին: Լէյ Լեն սիրալիք հորդորում էր Վեն Սյանուանին, որ այդպէս իրար չխառնվի լուսաբացից մինչեւ մայրամուտ: Սիրտը ցավում էր նրա համար: Վեն Սյանուանը քաղաքավարի հավաստիացնում էր, որ ամեն բան կարգին է, որ պատրաստ է սիրելիի համար քնից էլ հրաժարվել: Ի վերջո, Լէյ Լէյի շարունակական պնդմամբ, Վեն Սյանուանը բարեհաճորէն համաձայնեց վեր չկենալ եւ նախաճաշ չպատրաստել: Լէյ Լեն շոյեց նրա գլուխը՝ թաքուն իրեն թեթեւացած զգալով, որ հիմա կարող է հրաժեշտ տալ այդ խաղալիք նախաճաշերին:

Քաղցրաբլիթ պատրաստող փոքրիկ ջեռոցը երկարատեւ օգտագործումից վաղուց կեղտոտվել էր: Փքաբլիթի ամանի եզրին էլ երկու չիփս էր կպած, բայց Լէյ Լեն բավականությամբ կերավ կոպիտ սպասքից: Հիմա սա այն էր, ինչ պետք է լինէր նախաճաշը՝ պարզ, առատ, եւ ուտելիս էլ ճակատդ թեթեւակի քրտնում էր: Հետո ևս մաքրեց կոկորդը եւ քայլեց գրասենյակ: Լէյ Լեն աշխատում էր արտադրական ընկերությունում: Այն իբր ընկերություն էր, բայց ավելի շատ նման էր արտադրամասի: Ընդհանուր առմամբ, այդտեղ մի քանի տասնյակ աշխատակից կար: Նույնիսկ ևս, որ երկու տարուց քիչ ժամանակ էր այդտեղ աշխատում, արդեն ընդունվել էր հիմնական աշխատախմբի կողմից: Ընկերությունը հիմնականում տեսաձայնագրմամբ էր զբաղվում եւ երբեմն ընդունում էր որոշ դպրոցական տեքստերի ու տեսագրությունների հետ կապված պատվերներ: Չնայած ուշադրության կենտրոնում գտնվելը դժվար էր, միաժամանակ՝ աշխատանքի պակաս չկար: Անցյալ տարի Լէյ Լեն թողել էր մասնավոր կորպորատիվ հեռուստաընկերությունը, որպէսզի աշխատի այստեղ: Նա հրաժարվեց ծրագիր վարողի կայուն աշխատանքից՝ ավելի շատ գումար վաստակելու եւ վարկերը շուտ մարելու համար: Նախքան կորպորատիվ հեռուստաալիքում աշխատելը Լէյ Լեն շարժական խորհրդատվական ալիքի աշխատողներից էր: Այդտեղ ավելի շատ մարդիկ կային, քան օգուտ, եւ մի բուռ աշխատողներով կենաց մահու հրմշտոցի մեջ էին: Իսկ նախքան այդ՝

ՄՋ ԱՅՋՈՏԱՌ

մարզական ալիքի հաղորդավար էր: Գործընկերների կեսից ավելին նրա նախկին դասընկերներն էին, և նրանք ուրախ համագործակցում էին ու լավ էլ վաստակում: Բայց հետո ծրագրի վարկանիշն ընկավ, և այն, ցավոք սրտի, դադարեցրեց իր գործունեությունը: Երբ ծրագիրը դադարեց, Լեյ Լեն շատ բան կորցրեց: Ուսումն ավարտելուց վեց տարի անց նա աշխատանքը փոխել էր չորս անգամ և հիմա ստրուկի պես աշխատում էր որպես հաղորդավար, Ֆիլմի մոնտաժող և, ի հավելումս, կապի աշխատանքն էր ապահովում:

Լեյ Լեն ավարտել էր Ռադիոհաղորդակցման ինստիտուտի ռադիոհեռուստահաղորդակցման բաժինը: Սովորելիս, իր ակնառու աշխատանքի շնորհիվ, նա բաժնի յոթ «գայլերից» մեկն էր: Ամեն անգամ, երբ հնարավորություններ էին լինում մասնակցելու մեկ այլ դպրոցի ներկայացմանը, ողջունելու օտարերկրյա հյուրերին կամ հանդես գալու կենտրոնական հեռուստատեսությամբ, այդ յոթը միշտ ընդգրկված էին: Նրանք բարձրահասակ և ուժեղ, գեղեցկադեմ ուսանող տղաներ էին՝ հնչեղ ձայներով: Շլացուցիչ տեսք ունեին իրենց եվրոպական սեւ կոստյումներով: Հիմա այդ յոթից ոմանք առանց մեծ ջանքերի դարձել էին հեռուստաալիքի նորությունների հաղորդավարներ, ոմանք դուրս էին եկել աշխատանքից և դարձել տնակյաց հայրեր, իսկ ոմանք էլ արտահաստիքային աշխատողներ էին՝ մի օր հարուստ, մի օր աղքատ, որ կադրից դուրս ձայներ էին հնչեցնում, ինչպես ստուդիայի տխմարները: Լեյ Լեն աշխատում էր իննսից մինչև հինգը և իր մասնագիտությունից երբեք չէր հեռացել, բայց նաեւ այնքան մեծ ծավալի աշխատանք էր կատարել մասնագիտությունից դուրս, որ իրեն գրեթե լուսանցքում էր զգում:

Վեն Սյանոուանը Լեյ Լեյ կրտսեր դասընկերուհին էր: Նրանք հանդիպել էին ռադիոհաղորդակցման բաժնի ուսանողական կազմակերպությունում: Այդ ժամանակ Լեյ Լեն նոր էր դարձել ավագ՝ չորրորդ կուրսի ուսանող, իսկ Վեն Սյանոուանը երկրորդ կուրսում էր: Որպես մարզական բաժնի ղեկավար՝ Լեյ Լեն նոր ուսանողներից օգնականներ ընտրելու գործի պատասխանատուն էր: Վեն Սյանոուանը բեյսբոլի վարդագույն գլխարկով էր և ոսկեգույն ներկած մազերով: Հագին բաց վարդագույն անկրունկ կոշիկներ էին, որոնց մեջ սրունքները երկու փայտիկների էին նման: Աղջկա գունագեղ տեսքն ու հանդերձանքը և չափազանց բարակ ոտքերը Լեյ Լեյին թեթևամիտ ծիածանագույն թուփակ հիշեցրին: Ընդունված կարգի համաձայն Լեյ Լեն դիմորդներին մի քանի հարց տվեց: Ընդամենը՝ թե ինչու են ուզում ընդգրկվել մարզական բաժնում և եթե ընդունվեին, արդյոք հե-

տագա աշխատանքային ծրագրեր ունեի՞ն: Նոր ուսանողները բոլորովին անփորձ էին եւ պատասխանելիս, բնականաբար, այնքան էլ ճարտարամիտ չէին: Երբ Վեն Սյանուանի հերթը հասավ, առաջին հայացքից նա էլ ամաչկոտ էր թվում: Լեյ Լեն հարցրեց, թե ինչու է ուզում ընդգրկվել մարզական բաժնում: Նա արագ բլբլացնելով պատասխանեց, որ տեղեկատվական բաժինը միշտ հոգնեցնում է՝ ստիպելով դեսուդեն վագել, քարոզչական բաժինը ստիպում է պաստառներ պատրաստել եւ մրցույթներ կազմակերպել, հազար ու մի բան, արվեստի բաժնում մարդ կարող է ուշադրության կենտրոնում լինել, բայց լավ չերգել կամ պարել, այնպես որ, երկար մտածելուց հետո, թվում է՝ միակ տեղը, որտեղ կարող է դժվարությունը հաղթահարել, մարզական բաժինն է: Լեյ Լեն լսում էր, թե ինչպես է Վեն Սյանուանը բնորոշում իր բաժինը, ասես դա պարզապես անվճար նախաճաշելու տեղ է, ապա հարցրեց՝ նա արդյոք ծրագրեր ունի՞ր ապագայի համար: Աղջիկն աչքերը լայն բացեց եւ պատասխանեց.

- Ես պատրաստվում եմ լինել օգնական, ոչ թե բաժնի ղեկավար: Ինչ-որ ղեկավարը կասի, այն էլ կանեմ անխոս, ինչպես ասում են՝ գլուխս կախ, պոչս բարձր: Ես այդքան երկարաժամկետ, բարձր հավակնություններ չունեմ:

Լեյ Լեյի համար նրա պատասխանը զարմանալի էր եւ զվարճալի: Հաշվի առնելով, թե որքան արագ եւ վճռական էր Վեն Սյանուանը, ինքը կարող էր նաեւ ընդունել նրան հենց միայն մթնոլորտն աշխուժացնելու համար: Այդպիսով՝ ամեն օր Վեն Սյանուանը ինքնագոհ մտնում էր մարզական բաժանմունք՝ հետեւելով Լեյ Լեյին, բարձր կանչելով ու շնչալով եւ զբաղվելով այս կամ այն բանով: Լեյ Լեն կարծում էր, որ նա փոքրիկ, բայց այնուամենայնիվ ճարտարամիտ մի կկուր: Դրանից հետո յոթ «գայլերից» մեկը աչք դրեց Վեն Սյանուանի վրա: Նա օգտվեց ուսանողական կազմակերպության զբոսախնջույքի ստեղծած հնարավորությունից, որպեսզի, ինչպես ասում են, «հետեւի գետերալի ձիու գլխին», եւ կրկակոխ հետապնդում էր աղջկան, ինչպես շունը: Նա այնքան ուշադիր էր, որ դա վրդովեցնում էր մյուսներին: Բայց դեմքը խոժոռելով՝ Վեն Սյանուանը թաքնվեց Լեյ Լեյի թիկունքում եւ մերժեց «գայլի» ուշադրությունը: Չբոսախնջույքից հետո «գայլը» Լեյ Լեյին ասաց, որ դեռ կտեսնեն՝ ով ում: Դարձ էր, որ Լեյ Լեն Վեն Սյանուանին դուր էր գալիս. քայլ անելու ժամանակն էր: Լեյ Լեն ավելի քան երկու տարի էր, ինչ որքան աղջկա հետ չէր հանդիպում: Դա սրտակեղեք մի բան չէր, բայց անվիճելի էր, որ միայնակ է: Նա կարծում էր, որ աղջիկն այնքան էլ զուսպ չէ, բայց վերջինիս մեջ ինչ-

ՄԱ ԱՅՃՈՏԱՌ

որ բան կար, դրա համար էլ որոշեց նրան գրավել՝ ճաշի հրավիրելով: Դեռ նոր էին սկսել, եւ Լեյ Լեն դեռ չէր հասել բուն կյութին, երբ Վեն Սյաոնուանը երկու աչքը հառեց ուղիղ իր դիմաց, դեմքի գույնն ամբողջովին ճերմակ դարձավ, սկսեց դժվար շնչել եւ աթոռից ցած սահեց: Անհաջողակ Լեյ Լեն բռնեց նրան, վեր բարձրացրեց, ռեստորանից դուրս եկավ եւ տաքսի կանգնեցնելով՝ տարավ հիվանդանոց: Սպիտակ վերնաշապիկը, որը հատուկ էր հագել, ապականվել էր աղջկա փսխուքից: Իսկ լիքը դրամապանակը, ուտելիքի եւ առաջին օգնության համար վճարելուց հետո, կրկին դատարկվեց: Ստամոքսի լվացումից, ներերակային կաթիլներ ընդունելուց եւ շատ տանջվելուց հետո հազիվ փրկված Վեն Սյաոնուանի վիճակը վերջապես կայունացավ: Ջարկերակը կարգավորվեց: Պարզվեց, որ նա ալերգիկ է: Ալերգիան գետնանուշից էր: Ուտեստները գետնանուշի յուղով էին պատրաստված: Վեն Սյաոնուանն, այդ ամենին անտեղյակ, երկու կտոր ուտելուց հետո այդ վիճակում էր հայտնվել, եւ ահա հարկ եղավ նրան առաջին օգնություն ցուցաբերել: Ոտքից գլուխ ապականված՝ Լեյ Լեն տագնապահար նստել էր մահճակալի կողքին, անհանգստանալով աղջկա համար: Երկու ժամ անց Վեն Սյաոնուանը հազիվ բացեց աչքերը: Լեյ Լեն խոռված փնթփնթաց.

-Ես երբեք աղջկա չեմ գրկել, այնպես որ պատրաստվիր՝ գուցե ամուսնանաս ինձ հետ:

Վեն Սյաոնուանը պատասխանեց.

- Ուրեմն նախ կդառնամ ձեր ընկերուհին, որպեսզի կամաց պատրաստվեմ:

Այս ասելուց հետո նա շուռ եկավ եւ քնեց: Այդպես, հենց հիվանդասենյակի մահճակալի մոտ, նրանց միջեւ հաստատվեց պարզ մի հարաբերություն:

Որոշ ժամանակ հետո Լեյ Լեն ուսումն ավարտեց եւ հեռացավ հանրակացարանից, որպեսզի ուսումնական հաստատությանը մոտ՝ ընկերոջ հետ բնակարան վարձի: Վեն Սյաոնուանը ազատ ժամանակ միշտ նրա մոտ էր լինում: Երկու տարի անց նրա դրկիցը դադարեցրեց վարձակալությունը, եւ Լեյ Լեն ուղղակի վարձակալեց երկու սենյակով եւ մեկ խոհանոցով այդ բնակարանը: Վեն Սյաոնուանը, բնականաբար, նույնպես տեղափոխվեց, եւ այսպես սկսվեց կյանքը մեկ տանիքի տակ՝ սիրով ու առանց ձանձրույթի: Սկսեցին արդեն գումար խնայել. ռեստորան կամ կինոթատրոն չէին գնում: Բնավորվեցին տանը, տեսակավառակներ էին դիտում, կարդում էին, տեսախաղեր էին խաղում, իսկ երբ քաղցած էին, գնում էին

ինքնասպասարկման սրճարան-ճաշարան՝ օգտվելով Վեն Սյանուուանի ուսանողական սենդի քարտից: Սկզբում Լեյ Լեն մտածում էր, թե Վեն Սյանուուանը հասուն է ու գիտակից է գիտե տան հարցերում տնտեսող լինել: Հետո հասկացավ, որ նա պարզապես ծույլ է եւ չի սիրում տնից դուրս գալ: Իսկ երբ պատահում էր՝ դուրս էր ելնում, տուն չէր գալիս այնքան ժամանակ, քանի դեռ գրպանի եղածն ամբողջովին չէր ծախսել:

2

-Եղբայր, շաբաթավերջին Լույուն ընկերներով գալիս է ճաշելու: Ազատ ժամանակ ունե՞ս,- հեռախոսի մեջ բլբլացրեց Վեն Սյանուուանը: Կեսօրից հետո ժամը մեկն էր, երբ նա նոր արթնանում էր, եւ նրա ձայնը դեռ քնաթաթի էր:

-Շաբա՞թ, թե՞ կիրակի,- հարցրեց Լեյ Լեն:

-Վա՛յ, չասացին: Կհարցնեմ, հետո քեզ կասեմ: Առայժմ, եղբայր:

-Կխոսենք, երբ տուն գամ: Ուրիշ ի՞նչ կարող եմ անել: Եթե չես նեղվում, թող գան:

-Նեղվելու ի՞նչ ունեմ: Վերադարձիր աշխատանքիդ: Աշխատանքային ժամերդ մի՛ ծախսիր կնոջդ վրա: Երեկոյան շուտ արի, եթե կարող ես: Կովի պոչով ապուր եմ պատրաստել:

Ավելի քան վեց տարի միասին էին, բայց Վեն Սյանուուանը Լեյ Լենին դեռ «եղբայր» էր ասում: Լեյ Լեն արդեն սովորել էր դրան: Ասես չինական մարտարվեստի մասին վեպ լիներ: Սովորաբար երբ «քույրն» ամուսնանում էր իր դաստիարակ-ուսուցչի հետ, նրան չէր դիմում «ամուսին» բառով, այլ առաջվա պես «եղբայր» էր ասում: Եվ հիմա ասես էլի դասընկերներ լինեին: Լեյ Լեն հեռախոսն անջատեց եւ շարունակեց ուտել իր սառը լապչան: Ստածեց երեկոյան մատուցվելիք՝ կովի պոչով ապուրի մասին եւ գոհ ժպտաց:

Սկզբում Վեն Սյանուուանը գաղափար չուներ, թե ինչպես պետք է խոհանոցում ինչ-որ բան պատրաստեր: Նախքան քուլեջ գնալը ջուր անգամ չէր եռացրել: Թեեւ հարուստ ընտանիքի աղջիկ չէր, բայց երես տված էր ու ալարկոտ: Մի անգամ, մեծ հանդիսավորությամբ, երկու պայուսակ նպարեղեն բերեց Լեյ Լեյի վարձած բնակարան, որպեսզի ինչ-որ բան պատրաստի: Ավելի քան մեկ ժամ անց նա հայտնվեց երեք թասերով: Դրանցից մեկը կամ չափազանց ջրիկ բրնձի փլավ էր, կամ վարսակածավարի շատ

ՄԱ ԱՅԱՆՏԱՌ

պիևդ շիւա: Ամեն դեպքում, եթե դա բրինձ էր, ապա չափազանց թույլ էր, իսկ եթե շիւա էր, ապա չափազանց պիևդ էր: Խնամքով կտրած երշիկի մի թաս կար, որը տաք գոլորշի էր արձակում, ասես մեջը եփած երշիկ լինէր, եւ սալաթի տոսաի հետ խառնած լոլիկ, վարունգ ու գազար՝ մեջտեղում էլ խաշած ձվի պյուրե: Դեմքի հուսահատ արտահայտությամբ՝ Լեյ Լեն վերցրեց այդ երեք չարագոյժ թասերը, մտածելով, թե ինչ է անելու, եթե իրոք տուն բերի այդ տեսակ կնոջը: Լեյ Լեն ավելի լավ կերակուր էր պատրաստում, երբ Վեն Սյաոնուանը ծուկորեն մի կողմ էր քաշվում: Հետագայում, երբ Վեն Սյաոնուանը տանն էր մնում ու անելու բան չուներ, սկսեց զարգացնել շեֆ խոհարարի իր հմտությունները. մեծ տաղանդները դանդաղ էին հասունանում:

Վեն Սյաոնուանի ավարտելուց երկու տարի անց, նրա եւ իր աշխատավայրի տնօրենի միջեւ մեծ վիճաբանություն եղավ: Վեն Սյաոնուանը հեռացավ՝ թողնելով մեկ տողանոց մի գրություն՝ «Այլեւս վերջ»: Նա հավաքեց իր ճամպրուկը, որպեսզի վերադառնա հայրենի քաղաք եւ հանդարտվի: Լեյ Լեն եկավ տունն եւ տեսավ ննջասենյակի հատակը կեղտոտ, ամեն բան խառնված եւ չորս կատուներին՝ մկավելիս: Քիչ էր մնում բռնի ու խեղդի դրանց: Այդ ծույլ ու ալարկոտ Վեն Սյաոնուանը առանց նախազգուշացնելու հեռացել էր՝ թողնելով չորս անտեր կատուների՝ որպես լրացուցիչ վիրավորանք: Այդ երեկո Վեն Սյաոնուանը զանգ տվեց գնացքից: Միայն գնացքը նստելուց հետո էր զգացել, որ լավ չէ մնաւ բարով չասել, դրա համար էլ հատուկ զանգել էր, որ Լեյ Լեից ներողություն խնդրի: Լեյ Լեն խիստ զայրացավ, իսկ նա արդարանում էր՝ մեղադրելով տնօրենին:

Ավարտելուց ի վեր Վեն Սյաոնուանն այդ ընկերությունում էր: Օրական ութ ժամվա ընթացքում նա ցանկացած ժամանակ առաջադրանքներ էր ստանձնում, օրինակ՝ զանգի մեղեդին կարգավորելու, հումորային սցենարներ ստեղծելու եւ ուրվականների մասին պատմություններ գրելու հետ կապված: Երբ փոստ էր գալիս կամ հեռախոսը զանգում էր, նա անմիջապես ձայնագրության ստուդիայում էր հայտնվում: Մեկ ամսվա վճարը կազմում էր 2000 յուան, դրանից բացի կային նաեւ աշխատանքային ծանրաբեռնվածության վրա հիմնված հավելավճարներ: Աշխատանքն այնքան էլ ձանձորալի չէր, եւ շաղակրատելն ու աճպարարությամբ զբաղվելը խնդիր չէին: Բայց ամեն օր, որպես կանոն, պետք է աշխատանքի վայրում լինէր ուղիղ ժամը իննիս: Դա Վեն Սյաոնուանի սրտով չէր: Նա երբեք չէր զննցել արտերկիր, բայց դեռ ապրում էր եվրոպական ժամային գոտու համաձայն: Եվ միշտ Պեկինի ժամանակից ետ էր ընկնում: Երբ ուրիշները

ընում էին, նա արթուն էր, եւ երբ ուրիշներն արթնանում էին, ընում էր: Ամեն օր, երբ զարթուցիչը հնչում էր, անջատում էր այն՝ դեմքը ծոմոելով, որոշելով մի քիչ էլ ընել: Լեյ Լեն շատ մեծ ջանքեր էր թափում նրան արթնացնելու համար: Եվ ուղղակի չէր կարողանում հասկանալ, թե ինչու սովորաբար բարեհոգի Վեն Սյանուանը այդպես ընկոտ էր դառնում ու այդքան զայրանում էր, երբ ինքն ամեն անգամ ջանք էր թափում: Մատով փակում էր նրա քթանցքերը՝ խանգարելով շնչել, որպեսզի արթնացնի: Հեռախոսը հարմարեցնում էր թրթռոցով ազդանշանի վրա եւ դնում նրա փորին, բայց նա երազում երեւի տրակտորներ էր տեսնում: Ամեն առավոտ նրան ավտոբուսի կանգառ էր քարշ տալիս՝ նոր աշխատանքային օր սկսելու համար: Երբեմն համբերությունից դուրս էր գալիս, գուցե նրա համառության պատճառով: Իսկ նա կարող էր ընել ամբողջ մի հերթափոխ: Չափազանց անկայունության եւ անկանխատեսելի դանդաղկոտության պատճառով նրա աշխատավարձից ամեն ամիս մի կլորիկ գումար էր պահվում: Վեն Սյանուանը երբեք չէր ընդունում իր սխալները, բայց ամեն կերպ դատապարտում էր ընկերության կողմից կատարված պահումները: Նրա հիմնական աշխատավարձը կազմում էր 2000 յուան, բայց մեկ բացակայության համար պահումը 100 յուան էր, իսկ ուշացման համար՝ 50: «Ի՞նչ եք կարծում, եթե մեկ ամիս բացակայեմ, ուրեմն ե՞ս պիտի նրանց փող վճարեմ»: Գարնանից հետո, երբ ուժերի անկում է լինում, շոգ ամռանից ու ձանձրալի աշնանից հետո ձմռանն էլ Վեն Սյանուանը քանիցս աշխատանքի չգնաց: Ամսի վերջում նրա եկամուտը, գումարած պարգեւավճարը, ընդամենը 900 յուան էր: Նա բռնեց փողերի բարակ տրցակը, կռվեց տնօրենի հետ, վերցրեց իր իրերը եւ այդուհետ դարձավ նոր դարաշրջանի գործազուրկ երիտասարդ:

Սկզբում նա վերադարձավ հայրենի քաղաք՝ մեկ ամիս ապրելու: Փող չէր կորցնում, անկախ նրանից, թե ինչքան էր ընում, իսկ ուտելիքի եւ հագուստի մասին հոգում էին մայրն ու հայրը: Վեն Սյանուանը բարձր տրամադրությամբ էր, եւ չէր էլ ուզում այդտեղից հեռանալ: Լեյ Լեն ամենայն անկեղծությամբ ու լրջությամբ աղաչում էր նրա ծնողներին, բայց նա մտադիր չէր վերադառնալ: Այդժամ դաժան մի վերջնագրով սպառնաց՝ եթե չվերադառնաս, կսպանեմ չորս կատուներին, եւ սա կատակ չէ: Վեն Սյանուանը գիտեր՝ Լեյ Լեն այդքան քաջություն չունի, որ դա անի, բայց այդուհանդերձ ձեռացրեց, թե հանձնվում է, եւ շտապեց վերադառնալ Պեկին: Երբ դուրս եկավ կայարանից, նրանք նայեցին մեկմեկու: Ռոմանտիկ եւ սենսացիոն գրկախառնումներ ու արցունքներ չեղան, ընդամենը հին ընկերների պես

ՄԱ ԱՅԱՌՏԱՌ

միասին վերադարձան: Վեն Սյանուանի հայացքը ջերմացավ, եւ նա քնքշորեն ժպտաց, երբ տեսավ կատուներին: Սուուզեց կատուների ուտելիքն ու ավագի արկղիկը եւ ժպտաց Լեյ Լեին՝ հավանություն արտահայտող ժպտով: Կատուներին ուշադրություն ու հոգատարություն ցուցաբերելուց հետո հերթը հասավ Լեյ Լեին:

Լեյ Լեն ատելով ատում էր այդ կատուներին: Դրանք շատակեր էին եւ ծույլ, թափառում էին այդ համեստ չափերի տան ամբողջ տարածքով, աներկյուղ ճանկոտում ամենուր եւ ամեն ինչ: Բայց նա այլընտրանք չուներ: Վեն Սյանուանը չէր ուզում ադամանդներ կամ վարդեր կամ մոդայիկ հագուստ: Նա մահու չափ շատ էր սիրում կատուներ: Չորս կատուներից ոչ մեկը հայտնի ցեղատեսակից չէր: Երկուսը վերցված էին փողոցից, երկուսը՝ նախորդ խորամանկ տանտերերն էին թողել, որոնք իրենց կատուներին հատկապես նրան էին վատահել: Կատուներն սկսում էին աստիճանաբար ավելանալ: Սկզբում Վեն Սյանուանը ցանկանում էր բոլոր դրսի կատուներին գրկաբաց ընդունել, բայց Լեյ Լեի կտրուկ ընդվզումից հետո խռովեց եւ հրաժարվեց այդ մտքից: Չորս կատուն արդեն բավական էր: Տունը լի էր դրանցով, դեսուդեն էին ցատկում, իրենց անընդհատ մլավոցներով մարդու գլուխ տանում: Դրանք լքված ու թափառական էին եղել եւ հանկարծ դարձել էին Վեն Սյանուանի թանկագինները: Թվում էր՝ Մեյմեյը վատ ախորժակ ունի, Նյուվանի մազերը վերջերս սկսել էին թափվել, Յունշանը նորից կռվում էր Գանդանի հետ... Վեն Սյանուանը խոսում էր կատվանման՝ մլավելով, իրեն պահելով ճիշտ եւ ճիշտ կատվի պես: Մի օր Յունշանը դուրս ցատկեց բաց պատուհանից: Վեն Սյանուանը կենդանության նշույլ իսկ ցույց չէր տալիս՝ երկու օր ոչինչ չուտելով: Արյունով լցված աչքերով նա իր առջեւ էր նայում՝ հուսալով, որ անառակ որդին կվերադառնա: Լեյ Լեն ձեւականորեն մխիթարում էր նրան՝ հոգու խորքում մտածելով, որ մեկ կատու պակաս՝ նշանակում է ավելի քիչ անհանգստություն եւ անախորժություն: Ճաշի ժամանակ նա երկու օր հացադուլ հայտարարած աղջկան տարավ ներքեւի հարկում գտնվող մի փոքրիկ ռեստորան: Վերջինս ուտում էր ոչտրագրգիռ դեմքով, ուտելիքը փայտե ձողիկով քսփորելով, կարծես փայտե ձողիկներն էին սևելու կարիք զգում, ոչ թե ինքը: Երեք թե չորս օր հալումաշ լինելուց հետո Վեն Սյանուանը հանկարծ լսեց ծանոթ մլավոցի ձայնը: Շենքի մուտքի ծածկի ներքո, աղոտ լույսի տակ կանգնած էր նրա խեղճ կատուն: Վեն Սյանուանի ուրախությանը չափուսահման չկար: Նա կամացուկ մոտեցավ Յունշանին՝ ասես վախենալով, թե կատուն չի ուզի ետ գալ: Վախենում էր կոպիտ լինել, որ հանկարծ կատվին

չխրտնեցնի: Լեյ Լեին աղաչեց վերեւ բարձրանալ եւ բերել կատվի պայուսակը: Լեյ Լեն բերեց պայուսակը եւ ընդունեց իր ճակատագիրը: Այդ սրիկան, որ մի քանի օր պահմտոցի էր խաղացել, վերջապէս, անամոթաբար տուն էր եկել:

Որպէս տան կերակրող ձեռք՝ Լեյ Լեն ստիպված էր տեր կանգնել Վեն Սյառնուանին եւ նրա չորս կատուներին: Գործազուրկ Վեն Սյառնուանը հրամայում էր աշխարհին եւ տնօրինում՝ գիշերազգեստը հագին, ուտելով ու քնելով եւ քնելով ու ուտելով ամեն օր, տնից ընդհանրապէս դուրս չգալով, եթէ ծայրահեղ անհրաժեշտ չէր: Բայց քաշը չէր ավելանում: Նրա մարմինը դեռ երկար էր ու նուրբ, ինչպէս լուսանկարում: Անելու ոչինչ չունենալով՝ նա սկսեց խոհարարություն սովորել: Խոհանոցային մի քանի գիրք էր գնել եւ ցուցադրաբար ձեռք բերեց խոհանոցային նոր պարագաներ: Վարձակալված բնակարանի կեղտոտ ու խղճով խոհանոցում նրա խոհանոցային պարագաներն անթերի մաքուր եւ փայլուն տեսք ունեին: Տեսնելով նրա լուրջ եւ բարեխիղճ պահվածքը՝ Լեյ Լեն մտածեց, թէ գուցէ շէֆ խոհարարի գլխարկ էլ ձեռք կբերի: Անկախ նրանից, թէ ինչ էր անում, Վեն Սյառնուանը երբեք իրեն այդ բնագավառում սիրող չէր համարում: Նա իրեն դրսեւորում էր սննդի աստծո նման, թեւէ նոր էր սկսել այդ գործը: Այդ ժամանակ ամեն օր դուռը բացելիս մի նոր ու արտառոց հոտ էր գալիս՝ «միտ» ապուրի, կարմիր գինու մեջ պատրաստած տանձի, խորոված իսպանական թյունիկի, կարագով խաշած ծովամթերքի... Պեկին, Շանդուն, Սիչուան, Կանտոն, հին, նոր, չինական եւ արտասահմանյան: Վեն Սյառնուանը նույնիսկ գնաց մեծածախ շուկա՝ խմորեղենի համար կաղապարներ գնելու: Փորձում էր պատրաստել լոտոսի տերեւի ապուր, որ կերել էր «Երազ կարմիր դոյակում» վեպի հերոս Յզյա Բաոյույը: Սկզբում Լեյ Լեն կարծում էր, թէ ինքը կարող է ամեն օր ընտանեկան տաք կերակուր ուտել: Շատ չէր պատկերացնում, որ ամեն օր ստիպված կլինի նոր ճաշատեսակներ փորձել: Նրանք, փաստորեն, բոլոր կերակուրներն էլ լավ համտեսեցին: Լեյ Լեն համաձայնեց, որ Վեն Սյառնուանն, իհարկէ, այդ բնագավառում տաղանդ ունի: Միայն թէ չէր կարողանում տանել նրա՝ ամեն անգամ նոր ճաշատեսակները, մոլեռանդորեն զարդարված ճաշ-սկուտեղները կամ թանկ արժեցող, բայց գուր վատնվող՝ կերակրի բաղադրամասերը: Տանը պատրաստելն արժենում էր նույնքան, որքան դրսում ուտելը:

Շաբաթ օրը Լույուն եւ ընկերներն իսկապես եկան: Վեն Սյառնուանը հեռախոսով երկար բացատրում էր, թե ինչպես հասնեն իրենց տուն: Ի վերջո Լույուն, որ վարում էր մեքենան, եւ մյուսները հասան Պեկինի արեւելյան ծայրամաս: Լույուն Վեն Սյառնուանի դասընկերուհին էր. կից սենյակներում էին մնում: Սյուս տղաներն ու աղջիկը նույնպես նրա դասընկերներն էին: Նրանք աղմուկ-աղաղակով ներս խուժեցին՝ խմիչքների արկղով:

-Եղբայր, իրոք որ խուլ ծայրամասում ես ապրում: Մի քանի մետր էլ՝ ու Պեկինի սահմաններից դուրս կգայինք, հը՞,- Լեյ Լենն բողոքեց Լույուն: Վեն Սյառնուանը զբաղված էր խոհանոցում՝ Լեյ Լենին թողնելով, որ հյուրասենյակում հյուրընկալի դասընկերներին:

-Իսկապես, այ՛ հիմա հասկանում եմ, թե Պեկինն ինչքան մեծ է,- նկատեց դասընկերներից մեկը:

-Աստված իմ, Վեն, իրո՞ք այստեղ եք ապրում,- չսպասելով, որ Լեյ Լեն ի պատասխան արձագանքի բնակարանի հեռավորության մասին իրենց խոսքերին, բարձր ճչաց Լույուն:

Ապա բոլորն սկսեցին չափել սենյակը: Դեմքերի տարբեր արտահայտություններ ունեին, թեեւ բոլորն ասես ցնցված էին:

Տեսնելով, թե որտեղ են ապրում Լեյ Լեն եւ Վեն Սյառնուանը, զարմանքի ճիչ արձակելուց բացի, կարող էին միայն լուռ ապշանքով նայել իրենց շուրջը:

Կոպիտ սվաղով բնակարան: Այո, Լեյ Լեն եւ Վեն Սյառնուանն ապրում էին կոպիտ սվաղով, դեռ լրիվ չնորոգված բնակարանում: Պատերը գույն չունեին, հատակին լինոլեում էր, տունը լուսավորվում էր էներգախնայող լամպերով, ճաշասեղանի փոխարեն լաքը թափված ծալովի սեղան էր, եւ ամեն ինչ երկաթբետոնի գույնի էր: չյուրասենյակում կամ ննջասենյակում պատշաճ կահույք չկար: Սավանով ծածկված մի հին բազմոց էր, երկու երեսունյուանանոց պլաստիկ զգեստապահարան՝ յուրաքանչյուր բնակչի համար մեկը: Մահճակալի կողքին կոշիկի մի հասարակ դարակ կար՝ Վեն Սյառնուանի՝ դիմահարդարման պարագաներով ծածկված: Ինչպես էլ նա-յեիր, բնակարանում կարծես մարդ չէր ապրում: Այնպիսի տպավորություն էր, կարծես տանտերը խելքը թռցրել էր ու լքել բնակարանը՝ թողնելով այն անտեր վիճակում:

-Լսի՛ր, եղբայր, դուք իրոք վերջն եք: Այսպիսի մի վիճակ...Մարդու մա-

զերը բիզ-բիզ են լինում,- հանկարծ բացականչեց մինչ այդ լուռ տղաներից մեկը:

-Փող չկա: Նախնական գումարը մուծելուց հետո քիչ գումար մնաց մեզ մոտ: Հաշվարկ արեցի եւ կարողացա նորոգել լոգարանն ու խոհանոցը:

Վեն Սյառնուանը խոհանոցից երկու անուշաբույր ուտեստ դուրս բերեց՝ միաժամանակ բացատրություն տալով բնակարանի թերությունների հետ կապված հարցերին:

-Հաշվա՞րկ արեցիր: Մի՛ լսեք նրա անհեթեթությունները: Միայն լոգարանի հախճասալիկներից մեկն արժեք 90 յուանից ավելի: Ես նրան համոզում էի ավելի պարզ ու հասարակ բան գնել, մի քիչ փող խնայել, բայց նա ասաց, թե տարիներ շարունակ աչք է ունեցել բաց վարդագույն, ծաղկավոր սալիկների վրա եւ այժմ, երբ վերջապես իր տունն ուներ, վճռեց այդ սալիկներն ամեն գնով ձեռք բերել: Այսպիսով, մենք 7 հազար յուան շոայլեցինք լոգարանի պատի սալիկների վրա: Եթե այդքան խնայող էր, չէ՞ր կարող 2 հազար յուանով բավարարվել:

Այսքան երկար տարիներ միասին էին, եւ Լեյ Լեն չէր կարողանում հասկանալ, թե ինչու է Վեն Սյառնուանը միշտ մտածում, որ գումար խնայելու գործից լավ է հասկանում: Որտեղի՞ց նրան այսպիսի համոզվածություն:

- Ինչպե՞ս չես հասկանում: Կանայք պետք է հարմարավետ լոգարաններ ունենան:

Չսպասելով, որ Վեն Սյառնուանը խոսի, Լուլուն խառնվեց խոսակցությանը՝ պաշտպանելով ընկերուհուն: Նույն այդ խոսքերով էր արդարանում Վեն Սյառնուանը: Իսկապես որ՝ ամբողջ աշխարհի ազոավները մեկը մյուսի նման սեւ են: Այդ ի՞նչն է կանանց մղում, որ ունենան շատ թանկարժեք, սալիկապատ լոգարաններ:

Անցյալ տարի, երբ վարձակալության ժամկետը լրանում էր, տանտերն ասաց, որ մտադիր է գինը մի փոքր բարձրացնել: Սկզբնապես Լեյ Լեն բնակարանը վարձակալել էր, քանի որ հարմար էր իրենց համար՝ որպես ժամադրավայր: Բայց Վեն Սյառնուանն արդեն երկու տարի է, ինչ ավարտել էր, այնպես որ կարիք չկար այդքան մոտ մնալ ինստիտուտին: Մինչ Վեն Սյառնուանը տատանվում էր, թե արդյոք պե՞տք է ընդունելի գնի բարձրացման առաջարկը եւ շարունակելի վարձակալումը, Լեյ Լեն մտմտում էր տունը գնել: Վեն Սյառնուանն ասում էր, որ տուն գնելն իրենց՝ երկու չքավորի համար երկնքում գտնվող կարկանդակ ձեռք բերելու նման մի բան է: Այդ ժամանակ նա արդեն ավելի քան մեկ տարի առանց աշխա-

ՄԱ ԱՅԱՆՏԱՆ

տանքի էր: Բնակարանային գները միայն կարող էին բարձրանալ, եւ այն, ինչ տվյալ պահին աստղաբաշխական էր թվում, հետո կարող էր անհասանելի լինել ընդհանրապես, ու զոջայիր, որ ժամանակին չօգտվեցիր հնարավորությունից: Լեյ Լեն վճռեց անել մտքին դրածը:

Իհարկե, իմաստ չունեի հաշվի առնել 2-րդ, 3-րդ կամ 4-րդ օղակածե ճանապարհները: Դրանք այն վայրերը չէին, ուր կարող էիք խցկվել առանց գոտիների ձգելու: Եթե վիճակախաղում չես շահել, ապա այդտեղ գործ չունես: Երբ առաջին անգամ սկսեցին բնակարաններ փնտրել, մեծ հույսերով մոտեցան 5-րդ օղակածե ճանապարհի շրջակա տարածքին: Բայց հենց որ գինը լսեցին, նրանց հույսերն ամբողջովին ի չիք դարձան: Վեն Սյաոնուանի հորդորով՝ Լեյ Լեն հույսը կտրած նայեց ցուցադրվող բնակարաններին: 5-րդ օղակածե ճանապարհից դուրս, 5-րդ օղակածե ճանապարհից հինգ կիլոմետր դուրս, 5-րդ օղակածե ճանապարհից տասը կիլոմետր դուրս... Ի վերջո հեռացան դեպի քաղաքի ծայրամաս, 5-րդ օղակածե ճանապարհից 15 կիլոմետր դուրս: Ողջամիտ գին էր, եւ բնակարանը գեղեցիկ էր: Վեն Սյաոնուանի սիրած՝ հատակից մինչևե առաստաղ լուսամուտներով էր եւ լոգարանով: Դա մի փոքր հեռու էր, բայց դրանից ավելի հեռու տեղերն էլ անմատչելի էին: Դրա համար էլ հասեցին իրենց մի քանի տարվա խնայողությունները, եւ յուրաքանչյուրը տուն գնաց՝ ձնողներից որոշ գումար խնդրելու: Կանխավճար մուծելով՝ քսան տարվա հիպոթեքային վարկ վերցրին: Տարիների դառը, ծանր աշխատանքով վերջապես տուն ունեցան, իսկ փող չմնաց: Ինչպե՞ս նորոգեին տունը, կահույք ձեռք բերեին: Եթե փող չկա, ապա գնում ես միայն ամենահասարակ ու անհրաժեշտ բաները: Լեյ Լեն առաջարկեց նախելառաջ նկատանյակը նորոգել, քանի որ քնելն ամենակարեւորն է: Վեն Սյաոնուանն ասաց, որ ինքն ամեն բան կանի, քանի դեռ Լեյ Լեն աշխատանքի է: Եվ մինչ Լեյ Լեն աշխատավայրում ձայնագրման գործերով էր զբաղված, Վեն Սյաոնուանը վազվզում էր շինակյութերի շուկայի եւ իրենց նոր բնակարանի միջեւ:

Բայց Լեյ Լեն անհանգիստ էր: Ինչպե՞ս կարելի էր իրենց միակ արժեքավոր ունեցվածքը՝ իրենց տունը թողնել թեթեամիտ ու անլուրջ Վեն Սյաոնուանի հույսին: Բայց ի՞նչ կարող էր անել: Ամեն օր պետք է աշխատանքի գնար: Իսկ եթե միայն շաբաթ եւ կիրակի զբաղվեին այդ հարցով, ապա ամբողջ մեկ տարի կտեւեր: Ինչեւէ, տունը կոպիտ սվաղած էր, նորոգումն անավարտ, իսկ Վեն Սյաոնուանը շատ գումար չունեի: Լուսամուտները հո չէ՞ր հանելու եւ տեղափոխելու, այնպես որ՝ եթե ինչ-որ բան չստացվի էլ, մեկ է՝ սրանից ավելի վատը չի լինի:

Մեկ ամսից ավելի Վեն Սայոնուանը, կեղտ ու փոշուց դեմքը գորշ-ծխագույն, չարչարվում էր ու դեսուդեն վազվզում: Այնքան էր ուժասպառ լինում, որ խոհանոցով էլ չէր հետաքրքրվում, եւ նրանց ամենօրյա ուտելիքը պարզ ու սովորական էր դարձել:

Բայց նորոգման հետ կապված գործերն զգալիորեն առաջ էին գնում: Վեն Սայոնուանը վարձու աշխատողներ գտավ, նրանց հետ սակարկեց հնարավորինս ցածր գնով աշխատանքի համար եւ ինքն էր ղեկավարում աշխատանքային գործընթացը: Ամեն օր լուրջ դեմքով գնում էր գործերը հոգալու, վաղ վեր էր կենում եւ ուշ երեկոյան վերադառնում: Միակ բանը, որ հայտնեց Լեյ Լենին, այն էր, որ վերջապես գտել է իր երագած պատի սալիկները: Մնացած ամեն ինչ գաղտնի էր պահում եւ միայն ընդհանուր բաներ էր ասում: Միայն երբ Լեյ Լեն շաբաթավերջի ազատ օրերին այցելեց նոր տուն, տեսավ նույն մերկ բետոնե պատերը: Պարզվեց՝ Վեն Սայոնուանն իր ողջ ջանքերը ներդրել է՝ լոգարանն ու խոհանոցը նորոգելու գործում, իսկ մնացած ամեն ինչ նույն վիճակում էր: Մինչդեռ Լեյ Լեն մտածում էր, թե նա հնարավորինս քիչ զումարով կարգի բերած կլինի ամբողջ տունը: Մտքով իսկ չէր անցել, որ Վեն Սայոնուանն ամբողջ այդ ժամանակ այդ երկու փոքր սենյակներով է միայն զբաղվել:

Երբ տեսավ, թե ինչ հպարտ է իրեն զգում Վեն Սայոնուանը, Լեյ Լեն ուզում էր լաց լինել, բայց արցունքներ չկային: Իսկ Վեն Սայոնուանն ինքնավստահ բացատրում էր՝ խոհանոցն ուտելիք պատրաստելու համար է, լոգարանն ու զուգարանը՝ լողանալու եւ բնական կարիքները հոգալու, իսկ առանց դրանց հնարավոր չէ, եւ պետք է նորոգված ու հարմարավետ լինեն: Իսկ մնացածն այդքան էլ կարեւոր չէ: Նւջարանում երկուսով կարող ենք միասին քնել մահճակալին եւ երազներ տեսնել, ահա եւ երջանկությունը: Հյուրասենյակն ու պատշգամբը ուրիշների համար ենք նորոգում ու զարդարում, բայց խոհանոցն ու լոգարանը՝ մեզ համար: Մեկ է, մենք հարուստ չենք, ուրեմն եկ այդքան չմտածենք ուրիշների աչքերին թոզ փչելու մասին, այլ մեր հարմարավետության մասին հոգանք: Արդեն ավարտել ենք ամենադժվար մասը եւ մեծ քայլ ենք կատարել: Երբ փող կլինի, կավարտենք նաեւ մյուս մասերը: Լեյ Լեն ակնթարթորեն հանդարտվեց նրա հիմնավորումներով եւ հանկարծ հասկացավ՝ իր համար ամենակարեւորն այն է, որ Վեն Սայոնուանը բացառապես զուրկ է հավակնոտ սևափառությունից: Կյանքի հանդեպ նրա վերաբերմունքը պարզ էր ու հարգանքի արժանի: Փիլիսոփայի նման՝ նա միշտ արտառոց էր, բայց միշտ վերին աստիճանի պաշտպանված ու հիմնավոր:

ՄԱ ԱՅԱՌՏԱՌ

-Բայց ըստիր դռներ ունեք: Հիշում եմ՝ երբ փոքր էի, մեր տանն էլ ճիշտ այսպիսի դռներ էին: Թա՛նկ ևստեցին դրանք:

Վեն Սյունուանի դասընկերը հիացած զննում էր սենյակների փայտե, բաց կանաչ նեֆրիտի գույնի դռները:

-Հա՛, իհարկե:

Լեյ Լեն ժպտաց՝ հիշելով, թե որքան է չարչարվել դրանք գտնելու համար:

Երբ խոհանոցն ու լոգարանն ավարտեցին, բավականին տնտեսեցին, որպեսզի մեծ մահճակալ գնեն: Վեն Սյունուանի պնդմամբ՝ հատակին հևաճ ու Էժան լինելու՝ Գցեցին, որպեսզի կատուները չմտնեն: Վարձու բնակարանի նախկին տանտիրոջ հետ լավ հարաբերություններ ունեին, և նա մի հին բազմոց տվեց, որն օգտագործել էր երկար տարիներ: Դրան հետեւեցին պլաստիկ պահարանները, երկու համակարգիչը, կախիչները, այն ամենն, ինչ կարող էին տեղափոխել քաղաքի արեւելյան ծայրամաս: Այդուհանդերձ, տեղափոխվելուց հետո հենց առաջին օրը հասկացան, որ մի շատ լուրջ խնդիր ունեն. բնակարանը դռներ չունեն: Մուտքի դուռը բացում էիր, և մյուս սենյակներից ոչ մեկը դուռ չունեն: Իսկ փողը միայն ուտելիքի համար կբավականացներ: Դուռ կարելի էր գնել միայն այն դեպքում, եթե մի տեղից փող գողանային: Վեն Սյունուանն ուզում էր գանգել ծնողներին և մի քիչ փող խնդրել, բայց Լեյ Լեն դեմ էր: Շաբաթվա վերջին նա ավտոբուս ևստեց և գնաց մի քանի շուկայում նայելու: Երբ արդեն հույսը կտրել էր, թե մի բան կգտնի, հանկարծ նկատեց բնակարանի համար նախատեսված մեծ, կանաչ դռները. այդպիսի դռներ կան 1980-ականների հեռուստասերիալների բարձրահարկերում: Ասել, թե դրանք գեղեցիկ էին, չափազանցություն կլինեն, բայց այդուհանդերձ բավականին ինքնատիպ էին: Ամենակարեւորը դրանց գինն էր: Լեյ Լեն հաշվեց մոտի գումարը և տուն տարավ այդ դռները: Վեն Սյունուանը պարում էր ուրախությունից: Դռները նրան շատ դուր եկան: Գույնը շատ հարմար էր և անցյալի հուշ էր արթնացնում նաեւ:

-Միայն մեր դռներով մի՛ հիացեք: Նայեք մեր խոհանոցի սեղանիկին, -ասաց Վեն Սյունուանը շողացող ժպտով՝ բերելով հերթական խորտիկը մեծ ափսեի վրա և նորից վերադառնալով խոհանոց՝ շեֆ խոհարարի իր գործին:

Արդեն չորս կերակրատեսակ կար՝ նարնջի հյութով սեխի շերտիկներ, խաշած դրոմ պանրով, սեւ պղպեղով տավարի սուկի եւ թույլ խմորով ու ձվով պատրաստած բադրիջան: Սեղանիկի վրա փռած թերթին հյուրերի թվով թղթե բաժակներ էին դրված: Տանտիրուհին բոլորին բարձրաձայն հրավիրեց մոտենալ եւ խորտիկներով զբաղվել, քանի դեռ պատրաստվում էր հիմնական ուտեստը՝ կծու կարմիր տաքդեղով ձկան գլուխն ու կանաչ լոբով լապշան: Չինական եւ արեւմտյան, հարավային եւ հյուսիսային՝ տարբեր տեսակի կերակուրները հոյակապորեն ներդաշնակվում էին: Լույուն եւ մյուսները հիացած էին այս ամենով եւ առանց այլեայլության շտապեցին տեղ գրավել սեղանիկի մոտ: Լեյ Լեն Նայեց սեղանի շուրջ նստածներին, որ ախորժակով վայելում էին, ինամքով եւ ուշադիր լցրեց նրանց բաժակները եւ գոհունակությամբ իրեն իսկական տանտեր զգաց:

-Դեռ փակվա՞ծ ես տանը,- Վեն Սյանուանին հարցրեց դասընկեր տղաներից մեկը:

-Իհարկե: Գործագուրկ աշխատող եմ ամեն օր ծանրաբեռնված լվացք անելու եւ խոհանոցում եփել-թափելու գործերով: Եթե օրավարձով գործ կա, ասեք ինձ: Ազատ ժամանակ շատ ունեմ,- անհոգ նետեց Վեն Սյանուանը, ասես իր միակ ցանկությունն աշխատելն էր, բայց միշտ դժվարությունների էր հանդիպել:

-Ասում էիր, որ չքավոր ընտանիքից ես, մանկությունից աշխատելու սովոր: Հիմա ինչո՞ւ ես հույսդ կորցրել, բա ո՞ր է առաջընթացի հասնելու քո հեղափոխական ձգտումը,- ասաց Լույուն՝ մի կտոր բադրիջան դնելով բերանը եւ շրջվելով Լեյ Լեյի կողմը:- Եղբայր, բա ե՞րբ եք պատրաստվում ամուսնանալ:

-Ի՞նչ: Նվեր տա՞լ ես շտապում:

-Դե, դա կլինի, բայց շատ եմ ուզում Վենին տեսնել հարսանեկան գեղեցիկ զգեստով:

-Ուրեմն իրեն հարցրու: Ես պատրաստ եմ, բայց նա միշտ մտածում է, թե հազար ու մի հոգս կա:

-Արդեն գրանցված է մեր ամուսնությունը, էլ հարսանիքի ի՞նչ կարիք կա: Հո հակրահայտ մարդիկ չե՞նք, որ ամբողջ աշխարհին տեղեկացնենք մեր ամուսնության մասին: Հարսանեկան հանդեսները հոգս ու չարչարանք են: Լիքը փող ենք ծախսում, հետո էլ ձեզնից նվեր կամ փող ենք ստանում: Դա էլ մի բան չէ: Կսպասեմ, մինչեւ մազերս երկարեն, հետո կգնանք ու հարսանեկան լուսանկարներ կանենք: Այդքան բան:

Գոգնոցը կապած՝ Վեն Սյանուանը նրբերշիկի համեղ կտորները դրեց

ՄՔ ԱՅՁՈՏՁՈ

կատուների ամանի մեջ, ապա վերադարձավ խոհանոց եւ բերեց ու սեղանին դրեց վերջին ուտեստը՝ սպիտակ սնկով արգանակը:

-Քեզ պես մեկին չեմ տեսել: Ուրիշ կանայք սովորաբար անընդհատ պահանջում են, որ հարսանիք լինի, հարսանեկան զգեստ հագնեն, իսկ տղամարդիկ ծուլանում են եւ չեն ուզում ոչինչ անել,- համաձայնեց ընկեր տղաներից մեկը:

-Ես նույնպես չեմ տեսել,- ասաց Լեյ Լեն՝ նայելով, թե նա ինչպես է ուտելով զբաղված:

Նոր տուն տեղափոխվելուց երկու ամիս հետո Լեյ Լեն եւ Վեն Սյանուանը պաշտոնապես հաստատեցին իրենց ամուսնությունը: Իրենց առաջին իսկ հանդիպումից ի վեր Լեյ Լեն մտածում էր ամուսնության մասին: Բայց հասկանում էր, որ դեռ երիտասարդ է, եւ Վեն Սյանուանի հետ վեց տարի ապրելուց հետո էլ դեռ հակասական զգացումներ ուներ:

-Ամուսնանալու մասին ի՞նչ կասես,- հարցրեց Լեյ Լեն՝ չնորոգված ննջարանի մեծ մահճակալին պռոկած:

-Ճիշտ ես: Մայրս շատ կուրախանա,- ասաց համակարգչի դիմաց նստած Վեն Սյանուանը՝ ձեռքը մկնիկի վրա եւ անգամ նրա կողմը չորջվելով:

-Իսկ դո՞ւ ինչ ես մտածում:

-Ինչ մայրս կասի, այն էլ կանեմ:

-Այդ երբվանի՞ց այդպես լսող դարձար:

Լեյ Լեն նայեց նրա թիկունքին:

-Մայրս ասում է, որ ամոթ է, եթե չամուսնացած աղջիկն ապրում է տղայի հետ: Երբ ամուսնանում են, արդեն չեն մտահոգվում մարդկանց բամբասանքներից: Ես պարզ ու շիտակ մարդ եմ եւ չեմ ուզում, որ քո մասին մտածեն, թե գայթակղում ես երիտասարդ աղջիկներին, դրա համար էլ չեմ ուզում, որ այդպիսի կարծիք լինի քո մասին:

-Լսի՛ր, լուրջ թեմայից ենք խոսում: Չե՞ս կարող շրջվել եւ դեմքիս նայել:

-Վախենում եմ, որ եթե դեմքիդ նայեմ ու քո տանջահար դեմքը տեսնեմ, քեզ հետ ամուսնանալու ցանկությունս կփախչի: Դե լավ, մոռացիր: Ես ընդամենը գործազուրկի մեկն եմ, ուրեմն պայմաններ չեմ դնի քո առջեւ:

Վեն Սյանուանը նետվեց Լեյ Լեյի կողմը, ձեռքերով բռնեց նրա ականջներից եւ ուղիղ նայեց դեմքին:

Հաջորդ օրն առավոտյան նրանք գանգեցին իրենց ծնողներին եւ հայտնեցին համատեղ որոշման մասին: Իսկ հետո, Վեն Սյանուանի

Ճննդյան օրը, գրանցեցին իրենց ամուսնությունը:

-Համալսարանական իմ դասընկեր, եթե հետո ինձ լքես, չեմ կարողա-
նա նույնիսկ ճննդյանս օրը կշել: Սա իմ աշխարհ գալու օրն է, ուրեմն այն-
պես չանես, որ այն դառնա ձախողված հարաբերությունների հիշատակի
օր:

-Չե՞ս կարող մի լավ բան ասել: Վեց տարի է, ինչ միասին բարոյապես
փչացած ենք, քեզնից բացի որեւէ մեկն ինձ հետ կապ ունեցե՞լ է: Քո
ճննդյան օրն ընտրեցի գրանցվելու համար, որպեսզի փող խնայեմ, թե չէ
եւ՛ այս օրվա համար պիտի կտրեմ գնեի, եւ՛ ճննդյանդ օրվա համար: Մի
կրակոցով երկու նապաստակ սպանեցի:

-Երբեք չպետք է քեզնից մեծ տղաների հետ հարաբերություններ հաս-
տատես: Դուք այնքան նենգ ու խորամանկ եք:

Այդ օրը երկուսով ընթրեցին իրենց շենքի ներքեւի հարկում գտնվող
ամենապատշաճ ռեստորաններից մեկում՝ կշելով ընկեր-ընկերուհուց
ամուսին-կին հարաբերության անցնելու առիթը: Լեյ Լեն մեկ շիշ կարմիր
գինի պատվիրեց: Վեն Սյանուանն այնքան խմեց, մինչեւ նրա փոքրիկ
դեմքն ամբողջովին կարմրատակեց: Երկուսն էլ շատ բարձր տրամադրու-
թյամբ էին եւ մնացին մինչեւ ռեստորանի փակվելը: Ապա մեկը մյուսին
հենվելով դուրս եկան փողոց: Քաղաքի ծայրամասում գիշերային կյանք,
որպես այդպիսին, չկա: Ժամը տասին մոտ բոլոր փողոցներն ամայի էին,
ամենուր լռություն էր ու խավար: Նրանց շենքի հարեանությամբ մի քանի
չարտոնագրված տաքսի էին կանգնած՝ թույլ ազդանշանային լույսերով:
Լեյ Լեն քաշելով տանում էր օրորվող Վեն Սյանուանին: Վեն Սյանուանի
ծեռքերն այնքան բարակ էին, որ դրանք սեղմելիս ասես ջրի վրա լողացող
թեթեւ ճյուղեր լինեին: Շոյելով նրա գլուխը՝ Լեյ Լեն առաջին անգամ նրան
այսպես դիմեց՝ «Իմ կին»:

Նորայուանի բարակ մահիկը նման էր կալցիումի պակաս ունեցող մար-
դու եղունգի: Լուսնի լույսի տակ երկու թափառական շուն աղբարկղի մոտ
ուտելիք էին գտել: Երեւի բարի մարդիկ ուտելիք էին թողել նրանց համար,
կամ ինչ-որ մեկը աղբարկղի մեջ սննդի մնացորդ էր նետել եւ վրիպել, եւ
նրանք ախորժակով խժռում էին գտածը: Խմիչքի ազդեցությունից Լեյ Լեն
բավականին մեղամաղձոտ էր դարձել:

-Նայիր: Չե՞ս կարծում, որ մենք էլ նրանց նման երկու թափառական
շուն ենք՝ քաղաքից մղոններով հեռու այս ծայրամասում: Ամեն օր ես
դուրս եմ ելնում ուտելիք գտնելու եւ տուն եմ գալիս քեզ կերակրելու, բայց
ինչի՞ց է, որ դու երբեք չես գիրանում:

Գրեթե երեք տարի էր, ինչ ավարտել էր, բայց Վեն Սյանտուանը դեռ աշխատանք չէր գտել՝ նախկին աշխատանքից դուրս գալուց հետո: Սկզբում չէր էլ ուզում աշխատանք փնտրել՝ բողոքելով, թե շատ էր հոգևում աշխատելիս, հիմա էլ վատառողջ է: Նրան հանգիստ էր պետք եւ առողջությունը վերականգնել: Հետո ակնարկեց, որ աշխատել է ուզում, բայց չի կարողանում հարմար աշխատանք գտնել: Ապա սկսեց փնտրել, բայց այդպես էլ իրեն հարմար աշխատանք չգտավ: Ինչպես Յանսգի գետի ալիքներն են առաջ շարժվում ավելի ու ավելի արագընթաց, այդպես էլ շրջանավարտների նոր խմբերն ավելի ու ավելի էին նվազեցնում աշխատանք գտնելու նրա հնարավորությունները: Աշխատանքը թողնելով՝ հիմա դժվար թե կարող էր հուսալ, որ նոր աշխատանք կգտնի: Այդ ամենը գիտակցելով՝ արագ հուսահատվեց, դադարեց աշխատանք փնտրել, ուշ պահում էր քնելու եւ ավելի ուշ էլ արթնանում էր՝ աչքերը բացելուց հետո շարունակելով անիմաստ բաներով զբաղվել: Ամբողջ տունը տակնուվրա էր, ինչպես լքված մի արտադրամաս: Յեմենտը պատերից թափվում էր հատակին, ամեն ինչ խառնաշփոթ վիճակում էր, իսկ նա իր կատուների հետ կույզ էր գալիս մի անկյունում: Առաջ էլ, երբ վարձակալած տանն էին ապրում, Վեն Սյանտուանը տան մաքրությամբ չէր զբաղվում: Ասում էր, որ սպասում է, մինչեւ սեփական տուն ունենան, այդ ժամանակ էլ ամեն ինչ տեղը տեղին կանի: Բայց դրանք հենց այնպես ասված խոսքեր էին: Նոր տուն տեղափոխվելուց հետո էլ նա չուղղվեց եւ ավելի ու ավելի էր իրասածի դառնում: Այսպես էր ասում՝ ուրիշի տանը պետք է զգույշ լինես, իսկ սեփական տանդ ինչ ուզես, կարող ես անել: Մի բան գիտեր՝ ուտել եւ քնել: Չէր էլ նկատում՝ լուսամուտից դուրս ցերե՞կ է, թե՞ գիշեր. կատուների հետ միշտ պահկած էր անկողնում: Երբեմն պատահում էր, որ ձայնագրման ստուդիայում ինչ-որ գործ էր անում կամ մուլտֆիլմ էր ձայնագրում, կամ ինչ-որ ապրանքանիշի զովագո հիշեցնում: Թիչ էր վաստակում, բայց գոնե ընտանիքի բյուջեում ներդրում էր դա: Լեյ Լեն ամբողջ հոգսն իր ուսերին էր տանում: Երկուշաբթիից ուրբաթ, առավոտից երեկո նա ուժասպառ էր լինում: Ամեն ամիս ավելի քան 4 հազար յուան էր տուն բերում: 2 հազարը բնակարանի վարկն էր վճարում, մնացած փողը ծախսվում էր ուտելիքի, տրանսպորտի, տարբեր այլ բաների, կատուների կերի վրա: Ամեն ամիս այդ ծախսերից հետո գրեթե ոչինչ չէր մնում: Կյանքն ասես գլուխկոտրուկների անվերջ մի շրջապատույտ էր, թե ինչպես կատարել այլեւայլ ծախսեր եւ վճարել հիփո-

թեքը: Կապ չունի՝ ինչքան ես հոգևած, մեկ է՝ չես կարող պարտքդ մարել: Ուժասպառ լինելով եւ մշտապես վազքի մեջ գտնվելով՝ Լեյ Լեն սկսեց գիրանալ: Նա ցավով նկատեց, որ ավելի ու ավելի է նմանվում միջին տարիքի տիպիկ տղամարդու, չնայած որ երեսունը տար էր լրացել:

Երբ Լույուն եւ ընկերները հյուր եկան, Վեն Սյանուանը շատ ուրախացավ: Երկու օր առաջ նա արդեն որոշել էր, թե ինչ կերակուր է պատրաստելու: Շաբաթ օրը նույնիսկ շուտ արթնացավ, որպեսզի շուկայում գնումներ կատարի: Եվ երբ տուն հասավ, թաղվեց խոհանոցում ու ոգետրված սկսեց պատրաստվել հյուրերի ընդունելությանը:

Ընկերներով գրկախառնվում էին, կատակներ անում, ասես դեռ ապրում էին ուսանողական անհոգ տարիներին: Սեղանի շուրջ իրենց շատ ազատ ու անկաշկանդ էին զգում, եւ ամեն ինչ կայծակնային արագությամբ սրբել-վերացնելուց հետո սկսեցին կատակել ու զրուցել: Կուշտ ուտել-խմելուց հետո հյուրերը գնացին: Վեն Սյանուանը, չուզելով բաժանվել նրանցից, ներքեւ իջավ ճանապարհելու: Ետ գալով՝ սեղանն սկսեց հավաքել՝ դեմքին սքանչելի մի ժպիտ: Լեյ Լեն, անկասկած, դուր էր գալիս այսպիսի ջերմ մթնոլորտը: Եվ հյուրերի գնալուց հետո նա բավականին տխրեց:

Լույուն արբանյակային հեռուստատեսությունում սոցիալական կրթության ծրագրեր էր պատրաստում: Թեեւ արտաքնապես այդքան չէր փայլում, բայց որոշակի ժամերի ամեն օր երեւում էր հեռուստացույցի Էկրանին: Մյուս երեքից մեկը մարզական հաղորդման հեռուստամեկնաբան էր, մյուսը գյուղատնտեսական հաղորդման գլխավոր կին հաղորդավար, երրորդը՝ բջջային լրատվության նորությունների ալիքի հաղորդավար: Թեեւ աշխատանքի մասին խոսելիս տրտնջում էին դժվարություններից, բայց բոլորն էլ քայլում էին տրորված ճանապարհով: Ընթրիքի մնացած մասը խոսում էին իրենց աշխատանքից՝ Վեն Սյանուանին չթողնելով որեւէ բան ավելացնել: Լեյ Լեն գիտեր, որ նրանք դա հատուկ նպատակով չեն անում: Պարզապես բոլորն էլ շատ զբաղված մարդիկ էին եւ բավական ժամանակ իրար չէին տեսել: Իսկ աշխատանքն այն գլխավոր բանն էր, որ միավորում էր նրանց: Բայց այդ խոսակցությունները Վեն Սյանուանի հետ ոչ մի կապ չունեին: Նա նստել էր մտասույզ եւ ուտում էր: Ապա, ինչպես միշտ, շարունակեց ծաղրել իրենց նախկին դասընկերուհիներից մեկին: Լույուն եւ մյուսները պարզապես քաղաքավարությունից ժպտացին: Նրանց համար ուսանողական անցած տարիները միայն հաճելի հուշեր էին թողել: Մինչ-

ՄԱ ԱՅԱՆՏԱՌ

դեռ Վեն Սյանուանը ուսումն ավարտելուց հետո կարծես սառել մնացել էր Լոյն տեղում: Նրա ընկերները բոլորը համակուրսեցիներն էին, եւ շփման շրջանակն էլ Լոյնն էր, ինչ առաջ: Նա խուսափում էր իրական կյանքի դժվարություններից, փակվում իր տանը, որի հետ Լոյնացել էր: Նրա երեկը, այսօրը, վաղը Լոյն բանն էին: Կյանքը նրա համար մի երկար արձակուրդ էր: Լեյ Լեն փորձում էր նրան համոզել, որ տասը տարի պատին դեմ հանդիման կանգնած լինելով՝ ի վերջո պետք է ըսնդել այդ պատը: Եթե երկար փակված մնաս, ապա զգույշ պետք է լինես, որ աշխարհն էլ ընդ չմոռանա: Բայց գիտեր, որ դա Վեն Սյանուանին չի անհանգստացնում: Հիմա այնքան շատ մարդիկ են գոյության կռիվ մղում, ամեն ինչի համար պայքարում, որ կապ չունի՝ պայքարում ես, թե ոչ. մեկ է, դարձյալ ըստքամ ես մնում հաճախ: Լեյ Լեն ուզում էր նրան ասել, որ ուրիշ մի բան փորձի անել: Բայց տեսնելով, թե ինչպես է Վեն Սյանուանը ուրախ երգելով սրբում սեղանը, ոչինչ չասաց: Դե լավ, չարժե տրամադրություն փչացնել: Ամեն անգամ, երբ փորձում էր համոզել, որ այլ մի գործով զբաղվի, Վեն Սյանուանն սկսում էր լաց լինել: «Բացի ռադիոհաղորդումներից ես ուրիշ բանով չեմ կարող զբաղվել,- ասում էր:- Դու Լոյնպես ավարտել ես ռադիոհեռարձակման բաժինը: Պետք է իմանաս, թե որքան դժվար էին մեզ համար առողջանությամբ խոսելու եւ շնչառական վարժությունները: Ինչո՞ւ պետք է դու աշխատես քո մասնագիտությամբ, մյուսները Լոյնպես, իսկ ես ուրիշ բանով զբաղվեմ»: Լացն ավարտելուց հետո մի երկու անգամ էլ հեկեկում էր, ասես վիրավորված հեռուստառադիոաստղ լիներ: Լեյ Լեն կնոջից երեք տարով էր մեծ, բայց նրան հաճախ թվում էր, թե Վեն Սյանուանն իրենից տասը տարով փոքր է:

Ժամը տասին Լեյ Լեն լվացվեց եւ արագ պառկեց: Մահճակալի դիմաց կռացած նստել էր Վեն Սյանուանը եւ կատուների խնամքի մասին համացանցով ինչ-որ հրապարակում էր կարդում: Ամեն օր Լոյնն էր: Աշխատող Լեյ Լեն ուզում էր շուտ ընել, իսկ տանտիրուհին՝ Վեն Սյանուանը, որ երեկոյան ժամերին կենսաբանական ակտիվության ամենաբարձր փուլում էր, կարդում էր, հեռուստացույց դիտում, համացանցով զբաղվում: Լեյ Լեն արդեն սովոր էր դրան: Մյուս սենյակը դատարկ էր: Նրանց ամբողջ կյանքն անցնում էր ննջարանում:

-Ես ընում եմ: Բարի գիշեր: Շատ երկար չնստես:

-Շուտ ընիր: Վաղը շուտ պիտի արթնանաս:

Այս խոսակցությունն էր ամեն երեկո մշտապես հնչում ժամային երկու տարբեր գոտիներում ապրող ամուսինների միջեւ:

Մեկը քնում էր, մյուսը համացանցով էր զբաղվում: Ամեն գիշեր համակարգչի ստեղնաշարի տկտկոցի հետ լսվում էր նաեւ քնած Լեյ Լեյի համաչափ շնչառությունը: Եվ այդպես՝ ամեն օր:

-ՉԷ... այնուամենայնիվ ես պետք է փող աշխատեմ:

Վեն Սյաոնուանը նայեց համակարգչի Էկրանի ժամացույցին: Երկուսն անց կես էր: Նա շոջվեց եւ նայեց Լեյ Լեյին, որ շուտ եկավ անկողնում եւ քնի մեջ ինչ-որ անհասկանալի բան էր քրթմնջում: Մի պահ տատանվեց, ապա արթնացրեց նրան: Չարմանքը հետաքրքրության վերածվեց. այսքան տարի միասին էին, բայց սա առաջին անգամն էր, որ Լեյ Լեյն քնի մեջ խոսում էր:

-Երագում տեսա, որ հիվանդ էի, եւ բուժման համար փող չունեիք: Մենք չէիք կարող վարկը վճարել, բնակարանը բռնագրավել էին, եւ մենք փողոցում էիք հայտնվել...

Լեյ Լեյ խոսում էր դեռ լրիվ չարթնացած: Տնցված էր, ճակատը ծածկվել էր քրտինքի մանր կաթիլներով: Վախեցած տեսք ուներ:

-Ի՛նչ զգայուն ես ու տպավորվող:

Վեն Սյաոնուանը գրեթե քամահրանքով էր նայում վախեցած ամուսնու դեմքին:

-Ինձ հիվանդանալ չի կարելի: Ես պետք է քեզ ու կատուներին ապահովեմ ուտելիքով եւ տաք հագուստով,- հատ-հատ արտաբերեց Լեյ Լեյն, ասես վճռական որոշում կայացրած լիներ:

-Եղբայր, դու իրոք որ շատ պատկերավոր ես մտածում եւ շատ տպավորվող ես,- ասաց Վեն Սյաոնուանը եւ պատրաստվեց համակարգչի մոտ վերադառնալ:

Նա ուզեց մոռանալ Լեյ Լեյի երազը: Երազ է, էլի, մտածում էր, այդպիսի երազներն անառողջ մի բան են, ինչ մտածում ես ցերեկով, այդ մասին էլ երազ ես տեսնում գիշերը: Դա մի մոայլ մեղեդի էր, որը խոսում էր գոյության փխրունության մասին: Բայց վերադառնալով համակարգչի մոտ՝ մի տեսակ մտահոգ դարձավ: Լեյ Լեյի երազը խոր տպավորություն էր գործել նրա վրա, եւ մտքերը խառնվեցին՝ անընդհատ դրա շուրջ պտտվելով:

Դրսում չափազանց մութ էր: Դիմացի շենքի բոլոր պատուհանները սեւ էին, լույս չէր երեւում: Ասես խավարի ծածկոցն այլեւս չէր վերանալու, եւ որեւէ հույս չկար, թե լույս կբացվի: Քաղաքի արեւելյան ծայրամասն, ինչպես ասում էին, «քնած քաղաք» էր: Այդտեղ ապրող մարդիկ վաղ արթնանում էին, գնում աշխատանքի եւ ուշ էլ վերադառնում էին: Նրանք իրենց

ՄԱ ԱՅԱՆՏԱՌ

ամբողջ եռանդը ներդնում էին՝ աշխատելով քաղաքի զարգացող ու ծաղկուն թաղամասերում, ապա, երկար ճանապարհ հաղթահարելով, վերադառնում էին ծայրամասային արվարձաններ, որպեսզի հանգստանային եւ ուժերը վերականգնեն: Դրա համար էլ լույսերն այստեղ շուտ էին հանգցնում, ինչպես բանակային զորամասում: Ժամը տասից հետո լույսերն սկսում էին մարել: Իսկ տասնմեկից շուրջբոլորը լուռ ու խաղաղ էր: Վեն Սյառնուանն ասես արվարձանի հսկիչ պահակն էր, որ սովորել էր ապրել անսահման լռության ու մենության մեջ: Ի տարբերություն ուրիշների՝ նրան չէր հետաքրքրում, թե ինչ օր է կամ ժամը քանիսն է: Նա վայելում էր իր կյանքում եւս մեկ օր չաշխատած լինելու հաճույքը: Օբյեկտիվ տեսանկյունից՝ նրա կյանքը մի խառնաշփոթ էր, եւ նա կախված էր կանխիկ փողից: Բայց բոլորն աշխատում էին եւ չարչարվում, պայքարում դժվարությունների դեմ, իսկ Վեն Սյառնուանն ապրում էր արքայադստեր պես՝ հարմարավետ կյանքով եւ չէր անհանգստանում սարսափելի վիճակի համար, քանի որ նրա թիկունքում կար տղամարդ, որն իր երազներում վախենում էր հիվանդությունից ու գործազրկությունից:

-Եղբայր, քանի որ դու ինձ թելոթիկունք ես, ևույնիսկ աշխատանք չունենալով՝ ես ինձ լավ եմ զգում եւ զանգատվելու ոչինչ չունեմ,- ևայելով ևորից քուն մտած Լեյ Լենին՝ շնչաց Վեն Սյառնուանը:

Լեյ Լեն, որ երագի պատճառով արթնացել էր, մի քանի ժամ էլ քնեց: Երբ շրջվեց, տեսավ, որ Վեն Սյառնուանը կողքին չէ: Կտրուկ վեր կացավ եւ զարմացավ, որ կինը դեռ ևստած է՝ համակարգչին կպած:

-Սիրելիս, արդեն վե՞ր ես կացել:

-Իհարկե ոչ: Ես դեռ չեմ էլ պառկել:

Վեն Սյառնուանն ուշադիր համակարգչին էր նայում եւ գլուխն էլ չըջեց նրա կողմը:

Լեյ Լեն նայեց նրա նիհար մարմնին եւ մտածեց, որ «մեռած խոզը չի վախենում եռման ջրից» արտահայտությունը ամենալավն էր բնորոշում իրավիճակը (*չինական ասացվածք է, նկատի ունի մեկին, որի համար ամեն ինչ մեկ է - Ծ.Թ.*): Հենց ուզում էր մի բան ասել, Վեն Սյառնուանն ընդհատեց նրան:

-Եկ այստե՛ղ, արա՛գ: Լավն է, չէ՞,- մատն ուղղելով համակարգչի Էկրանի կողմը՝ ծայն տվեց նա:

Էկրանին մի տարօրինակ փոքր կոստյում էր՝ երեք ներքին եւ երեք արտաքին շերտերով: Խառնաշփոթ մի բան: Բամբակից, տրիկոտաժից եւ էլի երկու կամ երեք աննկարագրելի նյութերից: Արժեք 49 յուան, որ միանգա-

մայն համապատասխանում էր այդ ամենին: Միայն թե Լեյ Լեն որքան ավելի էր նայում դրան, այնքան ավելի անվայելուչ էր թվում: Եվ չէր կարողանում հասկանալ, թե ինչու է Վեն Սյաոնուանն ամբողջ գիշեր «Տաբաո» կայքէջում այդպիսի հիմարությունների նայում:

-Դու աշխատանքի չես գնում, ինչի՞դ է պետք այդպես հագնվելը: Փողոցում զբոսնելու համար՞:

-Ի՞նչ է, չե՞ս հասկանում: Եթե չեմ աշխատում, ուրեմն նաեւ չպիտի հագնվե՞մ:

Վեն Սյաոնուանը քիթը կախեց, բայց դեռ Էկրանին էր նայում: Նա չէր էլ ուզում մտածել իր ետեւում կանգնած ամուսնու ասածի մասին եւ չէր էլ նկատում վերջինիս ընդվզումն ու վատ տրամադրությունը:

-Դու մի փոքր չափն անցնում ես. ամբողջ գիշեր չես քնել:

-Դո՛ւ փախցրեցիր իմ քունը: Երագիդ մեջ խոսում էիր:

Լեյ Սյաոնուանն իրոք չէր քնել Լեյ Լեի երագի պատճառով: Լեյ Լեի տագնապները դուրս էին լողացել նրա երագներից եւ խոր գիշերի մեջ տխրեցրել Վեն Սյաոնուանին:

Երագը պարզ էր ու հստակ: Նա անօգնական պառկած էր հիվանդանոցի մահճակալին: Վեն Սյաոնուանը միայն լալիս էր, կաթիլային ներարկիչից կաթիլ առ կաթիլ լուծույթ էր հոսում, իսկ հատակին ամենուր վիրակապեր էին թափված: Մոայլ, ցնցող մթնոլորտն այնպես էր ազդել Լեյ Լեի վրա, որ նա արթնացավ սառը քրտինքի մեջ կորած: Անկասկած, դա վատ նշան էր: Ինքն ասես առանց գործի հրամանատար լինելու եւ պետք է դիմագրավեր վտանգին: Եթե ինչ-որ բան պատահեր, ապա կվտանգվեին երկու մարդկային եւ չորս կատվային կյանքեր:

Լեյ Լեն ուշադիր զննում էր կնոջը: Այս աղջիկը, որն ուզում էր ամուսնական գրանցում ստանալ, բայց այնքան ծույլ էր, որ հարսանիք չէր ուզում անել, իր անգործությամբ ինքն էր իրեն անկյուն քշել: Լեյ Լեն, որ ամեն օր ինքն իրեն ուժ էր տալիս, ներշնչում, որ ոչ մի վայրկյան չթուլանա, վախենում էր՝ հանկարծ ինչ-որ բան կպատահի եւ կխաթարի իրենց՝ առանց այն էլ փխրուն երջանկությունը: Իսկ նա... Նա ամբողջ գիշեր նստում էր համակարգչի դեմ, «Տաբաո» կայքէջն էր նայում՝ մշտապես անճաշակ ու անպետք հագուստների վրա կենտրոնանալով: Եվ սա՞ էր իր այսպես կոչված կինը: Ռ՛չ: Վեն Սյաոնուանն ավելի շուտ ասես իր դուստրը լինելը՝ ճարտարամիտ, անմեղ, քմահաճ ու անկանխատեսելի, գայրացնող ու համբերությունից հանող, անուշադիր ու ցրված դուստրը:

-Ամբողջ կյանքդ այսպե՞ս ես անցկացնելու,- ուզեց ասել Լեյ Լեն, բայց

ՄԱ ԱՅԱՆՏԱՌ

շունջն իսկ դուրս չեկավ, եւ նա կու տվեց դեռ շուրթերին չհասած բառերը:

Մինչեւ Լեյ Լեյ տևից դուրս գալը Վեն Սյանուանն այդպես էլ նստած մնաց համակարգչի առջեւ: Քնելու ոչ մի մտադրություն չունեի, իսկ Լեյ Լեյ գոյության մասին ասես լրիվ մոռացել էր եւ ամբողջ ուշադրությունը կենտրոնացրել էր համակարգչի վրա: Չէր էլ ուզում նայել Լեյ Լեյ կողմը: Ամբողջ այդ անքուն գիշերը նա չէր կարողանում արցունքները զսպել: Լեյ Լեն դիտավորյալ փոքր-ինչ աղմկեց, բայց իրեն լրիվ անտեսված էր զգում: Ճանապարհին, աշխատանքի գնալիս, նա ավտոբուսում տեսավ երիտասարդ կանանց եւ հանկարծ նրանց հանդեպ հարգանքով լցվեց: Այդ բարձր տրամադրությամբ կամ անտրամադիր աղջիկներն արթնացել էին վաղ, արեւը ծագելուն պես, եւ լեփլեցուն ավտոբուսով քաղաք էին գնում: Վեն Սյանուանի պես՝ նրանք էլ հավանաբար դժկամությամբ էին արթնացել: Բայց այդուհանդերձ արթնացել էին՝ հաղթահարելով իրենց քնկոտությունը եւ ուղեւորվելով աշխատանքի, որտեղ հանդիպելու էին իրենց ղեկավարներին եւ հազար ու մի հոգս ու խնդիրների: Լեյ Լեն հանկարծ մտաբերեց փոքր-ինչ հնացած ու խոսակցական, բայց քիչ գործածվող արտահայտությունը՝ «աշխատավոր կանայք»:

5

Վեն Սյանուանն սկսեց էլ ավելի ուշ մտնել անկողին, կամ, եթե ճիշտն ասենք, ավելի ու ավելի շուտ: Նրա հետկեսգիշերյան քնելու ժամանակն աստիճանաբար տեղափոխվեց մինչեւ առավոտ: Երբ Լեյ Լեն ծուլորեն բացում էր իր քնաթաթախ աչքերը, միշտ տեսնում էր նրան համակարգչի առջեւ նստած: Մի օր, սակայն, տեսավ, որ նա այդտեղ չէ: Վեն Սյանուանը գրկել էր քնած կատվին եւ լռության մեջ նստել հյուրասենյակի՝ պատռված շորով ծածկված բազմոցին: Իր ցրված տեսքով՝ հյուրասենյակի մերկ, անհրապույր պատերի ֆոնին, ասես լուցկի վաճառող փոքրիկ աղջիկը լիներ (*Նկատի ունի Անդերսենի «Լուցկի վաճառող աղջիկը» հեքիաթի հերոսուհուն- Շ. Ա.*): Լեյ Լեն հարցրեց, թե ինչու չի քնել: Վեն Սյանուանը պատասխանեց, որ չգիտե, բայց իրեն թվում է, թե գիշերն արագ է անցնում: Ինքը պարզապես ուզում էր մի փոքր ավելի երկար նստած մնալ եւ աննկատելիորեն մնաց մինչեւ հաջորդ օրը: Հետեւաբար, նրա արթնանալու ժամանակը նույնպես տեղաշարժվել էր: Մի օր, երբ Լեյ Լեն աշխատանքից վերադարձավ, Վեն Սյանուանն ատամներն էր մաքրում: Նա ամուսնուն ժպտաց

փրփուրոտ բերանով եւ ասաց, որ ճիշտ ժամանակին է վերադարձել, կարող եմ միասին նախաճաշել: Լեյ Լեն ծուռ ժպտաց եւ պատասխանեց՝ արդյո՞ք շատ բան չի՞ վերցրել իր վրա՝ ամուսնական լուսնային աստվածուհու հետ, որի մտքերը բացարձակապես խորհրդավոր են ու ոչ երկրային:

Նա հիշեց այն օրը, երբ կեսօրին իրեն զանգել էր խիստ անհանգիստ Լույուն: Իրենք այդքան էլ մտերիմ չէին, պարզապես իրար նոր տարվա շնորհավորանքներ էին ուղարկում: Եթե Լույուն Վեն Սյաոնուանի ընկերուհին չլիներ, նա եւ Լեյ Լեն ուղղակի նույն ինստիտուտի դասընկերներ կլինեին, ոչ ավելին:

-Եղբայր, կարո՞ղ ես ասել որտեղ է Վենը: Նրա բջջայինն անջատված է,- հարցրեց Լույուն անմիջապես:

-Քնած է:

-Տանդ հեռախոսի համարն ասա:

-Տան հեռախոս չունենք:

-Իսկ ինչպե՞ս կապվեմ նրա հետ:

-Երեւի միայն այն դեպքում, երբ դրան զանգի կոճակը շատ երկար սեղմած պահես,- դառն քմծիծաղեց Լեյ Լեն:

Ալկնհայտ էր, որ ցերեկն անհնար էր Սյաոնուանին գտնել: Ամբողջ օրը քնելով եւ գիշերն արթուն մնալով՝ նա արդեն ցերեկվա լույսից խուսափող մի ուրվական էր դարձել:

-Վամպիր է, ինչ է: Ինչպե՞ս ես դիմանում: Ուրեմն դու է՞լ չես կարողանում հետը կապվել:

-Հա, ոչ ոք չի կարողանում: Ամբողջ օրը քնում է, միայն շաբաթ-կիրակի օրերին է մի քիչ շուտ վեր կենում, որովհետեւ ես տանն եմ: Մնացած օրերին տանը միշտ մենակ է, դրա համար էլ անընդհատ քնում է:

-Դե լավ: Ասելու լավ նորություն կար, իսկ նա չի պատասխանում:

Լույուն ուզում էր ընկերուհուն առաջարկել, որ նա մասնակցի ծայնագրման: Նրանց աշխատակցուհին աշխատանքից ազատվել էր, եւ Լույուն մտածել էր, որ աշխատանքի տեղավորվելու լավ հնարավորություն է Վեն Սյաոնուանի համար: Բայց ժամանակ չկար: Նա պետք է հենց այդ օրը գնար ստուդիաֆորձնական ծայնագրման համար: Լույուն եւ Լեյ Լեն երկուսն էլ աշխատանքի էին, եւ չկար մեկը, որ ամենապարզ ձևով արթնացներ Վեն Սյաոնուանին՝ պարզապես դուռը երկար թակելով: Եթե ոչ ոք չէր կարող մտնել նրա երազի մեջ եւ արթնացնել նրան, ուրեմն բոլորի համար նա անհասանելի էր: Նա վաղուց բացակայում էր ցերեկվա իրական աշխարհից:

ՄԱ ԱՅԱՆՏԱՌ

Ճաշից հետո Լեյ Լեն տեսավ, որ Վեն Սյանուանի նկարը առկայծում է MSN համացանցային ծրագրում, բայց քսանչորսժամյա ժամանակային շրջանով արդեն ժամը 16-ն էր: Եթե անգամ Վեն Սյանուանը դուրս էր եկել տնից առանց լվացվելու եւ շպարվելու, ապա արեւելյան արվարձանից մինչեւ Լուլուի աշխատավայրը՝ հեռուստաընկերություն հասած կլիներ միայն երեկոյան վեցին: Նա որոշեց հույս կապել հրաշքի հետ եւ զանգեց Լուլուին: Գուցե դեռ հնարավորություն կար:

-Բայց դուք երկուսով ի՞նչ հրաշալի եք: Նայիր ժամացույցին: Արդեն վաղուց գտել են փոխարինող: Աշխատանք քիչ կա, դիմողները շատ են, իսկ Վենը քնած է, ի՞նչ ասեմ: Ուզում էի օգնել նրան աշխատանք գտնել, որպեսզի կարողանայիք հյուրասենյակի տորոգման համար փող ունենալ, բայց այս անգամ չստացվեց...

Լուլուի խոսքերն անսպասելիորեն վիրավորեցին Լեյ Լեյ արժանապատվությունը: Հիշեց, որ Սյանուանն ավելի լավ էր սովորում, քան Լուլուն: Սի անգամ ինքն առաջարկեց երկուսին էլ վերցնել ձայնագրման ստուդիա, բայց լսելուց հետո Վեն Սյանուանին ընտրեցին, իսկ Լուլուին մերժեցին: Վեն Սյանուանը դրանից հետո վատ էր զգում: Նա վախենում էր, որ Լուլուն կտխրի, եւ դա կարող է ազդել իրենց ընկերական հարաբերությունների վրա: Բայց անցածն անցած է: Լուլուն այսօր ոչ միայն կայացել է իր մասնագիտության մեջ, այլ նաեւ հասարակության մեջ գտել է իր տեղը, իսկ Վեն Սյանուանը փակված է տանը: Նրանք արդեն տարբեր աշխարհների են պատկանում: Երիտասարդ գործազուրկ տնային տնտեսուհու եւ հաջողակ հեռուստահաղորդավարուհու միջեւ այժմ անհաղթահարելի անդունդ գոյություն ունի: Տավոք, նրանք ընդամենը նախկին դասընկերուհիներ էին:

Լեյ Լեն կարծում էր, թե Սյանուանը գոնե կտխրի եղածի համար, բայց երբ նրան հաղորդագրություն ուղարկեց, տեսավ, որ հանգիստ էր եւ անխռով: Վեն Սյանուանն ասաց, որ չէր էլ կարծում, թե աշխատանք կգտնի, եւ որ ցերեկը քնած է եղել: Ասաց, որ երագում ինչ-որ մեկն ուզում էր իրեն սովորեցնել տորթ թխել, բայց ինքը նախ պետք է սոխ կտրտեր: Լեյ Լեն մռայլվեց, բերանը ծոմռեց եւ չկարողացավ գայրույթը զսպել: Տորթ թխել, սոխ կտրտել... Ուշքումիտքը միայն ուտելիքն է եւ խոհանոցը, նույնիսկ երագում դա է տեսնում: Այդ լավ հնարավորությունը բաց թողնելուց հետո էլ ինչպես հարկն է չի արձագանքում, այլ անտարբեր շաղակրատում է ինչ-որ տորթի ու սոխի մասին:

-Սրա մասին ի՞նչ ես մտածում:

Վեն Սյանոնուանի հաղորդագրության մեջ համացանցային հղում երեւաց: Լեյ Լեին դա չէր հետաքրքրում, բայցեայնպէս իմիջիայնոց բացեց հղումը: Դա գլխարկով մի զգեստ էր, շափուղագույն, անհավասար սփռված կարմիր կետերով: Գինը 36 յուան էր:

-Լավն է: Գևի, եթե դուր է գալիս:

Լեյ Լեն ըստ էության կարգին չնայեց էլ: Այդ ճշացող գույներն ու արտառոց ծեւերը նյարդայնացնում էին նրան: Պատկերացրեց, թե Վեյ Սյանոնուանն ինչպէս է նստած համակարգչի դիմաց՝ չսանրված, անվազ դեմքով, եւ Էկրանին է նայում:

-Չեմ գնելու: Պարզապէս նայում եմ:

-Եղավ:

Լեյ Լեն չգիտեր, թե ուրիշ ինչ պատասխանի: Կնոջ ուշադրությունը սենեոված էր համացանցին՝ ճշացող գույներով հագուստներ, կատվի խնամքի մասին հրապարակումներ, ամերիկյան Էժանագին ֆիլմեր: Այս ամենը գրավում էր Վեն Սյանոնուանի ազատ ժամանակը, ավելի ճիշտ՝ արթուն եղած ժամերը: Ինքն ստիպված էր հաշտվել դրա հետ: Կինը միաժամանակ եւ՛ ձանձրանում էր, եւ՛ ուրախ էր: Եվ նա չէր ուզում խաթարել այդ ուրախությունը: Նույնիսկ կասկածում էր՝ կկարողանա՞ արդոյոք դա անել: Կա՞ր արդոյոք իր համար փոքրիկ մի տարածք նրա աշխարհում:

-Գնում եմ ձայնագրման: Լավ եղիր, նայիր քեզ:

Լեյ Լեն հավաքեց բառերի այս շարքը եւ բթացած հայացքով նայեց համակարգչին: Իրականում նա այդ պահին գործ չունէր անելու:

-Լեյ Լե, չմոռանաս, որ վաղն ընթրիքի եք հրավիրված, սպասում եմ քեզ եւ Սյանոնուանին,- այսպիսի մի հաղորդագրություն ուղարկեց Ֆեն Յույը:

Ֆեն Յույը նստած էր պատի այն կողմում, կից խցիկում, բայց ալարում էր վեր կենալ ու բան ասել, դրա համար էլ հաղորդագրություն ուղարկեց: Նա Լեյ Լեին հիշեցրեց վաղվա պայմանավորվածության մասին:

-Շատ լավ:

Վեն Սյանոնուանի՝ չոջիկի թեւեր ունեցող զգեստի տեսքից դեռ ուշքի չեկած՝ Լեյ Լեն կորցրել էր Ֆեն Յույի հետ խոսելու ցանկությունն անգամ: Նույնիսկ տհաճ մի զգացողություն ունեցավ, թե Սյանոնուանն ամենայն հավանականությամբ հազարումի պատճառ կբերի, որպէսզի խուսափի այդ հանդիպումից: Նա ավելի ու ավելի դժկամորեն էր ուզում տնից դուրս գալ:

Ընկերության բոլոր աշխատակիցները երիտասարդներ էին, եւ, ինչպէս բոլոր աշխատավայրերում, հակասություններն անխուսափելի էին,

ՄԱ ԱՅԱՆՏԱՌ

բայց ընդհանուր առմամբ բարեկամական մթնոլորտ էր տիրում: Հաճախ էր պատահում, որ միասին ընթրում էին՝ հրավիրելով ևաեւ ընտանիքների անդամներին: Առաջ Վեն Սյաոնուանը հաճույքով էր ընդունում հրավերները, երբեմն ինքն էր հարցնում, թե նոր հանդիպում չի՞ լինելու: Բայց որքան երկար էր մնում տանը, այնքան քիչ էր հետաքրքրվում դրսի աշխարհով: Նույնիսկ ծոպանում էր հյուրասենյակ գնալ, եթե ինչ-որ բան կարելի էր անել ննջարանում: Առանց հիմնավոր ու ծանրակշիռ պատճառի շատ դժվար էր նրան համոզել փողոց դուրս գալ:

Ինչպես եւ սպասելի էր, երբ երեկոյան Լեյ Լեն նրան ասաց հաջորդ օրվա ընթրիքի հրավերի մասին, Վեն Սյաոնուանը դժկամորեն կծկվեց նստած տեղում եւ փորձեց հնարավոր պատրվակներ գտնել հրաժարվելու համար: Գիտեր՝ Լեյ Լեն ուզում է, որ ինքը գնա, բայց չէր ուզում այդ ամբողջ ճանապարհը մենակ անցնել ավտոբուսով՝ հանդիպելու համար նրան: Չէր ուզում երկար ճանապարհ կտրել հենց միայն նրա համար, որպեսզի ընտանիքի անդամի կարգավիճակում ընթրեր այն մարդկանց հետ, որոնց ընդհանրապես չէր էլ ճանաչում:

-Կարո՞ղ եմ չգալ:

-Իհարկե:

Վեն Սյաոնուանը դեռ չէր հասցրել հրաժարվելու պատճառ հորինել, երբ Լեյ Լեն անմիջապես համաձայնեց: Նա հանկարծ իրեն անհույս ու տխուր զգաց: «Դու թագուհի չես,-մտածեց:- Ինչո՞ւ պիտի խնդրեմ, որ ինձ հետ ընթրես: Եթե չես ուզում գալ, մի՛ գա: Ինքդ ես որոշողը»:

-Բավականին անկեղծ պատասխան էր, սիրելիս:

-Ուզում եմ մի քիչ փող ծախսել քեզ վրա,- ասաց Լեյ Լեն՝ որոշելով բարի հայրիկի դերը խաղալ:- Չե՞ս ուզում ինչ-որ բան սովորել: Թե չէ այդպես տանը միշտ նստած... վատ կլինի քեզ համար:

-Խուսափո՞ւմ ես ինձնից: Չանձրացե՞լ ես:

Վեն Սյաոնուանը երեխայի դերում էր: Արտաքին նեղացածության տակ հրճվանք էր թաքնված:

-Ես պարզապես վախենում եմ, որ դու կձանձրանաս ու կհոգնես:

-Չեմ ձանձրանում: Ինձ շատ լավ եմ զգում: Եվ այդ ամենը քո շնորհիվ: Այնքան հանգիստ եմ ինձ զգում, որ չեմ ուզում այլեւս որեւէ բանով զբաղվել:

-Բայց դու իրոք պետք է մտնես հասարակության մեջ, այլապես կվերածվես քո երկու տարիքն ունեցող ծեր տատիկի: Հետո կզոջաս, որ քեզ փակի տակ եմ պահել:

-Թե ինչ կլինի հետո, այդ մասին հետո էլ կմտածենք:

-Լավ մտածիր: Ի՞նչ ես ուզում սովորել: Մի խմբակ ընտրիր եւ ևոր հետաքրքրություն կգտնես: Սարսափում եմ, երբ ամեն օր տեսնում եմ քեզ «Տարբառի» էջերում այդ հիմար հագուստներին կայելիս:

-Կմտածեմ:

Վեն Սյանուանը կայեց ամբարտավան մի հայացքով, ասես տհաճությամբ համաձայնել էր ընդունել իրենից ստորադաս մեկի առաջարկը:

Եյ Լեն միշտ մտածել էր, որ նրա ծեւական պահվածքն ու կոտրատվելը խիստ գրավիչ են, բայց հիմա աստիճանաբար սկսել էր զգալիորեն հոգնել այդ ամենից: Եթե նա ծեւականորեն գրավիչ լիներ, դա դեռ ոչինչ, բայց նա իրոք գրավիչ էր, այնքան գրավիչ, որ դա չէր համապատասխանում նրա տարիքին, եւ դա ամբողջովին ուժասպառ էր արել Եյ Լենին:

Հաջորդ օրը երեկոյան Եյ Լեն մենակ գնաց ընթրիքի: Թարսի պես՝ Վեյ Սյանուանը միակն էր, որ չէր եկել: Բոլորը եկել էին իրենց ընկեր-ընկերուհիներով, ընտանեկան զույգերով: Միայն նա էր, ամուսնացած, արդեն գիրացող տղամարդ, մենակ նստած խմբի մեջ:

-Ո՞ր է քո գեղեցիկ կեսը: Ինչո՞ւ չի եկել: Հո ևորից կատուներդ չե՞ն հիվանդացել,- սրտացավորեն հետաքրքրվեց Ֆեն Յույի ընկերուհին:

-Նա ինքը լավ չէր զգում,- ասաց Եյ Լեն, որ կարծես ասեղների վրա նստած լիներ: Եյ Լեն արդեն զոջում էր, որ այդքան հեշտ տեղի տվեց Սյանուանի համար քմահաճույքին: Պետք է ուղղակի ասած լիներ, որ նրա ներկայությունը կարելու է իր համար:

-Գեղեցկությունը թաքնվում է իր ոսկե պալատում: Կհնդ չի աշխատում, ամբողջ օրը տանն է, դեռ մի բան էլ հիվանդանում է:

Ֆեն Յույի ընկերուհու պերճախոսությունն ստիպեց Եյ Լենին էլ ավելի անհարմար զգալ:

-Զուգադիպությունն է: Ճիշտն ասած՝ ուզում էր գալ: Բայց ես որոշեցի, որ ավելի լավ է իրեն նեղություն չտա այդքան երկար ճանապարհ անցնելով եւ տանը հանգստանա:

Եյ Լեն փորձեց անտարբեր ծեւանալով հարթել իրավիճակը, բայց սրտի խորքում զայրացավ Վեն Սյանուանի վրա: «Անցած անգամ պատճառ բռնեցիր, որ Սեյմեյին բժշկի ես տանելու, կարծես թափառական կատուն արքայադուստր է: Եթե անգամ իսկապես հիվանդ էր, ի՞նչ տարբերություն՝ մեկ օր շո՞ւտ տանելի բժշկի, թե՞ մեկ օր ուշ: Ամբողջ օրը տանն ես, տնային տնտեսուհի, կարող էիր, չէ՞, գոնե երբեմն ամուսնուդ հետ մարդա-

ՄԱ ԱՅԱՆՏԱՌ

մեջ դուրս գալ, շփվել մարդկանց հետ: Թե՞ կարծում ես այդ չնորոգված, կոշտուկոպիտ սվաղով բնակարանը թեզ համար ուտոպիական մի դրախտ է երկրի վրա եւ ազատության ու մենության անխորտակ մի ամրոց»:

Իսկ այդ ժամանակ Վեն Սյանուանն իր լիակատար հանգիստն էր վայելում: Լեյ Լեն տանը չէ, ուրեմն ընթրիք չի պատրաստի: Մի քիչ սոյայի կաթ, մի երկու բլիթ, մի աման լոբի, եւ ահա թեզ ընթրիք: Հարմարվելով համակարգչի բազկաթոռին եւ սոյայի կաթ խմելով՝ սկսեց դիտել «Մեծ պայթյունի տեսությունը» սերիալի չորրորդ սերիան: Լեյ Լեն տանը չէր, ուրեմն կարող էր ոտքերի ծայրին չքայլել եւ ականջակալներ չդնել: Նա չգիտեր, որ ամուսինն այդ ժամանակ մտքում դատապարտում է իր բազմաթիվ ու բազմազան թերությունները՝ գիշերը չի քնում, ցերեկը չի արթնանում, չի աշխատում, չի սովորում, անուշադիր է դիմացինի կարծիքի ու զգացմունքների հանդեպ եւ անտարբեր է մարդկանց տրամադրությունների նկատմամբ: Ըստ էության՝ նա ամենեւին չափահաս չէր: Նա ետընթաց էր ապրում, ետ էր գնում դեպի մանկություն:

6

Վիճաբանությունն սկսվեց այն ժամանակ, երբ Լեյ Լեն պարզեց, որ իր բանկային քարտից 2 500 յուանի ծախս է կատարվել: Դա եղել էր ցերեկը, երբ, սովորության համաձայն, Վեն Սյանուանը երազների աշխարհում պետք է լիներ: Բայց Լեյ Լեն հեռախոսի վրա հաղորդագրություն ստացավ: Գումարը չնչին մի բան չէր, այլ բավականին մեծ էր: Քարտը Վեն Սյանուանի ձեռքին էր, քանի որ սկզբում նա քուն չէր մտնում ցերեկը եւ ծախսեր էր կատարում: Լեյ Լեն ուզում էր գանգել եւ հարցնել՝ արդյո՞ք դա խելքի մոտ բան է: Եթե գումար է ծախսվել, ուրեմն կինն արթուն է: Բայց մտածեց, որ իրենց ամուսնական շրջանում Սյանուանն արդեն սովորած պետք է լիներ ընտանեկան բյուջեն խնայել, եւ ինքը նրա հանդեպ չպիտի շատ խիստ լինի: Սակայն դա իր վաստակած գումարն էր, եւ ինքը պետք է իմանար, թե ինչի վրա է ծախսվել: Նա զսպեց իր հետաքրքրասիրությունը եւ որոշեց աշխատանքից տուն վերադառնալուց հետո պարզել ամեն բան: Սակայն, ո՛վ գարմանք, Վեն Սյանուանը տանը չէր: Տեսակյաց տանտիրուհին դուրս էր եկել եւ ընթրիքի ժամին դեռ չէր վերադարձել: Լեյ Լեն արդեն սովոր էր զալ տուն, տաք ապուր ուտել, տաք թեյ խմել: Եվ հիմա զայրացած նայում էր սառը կաթսային ու սալօջախին, ու դա այնքան անսովոր էր: Արդեն

մտածում էր զանգել, երբ լսեց բանալու չխկոցը դռան փակակի մեջ:

-Ներիր, սիրելիս, չգիտեի, որ երեկոյան ճանապարհներն այդքան դժվարանցանելի են: Ամենուր խցանումներ էին:

Վեն Սյանոնուանս ուղիղ խոհանոց գնաց՝ ձեռքին բողկ եւ բրոկկոլի կաղամբ: Քանի որ հյուրասենյակի հատակի լիտոնումը լրիվ մաշվել ու շարքից դուրս էր եկել, մաքրության մասին մտածելն ավելորդ էր, եւ Վեն Սյանոնուանսը, որ կոշիկ փոխելու ժամանակ էլ չունէր, առանց կոշիկները հանելու, բարձր կրունկների վրա, անցավ շեֆ խոհարարի իր լիազորություններն իրականացնելուն:

-Կուշտը սովածին մանր է բրդում: Իհարկե, չես իմանա, որ այս ժամերին փողոցներում խցանումներ են: Ասեղ զցելու տեղ չկա: Սետրոյում խցանում չկա, բայց քեզ կարող են լուսանկարի նման սեղմել տափակեցնել: Աշխատանքի ամբողջ ծանրությունը ոչ թե աշխատավայրում է, այլ գնալ-գալու ճանապարհին:

Լեյ Լեն գայրացած էր, որ գործազուրկ կինն այդ մասին պատկերացում իսկ չունի, բայց փոխարենը գոհ էր խոհանոցում նրա աշխուժությունից:

-Ինչո՞ւ էիր դուրս եկել: Ի՞նչ էիր անում: Այս ժամին տուն գալով՝ բանվորների խառնաշփոթ խմբի՞ն էիր միացել:

-Քո խորհրդին էի հետեւում, որ մտահորիզոնս ընդլայնեմ, շարունակեմ կատարելագործվել: Որ խուսափեմ հասարակության հետ կապս կորցնելուց եւ Ձերդ գերազանցության ու իմ միջեւ անընդհատ խորացող անդունդ չստեղծեմ:

-Ուրեմն գնումներ անելով հասարակության հե՞տ էիր շփվում:

-Այսօր Լուլուի ազատ օրն էր: Դե, ես էլ գրանցվեցի խմբակում, հետո միասին գնումների դուրս եկանք:

Երբ Լեյ Լեն լսեց «գրանցվեցի խմբակում» բառերը, աչքերը փայլեցին: Չէր կարող հավատալ, որ իր անուղղակի հորդորներն ի վերջո ազդել են Վեն Սյանոնուանսի գիտակցության վրա: Վերջինս անսպասելիորեն արթնացել էր:

-Ուզում էի իմանալ, թե քարտիցս այդ ի՞նչ գումար էր հանվել: Հիմա տեսնում եմ՝ կինս պատրաստվում է իր մարտկոցները լիցքավորել:

-Հա: Նույնիսկ սկզբում նախնական պարապմունքի մասնակցեցի, որ տեսնեմ, թե ինչի վրա եմ գումար ծախսելու: Ինչպես ասում են՝ նախ համտես արա, հետո գնիր:

-Այս ի՞նչ խնայող կին ունեմ:

Լեյ Լեն մոտեցավ եւ ետեւից գրկեց նրան:

ՄԱ ԱՅՁՈՏԱՌ

-Սպասիր սովորեմ վերջացնեմ, քեզ համար հապալասի տորթ էլ կթխեմ:
Վեն Սյանուուանը հուզվել էր Լեյ Լեի քնքշանքից եւ դադարեցրեց բրոկ-
կոլին կտրտելը:

-Ինչ ասացի՞ր:

Լեյ Լեն հանկարծ զգաց, որ ինչ-որ բան այն չէ եւ ամուր սեղմեց Սյա-
նուանի ուսերը:

-Ասացի՞ սովորելն ավարտեմ կկարողանամ տորթ թխել: Երբ ժամանա-
կը գա, քեզ համար հապալասի տորթ էլ կթխեմ, քո սիրածը:

Վեն Սյանուուանը ծիծաղում էր, ասես ոչինչ չէր եղել:

-Ի՛նչ խմբակում ես գրանցվե՞լ:

-Իհարկե՛ թխվածքներ պատրաստելու:

-Դու 2 500 յուան ես ծախսել, որ տորթ պատրաստե՞լ սովորես: Համոզ-
վա՞ծ ես, որ կատակ չես անում:

Լեյ Լեի վզի երակները պրկվեցին սխտորի երկու կոթունի նման:

-Դե հա, գրանցվել եմ արեւմտյան անուշեղենի դասընթացների համար:

Դու չէի՞ր ուզում, որ տնից դուրս գամ: Ես, ախր, սկզբում չէի ուզում:

Վեն Սյանուուանն սկսեց կամաց ու անվրդով կտրել բողկը:

-Դու այնքան հոգատար ես իմ հանդեպ:

-Խելքդ թռցրե՞լ ես, ի՛նչ է: Ռադիոհաղորդումների բաժինն ավարտած-
ների համարյա հարյուր տոկոսն աշխատանք է գտնում, բայց դու ավար-
տելուց հետո մի կարգին աշխատանք էլ չունեցար: Ես վախենում էի, որ
տանը երկար փակված մնալով, լրիվ անօգուտ մի բան կդառնաս, դրա հա-
մար էլ առաջարկեցի, որ գնաս, օգտակար մի բան սովորես: Բայց դու
խելքդ քամուն ես տվել եւ որոշել ես տորթ թխել սովորել: 2 500-ն իմ կես
ամսվա աշխատավարձն է, տան ամենամսյա վարձավճարի չափն է, իսկ
դու առանց խղճի խայթի տվել ես թխվածք թխել սովորելու համար: Էլ սո-
վորելուդ իմաստը ո՞րն է: Թե՞ քեզ իսկապես կարգին խոհարար ես կար-
ծում: Նայիր մեր տանը: Բետոնե հատակ, հնամաշ բազմոց... Ոնց որ
շինհրապարակ լինի, ոչ թե տուն: Միայն խոհանոցը, սալօջախը, ամանե-
ղենը եւ սոյայի կաթ պատրաստելու մեքենան են ամբողջական կազմով՝
ոնց որ փոքրիկ ռեստորանում, դեռ մի բան էլ ավելի: Իրո՞ք մտածում ես,
որ եթե կուշտ ուտում ենք եւ տաք հագնվում, ուրեմն ամեն ինչ լավ է: Եվ
հանգիստ ու հարմարավետ ես քեզ զգում, հա՞: Ամեն օր մի նոր բան ես
հնարում, տարբեր անհեթեոսություններ: Մտածում էի, թե անելու բան չու-
նես, դրա համար էլ քեզ չէի խանգարում: Բայց հիմա մոլեռանդ ես դարձել,
եւ դրա վերջը չկա: Խելազարվե՞լ ես: Դու...

Լեյ Լեն պարզապես չէր կարողանում հույզերը զսպել: Նույնիսկ Վեն Սյաոնուանի աչքերում արցունք տեսնելուց հետո էլ սիրտը չհափկեց: Այդ պահին մտածում էր, որ նա անհեթեթ է, ոչինչ չի հասկանում, ոչ մի բանի համար պիտանի չէ: Միայն իրեն տարօրինակ պահել ու մեկ էլ արցունք թափել գիտի:

-Բայց դու ասում էիր, որ հոգ ես տանում իմ մասին: Ուզում էիր, որ նոր հետաքրքրություններ գտնեմ: Ահա թե ով եմ ես: Պայքարելու կամք չունեմ: Ցանկություն ու ձգտում չունեմ: Ծոյլ եմ: Ավելի շուտ քաղցած կմնամ, քան դուրս կգամ ուտելիք փնտրելու: Երբ ամուսնացանք, հենց այդպիսին էի: Միշտ եմ այդպիսին եղել: Ինչո՞ւ ես զայրանում:

Վեն Սյաոնուանն էլ սկսեց զայրանալ, նույնիսկ ոտքը բարձրացրեց, որ խփի Լեյ Լեին եւ կրունկով զարկեց նրա ոտնաթաթին: Կարծր կրունկի հարվածը Լեյ Լեին ստիպեց ցավից դեմքը ծամածռել: Թվաց՝ այդ ամենը զառանցանք է: Այս դաժան ու անպատկառ կինը, որ խոստովանեց, թե ավելի շուտ քաղցած կմնա, քան ուտելիք փնտրելու համար աշխատանքի դուրս կգա, իր սերն է եղել երկար տարիներ, որին ինքը տուն է բերել եւ շարունակում է սիրել: Անամոթաբար թռչակառուի կյանք է վարում, երբ ընդամենը քսանն անց է, ինքնագոհ ապրում է արտառոց, գրեթե սյուրռեալիստական ձեռով եւ արդարացում է իր երազանման գոյությունը: Ինքն ասել էր, որ դուրս գա եւ մի բան սովորի, իսկ նա խելագարի պես գրանցվել էր թխվածք պատրաստելու խմբակում: Ինքը մի քիչ կշտամբեց նրան, իսկ նա կատաղած՝ ոտքով հարվածեց իրեն:

-Ես դուրս եմ գնում:

Նայեց նրա՝ արցունքից աղավաղված դեմքին եւ դուրս եկավ:

Շենքի մոտակա խորովածանոցում գարեջուր եւ քյաբաբ պատվիրեց: Տխուր սեղան-աթոռի ֆոնին ինքն էլ տխուր ու ձախողակ մարդու տպավորություն էր թողնում: Եվ դա իրականությունից շատ չէր տարբերվում: Նա իրոք տխուր էր եւ կոտրված: Ամեն ինչ այնքան սովորական էր, բացի կնոջից, եւ կինը նյարդայնացնում էր նրան: Չէր ուզում մնալ դրսում, այսպես մտամոլոր, բայց վախենում էր տուն գնալ: Դա Վեն Սյաոնուանի տունն էր: Ամբողջ ժամանակ նա այդտեղ էր՝ այդ խառնաշփոթի ու թշվառության մեջ եւ դրանից չէր էլ հոգնում ու ձանձրանում: Մինչդեռ ինքը... Ինքը պարզապես պատասխանատու էր առավոտյան վաղ արթնանալու եւ երեկոյան ուշ վերադառնալու համար, տան եղածի համար, իսկ իրավունքները չէին նրան: Նա սիրում էր Սյաոնուանին, բայց չէր կարողանում վերահսկել ձանձրույթի այդ ահավոր ու ճնշող զգացումը: Վեն Սյաոնուանի պատրաստա-

ՄԱ ԱՅԱՆՏԱՌ

կամությունը՝ ցանկացած իրավիճակում իրեն հարմարավետ զգալ, ուղղակի ճնշող էր: Լեյ Լեն մտածում էր, որ ինքն ու իր կյանքն արդեն նախանշված ուղղությամբ էին գնում: Այդպես էլ կծերանա ու կմեռնի՝ կիսանորոգված, անավարտ բնակարանում, այս անհավակնոտ, որեւէ ձգտում չունեցող կնոջ հետ, մի քանի թափառական կատուների գրկած: Այդ պահին Վեն Սյանուանից հաղորդագրություն եկավ. «Ետ արի, էլ վերջ: Ետ արի: Ես քեզ համար ձվածեղ կանեմ»:

Վեն Սյանուանի հաղորդագրությունը հենց ժամանակին հայտնվեց: Նա չէր կարողանում երկար նեղանալ, և նրա զայրույթն անցնում էր մի քանի բառ ասելուց հետո: 2 500 յուան էր ծախսել, որպեսզի գրանցվեր մտավոր հետամնաց ձախողակների համար նախատեսված խմբակում, և կարծում էր, թե ձվածեղով կարող է Լեյ Լեյի զայրույթը փարատել:

Դեռ զայրույթից լրիվ չազատված՝ Լեյ Լեն բացեց բնակարանի դուռը: Նա չէր կարող ստիպել իրեն՝ ներողամիտ լինել Վեն Սյանուանի անխոհեմության հանդեպ: Բայց աղոտ կերպով գիտակցում էր, որ նրան այլևս օգնել չի լինի: Եվ հետագա ջանքերը նույնն են լինելու, ինչ կովի համար երաժշտություն հնչեցնելը կամ խոզի առջեւ մարգարիտ լցնելը: Լաքը թափված սեղանիկի վրա մի ափսե բրոկկոլի էր դրված և մի ափսե ձվածեղ: Վեն Սյանուանն անշարժ նստած էր համակարգչի դիմաց: Կատուներն անվորով իրենց կերն էին ուտում: Ամեն բան և բոլորն իրենց տեղում էին, բացի Լեյ Լեյից, որ պետք է մահճակալին պառկած լիներ: Ճիշտ ու ճիշտ նախորդ օրերի կրկնությունն էր: Լեյ Լեն անխոս մտավ վերմակի տակ: Նայեց կնոջ կռացած թիկունքին, և աչքերը հանկարծ խոնավացան: Չգիտեր՝ խմիչքի ազդեցությունից էր, թե՞ պայծառ լույսից: Ուրիշ պատճառ չէր կարող լինել: Այդ ուրվագիծն ու կերպարանքը մահճակալի մոտ էր տարիներ շարունակ, մինչդեռ թվում էր, թե ընդամենը մեկ օր է անցել: Վաղուց արդեն դա սովորություն էր դարձել: Իսկ ինչո՞ւ չէին կարող արցունքներն էլ սովորություն դառնալ:

7

Կովելուց հետո երկուսն էլ մի քանի օր խռով մնացին: Լեյ Լեն, ինչպես միշտ, գործի էր գնում-գալիս, իսկ Վեն Սյանուանը լվացք էր անում և խոհանոցում եփութափով զբաղվում: Միայն ավելի քիչ էին խոսում: Վեն Սյանուանն սկսեց խմբակ հաճախել երկուշաբթի, չորեքշաբթի և ուրբաթ

օրերին՝ երեկոյան, թիվածք պատրաստելու այդ անիծյալ խմբակը: Ամեն օր Լեյ Լեն կշտամբում էր նրան: Վեն Սյանոնուանը փորձեց հրաժարվել գրանցումից եւ փողերը ետ ստանալ, բայց նրան ասացին, որ ամբողջ գումարը չի կարող ստանալ: Միայն եթե հարգելի պատճառով չի կարողանում գնալ, ապա կփոխհատուցեն 70 տոկոսը: Վեն Սյանոնուանը վճռեց, որ իմաստ չունի հենց այնպես կորցնել 30 տոկոս գումարը, եւ ստիպված էր ատամները սեղմած սովորել արեւմտյան անուշեղեն պատրաստելու հմտությունները՝ Լեյ Լեյի գգոն ու սեւեռուն հայացքի ներքո: Սկզբում պարզ բաղադրատոմսով բաներ էին սովորում պատրաստել՝ յուղաբլիթ ու նման բաներ, որ Վեն Սյանոնուանն ինքն էլ էր փորձել պատրաստել: Նա որոշեց մի քիչ խնայողություն անել եւ սպասել, մինչեւ կսկսեն նրբաճաշակ բաներ պատրաստել: Այ, այդ ժամանակ Լեյ Լեյի համար մի ընտիր գլուխգործոց տորթ կթխի: Երբ իր խոհարարական ընդունակությունները կօգնեն իրեն վերականգնելու կորցրած վստահությունը, եւ իրենք կկարողանան ընթրիքին պարբերաբար սեղանին ունենալ նրբաճաշակ ուտեստներ, Լեյ Լեն եւ՛ կուշտ կլինի, եւ՛ գոհ:

Երկուշաբթի, չորեքշաբթի եւ ուրբաթ օրերին Լեյ Լեն արդեն ժամանակին չէր ընթրում: Ստիպված էր սպասել, մինչեւ Վեն Սյանոնուանն ավարտի խմբակի պարապմունքները, տուն գա, որպեսզի ուշացած ևստեն ընթրիքի: Սովորաբար նա Լեյ Լեյից մի փոքր շուտ էր վերադառնում: Քանի տարի է՝ ինքնուրույն ոչինչ չէր պատրաստում եւ Սյանոնուանի պատրաստածն էր ուտում միշտ: Հիշեց, որ Սյանոնուանի ավարտելուց առաջ այդ իրոք խառնափնթոր բնակարանում ինքն էր գոգնոց կապած ինչ-որ բան պատրաստում, իսկ նա կանգնում էր կողքին եւ նայում: Նա նույնիսկ մակարոն չէր կարողանում եփել եւ միշտ հարցնում էր՝ կաթսայի մեջ սկզբում ջո՞ւրը լցնի, թե՞ մակարոնը: Սա հիշելով՝ հանկարծ մտածեց. «Չես կարող ասել, թե ընդհանրապես չի աճել»: Առնվազն խոհանոցում աճել է, հասունացել: Նրա շնորհիվ, ի վերջո, որքան էլ ինքն անտրամադիր լիներ, գոնե միշտ կուշտ էր: Դրա համար էլ, երբ Վեն Սյանոնուանը տուն եկավ՝ բերելով գազարի տորթ, Լեյ Լեն չմոռացավ նրա այտը կամքել մինչեւ տորթը խժռելը: Եվ դա ոչ թե կոպտության արտահայտություն էր, այլ բարեկամական ժեստ: Սովորաբար, երբ նրանց երկուսի միջեւ փոքրիկ մի անախորժություն էր լինում, նրանց միշտ հարկավոր էր մի կարճ ժամանակահատված՝ սառույցը կտրտելու համար: Լիովին հաշտեցման համար, գրկախառնվելուց, համբուրվելուց եւ նմանատիպ այլ արարքներից բացի, նաեւ կամքում եւ շոյում էին միմյանց:

ՄԱ ԱՅԱՆՏԱՌ

-Ի՞նչ ես կարծում, կարո՞ղ եմ այսպիսի տորթ բերել շաբաթ օրը քո դասընկերների հետ հանդիպմանը,- ոգետրված հարցրեց Վեն Սյառնուանը:

-Ինչպե՞ս ես իմացել հանդիպման մասին: Ես դեռ ժամանակ չեմ ունեցել քեզ ասելու:

Լեյ Լեն քիչ էր մտում խեղդվի, տորթը բկին կանգնեց: Չարմացավ, թե որտեղի՞ց էր Վեն Սյառնուանն այդքան լավ տեղեկացված: Շաբաթվա վերջին փոքրիկ մի հավաքույթ էր լինելու: Լեյ Լեյի համակուրսեցի ընկերներից մեկը վերադարձել էր՝ արտասահմանում ասպիրանտուրան ավարտելուց հետո: Սի քանի հոգով կազմակերպել էին, որպեսզի հանդիպեն: Լեյ Լեն որոշել էր գնալ: Բացի արտասահմանում սովորած ընկերոջից, նա վաղուց չէր տեսել ևաեւ մի քանի այլ ընկերների: Սակայն, թարսի պես, որոշեցին այդ հանդիպումը համատեղել Շա Սյուետինի կողմից շնորհավորելու միջոցառման հետ: Իսկ Շա Սյուետինն այլ ոք չէր. նա Լեյ Լեյի ընկերուհին էր եղել առաջին կուրսում: Թեեւ նրանց անցյալում անախորժ որեւէ բան չէր եղել, բայց ավելի լավ էր հիշողությունները փայփայել, քան կորից հանդիպել: Անկեղծ ասած, Լեյ Լեյի համար անախորժ ոչինչ չկար, նա պարզապես չէր ուզում հանդիպել Շա Սյուետինի հետ:

Գրեթե տասը տարի էր անցել այն ժամանակից, երբ Լեյ Լեն եւ Շա Սյուետինը հանդիպում էին: Սկզբում Լեյ Լեն անտարբեր չէր նրա հանդեպ, հետո նրանք խաղաղ բաժանվեցին: Նրանք հանդիպեցին մեկ տարուց էլ քիչ ժամանակ: Երկու տարուց ավելի էր, ինչ չէին հանդիպում, երբ Վեն Սյառնուանն ընդունվեց ինստիտուտ: Բաժանվելիս իրար խոստացան, որ կման բարեկամներ, բայց հետագայում, առանց ավելորդ խոսքերի, հասկացան որ իրար հետ ընդհանուր ոչինչ չունեն: Լեյ Լեն չէր հիշում, թե դրանից հետո ինստիտուտում երբեւէ խոսել է Շա Սյուետինի հետ: Ասես խուսափում էին իրարից եւ հանդիպելիս էլ ձեռացնում էին, թե չեն ճանաչում մեկմեկու:

Լեյ Լեն ինքն էր առաջարկել, որ բաժանվեն: Չէր կարողանում տանել Շա Սյուետինի անբնական հավակնոտությունը: Նա ասես մի տեսակ խնամքով ձուլված տեսք ունենար, եւ որքան շատ էր նրան ճանաչում, այնքան ավելի էր ուզում հեռու մնալ նրանից: Օրինակ՝ տանել չէր կարողանում, երբ նա տարվա ամենաշոգ եղանակին սեւ գուգուգուլյասներ էր հագնում: Եվ բաց ոտքերով ուսանողուհիների ներկայությամբ սիրում էր ի ցույց դնել իր ոչ այնքան նիհար ոտքերը, ասես ամեն րոպե պատրաստ էր կարմիր մարտագորգին հայտնվել: Լեյ Լեն նյարդայնանում էր, երբ նա նշում էր, ասենք, իրենց ծանոթության «վեց ու կես շաբաթը» կամ «նվեր

ստանալու 99-րդ օրը» եւ նմանատիպ բաներ: Տանել չէր կարողանում, երբ
 և, մողայիկ ամսագրերը ձեռքին, հարցնում էր, թե ինչպիսին է իր սակր-
 վածքը կամ վզի մակնակը: Երջանկության մասին նրա պատկերացումը
 սահմանափակվում էր նյութական բարիքների հանդեպ անհագ ձգտմամբ:
 Նա միայն գեղեցիկ լուսանկարներով մողայիկ հանդեսներ էր նայում, սի-
 րում էր այդ թեմաներով հողվածներից հիշողությամբ ինչ-որ հատվածներ
 մեջբերել եւ քննարկել դրանք ուրիշների հետ: Միայն այդպիսի հանդեսներ
 էր սիրում նայել, չէր կարողում այն գրքերը, որ նկարներ չունեն: Նրա հե-
 տաքրոքությունների շրջանակը սահմանափակվում էր ուտելիքով, երեկո-
 յան զգեստներով, պայուսակներով եւ նմանատիպ այլ դատարկ բաներով:
 Շա Սյուեոնը խորապես համոզված էր, որ կինը պետք է ևրբագեղ եւ ոռ-
 մանտիկ լինի: Միևնուրեւ Լեյ Լեն երբեք չէր մտածել նման կարեւոր հարցերի
 մասին, եւ գիտեր, որ չի կարող նրա համար մշտապես ևրբագեղություն եւ
 ոռմանտիկ զգեստներով: Լեյ Լեն նրան նմանեցնում էր գեղեցիկ սորոզված,
 զարդարված ու կահավորված բնակարանի. երբ նայում ես, չափազանց
 գրավիչ տեսք ունի, բայց երբ տեղափոխվում ես, հանկարծ գիտակցում
 ես, որ այդտեղ ապրելն ամենեւին հարմար չէ:

Լեյ Լեն զգում էր, որ Շա Սյուեոնը նույնպես հակված էր բաժանվելու:
 Նա լաց եղավ, ճիշտ է, բայց միայն այն գիտակցումից, որ անգոր է փոխե-
 լու լքվածի իր կարգավիճակը: Նրան ցավ էր պատճառում ոչ թե իրենց բա-
 ժանման իրողությունը, այլ միայն այն, որ ինքը չէր եղել դրա նախաձեռնո-
 ղը, ինքը չէր հաղթականորեն հայտարարել այդ մասին: Իմանալով, որ ևս
 գործարարի հետ է ամուսնացել, Լեյ Լեն մտածեց, որ բազմազան ու ճոխ
 կյանքի մասին այդ աղջկա երազանքներն ամենայն հավանականությամբ
 կարող են առանց մեծ ջանքերի իրականանալ: Մի քանի տարի չէին հան-
 դիպել, բայց Լեյ Լենին ամենեւին չէր հետաքրքրում նրա այժմյան կյանքը:

-Այսօր համացանցով նամակագրություն ունեցա իմ դասընկերուհի
 Վենցզիի հետ: Ասաց այդ մասին: Ասաց նաեւ, որ ընտանիքի անդամներով
 եմ լինելու եւ խնդրեց, որ ես էլ ներկա լինեմ:

Ինստիտուտային դասընկերներ ունենալու առավելությունն այն է, որ
 միշտ հաղորդակցման շրջանակ ես ունենում: Վատն այն է, որ այդ շրջա-
 նակը փոքր է:

-Բայց զևա՞նք որ...

Լեյ Լեն մի քիչ վարանեց:

-Ի՞նչ: Չե՞ս ուզում: Դու ի՞նչ է, սիրտ չունե՞ս: Ընկերդ արտասահմանից

ՄՋ ԱՅՋՈՏԱՌ

վերադառնում է, իսկ դու չես էլ ուզում նրան տեսնել: Իսկ քո նախկին ընկերուհին նոր տուն տեղափոխվելն է նշում, նրան է՛լ չես ուզում շնորհավորել:

Վեն Սյանուանը գիտեր Լեյ Լեյ եւ Շա Սյուեոինի անցյալի մասին: Նա երբեք ոչինչ չէր հարցնում նրանց հարաբերությունների մասին, բայց երբեմն չէր կարողանում իրեն զսպել եւ չծիծաղել Շա Սյուեոինի՝ սեւ զուգազուգայաներով հաստ ոտքերի վրա: Լեյ Լեն գիտեր, որ նա անտարբեր չէր: Պարզապես նրա բնավորությունն ու մոտեցման ձեւն էին այդպիսին: Վեն Սյանուանն իրեն չվերաբերող բաներին չէր խառնվում:

-Դու գնո՞ւմ ես:

Լեյ Լեն չէր ուզում, որ Սյանուանն իր հետ գնա: Ստաձում էր, որ Սյանուանի եւ Շա Սյուեոինի ներկայությունը համակուրսեցիների ուշադրության կենտրոնում կլինի: Շա Սյուեոինի ագրեսիվ պահվածքը եւ Սյանուանի համարձակ անկեղծությունը կարող էին անկանխատեսելի հետեւանքներ ունենալ: Կնոջ մասին մտածելով՝ չէր ուզում, որ նա անպաշտպան վիճակում հայտնվի, եւ ուզում էր խուսափել ավելորդ հոգս ու խնդիրներից:

-Չե՞ս ուզում, որ գնամ:

-Գնա:

Լեյ Լեն մի պահ մտածեց եւ որոշեց չբացահայտել իր մտավախությունները: Այսպիսի դեպքերում նույնիսկ լավ նկատառումները կարող են որպես պատրվակ ներկայանալ: Ինչպես ասում են՝ թուղթը չի կարող հանգցնել կրակը, եթե անգամ շատ ես ցանկանում:

-Ի՞նչ կասես, եթե այսպիսի տորթ թխեմ:

Վեն Սյանուանն ուշադրություն չէր դարձնում նրա վարանումին: Ուշքումիտքը դեռ տորթն էր:

-Իհարկե:

Շաբաթ առավոտյան Վեն Սյանուանը, սովորության համաձայն, հույսը դրել էր զարթուցիչի վրա եւ ներքին մի պայծար էր մղում, որպեսզի մինչեւ կեսօր արթնանա: Միայն ի սեր ամուսնու, որպեսզի նրան ճանապարհ դնի, նա իր կնոջական պարտականությունն էր համարում՝ հաղթահարել իր կենսաբանական ժամացույցի պարտադրանքը, ըստ որի պետք է արթնանար կեսօրից հետո: Սովորաբար շաբաթ-կիրակի օրերին Լեյ Լեն ինքն էլ ուշ էր արթնանում՝ մի քիչ անձնատուր լինելով ազատ օրերի հանգիստը վայելելուն:

Ատամները մաքրելուց հետո Սյանուանն անցավ գազարի տորթ

պատրաստելու: Երբ ծու էր հարում, մտածեց, որ էլեկտրական հարիչն ընդամենը մի քանի տասնյակ յուանով է թանկ մեխանիկականից:

-Ի՞նչ ես հագնելու, սիրելիս,- ծեացնելով, թե ուշադիր է կնոջ հանդեպ, հարցրեց Լեյ Լեն՝ տեսնելով, որ նա չի էլ մտածում իրեն կարգի բերելու մասին:

-Այն, ինչ հագել եմ:

Վեն Սյանուանը, կիսաբաց աչքերով, այյուրն էր խառնում: Նրա հագին տարիներ առաջ գնած ջինսն էր: Լեյ Լեն նույնիսկ կասկածով նայեց, թե արդյո՞ք այն նույն ջինսը չէ, որ Սյանուանը հագել էր այն ժամանակ, երբ գետնանաուշի յուղից թունավորվեց ու հիվանդանոց ընկավ: Ջինսի հետ նա հագել էր մարզական կարճաթեւ վերնաշապիկ, որի վրա Սիքի Սաուսի գունաթափ պատկերն էր:

-Անկախ նրանից, թե բնականում որքան գեղեցիկ ես, չես կարող միշտ անլվա ու չաանրված լինել: Բարեբախտաբար, դասընկերներիցդ ավելի երիտասարդ ես եւ պետք է շատ ավելի երիտասարդ ու գեղեցիկ երեւաս, քան մեր խմբի աղջիկները: Նրանք այսօր շատ սիրուն ու մոդայիկ շորերով կլինեն, այնպես որ՝ չպետք է շատ անփոյթ լինես:

Լեյ Լեն հիշեց, որ Սյանուանը միշտ սիրում էր լավ հագնվել եւ գեղեցիկ երեւալ: Սովորելու տարիներին նա իր մոտ եղած գրեթե ամբողջ գումարը ծախսում էր հագուստի վրա: Հիշեց, որ նույնիսկ մի գույգ կոշիկի համար ամբողջ մի ամիս նա ճաշարանի ամենաէժան կերակուրներով էր սնվում:

-Բայց ի՞նչ փառամուլն ես: Լավ, կփոխվեմ: Չեմ ուզում մեր սիրելի դասընկերոջը՝ եղբայր Լեյ Լենին ամոթով թողնել:

Լեյ Լեն բացեց Սյանուանի զգեստապահարանը: Եվ հանկարծ տխրությամբ համակվեց: Մի քանի սովորական մարզական վերնաշապիկ, մի երկու ճմռթված տաբատ, էլի ինչ-որ շորումոր... Ուզեց կնոջ համար գեղեցիկ մի զգեստ ընտրել, բայց ոչ մի կարգին բան չկար:

-Սա՞ է ունեցածդ: Ուրիշ բան չկա՞,- ձայն տվեց խոհանոցի կողմը:

-Ո՞ր եմ գնում, որ... Գիշերազգեստն էլ է հերիք:

-Բա ինչո՞ւ էիր համացանցի այդ փալաս-փոկուսը ցույց տալիս:

-Դրանք նայելու համար էին: Նայելու համար փող չեն վճարում:

Վեն Սյանուանի ձեռքերն այյուրոտ էին: Դեմքին՝ սեփական իրավագիտության խորամանկ արտահայտություն էր, կարծես թե մի քանի տասնյակ յուան արժեցող այդ տարօրինակ հագուստներին նայելը մի մեծ առավելություն էր:

-Եթե քեզ դուր էին գալիս, պետք է գնեիր: Դրանք թանկ չէին: Սենք էլ այդքան աղքատ չենք, որ քեզ համար շոր գնելու փող չունենանք:

ՄՔ ԱՅՁՈՏՁՈ

-Մի՛ նեղվիր այդ դատարկ բաներից:

-Իսկ ի՞նչ ես հազնելու:

-Նայիր այդտեղ ներքեում, տես՝ մաշկագույն մարգաշապիկ չկա՞: Մայրս է ինձ համար գնել անցյալ տարի, ծննդյանս օրը, ասում են՝ լավ էլ թանկ է:

-Ի՞նչ է նշանակում մաշկագույն:

-Դե, մարմնագույն: Հազնում ես, բայց ասես մերկ լինես, մարմնիդ գույնի է: Դե լավ, դու չես հասկանում: Ես ինքս կգտնեմ:

Վեն Սյանուանը ծեռքերը լվաց եւ պահարանից հանեց բաց վարդագույն մի վերնաշապիկ: Ըստ երեւոյթին բաց վարդագույնին այլեւս բաց վարդագույն չէին անվանում, այլ մաշկագույն: Հազնելով այդ մաշկագույն վերնաշապիկը՝ Վեն Սյանուանը ժպտաց պայծառ ժպիտով: Լեյ Լեն շտապեց հավանութուն տալ՝ հաճոյախոսելով, ապա լուռ նայեցին իրար: Երբ նոր էին սիրահարվել, Լեյ Լեն նորից ու նորից խոստանում էր, որ ուշադիր կլինի նրա հանդեպ: Ասում էր, որ նրան աշխարհի ամենալավ բանը կտա, կբավարարի նրա պահանջները եւ հագարումի տեղ կտանի: Խոստանում էր «դառնալ գարնան Աստված եւ այնպես անել, որ նա բացվի դեղձենու ծաղիկների հետ» (*բանաստեղծ եւ ապստամբ Հուան Չաոյի (820-884) բանաստեղծութան տողերը- Ծ. Թ.*): Բայց հիմա իր կինը միայն մի հասարակ զգեստապահարան ուներ եւ չէր կարողանում գոնե մի չճմռթված զգեստ գտնել հազնելու համար:

8

Շա Սյուետինն ապրում էր շքեղ ամառանոցում: Թեեւ ոչ ոք չգիտեր դրա իսկական գինը, բայց Լեյ Լեն կարող էր կռահել, որ 4-րդ օղակածեւ ճանապարհից ներս գտնվող տարածքում այդ տեսակ առանձնատներն ամբողջ մի կարողություն արժեին: Շենքի ներսը ձեւավորված էր դասական եվրոպական ոճով: Ճոխությունն աչք էր շլացնում: Կահույքը բնական նյութերից էր պատրաստված՝ բարձրորակ կաշվից եւ փայտից: Ծաղկազարդ, ալիքածեւ նախշեր ու ծալքեր... Չէր կարելի չնկատել, թե ինչ մեծ աշխատանք է կատարվել: Այդպիսի նրբաճաշակ ու նրբագեղ զարդարված կահույքը չէր էլ կարելի տուն անվանել: Ենթագիտակցորեն կա՛մ պիտի ցանկանայիր պաշտպանել այդ ամենը, կա՛մ քանդել: Կա՛մ չպիտի խառնելիր ոչինչ եւ փորձելիր պահպանել նախնական նրբագեղ տեսքը, կա՛մ ամեն

ինչ քանդուքարափ անեիր, ճխլտեիր կոկիկ բարձերը եւ թրմփալով ևստեիր բազմոցի վրա: Հսկայական ջահը, պատին ամրացված գեղեցիկ որմնալամպերը... մի խոսքով, այստեղ շատ լույսի կարիք կար, քանի որ երեկոյան այդքան մեծ տարածքում մեկ լուսատու չէր կարող խավարը ցրել: Սենյակում մի աննկարագրելի բուրմունք էր տարածվել: Այդ բուրմունքը թափանցեց մինչեւ Լեյ Լեյ թոքերը: Լեյ Լեն հիշեց Շա Սյուետինից եկող բույրը՝ կեղծ, անբնական, բայց ծանր ու հանդիսավոր, անհարկի անուշաբույր: Շա Սյուետինն ուներին շալ էր գցել եւ անբնական ու ծիգ ևստել տանտիրուհու աթոռին: Փառահեղ տեսք ուներ, ինչպես դպրոցի ուսմասվարը: Լեյ Լեն իրեն մի տեսակ կաշկանդված զգաց, ասես հեռուստադրամայի տեսարան էր նկարահանվում: Շուրջն այնքան լուռ էր, որ լուռ էր սեփական շնչառության ձայնը: Տեսավ, թե ինչպես Սյաոնուանը տորթը նրան մեկնեց: Շա Սյուետինը պարզապես կայեց դրան եւ հայացքով կարգադրեց սպասուհուն, որ վերցնի: Բայց Սյաոնուանը դրանից ամենեին չնեղվեց, իսկ Շա Սյուետինն ավելի փքուն ու խստաբարո երեւաց: Կարծես երրորդական կարգի մի դերասանուհի լիներ, որ դերն էր փորձում:

Հյուրասենյակում դասընկեր տղամարդկանցով խոսում էին կյանքի տարբեր հոգսերից ու դժվարություններից: Տրտնջում էին, որ գներն աճում են, իսկ աշխատավարձը շատ քիչ է ավելանում: Այդ ընթացքում Շա Սյուետինն ուղեվարի դեր էր ստանձնել եւ դասընկերուհիների համար էքսկուրսիա էր անցկացնում իր տիրոջներում: Երբ հասան զգեստասենյակին, կանանցից մի քանիսը հիացմունքի բացականչություններ արձակեցին. «Սա վե՛րջն է: Գրեթե մեր հյուրասենյակի չափ մե՛ծ է»:

Լեյ Լեն փոքր-ինչ մտքերով էր ընկել: Չգիտեր, թե Վեն Սյաոնուանի վրա ինչպիսի տպավորություն կգործեն Շա Սյուետինի ճոխ զգեստապահարանները: Արդյոք նա թաքուն հոգոց չի՞ հանի եւ չի՞ տխրի իրեն բաժին ընկած բախտի համար: Հիշեց, թե ինչպես առաջին կուրսում Շա Սյուետինը, բեմին կանգնած, արտասանելիս մոռացավ բանաստեղծության տողերը: Ձեւացրեց, թե հանգիստ է եւ երկու անգամ ասաց. «Ծաղիկները նույնն են ամեն տարի, բայց մարդիկ տարեցտարի փոխվում են» (*չին բանաստեղծ Լյու Սի-իի (մոտ 651-680?) բանաստեղծության տողերն են - Ծ. Թ.*): Այլևս ոչինչ չհիշելով՝ տխուր լռեց:

Թեև տարիներն անցել էին, բայց Շա Սյուետինը չէր փոխվել: Մարտական հրամանատարի նույն արժանապատիվ կեցվածքը, նույն փառահեղ կեղծավորությունը, խոսելու՝ երաժշտական նույն տոնը... Այդ ամենը մարդկանց ստիպում էր հորանջել, եթե անգամ հենց նոր էին արթնացել:

ՄԱ ԱՅԱՆՏԱՌ

Մի քանի տարի համակուրսեցիներն իրար չէին տեսել, բայց Շա Սյուետի-
նը նույնն էր մնացել: Նա վստահ ու հաստատուն քայլերով գնում էր դեպի
իր նպատակը: Երազել էր հարուստ լինել ևս հարուստ էր դարձել: Եվ դա
անսովոր մի բան չէր: Ամեն բան հնարավոր էր, պարզապես պետք էր հաս-
տատակամ լինել: Լեյ Լեն հանկարծ հիացախառն հարգանքի մի զգացում
ունեցավ նրա հանդեպ: Գուցե նա երբեք էլ չէր ծեաացել: Գուցե միշտ եղել
էր այն, ինչ կար: Ինքը հիասթափված էր նրանից, երբ բաժանվեցին: Բայց
նրան սխալ էր հասկացել: Նրա արարքները համարել էր կեղծ ու անբնա-
կան, բայց իրականում որոշ մարդիկ հենց այդպիսին էին ծնվել: Շա Սյուե-
տինի ՂՆԹ-ն և բջիջները կանխորոշել էին նրա անցյալը, ներկան ու ապա-
գան, և նա շարունակելու էր տաղտկալի լինել, ճիշտ այսպիսին: Այս միօ-
րինակ միապաղաղությունը նրա մեծագույն ճշմարտությունն էր:

Ուտեստները բերեցին հինգաստղանի ռեստորանից՝ մատուցելով ոս-
կեզօժ եգրաշերտերով ափսեների մեջ: Սեղանին ժանեկազարդ սփռոց էր
զգված: Շա Սյուետինը, կծկելով իր հիասքանչ, բալանման շուրթերը, բոլո-
րին հրավիրեց սեղանի մոտ: Աղանդերը, բնականաբար, նույն ռեստորա-
նից էր: Կար նաև հապալասի շոռակարկանդակ, որը Լեյ Լեն շատ էր սի-
րում: Լեյ Լեն նկատեց, որ Սյանուանի գազարի տորթը չէր երեւում: Նայեց
կնոջ կողմը՝ տեսնելու, թե տրամադրությունը չի՞ զգել արդյոք: Սյանուա-
նը կենտրոնացած, հաճույքով տորթ էր ուտում: Եվ հանկարծ շրջվելով Լեյ
Լեյի կողմը՝ ասաց.

-Ուզում եմ սովորել, թե ինչպես են սա պատրաստում: Շատ համեղ է:

-Դա շատ դժվար է պատրաստել: Մի քանի տեղ հարցրել եմ: Բայց ամե-
նալավն այս ռեստորանում են պատրաստում,- ասաց Շա Սյուետինը՝ ձայ-
նի մեջ արհամարհական երանգ:

-Քույրիկ, ես տորթ թխել եմ սովորում: Այդ առաջադրանքը կատարելն
իմ նպատակը կլինի:

-Տորթ թխելը դժվար գործ է, ես այդքան ուժ չունեմ: Փորձիր այս մեկը,
գետնանուշի թխվածքաբլիթ է:

Շա Սյուետինը մատնացույց արեց ափսեում դրված փոքրիկ քառակու-
սիների կողմը:

-Շատ համեղ է: Ամենալավը սա են պատրաստում,- ասաց:

-Արդեն կուշտ եմ: Էլ չեմ կարող ուտել:

-Միայն մի կտոր կծիր, մնացածը դիր ափսեիդ մեջ: Բերանիդ մեջ ուղ-
ղակի հալվում է: Ես շատ քմահաճ եմ, գիտես, բայց չդիմացա: Սա ուրիշ մի
բան է, շատ լավն է:

Շա Սյունտինը շարունակում էր պնդել:

-Ես գետնանուշ չեմ սիրում:

-Գետնանուշի համն այդքան շատ չի զգացվում: Շատ օգտակար՝ կարագի համ է գալիս:

-Նա իրոք գետնանուշ չի սիրում: Դու կեր, եթե այդքան շատ ես սիրում,- ասաց Լեյ Լեն:

Լեյ Լեն չէր կարողանում հասկանալ, թե ինչու Սյանուանը չասաց, որ գետնանուշից պերզիա ունի: Ախր, բանն այն չէր, որ չէր սիրում: Սի փոքրիկ կտոր էլ եթե ուտեր, կուռչեր, ինչպես խոճկորը: Կարող էր նույնիսկ գիտակցությունը կորցնել: Շա Սյունտինի բնավորությունը չէր փոխվել: Նա դեռ սիրում էր մարդկանց պարտադրել:

Լեյ Լեն նայեց զրուցող երկու կանանց, եւ նրան թվաց, թե Շա Սյունտինը շատ նման է Սյանուանի մորաքրոջը: Բարձր մազափունջ, նուրբ դիմահարդարանք եւ շատ հնչեղ ու մի տեսակ գանգատվող ձայն: Կարծես Շա Սյունտինին եւ այս հոյակապ տունը նույն վարպետ արհեստավորն էր պատրաստել: Տանտիրուհին ասես միածուլվել էր իր շրջապտում գտնվող ամեն ինչին՝ դառնալով բարձրարժեք, բայց ցածրակարգ, թանկ գին ունեցող, բայց գրեհիկ: Ամենուր զգացվում էր թանկության եւ քաղցենության մի խառնուրդ: Թեեւ Վեն Սյանուանն իր ամենաթանկ զգեստն էր հագել, այդուհանդերձ այդ սենյակում նա այնքան էլ շքեղ տեսք չունեց: Բայց դա աղքատության կամ խեղճության դրսևորում չէր: Դա անբիժ ու մաքուր մի աուրա էր: Պարզ ու հասարակ, մարդկային մի հմայք կար այդտեղ: Ասես զարնան ու երիտասարդության լույս էր ճառագում նրանից: Նա երբեք չէր կարող այս ցոփ տան մաս կազմել: Եվ նրա հոգն էլ չէր: Նրա սիրտը պատկանում էր երկնքին, տիեզերքին, երազների աշխարհին:

-Լսել եմ՝ 5-րդ օղակածեւ ճանապարհից դուրս եք ապրում, այո՞,- միտումնավոր հարցրեց Շա Սյունտինը: Լեյ Լեն նկատեց, որ բոլոր հյուրերը մի տեսակ սառան՝ պատառաքաղները ձեռքերին, բայց ձեւացրին, թե ամեն բան կարգին է, թեեւ անկասկած հասկացան տիկին Շայի թաքուն դիտավորությունը:

-Այո: Եվ դեռ 30 յուան էլ տաքսուն պիտի վճարես՝ տեղ հասնելու համար,- անխռով ձայնով ասաց Վեն Սյանուանը:

-Այդքան հեռո՞ւ եք ապրում, իսկ ինչպե՞ս եք հասնում աշխատանքի վայր:

Շա Սյունտինը չէր դադարում եւ դեռ հարցնում էր՝ միամիտ ձեւանալով:

ՄԱ ԱՅԱՆՏԱՌ

-Վաղ արթնանում ենք, ուշ պառկում քնելու, աշխատում ենք լուսաբացից մինչև մայրամուտ,- գլուխը բարձրացնելով ասաց Վեն Սյանուուանը: Ասես պարծենում էր հրաշալի կյանքով, եւ մյուսները պիտի նախանձեին:

-Շատ դժվար է,- գլուխը տարուբերելով հոգոց հանեց Շա Սյուետինը, որ ամեն կերպ ուզում էր սեփական առավելությունը ցուցադրել:

-Փող չկա, բայց մենք դեռ երիտասարդ ենք, պետք է մի քիչ էլ համբերենք: Մի՞թե մարդիկ աշխատանքի չեն գնում Հոնկոնգ եւ ամեն օր սահմանը չեն անցնում, որպեսզի վերադառնան տուն՝ Շենչ ժեն: Երբ մտածում եմ այդ մասին, ինձ ավելի հանգիստ եմ զգում,- ասաց Վեն Սյանուուանը եւ տորթից մի կտոր էլ կծեց:

-Հա՛, հիշեցի. մյուս ամիս գնալու եմ Հոնկոնգ գնումներ կատարելու: Կգա՞ս ինձ հետ,- սիրալիք հարցրեց Շա Սյուետինը:

-Ի՞նչ: Մենք դեռ չենք ճանաչում իրար: Ինձ համար մի քիչ դժվար կլինի:

Շա Սյուետինը շինծու ծիծաղեց: Լեյ Լեն նկատեց, որ նրա առջեւի ատամներին հալած շոկոլադ է կպել: Ժպիտի եւ շոկոլադի համադրությունը տարօրինակ ու զվարճալի մի պատկեր էր ստեղծում:

-Քույրիկ, ատամներիդ շոկոլադ է կպել:

Վեն Սյանուուանի այս խոսքի վրա՝ բոլորը հայացքներն ուղղեցին Շա Սյուետինի կողմը՝ նայելով նրա ատամներին: Սյանուուանի խոսքն այնքան բարեհոգի ու անմեղ հնչեց: Լեյ Լեն չկարողացավ ժպիտը պահել: Նրա կինն արժանի հակահարված էր հասցրել տանտիրուհուն: Եվ դա կարողացել էր անել առանց որեւէ զենք կիրառելու, իր անչար խոսքով: Լեյ Լեն համոզված չէր՝ արդյո՞ք դա կանխամտածված էր, թե՞ ոչ:

Ինստիտուտում Շա Սյուետինը միշտ դժգոհում էր ուտելիքից: Նույնիսկ ճաշարանում, որտեղ երեք յուանով կարելի էր երկու տեսակի ուտելիք եւ ապուր գնել, նա սիրում էր բողոքել, որ ուտելիքը շատ յուղալի է, իսկ աղը քիչ է: Պատահում էր, որ մասնագետի նման քննադատում էր որեւէ ռեստորանի, թե, ասենք, տավարի միսը միշտ շատ են եփում: Ասում էր, որ դա պրոֆեսիանալ չէ, մինչդեռ ճաշացուցակում հատուկ նշված է, թե ինչքան եփեն: Ճաշացուցակին «մենյու» էր ասում եւ բառն էլ անգլերեն առոգանությամբ էր արտաբերում: «Ահավոր է,-ասում էր:- Պատվիրեցի, որ շատ չեփեն, իսկ նրանք մի բան էլ երկար են եփել: Նույնիսկ մենյուում է գրված: Տանե՛լ չեմ կարող»:

Հինգաստղանի ռեստորանի հինգաստղանի խոհանոցից հինգաստղանի հյուրանոց հիշեցնող այս տուն բերված ուտելիքն, ինչ խոսք, բարձրակարգ էր: Թեեւ ճաշատեսակներն առատ էին ու բազմազան, բայց Լեյ Լեն

դեռ քաղցած էր: Ուտելու ախորժակ չուներ: Պարզապես չէր ուզում ուտել Շա Սյունուհիի սեղանին դրված նրբաճաշակ ու նրբահամ կերակուրը: Եւ այդտեղ չէր զգում տանտիրուհու սերը, եւ ուտելիքը թվում էր անդեմ ու չէր կարող հաճույք պատճառել: Ինչպե՞ս կարող էր ուտելիքը մարդկային դեմք ունենալ: Այս ի՞նչ ծիծաղելի, քմահաճ չափանիշ էր: Միգուցե իր բնորոշու- մը տեղին չէր: Բայց եւ մտածում էր Վեն Սյանուհու պատրաստածի մա- սին: Դրանք փորձերի, հաճախ եւս ծախսողումների ու սխալների արդ- յունք էին: Երբեմն տոգեղ, բայց համեղ, երբեմն գրավիչ, բայց անհամ: Եյ Լեն անհամբեր սպասում էր, որ այս բարձրակարգ ճաշկերույթը շուտ ավարտվի, իրենք կտրեն անցնեն Պեկինի կեսից ավելին եւ տուն հասնեն՝ վայելելու սովորական ընտանեկան ընթրիքը:

Տունդարձի ճանապարհին երեկոյան թեթեւ քամին խառնում էր Վեն Սյանուհու չինամված մազերը: Եյ Լեն թաքուն ու խորհրդավոր ժպտում էր: Նրան դուր էին գալիս կնոջ գունատ դեմքը, նիհար կազմվածքը, ան- փայլ, սեւ մազերը: Հիշեց, թե ինչպես հիվանդանոցում, ալերգիայի նույն- յից հետո ուշքի գալով, իրեն ասաց.

-Ուրեմն ես կդառնամ ձեր ընկերուհին, որպեսզի կամաց պատրաստ- վեմ:

Հիմա նրանք արդեն մի քանի տարի է՝ ամուսնացած էին...

-Միտելիս, ի՞նչ ես կարծում, ես կարո՞ղ եմ այդքան համեղ հապալասի տորթ թխել:

Վեն Սյանուհուն ընդհատեց Եյ Լեի վերհուշը:

-Դատարկ բան է: Քո պատրաստածը շատ ավելի լավն է:

-Մի՛ հաճոյանա: Դա քո կույր հիացմունքն է:

-Մի բան հարցնե՞մ,- ասաց Եյ Լեն՝ հանկարծ հիշելով:

-Դե՞...

-Ինչո՞ւ չասացիր, որ գետնանուշից ալերգիա ունես, այլ ասացիր՝ չես սիրում:

-Իսկ ինչո՞ւ պիտի նրան ասեի, որ ալերգիա ունեմ: Ո՞վ է ես: Ինչո՞ւ պետք է բացահայտեմ իմ թույլ կողմերը: Իսկ եթե ես փորձի ինձ սպանե՞լ գետնանուշով:

Վեն Սյանուհուն ձեռքով օդի մեջ կտրուկ մի շարժում արեց:

-Դու ի՞նչ է, պարանոհի՞ն ես:

-Ո՞վ գիտե: Չե՞ս կարծում, որ մի քիչ թշնամաբար էր տրամադրված իմ հանդեպ:

ՄԱ ԱՅԱՆՏԱՌ

-Չգացի՞ր: Կարծում էի լուռումունջ ես: Փաստորեն լավ էլ դաժան ես: Այսօր կտրուկ պայքար տարար սառը պատերազմում:

-Ես նրան նույնիսկ չեմ ճանաչում, ինչո՞ւ պիտի դաժան լինեի: Բացի այդ, տեսա՞ր ինչքան ցուցադրական էր ու իր մասին բարձր կարծիք ուներ: Տանն էլ այդ հիմար շալն էր գցել: Ախր, դրա եղանակը չէ, այնքան տաք է: Մենք հո խարույկի մոտ չէի՞նք հավաքվել: Ավստրալիայ է, որ մի տեսակ կորմալ չէ: Կամ շատ ուժեղ է, խելագարության չափ ուժեղ: Ինչո՞ւ պետք է կռվեի նրա հետ: Կամ էլ գուցե շատ թույլ մարդ է: Ես չեմ ուզում պայքարել պարտվողի դեմ: Ես կարեկցող եմ: Համ էլ՝ ինչո՞ւ կռվեմ քո նախկին ընկերուհու հետ: Ինչպես ասում են՝ նախորդները ծառն են տնկում, իսկ հաջորդները հանգստանում են ծառի ստվերում: Եթե նա հեռացած չլիներ, մի՞թե ես եկած կլինեի: Ես նրա հետևորդն եմ: Մարդ չպետք է կռվի իր նախորդի հետ, ճի՞շտ է:

Լեյ Լեյի հետաքրքրությունը շարժվեց, բայց նաև զգաց, որ քաղցած է:

-Սիրելիս, գնանք տուն եւ մի բան ուտենք: Ես դեռ քաղցած եմ:

-Իսկապե՞ս: Որպես տանտիրուհի՝ նա մի բան չէր, բայց ուտելիքս, իրոք, շատ լավն էր: Իմ պատրաստածին անուն ես դնում: Նրանք հինգաստղանի էր, էլի՞ անուն ես դնում:

-Չեմ կարծում, թե այդքան լավն էր: Չանձրալի ու տխուր էր:

-Դա անառողջ մոտեցում է:

-Եթե մարդը չար ու զզվելի է, ուրեմն այդպիսին է, ի՞նչ արած, բայց համեղ ուտելիքը համեղ ուտելիք է: Պետք չէ այդքան նեղմիտ լինել: Կե՛ր, երբ պետք է ուտես:

-Ինչպես զգացի՞ չպիտի քո գազարի տորթը բերեինք: Երբ տուն հասնեինք, տանը կուտեի:

Լեյ Լեյն հիշեց Սյանուանի մոռացված տորթը:

-Դե լավ: Թող մնա քույրիկ Շայի համար: Տեսար, չէ՞, ինչքան քիչ էր ուտում: Երեւի սպասում էր, որ մեր գնալուց հետո վրա պրծնի ու խժռի իմ գազարի տորթը: Պետք է որ անչափ շատակեր լինի, թե չէ ինչո՞ւ է այդքան ծանրաքաշ: Հաստատ եմ ասում՝ թաքուն ուտում է ամեն ինչ:

Մտորոյում ասեղ գցելու տեղ չկար: Այս քաղաքում միշտ այնքան շատ մարդ կա: Նույնիսկ շաբաթ-կիրակի օրերին ամենուր լեփեցուն է: Մարդկանց ծովի մեջ Լեյ Լեյն բռնեց Վեն Սյանուանի ձեռքը, եւ ջերմության մի ալիք հոսեց դեպի իրեն: Վեն Սյանուանի ափերը փափուկ էին ու տաք (*հերոսուհու անվան մեջ «վեն» եւ «նուան» գաղափարագրերը չհնարեն նշանակում են «ջերմություն» - Ծ. Թ.*):

-Ի՞նչ ես մտածում նրանց տան մասին,- հարցրեց Լեյ Լեն:

-Այնքան մեծ էր, որ մարդ սարսափում էր: Եթե անցածդ ճանապարհին մանր քարեր չլցնես, չես իմանա, թե որ սենյակից ես դուրս եկել: Իսկ ձեռավորումս իրոք որ ճշացող էր:

-Բայց երբ նրա այդքան մեծ տունը տեսա, հանկարծ մի տեսակ մեղավոր զգացի քո առջեւ:

-Եղբայր, որտե՞ղ է քո բանաստեղծական ռոմանտիկան: Նա ունի՞ արդյոք մեր կանաչ դռներից:

Վեն Սյանոուանը վագոնում ճոճվեց ամբոխի հետ, ապա շարունակեց.

-Բայց նրա զգեստասենյակն իսկապես հոյակապ էր: Դու չտեսար, բայց իսկապես կինոաստղի զգեստապահարաններ էին: Երբ փող ունենանք, ես էլ զգեստասենյակ կունենամ:

-Իսկ եթե փող չունեն՞ք,- բազմանշանակ շեշտեց Լեյ Լեն:

-Ուրեմն մոռանանք: Այդքան շոր ու գլխարկ չունենք, որ զգեստասենյակի մասին մտածենք:

Վեն Սյանոուանի անխռովությունից Լեյ Լեյ կոկորդում սեղմող մի գունդ առաջացավ: Շա Սյուետինը նույնպես տնային տնտեսուհի էր: Նրա ամբողջ անելիքն այն էր, որ գնումներ կատարեր զգեստապահարանները լցնելու համար, սպասուհուն կարգադրեր տունը մաքրել, թղթախաղով զբաղվեր կամ թատրոն գնար: Լեյ Լեն ընդհանրապես պատկերացում չուներ այսպես կոչված բարձրաշխարհիկ, հարուստ ընտանիքի կնոջ ապրելակերպի ու կենսաոճի մասին: Վեն Սյանոուանը չէր աշխատում, նա չէր սիրում մրցակցությունը եւ տանել չէր կարողանում, երբ մարդու վրա ճնշում էին գործադրում: Նախընտրում էր ստեղծել իր աշխարհը, իր թագավորությունը, որտեղ նաեւ իր կատուներն էին: Մի քանի օր առաջ Լեյ Լեն հիասթափված էր, թե որքան անհուսալիորեն անուղղելի է նա: Այսօր հանկարծ զղջումի պես մի բան էր զգում: Թեեւ Սյանոուանը տարբեր էր, նման չէր մյուս աղջիկներին, լավ կյանքի մասին նրա պատկերացումները եւ՛ ավելի բարդ էին, եւ՛ ավելի պարզ: Բայց որպես ամուսին՝ ինքը պարտավոր էր առնվազն նորոգված ննջասենյակով ապահովել նրան, հետո նոր բողոքներ ու մեղադրեր՝ օրերն անիմաստ վատնելու համար: Գուցե մի քանի օր հետո նորից կվրդովվեր նրա թխվածքի խմբակի դասընթացների պատճառով, կամ էլ կփորձեր համոզել, որ աշխատանք կամ օգտակար մի գործ գտնի: Իսկ գուցե կզայրանար՝ տեսնելով համակարգչի դիմաց նրա կռացած թիկունքը: Բայց այսօր ասես այդ թիկունքին տեսնում էր նրա կիսաթափանցիկ թեւերը: Տեսնում էր նրա հոգին՝ թեթեւ եւ ազատ: Զգում էր,

ՄՔ ԱՅՁՈՏՁՈ

որ նա թռչում է: Շատ տարիներ առաջ, երբ սիրահետում էր նրան, նա արդեն այսպիսին էր: Եվ հիմա էլ նույնն էր մնացել: Քանի դեռ չէին փոխվել այս հիմնական հատկանիշները, նա մի անգին գանձ էր:

Երբ մետրոյի կայարանից դուրս եկան, ավտոբուսով երկու կանգառ պետք է անցնեին մինչեւ տուն հասնելը: Լեյ Լեն առաջարկեց ոտքով գնալ: Սյառնուանը լուռ գլխով արեց: Նրանց առջեւ լայն, ուղիղ ճանապարհն էր, որ տանում էր դեպի հեռուն, ասես ձգվում էր դեպի անվերջություն: Սի երկու կիլոմետր անցնելուց հետո կհասնեին կոպիտ սվաղով, կիսանորոգված, անավարտ բնակարանին, որ իրենցն էր, իրենց սեփական տունը:

ՍՈՒ ՑԻՑԻ

ՎԱԶԻՐ, ԼԻ ԼԻՆԻ, ՎԱԶԻՐ

Շատ տարիներ առաջ սիրում էի վազել, երբ քամի էր լինում: Այսօր էլ անջնջելի են այդ հիշողությունն ու իմ ապրած զգացողությունը: Ականջներին մեջ քամու սուր ձայնն էր, ծառերն իրենց կանաչ ճյուղերն էին տարածում, բայց ես առաջ էի անցնում այդ ճիչերից ու ձայներից: Ճանապարհն ավելի ու ավելի էր նեղանում, մինչեւ որ վերջում վերածվում էր գորգի բարակ մի շերտի, եւ երբ ոտքերս դիպչում էին գորգին, զգում էի դրա փափկությունը:

Բաց դաշտերում կարմիր, վայրի ծաղիկներ էին, որ վազելիս բոցի պես առկայծում էին աչքերիս անկյունում: Լսածս բոլոր ձայներն անորոշ էին, քանի որ քամին շատ արագ պատառոտում էր դրանք՝ ձվենների վերածելով: Ոգեւորվում էի այդ սրընթաց փոփոխվող զգացողությունների պատանիներից, մարմինս շարունակում էր ճոճվելով առաջ մղվել, իսկ քամին մաքրում, լվանում էր մաշկս: Բոլոր զգացողություններս ձվեն-ձվեն էին լինում անճանաչելիության աստիճան, եւ ամեն ինչ դառնում էր աղոտ ու մշուշապատ: Ամեն ինչ վերածվում էր գույների անորոշ բծերի, որ վերուվարում էին ճանապարհիս բոլոր կողմերում: Սկսում էի քրտնել, բայց հոգևածություն չէի զգում: Դա ինձ ստիպում էր հավատալ, որ նախկին կյանքում թռչուն եմ եղել եւ ունեցել եմ հզոր թեւեր՝ վիթխարի բացվածքով: Եվ իսկապես, երբ վազում էի դեպի նպատակակետս, տեսնում էի թանձր, ճերմակ, ալիքվող ամպերը: Իսկ ամպերի միջից շողում էին լույսի կուրացուցիչ ճառագայթներ: Այդ պահին իմ ամբողջ էությունը ողողվում էր լույսով: Եվ երբ ներսուզվում էի Լույսի ճերմակ տարածության մեջ, մարմինս տարրալուծվում, միաձուլվում էր այդ ճերմակությանը: Հավանաբար այդ պահին կարող էի անհետանալ: Բայց, իհարկե, դա միայն թվում էր ինձ:

Այժմ, սակայն, նստել էի պատուհանի մոտ՝ ձեռքիս մի զույգ մաքուր, սպիտակ մարզակոշիկ: Դրսում, ինչպես անցյալում, դեռ քամի էր, բայց այն այլեւս իմ մարմնի մի մասը չէր: Ուզում էի գնալ, բայց չէի կարող դուրս ցատկել ու վազել քամու հետ: Հայրս ու մայրս նստած էին պատուհանի տակ եւ քննարկում էին, թե պե՞տք է արդյոք մասնակցել բուժքույր դառնալու համար նախատեսվող քննությանը:

ԱՈՒ ՑԻՑԻ

Արդեն երկար տարիներ չէի հագել այդ մարզակոշիկները: Դրանց վրա մի քանի կարկատան կար, բայց ես կավիճով սպիտակեցրել ու հարթեցրել էի կարկատանները: Հիմա մի թեթեւ շարժումից սպիտակ փոշին թափվեց հատակին, եւ կարկատանների շուրջ երեւացին սեւ ու անհրապույր կարերի տեղերը: Կոշկատակերը շատ բարակ էին, քանի որ դրանցով երկար տարածություններ էի վազելով անցել: Դրանք արդեն նման էին կնոջ, որն այլեւս երեխաներ չի ծնում, արգանդը չորացել է՝ թողնելով միայն որովայնի բարակ մի շերտ: Բարձր կրունկներիս վրա՝ կտկտացնելով հասա դարակին եւ մարզակոշիկները դրեցի այդտեղ: Հայրիկն ու մայրիկը դեռ նույն թեման էին քննարկում: Վերցրի ձեռքիս փոքրիկ պայուսակն ու սենյակից դուրս եկա բակ: Նրանք ձմերուկի սերմ էին չրթում:

-Գործի եմ գնում:

Խոսելիս նկատեցի, որ կոշիկներիս վրա յուղոտ բիծ կա: Ծնողներս ասացին, որ զգույշ լինեմ, եւ ես արագ դուրս եկա:

Հիվանդանոցում հանդիպեցի գործընկերուհուս՝ Յան Հունին: Նա բարձր ձայն ուներ եւ դուրսագրգիռ էր: Մենք երկուսով եւ տղամարդ բժիշկներից մեկը, որ սիրում էր դժգոհել ու նաեւ մի քիչ գոռգոռացող էր, մի խումբ էինք կազմում, որը պատասխանատու էր քսանչորս հիվանդի բուժման համար: Միշտ միասին էինք աշխատել: Բայց այսօր Յան Հունի դեմքը սոսկալի գունատ էր:

-Բա՛ն է պատահել,- հարցրի:

Հանկարծ նրա դեմքը միակամից կարմրեց: Ինձ ներս քաշեց հիվանդանոցային եւ հենվեց պատին: Խիստ հուզված էր երեւում:

-Ի՞նչ է եղել:

-Մեծ անախորժության մեջ եմք,- խուճապահար ասաց նա:

Համազգեստս հագնելիս՝ վրայից թափ տվեցի բրնձի հատիկները:

-Լավ, ի՞նչ է պատահել: Ի՞նչ ես խորհրդավոր խոսում:

Նրա շփոթված ու խառնված տեսքից վերջապես հասկացա, թե ինչ էր պատահել: Երբ կեսօրվա ուտելիքի հետ դեղեր էր բաժանելիս եղել, սխալմամբ շիզոֆրենիայի համար նախատեսված դեղը տվել էր ալկոհոլային կախվածություն ունեցող հիվանդին:

-Ի՞նչ ալկոհոլային կախվածություն ունեցող հիվանդ,- հարցրի:

Նա մի հայացք զցեց դեմքիս:

-Յան Չժենյույը: Մի՞թե չգիտես, թե ինչ հիվանդների ենք բուժում:

Ես էլ իմ հերթին նրա դեմքին նայեցի:

- Գրողը տանի: Ինչպե՞ս իմանամ: Հիվանդների համար պատասխանա-

տուն դու չե՞ս, ես էլ գրառումները չե՞մ կատարում:

Քանի որ հիվանդների ներկայությունը չէի կարողանում տանել, երբեք հիվանդասենյակներ չէի այցելում: Յան Հունը փաստաթղթային աշխատանքները լավ չէր կարողանում կատարել, դրա համար էլ պայմանավորվել էինք, որ նա այցելել հիվանդասենյակներ, կտրեր նրանց եղունգները, սանրեր մազերը, տրամադրեր առողջապահական տեղեկատվություն եւ նման բաներ: Ես բուժքրոջ գրառումներն էի կատարում: Թեեւ ամեն երեք օրը մեկ գրանցում էի նրանց վիճակը, բայց ըստ Եուրյան չէի կարող բոլոր գրառումները համապատասխանեցնել հիվանդների հետ: Ես Լույսիկի չգիտեի մեր բոլոր հիվանդներին: Միայն ընտրում էի մի քանի կարետր բան, որոնք Յան Հունը հայտնում էր իր այցելությունների հետ կապված, եւ նշում էի դրանք:

Նայելով Յան Հունի զարհուրած դեմքին՝ հանգստացրի նրան:

Հենց որ միջանցք հասանք, տեսա մի խոշորամարմին, խոպոտ ձայնով տղամարդ հիվանդի, որ ձեռքերը տարածած՝ շոշափում էր պատը:

-Նա՞ է:

Յան Հունը գլխով արեց: Հիվանդն, անկասկած, հայուցիևացիաներ ուներ: Նա պատի վրա ինչ-որ բաներ էր տեսնում, դրա համար էլ շարունակաբար շոշափում էր պատը: Դա գառանցանքի նման մի բան էր: Եթե հալյուցիևացիաներ չունեցող մեկին սխալմամբ դրանք կանխարգելող դեղորայք տան, ապա վերջինս հայուցիևացիաներ կունենա: Դեղագործական պատրաստուկներն այդպիսի տարօրինակ կյուրեր են. հիվանդը, որ միայն ալկոհոլային կախվածություն ուներ, Յան Հունի տված երկու հաբով կարող էր վերածվել շիզոֆրենիկի: Չկարողանալով զսպել ինձ՝ սկսեցի ծիծաղել: Յան Հունը ոտքը զայրացած խփեց հատակին: Դեմքն ամբողջովին վառ կարմիր էր:

-Լի Լինի՛,- մատը պարզելով դեպի դեմքս՝ ֆշշացրեց նա:- Ի՞նչ ես ծիծաղում: Ծիծաղում ես ուրիշների տառապանքների վրա: Դու ինձ չես օգնում: Մի բան մտածիր: Մի՞թե սա քեզ համար կատակ բան է:

Ծիծաղս զսպեցի եւ պատասխանեցի.

-Լավ, լավ: Չեմ ծիծաղի: Այդքան մի՛ բորբոքվիր: Լավ է, որ շաբաթվա վերջ է, եւ միայն երկուսս ենք հերթապահում: Դեկվարներն այստեղ չեն: Վախենալու բան չկա:

Նա դեղը խմել է, բայց դրանից չի մեռնի: Մի երկու ժամից ամեն ինչ կարգին կլինի, երբ դեղի ազդեցությունն անցնի:

Յան Հունն ակնհայտորեն դժգոհ էր իմ պատասխանից: Նա զայրույ-

ԱՈՒ ՑԻՑԻ

թից ու հուզմունքից ջղաձիգ տրորեց ծեռքերը:

-Բայց հենց նոր բժիշկը զանգեց ու ասաց, որ կեսօրից հետո տնօրենը գալիս է այստեղ: Եթե տեսնի նրան այսպես պատերը շոշափելիս, դա մեր վերջը կլինի:

-Արի նրան տանենք հիվանդասենյակ, որպեսզի չկարողանա դուրս գալ: Այդ ժամանակ տնօրենը չի տեսնի,- ասացի:

Յան Հուներ տխուր հոգոց հանեց:

-Բայց հիվանդների սենյակները փականեր չունեն: Ո՞վ կարող է վերահսկել նրան: Եթե դուրս գա, տնօրենը չի՞ տեսնի: Ի վերջո, մենք չենք կարող զսպել նրան:

-Ճիշտ ես:

Սկսեցի մտահոգվել: Ալկոհոլային կախվածություն ունեցող հիվանդին անկողնում պառկեցնելու որեւէ պատճառ չկա: Եթե տնօրենը դա տեսներ, ավելի շատ կկասկածեր: Ի՞նչ անել:

Յան Հունն ու ես որոշ ժամանակ ետուառաջ էինք անում միջանցքում: Հանկարծ նա երկու ծեռքով բռնեց ուսերս:

-Գիտեմ, թե ինչ անենք, Լինի: Հանգստաբեր դեղամիջոց կտանք, որպեսզի խաղաղվի: Այդպես զոնե էլ չի թափառի դեսուդեն: Ի՞նչ կարծիքի ես:

Նույնիսկ արծազանքելու ժամանակ չունեցա, մեկ էլ Յան Հունը վազեց բուժասենյակից դեղ բերելու: Ներարկիչի մեջ 2 մլ հանգստաբեր քաշեց եւ ինձ ստիպեց, որ հիվանդին քարշ տամ հիվանդասենյակ: Բաց դեղնավուն հեղուկը զգուշորեն ներարկվեց հիվանդի մարմնի մեջ:

Սկզբում հիվանդը մահճակալին պառկած դիմադրում էր, եւ Յան Հունը գրեթե ծնկել էր նրա վրա: Ես ամուր սեղմեցի դաստակները, եւ նրա գունատ, ճերմակ ափերը լարվեցին, իսկ կապույտ երակները փքվեցին: Մի ծեռքով Յան Հունը բռնեց ասեղը, որ մտցրել էր նրա երակի մեջ, մյուսով արագ սեղմեց ներարկիչի միտքը: Ձեռքերը կամաց թուլացան, եւ նա պառկեց ճերմակ սավանին, ինչպես չորացած մի տերեւ: Յան Հունը դուրս քաշեց ասեղը, ապա սրկած տեղը սեղմեց մի կտոր վիրակապով: Հիվանդի թուխ, հսկա մարմինը հանգիստ պառկած էր հիվանդանոցային սեղ մահճակալին: Նա աչքերը փակել էր եւ ոչ մի ձայն չէր հանում:

Սենյակից դուրս եկա, եւ սառցե պաղ ջրով մի քանի անգամ լվացի ծեռքերս: Բուժքույրերի սենյակում, լուսամուտին հենված, սպասում էի, որ ծեռքերս չորանան: Հետո, վեր ձգվելով, ծեռքերս դրեցի լուսամուտի վանդակաճաղերին: Դրանք դրսի աշխարհը բաժանում էին քառակուսի փոք-

րիկ կտորների: Հիվանդանոցի շենքի ներքեում, գետնին թափված տերեւների մեջ, մի պատիկ աղջնակ էր կանգնած: Մայրը կոպտորեն խփում էր նրա գլխին: Երեխայի բարձրածայն լացն արձագանքում էր հիվանդանոցի ներսում: Սառը ջուրն իմ բաց մատներից ցած հոսեց թեւքերիցս ներս եւ հավաքվեց կրծքիս վրա: Այնպիսի մի զգացողություն էր, ասես կրծքերիս արանքում սառույցի կարծր կտոր լիներ:

-Նա մեզ անախորժություն չի՞ պատճառի:

Ձայնս հնչեց ժանգոտած զարթուցիչի պես՝ ծանր ու մթազնամ:

-Մի՛ անհանգստանա: Չի մեռնի: Մի լավ կքնի, իսկ երբ արթնանա, ամեն ինչ անցած կլինի,- ասաց Յան Հունը: Նա ծեռքերն էր լվանում եւ պատասխանեց՝ անզամ շուրջը չնայելով:

Օրվա ընթացքում ինձ անհանգիստ էի զգում եւ մի քանի անգամ ներս մտա, որ տեսնեմ հիվանդն արդյո՞ք կյանքի նշաններ է ցուցաբերում: Բարեբախտաբար, վիճակը կայուն էր: Յան Հունը թփթփացրեց ուսիս եւ ասաց.

-Լինի, մի՛ անհանգստանա:

Լուսամուտից դուրս նայեցի՝ երկնքում ցրված մութ ամպերին: Դրանք սահում էին, փոփոխվում՝ անորոշ եւ չարագույժ տեսք ընդունելով:

-Կարմայական հետեւանքներ կլինե՞ն,- հարցրի հանկարծ:

Ետեւումս կանգնած Յան Հունը սառը պատասխանեց.

-Մենք միշտ էլ կարմայական վիճակներում ենք եղել: Ամեն մեկն էլ մշտապես ապրում է կարմայական վիճակներ: Վախենալու ոչինչ չկա:

Այս ասելով՝ վճռական մի շարժումով փակեց բուժգրառումների գիրքը, որի մետաղյա ճերմակ կազմը փայլում էր սեղանի վրա:

Մենք միշտ սխալներ էինք թույլ տալիս: Սխալ դեղեր էինք տալիս, սխալ տողեր էինք լրացնում եւ կոտրում ներարկիչներն ու ասեղները: Մի հիվանդը կարող էր եռացրած ջուր լցնել մյուսի դեմքին: Հուսահատված՝ նոր սխալներ էինք անում, որպեսզի հները թաքցնեինք: Բոլոր բուժքույրերը բարոյալքված էին: Բարձր ու գայրալից ծայներով եւ կոպիտ շարժումներով՝ մենք հիվանդասենյակում հիվանդներին էիք կանչում անունով: Ըստ էության, երեք հերթափոխի աշխատողներից ոչ մեկը գիշերը ցերեկից չէր տարբերում: Բոլորն էլ ապավինում էին քնաբեր հաբերին, որպեսզի կարգուկանոն պահպանեն եւ խուսափեն հիվանդների ազդեցության տակ ընկնելուց:

Ծնողներին մոտ երբեք այդ բաների մասին չէի խոսում: Երեքով նստած էինք ճաշի սեղանի մոտ: Գոլորշապատ, տաք կերակուրը փայլում էր յուղի

ԱՈՒ ՑԻՑԻ

մեջ: Տարօրինակ մի հոտ զգացի, տհաճ այն հոտը, որ գալիս է այնպիսի դժբախտ մարդկանց մարմնից, ովքեր չեն կարողանում պատշաճ կերպով հոգալ իրենց մասին: Զգույշ ու խնամքով, հատիկ առ հատիկ, վերցնում էի բրինձը եւ ծամում: Նրանք երկուսով զրուցելու անվերջանալի թեմաներ ունեին: Ճաշի ժամանակ մշտապես մի նոր ծրագիր էին մշակում իմ հետագա կյանքի համար: Կամ պետք է գրանցվեի՝ անվերելի դասընթացներին մասնակցելու, կամ բուժքույրի աստիճան ստանալի, կամ էլ՝ մի որեւէ պաշտոնի համար վկայական: Եվ կամ ծրագրում էին իմ ամուսնությունը: Ես աչքի պոչով հեռուստացույց էի նայում: Հեռավագրի մրցումներ էին անցկացվում: Վազորդները ինամված, նրբագեղ եղջերուների էին նման: Նրանց ուժեղ մկանները լի էին ռիթմիկ շարժումով, իսկ ճոճվող ուներն ասես արագ փոփոխվող, կենդանի երաժշտական նոտաներ լինեին՝ վազքուղու ճերմակ գծերի վրա: Համոզված էի, որ եթե հիմա նրանց մեջ լինեի, չեմպիոն կդառնայի: Հենց այդ պահին մի աղջիկ սրընթաց հատեց վերջնագիծը: Մոտակայքում գտնվող հանդիսատեսները ոտքի ելան եւ ծափահարեցին: Հոգևած ցած դրեցի ափսես եւ վեր կացա:

-Մի քիչ էլ ուտեիր,- հորդորեց մայրս: Գլուխս տարուբերեցի եւ գնացի իմ սենյակ:

Սենյակում բացեցի կողպած դարակս: Այդտեղ, բացի իմ ճերմակ վազքակոշիկներից, դեղնած մի թերթ կար եւ նոթատետրս: Թերթի անկյունները ոլորված էին, իսկ վրայի բառերն արդեն սկսել էին խամրել: Դրա մեջ այն պատվոգրերն էին, որ ստացել էի հեռավագրի դպրոցական մրցումների կամ տարածաշրջանային մրցումների ժամանակ հաղթող ճանաչվելու համար:

«Էի Էինի», «Հեռավագր», «Առաջին տեղ»։ այս երեք անփոփոխ բառակապակցություններն էին պատվոգրերի վրա: Գիտեի, որ կարող եմ հաղթել նաեւ հեռավագրի հանրապետական մրցումների ժամանակ: Եվ դա ընդամենը մեկ պատվոգիր չէր լինի: Չնայած գիտեի, որ դա անպայման տեղի կունենար, այդուհանդերձ շատ հուզված էի եւ ամեն օր վազում էի առանց հոգևածություն զգալու: Վազում էի նույնիսկ երազներիս մեջ, այնքան ժամանակ, մինչեւ որ ծնողներս ինձ ստիպեցին բուժքույրի մասնագիտություն ընտրել: Բայց ես ոչ մի բանում ընդունակ չեի, բացի վագրից: Բացեցի նոթատետրս: Այդտեղ խիտ տողերով նշված էին հիվանդանոցում աշխատած մեկ տարվա ընթացքում գործած սխալները: Դրանց մեծ մասը դեկավարները չէին նկատել: Բայց գործընկերներս գիտեին, քանի որ միասին էինք արել դրանք եւ մեկս մյուսիս արածը թաքցնում էինք: Որոշ

սխալներ միայն ինձ էին հայտնի: Չգիտեմ, թե ինչու էի հատ-հատ գրանցում, որովհետեւ դրանցից այդպես էլ ոչինչ չէի սովորում, եւ երբեք էլ մեղքի զգացում չէի ունենում: Կարող եմ ասել միայն, որ դա մի տեսակ սովորություն էր: Եվ հիմա էլ մանրամասն գրի առա այն ամենն, ինչ այսօր էր պատահել՝ սխալ դեղորայք տալը, հանգստաբեր ներարկելը, ստվերի պես ճոճվող հիվանդը: Հետո փակեցի նոթատետրը, կողպեցի դարակը, լույսը հանգցրի եւ գնացի քնելու:

Խմբում գիտեին, որ ամենաարագաշարժ բուժքույրը ես եմ: Արագ հասցնում էի ներարկիչներն ու դեղերը: Վերելում, ներքելում, ամենուր իմ ոտնաձայներն էին լսվում: Թե՛ գլխավոր բուժքույրը, թե՛ գործընկերներս գիտեին, որ հարկ չկա այդպես արագ վազելու, քանզի հոգեբուժարանն, ի վերջո, վիրաբուժական կամ վնասվածքաբանական բաժանմունք չէ: Հոգեբուժարաններում նույնիսկ օդն էր ծույլ ու արարկոտ: Գլխավոր բուժքույրը զգում էր, որ չափազանց շատ եռանդ կա իմ մեջ, դրա համար էլ ինձ հանձնարարեց հիվանդների ֆիզիկական ակտիվությունը խթանող աշխատանքը:

Շենքի ներքելում, ֆիզիկական վարժությունների համար նախատեսված ցեմենտե հատակով բակի չորս կողմում, բարձր պատեր էին: Երբ մի բուժքույրը հսկում էր միակ մուտքը, ես հիվանդներին պետք է շարք կանգնեցնեի: Տարածքը կիսով չափ արեւի տակ էր, կիսով չափ ստվերում: Կանգնեցի շարքի առջեւում եւ ուղղորդում էի նրանց: Մեկ պտույտ, երկու կտույտ, հիվանդները շարժվեցին դանդաղ, ծանր քայլերով, եւ շարքն աստիճանաբար քանդվեց: Երրորդ պտույտի ժամանակ նկատեցի, որ հիվանդներից մեկը՝ երկար մազերով աղջիկը, դեռ կողքիս է, վազում է առանց ջանք թափելու, հավասարաչափ շնչառությամբ: Ես չգիտեի նրա անունը, հիվանդներից ոչ մեկի անունը չգիտեի, բայց այդ ինչպե՞ս էր նա կարողանում այդքան հեշտ վազել ինձ հետ հավասար: Ենթագիտակցաբար ավելի արագ սկսեցի վազել: Առանց իմ կողմը նայելու՝ նա էլ սկսեց այնպես վազել, որ ինձնից ետ չէր մնում: Ապշած էի: Խոր շունչ քաշեցի եւ նետվեցի առաջ: Ականջներիս մեջ հնչեց քամու ձայնը, բայց նա շարունակում էր առաջ սլանալ՝ երկար մազերը ծածանելով: Ձեռքերս ճոճվում էին՝ մեծ աղեղներ գծելով: Տեսա, որ դեմքն արդեն շառագունել է: Բայց շարունակում էր վազել իմ աջ կողմում: Ես երբեք չէի տեսել նման հակառակորդի: Այո, ես նրան որպես հակառակորդ մրցակցի էի նայում: Վազքուղու վրա ոչ ոք երբեք չէր կարողացել այդքան մոտ լինել ինձ: Ո՛վ գիտե՛ արդեն

ԱՈՒ ՑԻՑԻ

քանի շրջանից հետո դեռ վազում էինք ուս ուսի, բայց թեև նրա արագությունը եւ տոկոսությունն ապշեցուցիչ էին, չէր կարողանում ինձնից առաջ անցնել: Նրա մարմինը լարվում էր, շնչառությունն ավելի էր արագանում. այդ էին ինձ ասում արդեն ծանրացող ոտնաձայները: Բայց նույնիսկ այդպես՝ չէի կարողանում ազատվել նրանից: Թեև հաղթանակը կամ պարտությունն ընդամենը մեկ քայլի վրա էին, ես հասել էի իմ սահմանագծին: Իմ սկզբնական զարմանքը, կասկածամտությունն ու մրցակից լինելու թաքուն մղումը տեղի տվեցին անօգնականության զգացումին, ապա անխռով հանդարտությանը, երբ շարունակում էինք վազել՝ պահպանելով մեր արագությունն ու տեմպը, միևնույն ուր գլխավոր բուժքույրը վերելի լուսամուտից սուր ձայնով կանչեց.

-Լի Լինի՛, դեռ վազո՞ւմ եք, չե՞ք ավարտել: Շտապի՛ր, հիվանդներին բեր այստեղ: Նրանց դեղ տալու ժամանակն է:

Մենք միասին կանգ առանք: Հիվանդները նստել էին աստիճաններին եւ մեզ էին նայում: Ես գնահատող հայացքով նայեցի նրան: Նա արագ էր շնչում, օդը չէր բավականացնում: Աչքերը փոքր էին: Ստատվորապես իմ տարիքին կլիներ: Նրա դեմքին նույնպես թեթև ժպիտ էր նշմարվում: Ապա հիվանդներին ետ տարա հիվանդասենյակ:

Բուժքույրերի սենյակում գտա նրա մասին տեղեկությունները: Հասարակական անվտանգության աշխատակիցները նախորդ գիշեր էին նրան բերել, որովհետեւ մերկ վազելիս էր եղել փողոցում: Նա չգիտեր իր տարիքը, տան հասցեն, միայն գիտեր, որ ազգանունը Վան է, դրա համար էլ անվան դիմաց միայն նշված էր՝ «Ումն Վան»: Փակեցի նշումները: Անհայտ ծագման իգական սեռի հիվանդ, որ կարողանում էր այդպես վազել: Խիստ հետաքրքրում էր ինձ, եւ որոշեցի գտնել նրան ու զրուցել հետը:

Երբ Յան Հունը Վանին հիվանդասենյակ բերեց, ես լուսամուտին հենված նրան էի նայում: Հենց ներս մտավ, նստեց մահճակալին: Երկու ձեռքով բռնեց մահճակալի եզրից, իսկ երկու ոտքերն անդադար իրար էր զարկում: Ինձ չէր նայում, այլ հայացքը պտտում էր շուրջբոլորը:

-Անունդ ի՞նչ է:

Գլուխը վեր բարձրացրեց ու նայեց ինձ՝ դեմքին հիմար մի քմծիծաղ:

-Անունս Վան է,- ասաց:

-Վան՝ ի՞նչ:

-Անունս Վան է, անունս Վան է:

Գլուխը կախեց եւ, մատների հետ խաղալով, ինքն իրեն կրկնեց մի քանի անգամ:

-Որտե՞ղ ես ապրում:

Անխոս տարուբերեց գրուխը:

Նկատեցի, որ նրա մաշկի վրա, մարմնի երեսացող մասերին տարբեր խորության շատ վերքեր կային: Վերքերի մի մասն արդեն կեղակալել էր, մյուսները դեռ թարմ էին, կարմիր գույնի:

-Ընտանիք ունե՞ս:

Նա այլևս գրուխը չբարձրացրեց, միայն նույն ձեռով թափահարում էր այն: Համբերությունս կորցնում էի: Պարզ էր, որ հոգեկան հիվանդ է, որ միտքը խախտված է, եւ որ թափառել էր այսուայնտեղ: Զգացի՝ չի գիտակցում, որ վազելու հազվագյուտ տաղանդ ունի: Ցրված էր ու անտարբեր ամեն ինչի հանդեպ: Քայլեցի դեպի դուռը՝ պատրաստ արագ վերջ տալու խոսքերի մեր այս փոխանակմանը: Հանկարծ Վանը վեր ցատկեց մահճակալից եւ գոռաց.

-Ես հեռավագրի չեմպիոն եմ: Ես ուզում եմ վազել: Վազել, վազել:

Ետ շրջվեցի: Նրա մարմինն ասես խորհրդավոր մի ուժով էր համակվել: Նա ատամներն էր կրճտացնում, աչքերը ոգետրված փայլում էին, երկու ոտքերն անդադար վազում էին տեղում, իսկ երկու ձեռքերը շարժվում էին անընդհատ: Նման էր մի մարզիկի, որն ամեն պահի կարող էր վազել:

Սոտ վազեցի եւ բռնեցի նրա ուսերից:

-Ինչ ասացի՞ր:

Վանի հայացքը թափանցեց անցավ ուսերիս միջով: Նա աչքերն ուղիղ սեւեռեց իր առջեւ գտնվող ինչ-որ բանի: Մարմինը դեռ շարժվում էր առանց դադարի, ավելի ու ավելի ճոճվելով:

- Ուզում եմ վազել: Վազել, վազել: Ինձ ասացին, որ արագ վազեմ, կանգ չառնեմ: Ես հեռավագրի չեմպիոն եմ: Ոչ ոք չի կարող ավելի արագ վազել: Ուզում եմ վազել:

Խոսելիս բառերը խառնում էր իրար եւ որքան շատ էր խոսում, այնքան ավելի հուզախոռով էր դառնում:

-Ո՞ր է ասում, որ վազես: Ի՞նչ հեռավագրի չեմպիոն ես դու: Ո՞ր ես վազում:

Իմ եւ նրա ձայները խաչածեւվում, բախվում էին իրար՝ աղմուկ ստեղծելով: Վանը գոռում էր, շարժում ոտքերը: Ես խոչընդոտեցի նրան՝ փակելով ճանապարհը: Նա մարմինն աղեղի պես ճկեց, եւ ուսերը դեմ առան կրծքավանդակիս, մի ոտքն առաջ, մյուսը ետ՝ ուժով հրեց ինձ: Չայն տվեցի սանիտարներին: Վերջապես նրանք ներս վազեցին եւ կապեցին Վանի ձեռքերն ու ոտքերը, իսկ նա թպրտում էր մահճակալի վրա: Դուրս ելա հի-

ԱՈՒ ՑԻՑԻ

վանդասենյակից՝ ձեռքերս կրծքավանդակիս դրած, որ դեռ ցավում էր նրա գործադրած ուժից: Առաջին անգամն էր, որ հիվանդի հետ շփվում էի, եւ այդ շփումն ի վերջո ավարտվեց Վանի սրտակեղեք ճիչերով:

Քնելուց առաջ անկողնում պառկած մտածում էի օրվա դեպքերի մասին: Վանի կերպարանքը լողում էր մտքիս օվկիանոսում: Նրա վազող պատկերն աստիճանաբար թափանցեց իմ մեջ: Նույնիսկ երբ փակեցի աչքերս, պատկերը համառորեն հասավ մինչեւ երազներս: Վազում էինք կողք կողքի՝ անձայրածիր բաց դաշտում, եւ միայն մեր ոտնածայներն ու սրտի զարկերն էին լսվում խաղաղ, լայնարձակ տարածության մեջ:

Մենք նման էինք իրար հետապնդող երկու սովերների: Լուսադեմին, երբ երագիցս հետո արթնացա, զգացի, որ ամբողջ մարմինս ցավում է:

Իսկ այս մեկն արդեն երազների աշխարհում չէր: Յերեկը, Նախկինի պես, հիվանդներին տանում էի վազելու: Վերջում մնում էինք Վանն ու ես: Շրջանածեւ վազում էինք մարգահրապարակում, կորից ու կորից պտտվելով ծառի շուրջը: Արեւի ճառագայթները տերեւների արանքից ընկնում էին մեզ վրա, խայտացող լույսը կանաչ բծեր էր գցում մեր մարմիններին: Վազելիս՝ գողունի հայացք էի գցում նրա կողմը: Միտքը կենտրոնացած էր, որոնող հայացքն ուղղված էր դեպի հեռուն, ասես ինչ-որ բան կանչում էր, եւ ես կարող էի վազել առանց հոգնելու: Չգիտեմ՝ արդյո՞ք ձայնային հայուցիկնազիաներ էր ունենում, բայց ինքս արդեն մի քանի անգամ վազելիս լսել էի, թե ինչպես է քաջալերող ճիչերի միջից հանդարտ մի ձայն ասում՝ «Վազիր, վազիր»: Կանգ չէի առնում, այլ ապավինում էի աչքերիս՝ հայացքով ընդգրկելով շրջակայքս: Ինչպես միշտ, հիվանդներն անիմաստ ծիծաղում էին, երբ աստիճաններին նստած՝ նայում էին մեր վազքին: Վազը եւ ես հասել էինք լուռ մի համաձայնության, որ քսաներորդ պտույտից հետո ես գոչելու էի՝ «Կանգնե՛լ», եւ մեր վազքն ավարտվելու էր: Հիմա ես արդեն մեկ ամիս է, ինչ հիվանդանոցում էր, եւ վազքը խաղ էր դարձել, որ միայն մեր երկուսինն էր:

Բուժքույրերի սենյակում հավաքվել էր ամբողջ անձնակազմը, բայց ամեն բան հանգիստ էր: Պարզ լսվում էր լուսամուտից դուրս հովանոցածառի ճյուղերին բախվող ուժեղ քամու շառաչը: Տեսրենը խոսում էր զուսպ, հանդարտ դեմքով:

- Բոլորդ տեսե՞լ եք Վանի վիճակը:

- Այո,- աննշան, կամացուկ մի ձայն դուրս թռավ կրծքիցս:

Մահճակալին պառկած Վանի աջ ոտնաթաթն ամբողջովին անարյուն

Եր, ասես փտած ծառի կոճղ լիներ: Հատակին ըսկած Եր կեղտոտ մի գոտի: Նախքան հերթափոխս ավարտելը սանիտարին հանձնարարել էի դրանով կապել Վանի ոտնաթաթը, քանի որ վերջինս խիստ հուզախոռով վիճակում սկսել էր վազել հիվանդասենյակում: Բժիշկն էր ինձ հանձնարարել զսպել նրան, ես էլ նրա ասածը սանիտարին էի փոխանցել: Բայց չգիտեի, որ զսպող գոտին այդքան ծիգ եւ ամուր էր կապվել:

Տուօրենը խոսում էր ցածրաձայն:

-Երկու օրից հիվանդների անվտանգությունը վերահսկող հանձնաժողովն այստեղ է գալու: Մտածեք այդ մասին:

Տուօրենի գնալուց հետո սկսվեցին աշխատակիցների աղմկոտ քննարկումները: Ամեն մեկն իր կարծիքն էր հայտնում: Ես մենակ դուրս եկա, գնացի բուժասենյակ եւ հենվեցի պատին: Գիտեի, որ այս ամենն ուշադրության կենտրոնում կհայտնվի: Հիմնական պատասխանատվությունն իմն էր: Չէի ստուգել Վանին զսպող գոտիները եւ միայն այս մասին հայտնել էի Յան Հունին, որն ինձնից ընդունել էր հերթափոխը: Յան Հունը եւ գիշերային հերթափոխի բուժքույրը նույն սխալն էին թույլ տվել: Արդյունքն այն էր, որ Վանի կապված վերջույթի արյան շրջանառությունը դադարել էր, եւ մեռուկ՝ նեկրոզ էր առաջացել: Մեր երեքից բացի, նաեւ ցերեկային հերթափոխի մյուս բուժքույրերն էին, սանիտարները եւ բժիշկները: Ոչ ոք բարեխիղճ չէր եղել՝ այցելելու հիվանդներին, եւ բոլորն էլ որոշակի պատասխանատվություն էին կրում: Գիտեի՝ ամենալուրջ հետեւանքն այն կլիներ, որ Վանի աջ ոտնաթաթը կարող էին անդամահատել: Ոտքերս թուլացել էին, գլուխս պտտվում էր, պատն իմ թիկունքում ասես սառույց լիներ, ճակատիս վրա քրտինքի կաթիլներ էին դանդաղ գոյանում:

Յան Հունը մտավ բուժասենյակ: Դեմքը մոխրագույն էր:

-Լինի, ի՞նչ եսք անելու,- հարցրեց ինձ:

Մեծագույն ճիգով գլուխս տարրաբերեցի եւ հեռացա:

Գլխավոր բուժքույրը մոլեգնել էր:

-Ասել եմ քեզ, ե՛ւ՛ քեզ, որ երբ հերթապահում եք, պետք է ուշադիր լինեք, պատասխանատվության զգացում պետք է ունենաք, բայց ոչ մեկը լուրջ չեք ընդունում, ամբողջ օրը մակր սխալներ եք թույլ տալիս, եւ այժմ ահա՝ դա հանգեցրեց շատ մեծ սխալի: Բոլորդ պետք է շատ լուրջ մտածեք: Բայց այնպես չանեք, որ այս մասին իմանան: Վերահսկող հանձնաժողովը շուտով հիվանդանոց է գալու: Եթե իմանան այս մասին, ոչ միայն մեր բաժանմունքը լուրջ խնդրի առջեւ կկանգնի, այլեւ ամբողջ հիվանդանոցը: Լսո՞ւմ եք ինձ:

ԱՈՒ ՑԻՑԻ

Բոլորը լուռ էին, ճնշված ու գլխիկոր: Համաձայնություն արտահայտող նրանց մրմնջոցները հնչում էին մոճակի տոգոցի նման:

Լուսամուտի մեծ ապակու ետեում կանգնած՝ նայում էի Վանին: Պառկած էր մահճակալին, աչքերը լայն բացած՝ առաստաղին էր նայում: Երկու ձեռքով փորձում էր վեր բարձրացնել աջ ոտքը, բայց այն, ծնկից ներքե, մազաչափ իսկ չէր շարժվում, ասես մի մեծ ծանրություն կախված լիներ նրանից: Վանը հերոսաբար պայքարում էր նորից ու նորից: Մեծ ջանքերով մի փոքր վեր հանեց աջ ոտքը, բայց այն թրմփալով ցած ընկավ: Քարի մի մեծ կտորի պես այդ մեռած ոտքը զարկվեց մետաղե մահճակալին, և ձայնն անսահման բարձր հնչեց իմ ականջներում: Կարողացա միայն ականջներս փակել և փախչել հեռու:

Ես սկսեցի նորից վազել, բայց իմ կողքից ուրիշ մեկի կերպարանքն էր սլանում: Մյուս հիվանդներն առաջվա պես շատ ետ մնացին: Իմ կողքի դատարկ տարածությունը մութ էր, այդտեղ նույնիսկ քամու ձայնն էր կորչում: Այդտեղ միայն իմ ծանր շնչառությունն էր: Հանկարծ կրծքավանդակս զգաց, որ կարծես չի կարողանում դիմանալ, այնպես որ՝ ընդամենը երկու պտույտից հետո թվաց, թե վիզս պարան է զգված, որն ինձ խեղդում է, և ես չէի կարողանում շնչել: Ուժասպառ՝ կանգ առա և նստեցի աստիճանների: Նայեցի իմ աջ ոտքին և մտածեցի Վանի մասին: Ոտքս կամաց-կամաց սկսեց թմրել: Երեւի շատ երկար էի նստել, բայց հետո, երբ վեր կացա, տեսա, որ աջ ոտքս չի շարժվում: Ի՞նչ էի անելու, եթե Վանի պես ես էլ կորցնեի աջ ոտքս: Վախեցա այլևս այդ մասին մտածել: Ցանկացած մեկը, ով վազքի մոլի սիրահար է, միշտ պետք է խուսափի նման մտքեր ունենալուց: Բայց Վանի մեռած աջ ոտքը իրականություն էր, և դա ինձ անասելի տառապանք էր պատճառում:

Երբ վերադարձա հիվանդասենյակ, Յան Հունն ինձ անկյուն քաշեց և ասաց.

-Լինի, այս իրավիճակը շատ մարդկանց հետ է կապված: Միայն քո մեղքը չէ: Այդքան շատ քեզ մի՛ տանջիր: Նաեւ լավ նորություն ունեմ քեզ հայտնելու: Լսեցի, թե ինչպես էր գլխավոր բուժքույրն ասում, որ տնօրենն արդեն խոսել է հասարակական անվտանգության ներկայացուցիչների հետ և պատրաստվում է այստեղից տեղափոխել Վանին՝ նախքան վերահսկող հանձնաժողովի գալը: Այնպես որ՝ նա մեզ հիմա չի պատժի:

Ես անմիջապես հարցրի.

-Իսկ ի՞նչ կասես Վանի ոտքի մասին: Եթե ոտնաթաթը չբուժեն, ապա հաստատ ամբողջ ոտքը կկտրեն:

Յան Հունը հարցական հայացքով նայեց ինձ:

-Ինչո՞ւ ես դրա համար անհանգստանում: Այս պահին կարելի է վերահսկող հանձնաժողովից պրծնել: Գլխավոր բուժքույրը մեզ ասել է, որ խիստ գաղտնի պահենք այս ամենը: Չպետք է թույլ տանք, որ ուրիշ մեկն իմանա:

Ես տագնապալից սկսեցի քայլել՝ խոր մտքերի մեջ ընկած, ապա ասացի.

-Ոչ, չեք կարող տեղափոխել Վանին: Եթե բուժումը ձգձգվի, մեծ խնդիր կառաջանա: Միայն աջ ոտնաթաթի հարցը չէ, ամբողջ ոտքը ստիպված կլինեն անդամահատել, եւ նա այլեւս չի կարողանա կանգնել:

Յան Հունն սկսեց անհանգստանալ: Չայնը բարձրացնելով ասաց.

-Չասացի՞, որ լավ է լինելու, քեզ ոչինչ չի պատահի: Առաջ այսպիսին չէիր: Երբ վանի՞ց այսքան մարդասեր դարձար: Այս պահին նույնիսկ վստահ չենք, թե ինքներս կփրկվենք: Եթե չթողնենք Վանը գնա, մեզ համար իրոք ավելի մեծ խնդիրներ կառաջանան:

Հանգիստ սպասեցի մինչեւ ավարտի: Հետո երկու ձեռքով բռնեցի նրա ձեռքերը եւ խնդրեցի.

-Յան Հուն, ես մտածել եմ այդ մասին եւ չեմ կարող դա անել: Մենք շատ սխալներ ենք թույլ տվել, ու մեր բախտը նաեւ բերել է, որ այդ սխալները չեն նկատել: Բայց սա ուրիշ է: Եթե թողնենք, որ այսպես տեղափոխեն Վանին, ի՞նչ կկատարվի հետո: Ես մարդասեր չեմ, բայց այս անգամ սա ուրիշ բան է: Չեմ կարող թույլ տալ, որ Վանը կորցնի ոտքը, թե չէ ինքս ինձ չեմ կարող ներել: Հասկանո՞ւմ ես:

Յան Հունը լուռ, ապշահար ինձ էր նայում, հետո անօգնական ժպտաց:

-Լինի, չգիտեմ, թե ինչպես կարող ես նման բան մտածել, բայց ես չեմ կարող քեզ հետ լինել: Ամեն դեպքում, սա քո եւ իմ որոշելիք բանը չէ: Կներես:

Նա ձեռքերը ետ քաշեց, շրջվեց ու հեռացավ:

Մենակ կանգնած էի միջանցքում, պատին հենված: Ոտքերիս տակ մուգ ստվերներ էին, որ առաջացել էին լամպի լույսից: Չէի համարձակվում ոտքերս շարժել, մահու չափ վախենալով, որ եթե ոտք դնեմ այդ մուգ ստվերների վրա, դրանք մարդկային ճիչ կարծակեն: Վախենում էի նաեւ Վանի սենյակից ներս նայել: Մի խառնաշփոթ, մթազնաձգ գզացողություն ունեի, թե ես ինքն եմ, թե ես մի մարդ եմ, որն ուր որ է կորցնելու է իր աջ ոտքը: Եթե հնարավոր լիներ, կուզեի գրավել նրա տեղը, բայց դա հնարավոր չէր: Երբ գնացի տուն, միացրի իմ սիրած կինոնկարը՝ «Ֆորրեսթ»

ԱՈՒ ՑԻՑԻ

Գամփ» (Ուիլսթոն Գրուվի համանուն վեպի հիման վրա նկարահանված՝ ԱՄՆ կինոռեժիսոր Ռոբերտ Չեմեթիսի՝ 38 պարզեի, այդ թվում «Օսկարի» 6 մրցանակի արժանացած կինոնկար- Մ. Թ.), այն կինոնկարը, որ դիտում էի, երբ հեռավազքի թիմի մարզիկ էի: Նորից ու նորից դիտեցի Ֆորրեսթի աննպատակ, վերջնակետ չունեցող վազքը, եւ հանկարծ արցունքները ցած հոսեցին դեմքիս վրայով: Իմ երազները մութ գիշերների մասին էին, երկար մութ գիշերների: Միայնակ, միոտանի մի աղջիկ էր ցատկում: Ցատկում էր վեր, շատ բարձր, բայց չէր կարողանում հասնել լուսավոր, պայծառ մի տեղ: Վատ երազների գիշերից հետո արթնացա եւ նոթատետրս հետս վերցնելով՝ գնացի հիվանդանոց:

Երկար սպասեցի դրսում, դռան առջեւ: Նոթատետրը բռնած ձեռքիս փն ամբողջովին քրտնել էր: Տնօրենը հեռախոսով խոսում էր, եւ թվում էր՝ խոսակցությունը վերջ չունի: Համբերությունս կորցրի, հրելով բացեցի դուռն ու ներս մտա:

-Տնօրեն Վու, խորապես երախտապարտ եմ Ձեզ՝ Վանի հետ կապված այս ինդրի առիթով: Այսօր երեկոյան ես ընթրիքի սեղան եմ պատվիրել «Ծաղիկների պարտեզ» ռեստորանի 18-րդ սենյակում: Անկեղծորեն հույս ունեմ, որ կկարողանաք պատվել մեզ Ձեր ներկայությամբ:

Ես քայլեցի ուղիղ դեպի տնօրենը, որը դեռ հեռախոսը ձեռքին՝ հարցական հայացքով ինձ էր նայում: Երբ լսեցի, որ դեռ խոսում է, ուզում էի նետվել առաջ, վերցնել հեռախոսն ու ջարդուփշուր անել: Բայց փոխարենը տեղումս կանգնած մնացի եւ մատներովս ամուր սեղմեցի նոթատետրիս կազմը: Տնօրենը վերջապես ցած դրեց հեռախոսը եւ հարցրեց.

-Օրիորդ Լի, ինչ-որ բան կա, որի համար ուզում եք ինձ տեսնել:

Մի պահ հապաղեցի եւ շտապ ասացի.

-Տնօրեն, ես եկել եմ ազնվորեն խոստովանելու ամեն բան: Խոսքը մեր հիվանդներից մեկի՝ Վանի մասին է: Այդտեղ հիմնականում պատասխանատուն ես եմ: Երբ զսպող գոտիով նրան կապում էին, ես տեղում չեմ եղել, իսկ հետո չեմ գնացել վիճակը տեսնելու, չեմ նկատել նրա արյան շրջանառության հետ կապված...

Խոսքս չէի ավարտել, երբ տնօրենը մռայլվեց եւ ձեռքը թափահարեց, որ ընդհատի ինձ:

-Այդ մասին հետո կխոսենք: Հիմա ինքնախոստովանության ու ինքնաքննադատության ժամանակը չէ: Մենք պետք է բոլոր ջանքերը ներդնենք, որպեսզի պատրաստ լինենք վերահսկիչ տեսուչների այցելությանը: Գնացեք եւ շարունակեք ձեր աշխատանքը բաժանմունքում:

Ես հրաժարվեցի շարժվել տեղիցս եւ շարունակեցի ասել այն, ինչի համար եկել էի.

- Տւօրեն, ես հենց հիմա պետք է պատասխանատվություն ստանձնեմ, եւ, բացի այդ, ինդրում եմ որոշում կայացնել ինձ պատժելու մասին:

Տւօրենն ապշահար ինձ նայեց, ապա հարցրեց.

-Օրիորդ Լի, ի՞նչ նկատի ունեք:

Ուղիղ կանգնեցի եւ ասացի.

-Դուք բոլորդ որոշել եք Վանին այստեղից տանել՞:

Նա երկար նայեց ինձ նախքան պատասխանելը:

- Ի՞նչ է պատահել:

Հարցս համառորեն կրկնեցի.

-Իրո՞ք դուք բոլորդ որոշել եք Վանին այստեղից տանել: Եթե նա անմիջապես չքուժվի հիվանդանոցում, կարող է կորցնել ամբողջ ոտքը:

Տւօրենը ձեռքը թափահարեց:

-Օրիորդ Լի, մի՛ լսեք ուրիշների անհեթեթությունները: Ես հասկանում եմ Վանի հետ կապված իրավիճակը: Այդքան չպետք է անհանգստանաք: Չնայած աշխատելու:

Խիստ հիասթափված դուրս ելա տւօրենի աշխատասենյակից: Կանգնել էի աստիճաններին, նոթատետրս ձեռքումս սեղմած, եւ նորից ու նորից հարցնում էի ինքս ինձ՝ ի՞նչ պետք է անեմ: Մի՞թե թողնելու եմ, որ անեն՝ ինչ մտածել են: Բայց Յան Հունն ինձ այնպիսի բան չէր ասի, որ ճիշտ չլիներ: Նրանք Վանին այստեղից տեղափոխելու են: Ի՞նչ անեմ հիմա: Նրանք չպետք է դա անեն: Ես պետք է գնամ եւ ամեն ինչ հստակ բացատրեմ տւօրենին: Պետք է ինդրեմ նրան, որ Վանին պահի: Այսպես մտածելով՝ շրջվեցի եւ վերադարձա տւօրենի աշխատասենյակ: Դռան մոտ խոր շունչ քաշեցի՝ ինձ հիշեցնելով, որ հանգիստ լինեմ, ապա մեկ անգամ էլ թակեցի դուռն ու ներս մտա:

Տւօրենը կրկին զարմացավ ինձ տեսնելով:

-Օրիորդ Լի, ինչո՞ւ դեռ աշխատանքի չեք անցել ձեր հերթափոխում,- փոքր-ինչ անհամբեր տոնով հարցրեց նա:

Նախապես մտածել էի, որ այն, ինչ ուզում էի ասել, պետք է տւօրենին ներկայացնեի կողմնակի ճանապարհով, բայց երբ բերանս բացեցի, արտաբերեցի նույն նախադասությունը.

-Տւօրեն, Դուք չեք կարող Վանին այստեղից տեղափոխել:

Տւօրենը տեղից վեր ցատկեց եւ զայրացած դիմեց ինձ.

-Շատ լավ, ասացեք տեսնեմ ի՞նչ է ձեզ հետ կատարվում, ընկե՛ր: Քա-

ԱՈՒ ՑԻՑԻ

ևի՞ անգամ եմ ասել, որ դա ձեզ հետ ոչ մի կապ չունի: Մի՛ խանգարեք: Պարզապես ձեր գործը կատարեք ձեր հերթափոխում, եւ ամեն ինչ լավ կլինի: Պատկերացում ունե՞ք, թե ինչպես պետք է ձեզ պահեք: Ինչո՞ւ ուշադրություն չեք դարձնում վերադասների ասածին:

Կանգնել էի հիմարի պես տեղում գամված: Միշտ ինձ համակող մի զգացողություն էի ունեցել: Հիվանդանոց գալուս առաջին իսկ օրից աղտոտված, հեղձուցիչ օդը, այս ու այնտեղ շարժվող մարդկային կերպարանքները, ամենուր աչքի զարնող կարմիր, հոսող արյունը, այս ամենն աղմուկով արձագանքեց կրծքիս տակ: Գլուխս ծակր ու դանդաղ թափահարեցի: Չէի կարող փախչել դրանցից, չէի կարող ազատվել:

Հանկարծ առաջ նետվեցի եւ հայտարարեցի.

-Ո՛չ, չե՞ք կարող նրան այստեղից տանել:

Ապա լուռ նայեցինք մեկս մյուսին:

Ես վախեցել էի իմ իսկ արտաբերած բարձր ձայնից:

Տնօրենի դեմքը կապարագույն էր դարձել:

-Պա իմ ցանկությունն է, որ ենթարկվեք հիվանդանոցի կարգուկանոնին: Դուք չեք կարող պատասխանատվություն կրել նման լուրջ հետեւանքների համար:

Գլուխս հանգիստ տարուբերեցի:

-Ես ուզում եմ պատասխանատվության ենթարկվել այս սխալի համար:

Մի՞թե դա հնարավոր չէ:

Տնօրենը մի պահ մտածեց եւ հանկարծ ժպտաց: Ապա մեղմ, հանդարտ ձայնով ասաց.

-Մխալ չի եղել: Չկա ոչինչ, որի համար պետք է պատասխանատվության ենթարկվել: Եթե բաժանմունքն այս ստուգումն անցնի առանց խնդիրների, որեւէ պատիժ չեք կրի:

Գլուխս մի քանի անգամ տարուբերեցի: Տնօրենի ժպիտն աստիճանաբար մարեց:

Ինձ նայեց գայրացած ու խոժոռ դեմքով, ուժեղ զարկեց գրասեղանին եւ ոտքի կանգնեց:

Բացեց դուռն ու դուրս եկավ:

Տնօրենի աշխատասենյակից գնացի ընդհանուր սենյակ: Անվարժ շարժումով հանելով բանալիս՝ բացեցի մետաղե դուռն ու ներս մտա: Մի քանի բուժքույր հավաքվեցին շուրջս:

-Գնացել էիր տնօրենին տեսնելո՞ւ,- հարցրին:

Կիսամեռի պես գլխով արեցի:

-Ի՞նչ էիր ուզում:

-Հոգևած գլուխս հազիվ տարուբերեցի եւ ոչինչ չասացի:

-Ասա, ասա՛ մեզ,- պահանջեցին բոլորը միանգամից:

-Պնացել էի տնօրենին խնդրելու, որ ինձ պատժի, խնդրելու, որ Վանին չտեղափոխի,- քրթմնջացի:

Ինչպես եռացող յուղի մեջ հանկարծ ընկած ջրի կաթիլներն են ցայտում, բոլորը դետուլեն ցատկեցին:

-Լինի, գլխիդ հետ հաստատ ինչ-որ բան է կատարվում: Այդքան անախորժության պատճառ ես դարձել, դեռևս նոր անախորժություն՞ն ես փնտրում: Փաստորեն, գնացել ես տնօրենի մոտ, խնդրել, որ քեզ պատժի, եւ ուզում ես հիվանդին այստեղ պահել, որպեսզի մենք բոլորս անախորժության մեջ ընկնենք: Մեզ համար ի՞նչ լավ բան կա նրան այստեղ պահելուց: Երբ վերահսկող հանձնաժողովը գա, բոլորս կկորցնենք մեր աշխատանքը: Հիմա է, որ պետք է բոլորս միասնական լինենք: Եթե հիվանդանոցը ներքին հետաքննություն կատարի, ապա ընդամենը նկատողություններ կլինեն եւ որոշ տուգանքներ, բայց վերահսկող հանձնաժողովը կզեկուցի ընդհուպ մինչեւ Առողջապահության նախարարություն: Հիվանդանոցը չի կարողանա մեզ պաշտպանել, եթե անգամ ցանկանա: Մենք ստիպված ենք Վանին արագ տեղափոխել: Նա ընտանիք չունի եւ խելքը գլխին չէ: Ազատվենք նրանից, եւ ոչ ոք մեզ համար անախորժություն չի ստեղծի:

Գլուխս կախեցի, իսկ նրանք հերթով փորձում էին համոզել ինձ: Սիրտս կրծքիցս դուրս էր թռչում, իսկ ոտքերս ուժասպառությունից ծալվում էին: Ուզում էի նստելու մի տեղ գտնել եւ փոքր-ինչ հանգստանալ: Հավաքվածներին մի կողմ հրելով՝ ուզում էի հեռանալ, երբ հանկարծ մեկը ձեռքս բռնեց: Ավագ քույր Չժանն էր, որն իմ խորհրդատուն էր, երբ առաջին անգամ ինձ այստեղ նշանակեցին: Աղերսագին դեմքով նա ինձ խնդրեց.

-Լինի, զիտեմ, որ դու պետք է իսկապես վատ զգաս նրանից, ինչ պատահել է:

Բայց պետք է մտածես բոլորի մասին, չես կարող պարզապես անել այն, ինչ ուզում ես:

Պետք է հասկանաս՝ միայն դու չես, որ պատասխանատվություն կկրես: Մնացած բոլորս ենք պատասխանատվություն կրելու: Ի՞նչ կլինի մեզ հետ, եթե դա անես:

Ինչպե՛ս կուզեի գրկել նրան եւ լաց լինել: Ուզում էի նրանց ասել, թե որքան եմ սիրում վազել եւ որքան եմ ստում բուժքույրի գործը, ինչքան եմ

ԱՈՒ ՑԻՑԻ

վախենում, որ չեմ կարողանա վազելը շարունակել, ահա թե ինչու եմ ներքին ցավ ապրում, ահա թե ինչու եմ ուզում փրկել Վանի աջ ոտքը: Բայց մեկ բառ իսկ չկարողացա արտաբերել: Չհամարձակվեցի խոսել, որովհետեւ շատ լավ գիտեի՝ նրանք չեն փոխի իրենց մտածելակերպը: Եվ եթե խոսեի, միայն սեփական անգործությունս եւ ջանքերիս ապարդյուն լինելն էի շեշտելու: Հայացքս արագ սահեց բոլոր գործընկերներիս դեմքերի վրայով, որոնց հետ աշխատում էի ամեն օր: Նրանք սպասողական ինձ էին նայում: Վերջում ոչինչ չխոսեցի եւ այդ ճնշող պահին մի կողմ քաշելով ավագ քույր Չժանի ձեռքը՝ առանց գլուխս կոկոսի շրջելու դուրս եկա սենյակից:

-Ուրեմն միակ համարձակը նա է: Նա միակ բուժքույրն է, որ անձնվիրաբար օգնում է մեռնողներին եւ խնամում վիրավորներին: Եվ ինչպիսի՞ ժամանակ է ընտրում, որ գնա եւ գթասրտություն ցուցաբերի: Ինչպիսի՞ աջակցություն, ինչպիսի՞ անհեթեթություն:

Մետաղե դուռը փակվեց իմ ետեւից, բայց նրանց ձայները պարզ լսվում էին: Հենվեցի պատին, որպեսզի չընկնեմ: Ջգացի, որ չեմ կարողանում կանգնած մնալ, որ կարող եմ հենց այդտեղ փռվել գետնին ու քնել: Բայց գիտեի, որ ավելի կարեւոր մի բան ունեմ անելու: Ամուր բռնեցի կոթատետրս եւ սկսեցի դանդաղ ցած իջնել աստիճաններով:

Հիվանդանոցի վերատեսուչը բարի դեմքով մի ծերունի էր: Իրեն հատուկ ժպիտը դեմքին՝ նա տեղից վեր կացավ եւ ինձ նստեցրեց: Ես հուզված ու վախվորած նստեցի:

-Օրիորդ Լի, բա՞ն է պատահել:

Շունչս ետ բերեցի եւ մեկ անգամ էլ պատմեցի այն, ինչ տեղի էր ունեցել: Վերատեսուչն այդ ամբողջ ժամանակ ժպտալով զլիսով էր անում:

-Դուք լավ բուժքույր եք,- ասաց ինձ ջերմ ժպիտով:

-Ոչ, ես լավ բուժքույր չեմ: Երբե՞ք չեմ եղել:

Ամենայն լրջությամբ կոթատետրս մեկնեցի նրան:

-Սրանք այն սխալներն են, որ արել եմ այստեղ բուժքույր աշխատածս այս մեկ տարվա ընթացքում: Ես հմուտ եւ բանիմաց բուժքույր չեմ: Խնդրում եմ, որ հիվանդանոցն ինձ պատժի ենթարկի: Բայց խնդրում եմ մի՛ տեղափոխեք Վանին: Վերատեսուչ, խնդրում եմ:

Վերատեսուչը ձեռքը մեղմորեն դրեց ուսիս:

-Օրիորդ Լի, լաց մի՛ եղեք: Երբ երիտասարդները գիտակցում են իրենց սխալները եւ ուզում են փոխվել, դա լավ է: Ես հավատում եմ այս փորձառությունն այս պահից կստիպի, որ դասեր քաղեք եւ առաջնակարգ բուժ-

քույր դառնաք: Լավ կանեք վերադառնաք աշխատանքի: Մի՛ անտեսեք ձեր պարտականությունները: Մենք շատ ուշադիր կքննարկենք Վանի դեպքը: Ի՞նչ կարծիքի եք:

Վերատեսուչը կայում էր խաղաղ ու անկեղծ հայացքով: Ես փոքր-ինչ հանդարտվեցի եւ գլխով արեցի: Եվ նախքան հեռանալս խոնարհվեցի նրա առջեւ:

Երբ վերադարձա հիվանդասենյակ, մթնոլորտը շատ լարված էր: Բուրն ինձ կասկածանքով ու խեթ էին կայում եւ հեռու էին մնում ինձնից: Վանը պառկած էր իր մահճակալին՝ ասեղները ձեռքի մեջ: Դեղորայքն ընկնում էր կաթոցիչի մեջ՝ կաթ-կաթ, կաթ-կաթ, ինչպես ճոճանակն է գնում-գալիս կամ ինչպես ռումբի պայթուցիչը գործի գցող ժամացույցն է աշխատում՝ մոտեցնելով վերջին վայրկյանները: Վանն իր չորացած շուրթերը ձգելով ժպտաց, երբ նստեցի նրա մահճակալի մոտ:

-Բուժքույր Լի, ինչո՞ւ վերջին մի քանի օրը ինձ վազելու չտարաք:

Ես ճիգով մի կերպ ժպտացի եւ ասացի.

-Անձրեւ էր գալիս: Դրսում թաց է, չենք կարող գնալ վազելու:

-Հա,- ասաց նա եւ գլխով արեց:- Երբ պարզ եղանակ լինի, կարող եք նորից ինձ վերցնել:

-Այո,- ասացի:- Անպայման:

Նա աչքերը փակեց, իսկ ես լուսամուտից դուրս կայեցի: Երկնքում ամպերի գունատ դեղնավուն քուպաներ էին լողում, իսկ բակում մի քանի երեխա բռնոցի էին խաղում: Որոշ ժամանակ անց կարծեցի, թե քնել է, եւ արդեն ուզում էի գնալ, երբ հանկարծ բացեց աչքերը եւ ասաց.

-Ուզում եմ վազել առանց կանգ առնելու: Ուզում եմ վազելով անցնել աշխարհի բոլոր անկյուններով: Եթե դա անեմ, հայրս ու մայրս կտեսնեն ինձ եւ տուն կտանեն: Նրանք հաստատ կճանաչեն ինձ: Ճիշտ չէ՞, բուժքույր Լի:

Թիկունքով էի կանգնած դեպի նա եւ սիրտ չարեցի ետ շրջվել: Գլուխս կախ գցած եւ թաց աչքերս սրբելով՝ բարձր ձայնով պատասխանեցի.

-Այո, երբ ժամանակը գա, ես կվազեմ քեզ հետ: Նրանք անպայման կտեսնեն քեզ եւ շատ կուրախանան:

Զգացի, որ Վանը ժպտում է, այնպես ուժեղ է ժպտում, որ մահճակալը ցնցվում է:

Այդ առավոտ, երբ իմ հերթափոխն ավարտվում էր, գլխավոր բուժքույրն եկավ ինձ տեսնելու: Ասաց, որ բաժանմունքը միջոցներ է ձեռնարկել, որպեսզի ես արձակուրդ գնամ: Արտաժամ աշխատանքի հաշվին ես

ԱՈՒ ՑԻՑԻ

որոշակի ազատ օրեր կարող էի ունենալ եւ մի քանի անգամ դիմել էի արձակուրդի համար, բայց թույլտվություն չէի ստացել: Այս հանկարծակի որոշումն ինձ անհանգստացրեց: Գլխավոր բուժքրոջը հարցրի, թե ինչու են հենց հիմա ինձ արձակուրդ տալիս: Նա ժպտալով պատասխանեց.

-Օրիորդ Լի, դեկավարությունը շատ է մտահոգված ձեր հարցով: Այս միջադեպը պետք է որ հոգեբանական ծանր բեռ լինի ձեզ համար, այդ պատճառով էլ առաջարկել ենք, որ դուք լավ հանգստանաք:

Ես անմիջապես հարցրի.

-Իսկ ի՞նչ կլինի Վանի վիճակը:

- Պետք չէ անհանգստանալ,-ասաց նա:- Վերատեսուչն արդեն հրահանգ է տվել, որ Վանը վաղը տեղափոխվի վիրաբուժական բաժանմունք եւ բուժում ստանա այնքան ժամանակ, մինչեւ որ ապաքինվի:

-Ղա ճի՞շտ է:

Գլխավոր բուժքույրը ձեռքը դրեց ուսիս եւ ասաց.

-Վաղը կարող եք տանը մնալ եւ հանգստանալ ու մտքով խաղաղվել: Ես երկար տարիներ գլխավոր բուժքույր եմ եղել: Ինչո՞ւ պիտի ձեզ խաբեի:

Գրեթե դուրս թռա բուժքույրերի սենյակից՝ աննկարագրելիորեն թեթեւացած սրտով: Զայլելով դեպի ճաշարան՝ չկարողացա զսպել ինձ եւ սկսեցի քթիս տակ մեղեդի մրմնջալ: Վերջապես համոզվել էի նրանց: Վերատեսուչն իսկապե՛ս մեծ մարդ էր: Չէի կարողանում ինձ տիրապետել եւ նախաճաշիս տուփը ձեռքիս՝ վեր ձգվեցի ու տերեւը վրան մի ճյուղ պոկեցի, փակեցի աչքերս եւ խոր ներշնչեցի դրանց բույրը: Ծուրջս տարածվել էր քափուրի ծառերի թեթեւ բուրմունքը: Ամեն ինչ պարզապես շատ գեղեցիկ էր: Երբ աչքերս բացեցի, Յան Հունը կանգնած էր իմ առջեւ: Նետվեցի դեպի նա եւ սկսեցի ուրախ ցատկոտել նրա շուրջը:

-Յան Հուն, ես հաղթե՛լ եմ: Գիտե՞իր: Նրանք պահելու են Վանին: Վերատեսուչն այնքան լա՛վն է:

Յան Հունը խոսեց հանգիստ, անարտահայտիչ.

-Ուրեմն պետք է շնորհավորեմ քեզ:

Նա մի քանի քայլ առաջ գնաց, ապա դանդաղ շրջվեց եւ նայելով ոտքերի տակ ընկած տերեւերին՝ շարունակեց.

-Լինի, այսօր հիվանդանոցից քո դուրս գալուց հետո վերատեսուչը գնաց տնօրենի աշխատասենյակ: Ես պարզապես անցնում էի այդտեղով եւ առանց որեւէ մտադրության՝ լսեցի, որ Վանի հարցն են քննարկում: Իրականում շատ բաներ այնքան էլ պարզ չեն, որքան դու մտածում ես:

Այս ասելով՝ Յան Հունն արագ հեռացավ: Ապշահար՝ չէի կարողանում

խոսել: Երկար մտածեցի՝ ինչո՞ւ ևս ինձ պատմեց այս ամենը: Ի՞նչ էր նշանակում նրա վերջին նախադասությունը: Մի՞թե բոլորը խաբում էին ինձ: Նախաճաշի տուփն ընկավ գետնին: Անորոշ մի կանխագագացում ունեցա: Կեսօրվա արեւի լույսն այնքան սուր ու ծակող էր, որ չէի կարողանում աչքերս բացել:

Օրվա երկրորդ կեսին դարակիցս հանեցի եւ լվացի աշխատանքային համազգեստներս: Գործընկերներս խիստ հետաքրքրված էին եւ հարցրին.

-Լինի, ընդամենը մի քանի օրով ես գնում: Ինչո՞ւ ես բոլոր համազգեստներդ հանում ու լվանում:

Նկատելով նրանց սրտացավ մտահոգությունը՝ ժպտացի:

-Եղածը մի բան չէ: Պարզապես մի քիչ մաքրություն եմ անում: Հակառակ դեպքում, երբ վերադառնամ, դրանք բոլորը կեղտոտ կլինեն:

Յան Հունը հեռվում կանգնած ինձ էր նայում: Երբ բոլոր համազգեստներս փռել էի չորանալու, մոտեցա միջանցքի պատուհանին, որպեսզի մազերս սանրեմ: Լուսամուտից դուրս ծուռ բնով մի ծառ կար: Քանի՜ անգամ եմ գիշերային հերթափոխի ժամանակ կանգնել այս լուսամուտի մոտ եւ, հետնելելով այս մեծ ծառի թեք ուրվագծին, նայել եմ գիշերային երկնքին՝ միշտ սպասելով, թե երբ արշալույսը կլուսավորի երկինքը: Ուզել եմ իմանալ, թե երբեւէ ծառը կուղղվի՞, կդառնա՞ մատիտի պես ուղղածիգ եւ արդյոք նրա ճյուղերը կծոզվեն՞ ուղիղ դեպի երկինք, կհասնեն՞ երկնքին: Այժմ նման հարցեր այլեւս գոյություն չունեին: Խնամքով փաթաթեցի երկար մազերս եւ բուժքրոջ իմ գլխարկը դնելով՝ երկու կողմից ամրացրի մազակալներով: Քայլեցի դեպի Վանի սենյակի դուռը՝ ուղղելով համազգեստիս վրայի յուրաքանչյուր ծալք: Այստեղից մինչեւ մետաղե դարպասը հեռու չէր: Բուժանձնակազմը հիվանդներին տարել էր երգեցողության պարապմունքի սենյակ: Հանեցի բանալիներս եւ դեղին բանալին ձեռքիս բռնած՝ ներս մտա Վանի սենյակ: Նա տեսավ ինձ ներս մտնելով եւ սովորականի պես ժպտաց: Վերմակը բարձրացրի եւ նայեցի նրա աջ ոտնաթաթին: Այն արդեն կարծրացել էր ու ծանրացել, ինչպես ածուխի կտոր: Անջատեցի ներապակային ներարկման խողովակը՝ օգնելով, որ ուղղվի, եւ հարցրի.

-Կարո՞ղ ես վեր կենալ եւ մի քիչ քայլել:

Շատ երջանիկ դեմքով՝ Վանը նստեց անկողնում, բայց հենց որ ոտքը գետնին կպավ, մարմինը թափով առաջ ընկավ: Ես բռնեցի նրան:

-Բուժքույր Լի, ի՞նչ է եղել ինձ,- հետաքրքրությամբ հարցրեց Վանը:

-Ոչինչ: Պարզապես շատ երկար ես պառկած եղել անկողնում,- պատասխանեցի:

ԱՈՒ ՑԻՑԻ

Պատկերցրի նրան, ապա առա թիկունքիս եւ մեծ դժվարությամբ ուղղեցի:

-Ո՞ր ենք գնում,- հարցրեց նա:

Ձայնը հնչում էր ականջիս մոտիկ: Կանգնեցի նրա սենյակի դռան մոտ՝ զգուշորեն դուրս նայելով: Միջանցքում ոչ ոք չկար:

-Գնում ենք վազելու:

-Իսկապե՞ս:

Նա այնքան երջանիկ էր:

-Այո, իսկապես: Պատրա՞ստ ես: Վզիցս ամուր բռնիր: Ես պատրաստվում եմ հաշվել՝ «մեկ, երկու, երեք», եւ հետո մենք պիտի վազենք, լա՞վ:

Վանն իսկույն, ամուր բռնելով, կախվեց վզիցս եւ ոտքերը պահելով՝ ասաց.

-Պատրաստ եմ, ես պատրաստ եմ: Գնա՛նք վազելու:

Շունչս տեղը բերեցի:

-Մեկ, երկու, երեք, գնացի՛նք:

Վանին շալակած՝ արագ վազեցի դեպի դուռը:

Այդ պահին հիվանդների պարապմունքը մոտեցավ ավարտին: Ես արդեն հանել էի բանալին: Բարձր կանչեր էին լսվում, կանչում էին իրար, լսվում էին ոտնածայներ: Ետեւիցս բազմաթիվ աղմկոտ, հնչեղ ձայներ էին գալիս: Բանալիս պտտվում էր փականի մեջ, եւ ոտնածայների ծանր հնչյուններն անսպասելիորեն տարածվել էին ամենուր: Արա՛գ: Արա՛գ: Ավելի՛ արագ: Վերջապես դուռը բացվեց: Արեւի պայծառ լույսն ընկել էր գետնին, իմ առջեւ:

-Լի Լինի, վազի՛ր:

Միայն այդ ձայնն էի լսում: Վանին թիկունքիս պահած՝ լայն քայլերով առաջ գնացի: Զամու ձայնը սուլեց ականջներիս մեջ, եւ հիվանդները փողոց նետվեցին:

-Վազի՛ր, արա՛գ, Լի Լինի՛:

Ոտքերս սահում էին երկրի վրայով, եւ իմ թիկունքին Վանն ավելի ու ավելի թեթեւ էր դառնում: Վազում էի ու վազում, եւ բոլոր հիվանդները շուտով մնացին հեռվում:

Հիշողությանս մեջ միշտ վառ է եւ անջնջելի այդ զգացողությունը: Ծառերը տարածեցին իրենց ճյուղերի կանաչը, երբ նրանք ձայն էին տալիս ինձ: Ճանապարհն ավելի ու ավելի նեղ դարձավ, մինչեւ որ վերջում վերածվեց գորգի բարակ մի շերտի, եւ երբ ոտքերս դիպան այդ գորգին, զգացի դրա փափկությունը: Բաց դաշտերում կարմիր, վայրի ծաղիկներ

Էին, որ վազելիս բոցի պես առկայծեցին աչքերիս անկյունում: Միայն լսեցի՝ «Ավելի արագ վազիր, Լի Լինի»: Քամին արագ պատառոտեց ծաղիկները՝ ծվենների վերածելով: Ոգետրվեցի այդ սրընթաց փոփոխվող զգացողությունների պատառիկներից, մինչ մարմինս շարունակում էր ճոճվել՝ առաջ սլանալով, առաջ սլանալով: Քամին մաքրեց, լվաց մաշկս: Բոլոր զգացողություններս ծվեն-ծվեն եղան անճանաչելիության աստիճան, եւ ամեն ինչ դարձավ աղոտ ու մշուշապատ: Ամեն ինչ վերածվեց գույների անորոշ բծերի, որ վերուվարում էին ճանապարհիս բոլոր կողմերում: Սկսեցի քրտնել, բայց հոգևածություն չէի զգում: Տեսա թանձր, ճերմակ, ալիքվող ամպերը: Իսկ ամպերի միջից շողացին լույսի կուրացուցիչ ճառագայթներ: Այդ պահին իմ ամբողջ էությունը ողողվեց լույսով: Եվ երբ ներսուզվեցի խոյն ճերմակ տարածության մեջ, մարմինս տարրալուծվեց, միածուլվեց այդ ճերմակությանը: Հավանաբար այդ պահին անհետացա: Բայց ես վազելու եմ, վազելու եմ ընդմիջտ...

ՇՈՌԻ ՉԺԻ

ԵԿԵՔ ՄԻ ԲԱՆ ԱՆԵՆՔ

Ասես հատուկ պայմանավորվածությամբ՝ մեր բոլոր ընկերուհիները հաջորդաբար բաժանվեցին մեզնից: Մեզնից, այսինքն՝ ինձնից, Ծեր Թռչնից, Լի Դունից ու Չժառ Սյառսիից: Թող հեռանան, եթե ուզում են, ասաց Ծեր Թռչունը: Ո՞նց կարող է ևորը գալ, եթե հիկը չի հեռացել: Լի Դունը փոքր-ինչ տխուր էր եւ ասաց՝ Էդպես մի՛ ասա, Թռչուն, ես դեռ սիրում եմ նրան: Էդ տղան Էնքան զզվելի էր: Ինչ էլ որ լիներ, միշտ լեզվի ծայրին սերն էր, միշտ դրա մասին էր խոսում: Չժառ Սյառսին ոչինչ չասաց: Դարգապես շարունակում էր խմել: Դե՛, մի բան ասա՛: Լի Դունը ձեռքը դրեց նրա ուսին եւ թեթեակի թփթփացրեց, բայց չէր սպասում, որ ևս գլուխը կկախի ու կսկսի հեկեկալ: Մենք նրան երբեք չէինք տեսել Էդպես լաց լինելիս:

Դեռ երեխա ժամանակվանից գիտեինք մեկս մյուսիս: Միայն մի կարճ ժամանակ բաժանվեցինք, երբ գևացի սովորելու: Ծեր Թռչունն ու նրա հայրն աշխատում էին գևացքների վրա: Լի Դունը թափառում էր փողոցներում, մինչեւ որ Էդպես թափառելով ուղիղ բաևտ ընկավ մի քանի տարով: Բոլորիցս միայն Չժառ Սյառսին էր մնում տանը: Երբ վերադառնում էինք մեր փոքրիկ քաղաք, զգում էինք, որ մեր մեջ ամենաբախտավորը Չժառ Սյառսին է: Ապա նայեք մեզ: Մենք Էդպիսի շրջապտույտներ էինք կատարում, որպեսզի բոլոր դեպքերում ետ վերադառնայինք:

-Մենք՝ տռաններս, բացի դատարկ բաներից, ոչնչի չհասանք:

Երբ ասում էր՝ Ծեր Թռչնի աչքերը թափառում էին Չժառ Սյառսիի ընկերուհու մարմնի վրա: Էդ օրը մենք Չժառսիյի հարբած գտանք, կատակներ խաղացինք նրա գլխին ու վարտիքը ցած քաշեցինք, ճիշտ Էնպես, ինչպես անում էինք, երբ փոքր էինք: Չժառսի ընկերուհին նեղացավ մեզնից:

-Նրանք իմ եղբայրներն են, իմ լավ ընկերները,- ընկերուհուն ասաց Չժառն:

-Նույնիսկ ամենալավ ընկերները չպետք է Էդպիսի բաներ անեն,- ասաց նրա ընկերուհին գայրույթից կարմրատակած աչքերով:

Դրանից հետո մենք մեր մեջ մտածում էինք, որ Ծեր Թռչունը ձեռ էր օգցել Չժառսի ընկերուհուն: Իհարկե, դա պարզապես ենթադրություն էր: Մի

բան կարող եմ հաստատ ասել՝ իմ ու նրա միջեւ բան չէր եղել:

Ծեր Թոշնի հայրը կարծում էր, որ մենք արժանի ենք էդ ամենին: Նա դա ասաց ուղիղ մեր երեսին եւ Լույսն ասաց Լատե մեր հայրերին: Հոր համար Ծեր Թոշունը լավ երեխա էր, բայց մենք փչացրել էինք նրան: Սկզբում Լա մեզ ասաց.

-Էս մի քանի տարին, երբ գնացած էիք, Ծեր Թոշունն անում էր, ինչ ասում էին: Ամեն օր զարթնում էր լուսաբացից առաջ: Եվ երբ ես վեր էի կենում, ամեն ինչ պատրաստ էր գնալու համար: Նույնիսկ մեքենան էր տաքացված լինում: Հենց ետ եկաք, Ծեր Թոշունը փոխվեց, դարձավ վատը: Գիշերը չէր քնում, օրվա ընթացքում չէր զարթնում: Լավ, էդ ի՞նչ եք մտքնեւրիդ դրել:

Հա, ի՞նչ էինք անում մենք: Ամեն օր, երեկոյան կողմ, մեզնից մեկը զանգում էր մյուսներին: Ի՞նչ էինք անում: Ոչինչ: Մաջո՞նք էինք խաղում (*Մաջոնկ կամ մացոյան- չինական մոլեխաղ՝ զառերով - Ծ. Թ.*): Այդ օրերին մեր բախտը չէր բերում: Գնա՞նք Փոքր Հոնկոնգ: Ոչ մի դեպքում: Վերջին անգամ աղջիկներն էդտեղ փչացրին իմ ախորժակը, եւ հիմա ամեն անգամ, երբ մտածում եմ էդ մասին, ուզում եմ ետ տալ: Զա՞ք է: Ոչինչ իմաստ չունի: Ի՞նչ եք ուզում անել: Ոչինչ չէինք ուզում անել: Պարզապես ուզում էինք սպասել: Գրո՞ղը տանի: Բա մի բան չպե՞տք է անենք: Գրո՞ղը տանի: Ի՞նչ ես առաջարկում: Ես էլ չգիտեմ: Դո՞ւ որոշիր: Զաք վիճակ: Ուրեմն առաջինը դուրս արի: Դուրս գանք, հետո կքննարկենք: Բոլորի՞ն ես կանչել: Լավ: Եղավ: Մեկ վայրկյանից Էստեղ կլինեմ, Լույս տեղում, կամ կլինես, կամ կկորցնես: Մի բան պետք է անենք: Դրա համար էլ մաջոնք էինք խաղում խնդիրը քննարկելիս: Ինչ էլ որ անենք, դա պետք է մի մեծ բան լինի, ասում էր Ծեր Թոշունը: Եկեք կարաոկե բար բացենք: Արագ փող կբերի: Կարաոկե բարը պետք է ետևաբեմ ունենա, գիտեք դա: Դե, ուրեմն, ածուխ քանդենք հանենք ու ծախենք, ասում էր Ծեր Թոշունը: Վայ՛, քո՛ւ... Լրիվ Էներգիան ունեք, բայց օգտագործելու ոչ մի տեղ չկա:

Երբ որ քննարկում ենք, թե ինչ անենք, բոլորս էլ փորձում ենք ինչ-որ բան ներկայացնել: Մենք պետք է ավելի ողջամիտ ծրագիր ներկայացնենք, ասում էր Զժանը: Էդ տղան միշտ իրեն ղեկավարի տեղ է դնում: Էս ծրագիրը, Էս ծրագիրը: Հայրը նրան հարցնում էր՝ դո՛ւ, փոքրիկ քաթլան, ամեն օր ծրագիր ես ծամում, բայց երբեք չեմ տեսել, որ դրանցից մեկը կուլ տաս, էլ չեմ ասում, որ դուրս հանես:

Մի անգամ մենք գրեթե մտածում էինք, որ ունենք ծրագիրը: Դա ուղիղ մեր առջեւ էր: Լի Դունի խցակիցներից մեկը մի օր անսպասելի զանգ

ՀՈՈՒ ՉԺԻ

տվեց նրան: Հարստանալու մեծ հնարավորություն կա՝ խորհրդավոր ասաց նա: Համաձայն ես, թե՛չէ: Լի Դունը հենց որ լսեց, անկողնուց դուրս ցատկեց: Բա՛րձր խոսիր: Ի՞նչ հնարավորություն: Հենց հիմի Էդտեղ կգանք: Տղան ասաց՝ եկեք, կխոսենք: Դրանից հետո Լի Դունն անհետացավ ավելի քան մեկ շաբաթ: Հետո ամեն մեկիս առանձին-առանձին զանգ տվեց ու ձայնի նույն խորհրդավոր տոնով ասաց՝ մեծ փողեր աշխատելու հնարավորություն կա, համաձայն եք, թե՛ չէ: Հենց որ լսեցինք, անմիջապես շտապեցինք Էդտեղ: Ծեր Թռչունը նույնիսկ փող ճարեց իր ծերունկից:

Էս անգամ ես փողը կշատացնեմ, ասաց հորը: Լի Դունն արդեն արել է դա: Եթե նորից ետ ընկնեմ, զնացքը բաց կթողնեմ: Նրա հայրը վերջապես համոզվեց: Բայց ասաց՝ տղաս, թույլ չտաս, որ քեզ վաճառեն, բայց մտածեն, թե լավություն են անում:

Ծեր Թռչնի հայրն Էդպես խոսելու հիմքեր ուներ: Լի Դունը վատ համբավի տեր էր: Դա, իհարկե, հասկանալի է, քանի որ բանտում էր եղել: Ծեծկռտուքի պատճառով էր բանտարկվել, եւ դա Էլ ավելի հասկանալի է: Ծեր Թռչունը հաճախ էր հարցնում Լի Դունին՝ ամեն դեպքում, քանի որ բանտում ես եղել, ինչո՞ւ չգնաս Բանիի մոտ: Լի Դունը պատասխանում էր՝ գրողը տանի, Էնպես չի, որ ես չեմ ուզում, ի՞նքը չի թողնում ինձ: Վերջիվերջո, բանտ էիր ընկնելու: Ծեր Թռչունը փոքր-ինչ բթամիտ է: Ստածում է, որ եթե Լի Դունը, այնուամենայնիվ, բանտ է ընկել, նրա համար լրացուցիչ պարգև կլինի, եթե քնի Բանիի հետ: Բանին մեր ավագ դպրոցից էր, գեղեցիկ էր եւ բոլորին դուր էր գալիս: Բայց Բանիի հայրը շատ տաքարյուն բնավորություն ուներ: Ով Բանիին մոտ գնար, նրան էր պատասխան տալու: Եվ նա ուղղակի շան ծեծ էր տալիս Էդպիսի մեկին: Լի Դունը բացառություն էր, եւ Բանիի հայրը նրա հետ լավ էր: Մենք կարգին չէինք հասկանում, թե, անկեղծ ասած, ինչու էր Էդպես, չէ՞ որ Լի Դունն Էդքան գեղեցիկ չէր, ոչ էլ ունետր ընտանիքից: Էդպես չպետք է լիներ: Հետո պարզեցինք, որ Լի Դունն ինչ-որ բան ուներ Բանիի հոր հետ կապված: Թե ինչ էր դա, Լի Դունը երբեք չէր ասում: Մենք էդ մասին երկար ժամանակ մտածեցինք, բայց ոչ մի եզրահանգման չեկանք:

Փռչեխառն մազերով՝ նետվեցինք առաջ, որ հանդիպենք Լի Դունին, իսկ հետո նույն արագությամբ ետ եկանք: Ետդարձի ճանապարհին Լի Դունին դուրս գցեցինք մեքենայից: Լրիվ շվարած՝ Լի Դունն ասաց՝ դուք էլ, տղերք, ոչ մի բան չեք կարող անել: Չեք կարողանա Էս փոսից դուրս պրծնել: Ձենդ կտրի՛, ապուշ, ասաց Ծեր Թռչունը: Էլ սրանից հետո հերս մեզ չի հավատա: Եկեք ձեռացնենք, թե ճամփորդության ենք մեկնել, լա՛վ: Արդեն

Եսքան տարիքով ենք, բայց երբեք ճամփորդության չենք մեկնել, ասաց Լի Դունը, ուղղակի հանգստանալու համար: Մեր ետ գալուց հետո, ոչ մեկին ոչ մի բառ չասացինք, թե ինչ էր եղել, բայց ինչ-որ կերպ հայտնի էր դարձել, եւ երբ մարդկանց հանդիպում էինք, նրանք ծիծաղից փորկերն էին բռնում: Բանիի հայրն ամենաբարձրն էր ծիծաղում: Նա փոթեկաց եւ զարեջուրը գետնին թափեց, հետո ասաց Լի Դունին՝ լսել եմ, որ մեր Լին ու իր ընկերները մեծ հաջողության են հասել: Լի Դունը ձեռագրեց, թե պետքն էլ չէ, եւ ասաց՝ ուղղակի ծրագիր ենք քննարկում: Բանիի հայրը խեղդվելով քրքջաց ու հարցրեց՝ մե՞ծ ծրագիր: Լի Դունն ասաց՝ կարող է եւ՛ էդպես: Մեկս մյուսիս ետեւից՝ սկսեցինք քաշել Լի Դունի շորերից՝ վերջ տուր, բուրն էլ գիտեն, որ հարիՖի ենք քաշվել բազմամակարդակ մարքեթինգում:

Էդ օրը Չժաո Սյաոսին լալիս էր անվերջ, ամբողջովին չափն անցնելով: Բոլոր մեր ընկերուհիները փախել էին: Ինչո՞ւ պիտի Էսպիսի դրամայի առաջ կանգնեինք: Փորձեցինք նրա հետ ինչ-որ բան մտածել, միևնույն տեսնեինք, թե ինչ ենք անում: Լի Դունն ասաց՝ եկեք պարզապես գնանք մաշոնգ խաղալու: Ծեր Թոչունը, որ կանխիկ փող չունեիր, ուղղակի խենթացավ: Մի քիչ պարտքով կտամ, ասաց Լի Դունը: Ծեր Թոչունն ասաց՝ ես ոչ մի բան պարտքով չեմ վերցնում: Գնա՛, քո՛ւ... ասաց Լի Դունը, ես չեմ էլ ուզում քեզ բան տալ: Բա հիմի ի՞նչ ենք անելու: Թափառել էինք քաղաքի արեւելյան ծայրից միևնույն արեւմտյան ծայրն ու ետ եկել: Բայց միայն գարեջուրն էինք շատացրել, որի ճղփոցը լսվում էր մեր փորերի մեջ: Վերջապես նստեցինք խորովածանոցի մոտ, Կենտրոնական հրապարակի շատրվանի հարեանությամբ, լրիվ ուժասպառ եղած: Եկեք մի բան ուտենք: Գոնե մի քիչ կհանգստանանք:

Չժաո Սյաոսին արդեն հանդարտվել էր եւ լուռ ուտում էր ոչխարի մսով քյաբաբը: Էսպիսի տեսք ուներ, ասես երեք օր ոչինչ չէր կերել: Շամփուրը ձախ ձեռքին, մի շամփուր էլ աջ ձեռքին, բերանն էլ՝ լիքը: Սյաոսի՛, գոռացինք վրան: Հը՛մ, արծազանքեց՝ առանց նույնիսկ գլուխը բարձրացնելու: Վայ՛, քո՛ւ... Սյաոսի՛, Լի Դունն սկսեց հայիոյել նրան, չարձա՛ր... Էդ ի՞նչ դառավ, հիմար մի կնիկ է, էլի... Սյաոսին բառ անգամ չասաց, շարունակեց ուտել: Լի Դունին նշան արեցինք, որ ձեռք կտրի: Ավելի լավ է՝ միայն կեր, ասաց Ծեր Թոչունը: Խնդրեմ: Կեր: Լի Դունն իր բաց ձեռքը պարզեց դեպի Ծեր Թոչունը՝ ձեռք հիմար ձեռքը... ախմա՛խ գլուխներ:

Ճիշտն ասած՝ Էդ երեկո հեջ ծեծկոտուքի տրամադրությունն չունեի: Բայց գիտեմ՝ Լի Դունը կռվել էր ուզում: Էդ քաքոտ լակոտը մեր միջի ամե-

ՀՈՈՒ ՉԺԻ

ևս կովարարն էր: Ինձ հետ էլ էր կովել, Ծեր Թռչնի հետ էլ, եւ եթէ Սյաոսին հետը գրուխ դներ, նրան էլ կծեծեր: Վատն էն էր, որ Լուսինի սկսած Լի Դուսի հրահրելը, Սյաոսին նյարդայնացած էր, իրեն կորցրած, եւ խառնաշփոթն սկսվելու էր: Լի Դուսը հաճախ ասում էր՝ Սյաոսի, Սյաոսի, կովի՛ր ինձ հետ: Էլի ասաց: Սյաոսին հարցրեց՝ ինչո՞ւ: Լի Դուսն ասաց՝ ուղղակի կովի՛ր մի անգամ, որ սովորես դրան: Չժաո Սյաոսին ասաց՝ ոչ մի դեպքում: Եթէ չկովես, ո՞նց ես իմանալու: Լի Դուսն էր հարցնողը: Ուղղակի գիտեմ, ասաց Սյաոսին: Ամեն ինչ բոլորի համար Լուսինը չէ: Կռիվն ինձ համար ոչ մի հարց չի լուծի: Թո՛ւ, ասաց Լի Դուսը: Չժաո Սյաոսին ասաց՝ գնա կովի՛ր Ծեր Թռչնի հետ: Ուզում եմ քացով ոռիդ խփել, ասաց Լի Դուսը: Չժաո Սյաոսին կրկնեց՝ ես քեզ հետ չեմ կովի: Իսկ եթէ ես ուզո՞ւմ եմ կովել: Ես էլ կփախչեմ: Բա որ չկարողանա՞ս հեռու փախչել: Ես էլ քո խփածին չեմ պատասխանի: Լի Դուսը ոտքի կանգնեց, բռնեց եւ քաշեց Սյաոսիի ուսերից, նայեց դեմքին ու հարցրեց՝ Սյաոսի, եթէ էդ բանն անեմ ընկերուհուդ հետ, կկովե՞ս հետս: Սյաոսին պաշտպանություն խնդրող հայացքով նայեց ինձ ու Ծեր Թռչնին: Մենք չտեսնելու տվեցինք: Հետս կովելո՞ւ ես, թե՞ չէ: Լի Դուսը պահանջելով հարցրեց: Չէ՛: Պատասխանեց Սյաոսին: Ինչո՞ւ: Որովհետեւ դու նրա հետ չես եղել: Թո՛ւ..., ասաց Լի Դուսը, եղել եմ: Ի՞նչ ես ասում, հետս կովելո՞ւ ես, թե՞ չէ: Սյաոսիի արցունքներն սկսեցին անմիջապես հոսել, հետո սկսեց անհույս հեկեկալ: Լի Դուսը թողեց նրան եւ նստեց գետնին: Վերջապես ոռը գետնին դրեց:

Մենք մի տեսակ էինք մեզ զգում, որ Սյաոսիի ընկերուհին՝ Սյաո Ման, ավելի սիրուն էր, քան մեր ընկերուհիներից որեւէ մեկը: Ամեն անգամ, երբ նրանք երկուսով երեւում էին, Ծեր Թռչունը ձեռքով խփում էր բերանին, կարծես բերանի մեջ ճանճ լիներ: Իսկ Լի Դուսը միշտ ասում էր՝ գրողը տանի, թրիքն է գալիս՝ վրան թարմ ծաղիկներ: Սակայն, բարեբախտաբար, թեւեւ Սյաո Մային տհաճություն պատճառեցինք, երբ առաջին անգամ նրան տեսանք, բայց հենց որ մեզ ճանաչեց, սկսեց շատ լավ վերաբերվել: Սլացիկ մարմնով եւ բարեկազմ ոտքերով էս աղջիկը երբ նստում էր մեր կողքին, ամեն մեկս խռովիչ ու հուզիչ մի զգացողություն էինք ունենում: Ամեն անգամ, երբ շատ խմելուց հետո Սյաոսին զուգարան էր գնում, Ծեր Թռչունն օգտվում էր առիթից եւ Սյաո Մային խնդրում էր՝ արի ինձ հետ, Սյաո Մա, Սյաոսիի հետ ապագա չկա: Սյաո Ման նայում էր Սյաոսիի ետեւից, հետո հարցնում՝ ի՞նչ ապագա կա քեզ հետ: Ծեր Թռչունը նայում էր ինձ ու Լի Դուսին եւ ասում՝ մենք հարստանալու ենք, ճիշտ չէ՞, Լի Դուս: Լի Դուսը, խմիչքը դեռ կով չտված, ասում էր՝ հաստատ, Ծեր Թռչուն, դու

հարստանալու ես: Սյառ Ման գլուխը ծաղրալից տարուբերում էր եւ ասում խեղճ էշ, ապագադ շատ է գեշ: Եթե բոլորս Լույս ցես ու կեղտի մեջ ենք, էլ ինչո՞ւ է Սյառսին ձեզ համար անտանելի, փոխանակ ես լինեմ անտանելի: Սյառ Ման էլ էր մի քիչ խմում: Էդ աղջիկն իրոք կարողանում էր խմել: Եվ Լայում էր մեզ ու ասում ուշ թե շուտ հեռանալու եմ Սյառսիից: Հենց Էդպես էլ ասում էր՝ հեռանալու եմ Սյառսիից: Հետո ավելացնում էր՝ ուշ թե շուտ բոլորիցդ էլ հեռանալու եմ:

Միայն Սյառ Ման չէր մեզ լքելու, մեր բոլոր ընկերուհիներն էին լքելու: Բոլորիս համար էլ պարզ էր: Բերանով ասում էինք՝ գևացեք, գևացեք, պետքներս էլ չի: Լույսիսկ երբ իսկապես հավաքեցին իրենց իրերը եւ դուրս եկան, մի մասը բարձրաձայն, մի մասն էլ կեղծ լաց լինելով, մի քիչ հենց Էսպես արցունք թափելով, էլի Լույսն ասացինք՝ գևացե՛ք, դո՛ւրս: Ոչ մի Լոր բան չի գա, քանի դեռ հինը չի հեռացել: Էս բաների մասին մտածելիս գլխացավդ բռնում է, բայց դա հարցի լուծում չէ: Ի՞նչ էինք անելու: Լի Դուևը հաճախ էր կրկնում ի՞նչ ենք անելու: Գիտեինք ինչ Լկատի ունի, եւ եթե դեռ ոչինչ չէինք անում, գուցե Լրա համար, որ մեզ էլ էինք մոռացել, թողել մենակ:

Հիմա Լստել էինք խորովածանոց-տաղավարի դիմաց, շամփուրները ձեռքներին՝ ուտում էինք ոչխարի մսով քյաբաբը: Ավելիք դիմում էինք բաճիկի լեզվի Լման կոր հովարով գլխարկ դրած՝ խորովածանոցի երկար մուրուք ունեցող տիրոջը, որ ավելի շատ պղպեղ տա: Մեզ շատ կծու պղպեղ ու չիլի է պետք, շատ զարեջուր է պետք, ուզում ենք շատ վառելիքով լցվել, շարունակել քրտնել՝ հույս ունենալով, որ դրանից մեզ մի քիչ ավելի վստահ կզգանք: Էսպիսի տոթ ու հեղձուկ կեսօրին կարճ տաբատով ու կարճաթեւ շապիկով էինք, ոտքներին՝ չստեր, բոլորս էլ պատրաստ՝ շատ ուտելու եւ զարեջուր խմելու: Մեզնից հետո մեզ Լման ուրիշ տղերք էին, բոլորն էլ մոայլված տեսքով: Տղերք: Հանկարծ Լի Դուևը տեղից վեր ցատկեց: Եկեք մի բան անենք: Գլուխներս բարձրացրինք Էդ ցնդածին Լայելու, հետո էլի կախեցինք՝ սկսելով ուտել: Լի Դուևը ոնց որ թե մի քիչ ավելի կերավ: Քաշեցինք, մինչեւ որ Լորից Լստեց:

Եղացե՛լ ես ինձնից: Մի քիչ հետո Լի Դուևը հարցրեց Չժառ Սյառսիին: Հետո կատակ էինք անում: Սյառսին շարունակում էր իր համար զարեջուր լցնել, եւ եթե շարունակեք, Լույսն էր անելու, ինչ անցած անգամ: Որձկալու էր ու ետ տար բոլորիս վրա: Էն ժամանակ մեր բոլոր ընկերուհիները դեռ մեզ հետ էին, չնայած տրամադրություն չունեին ու տարօրինակ հայացքով մեզ էին Լայում: Գիտեինք՝ ինչ էին մտածում, բայց ուրիշ բան

ՇՈՌԻ ՉԺԻ

չէինք կարող անել: Մեր սրտերը լի էին ամոթով ու տխուր փսոսանքով: Վերջին երկու ամսում նրանցից ամեն մեկն աբորտ էր արել: Բայց ուրիշ տարբերակներ էլ կային: Կարող էինք ամուսնանալ, օրինակ: Էդ դեպքում տասն ամիս հետո կարող էի հայր լինել: Տղայիս կամ աղջկանս գրկած, կամ էլ բոլորով միասին... Ամեն մեկս կպարծենայինք մեր երեխայով, կամ էլ փոքրիկներից մեկը կնստեր հատակին ու կերգեր, կամ էլ կպարեր մեզ համար: Վատ չէր լինի:

Բայց մեր ընկերուհիներն ուրիշ ընտրություն կատարեցին: Առանց նույնիսկ քննարկելու մեզ հետ, առանց տատանվելու՝ գնացին հիվանդանոց, իսկ ետդարձի ճանապարհին Էնպես զիլ էին լաց լինում, որ խելքներս կորցրինք: Ամեն ինչ փորձեցինք անել, որ հանգստացնեինք նրանց, բայց դա լրիվ անօգուտ էր: Վերջում իրենք իրենց հանգստացան:

Հիմա չորս կողմից մեզ էին նայում ու իրար հետ փսփսում: Մենք, մեզ լրիվ կորցրած, առիթ էինք փնտրում, որ դուրս գայինք ու զուգարան գնայինք: Երկար կանգնել էինք, ու մեր խմած զարեջուրը օվկիանոս էր դարձել մեր փորերի մեջ: Բաճկոններս բարձրացրինք վեր, բայց մեր փորերն առաջվա նման հարթ ու ողորկ էին: Տե՛ր Աստված: Սյաոսին սկսեց գոռալ: Էդ ամբողջ զարեջուրն ո՞ր է չքացել: Փորձեցինք ազատվել մեր բեռից, բայց անօգուտ: Երկար մնացինք զուգարանում: Եթե զարեջուր խմողների ամբոխի բարձր ու գայրացած ձայները չլիներին, որ մեզ հիշեցնում էին՝ դուրս գալու ժամանակն է, հավերժ կմնայինք զուգարանում, կծխեինք ու կգրուցեինք, կվայելեինք ներսի խաղաղությունը, որ դրսում չկար: Նորից ասելով, որ սա լուծում չէ, Լի Դունը ծանր ու տխուր ասաց՝ ի՞նչ ենք անելու:

Վերջապես Սյաոսին ոտքի ցատկեց եւ ասաց Լի Դունին՝ Լի Դուն, սրիկա՛, չգիտե՞ս, որ ընկերուհուդ հեռանալը քեզ արժանի պատասխան էր: Լի Դունն, արդեն հայից ընկած, ասաց՝ հա: Սյաոսին ասաց՝ Լի Դուն, քաքոտ լակոտ, ուզում եմ ոռիդ քացով տալ: Խոսելու ժամանակ վեր քաշեց Լի Դունին՝ վե՛ր կաց: Ծեր Թոչունն ու ես Սյաոսիին ասացինք՝ Սյաոսի՛, նրան մի՛ գայրացնի: Դու նրա հետ չես կարող կռվել: Չէինք սպասում, որ Սյաոսին կասի՝ Էդ երկուսդ ձեններդ կտրե՛ք: Ձե՛զ էլ կսատկացնեմ, ոռի լակոտներ: Էլ բան չասացինք: Մեզ մեղավոր էինք զգում: Գիտեինք, թե ինչու է իրեն Էդպես պահում: Դրա համար էլ ասացինք՝ Սյաոսի, մենք չենք արել էս, ինչ որ դու մտածում ես: Գնացե՛ք, ձեր տիրոջ..., ասաց Սյաոսին, կարծում եք ես պո՞ղջ եմ: Նույնիսկ փակ աչքերով գիտեմ, թե ինչ եք մտածում:

Սյաոսիի կարծիքով՝ բոլորս եղել էինք իր ընկերուհու հետ: Ծեր Թոչունն

ասաց՝ Սյաոսի, ախմախ բաներ մի՛ ասա, մենք բոլորս մեր ընկերուհիներն ենք ունեցել: Մեր հարցերը չէինք կարողանում լուծել, ի՞նչ կարիք կար քո հարցն էլ ավելացնել: Ծեր Թռչուն, ինձ համար ցերեկվա լույսի պես պարզ է, թե դու քանի փետուր ունես, ասաց Սյաոսին: Գիտեմ՝ ինչ եք արել, ուրեմն ձեռնդ կտրի՛: Լի Դուն, ի՞նչ ես ասում: Հետո կովերո՞ւ ես, թե՞ չէ:

Փաստորեն Սյաոսին իրոք սխալ էր հասկացել մեզ: Թեև բոլորս էլ ուզում էինք մի քիչ զբաղվել նրա ընկերուհու հետ եւ տարբեր հնարքներ էինք մտածում, որ հետը մոտիկանայինք: Եվ էդ հարցում ես ավելի ստոր էի, քան Ծեր Թռչունն ու Լի Դունը: Նրանք երբեք ինձնից չէին խուսափում, իսկ ես միշտ խուսափում էի նրանցից: Ես զգում էի, որ նրանք երկուսը ճիշտ չէին անում, նաեւ զգում էի, որ դա ճիշտ չէր Սյաոսիի նկատմամբ: Սի անգամ մտածեցի, որ կկարողանամ հաջողացնել: Էդ ժամանակ նրանք բոլորը չափազանց շատ էին խմել, անզգայանալու չափ, եւ ես թաքուն ձեռնահարեցի Սյաո Մային: Բայց Էդքան բան: Երբ մտածեցի, որ նրա լուծությունը համաձայնության նշան է, եւ ուզեցի մի քայլ էլ առաջ գնալ, Սյաո Ման ինձ վճռակաևորեն մի կողմ հրեց: Ասաց՝ ավելի լավ է՝ ընկերուհուդ հետ եղիր: Դրանից հետո էլ փորձ չարեցի նրան մոտենալ:

Սյաոսին գոռում էր, եւ մենք հասկանում էինք նրան: Նրան ետ հրեցինք աթոռի վրա ու ասացինք՝ իսկապես մենք ոչինչ չենք արել: Դու Սյաո Մային ավելի լավ գիտես, քան մենք: Ի՞նչ ես կարծում, նա կթողնե՞ր, որ մի բան անեինք: Սյաոսին ասաց՝ ապուշներ եք դուք: Մենք գլխով արեցինք՝ հա, բոլորս ապուշ ենք:

Մենք՝ ապուշներս, հանեցինք մեր գրպանի մնացած փողն էլ, տեսանք, որ էլի ուտելու բան կարող ենք գնել: Աղջիկների գնալուց հետո շատ քիչ էր նման բան լինում: Ուրեմն պիտի երջանիկ զգայինք մեզ: Եվ Ծեր Թռչնի ձայնը առանձնապես բարձր հնչեց, երբ կանչեց Երկարամորուքին՝ քառասուն հատ էլ բեր: Երկարամորուքը գլուխն էլ չբարձրացրեց, միայն ասաց՝ լավ: Հետո վճռակաևորեն սկսեց փչել կրակին եւ բոցերն ուժեղացան:

Սրա մերը..., ասաց Լի Դունը եւ իր գարեջրից կում արեց:

Ի՞նչ նկատի ունես, հարցրեց Ծեր Թռչունը:

Քեզ նկատի չունեմ, ասաց Լի Դունը, էդ Երկարամորուքին նկատի ունեմ:

Ի՞նչ արեց, որ..., հարցրեց Սյաոսին:

Հա՛, էլի՛: Ինչի՞ համար ես Երկարամորուքի նման մարդուն հայիոյում: Նա ամեն օր ճիշտ ժամանակին գալիս է, ամեն օր բոլորին ժպտալով բարեւում է, ամեն օր կրակ է անում: Չնայած մարմնից էձի գեշ հոտ է գալիս,

ՇՈՒՄ ԶԺԻ

բայց դա նրա աշխատանքի հետեանքն է: Ասա՛,- Ծեր Թռչունը լրջացել էր,-
ի՞նչ պատճառ պիտի ունենաս Երկարամորուքի նման մարդուն հայիոյելու
համար:

Բոլորս զարմացանք, որ Ծեր Թռչունը հանկարծ էղբան վրդովվեց: Լի
Դունը բերանը բացեց, բայց բան չասաց, հետո նորից բերանը բացեց ու
ասաց՝ հայիոյում եմ ում որ ուզում եմ: Քո ի՞նչ գործն է: Ծեր Թռչունն ար-
համարհանքով նայեց Լի Դունին եւ ասաց՝ գիտեմ ինչ ես մտածում: Ի՞նչ եմ
մտածում, հարցրեց Լի Դունը: Չգիտես ինչո՞ւ Ծեր Թռչունը հանկարծ
կարմրեց եւ ասաց՝ դուք՝ ապուշներդ, մտածում եք, որ Երկարամորուքը
ստորներից ամենաստորն է: Վա՛յ, քո՛ւ... Լի Դունի դեմքն էլ կարմրեց: Էդ
ասացիր, հա՞: Ծեր Թռչունն ասաց՝ էդ բերանը որ դու ունես, ես միշտ գի-
տեմ, թե ինչ կեղտոտ հոտ է զալիս դրանից: Բայց մի բան չեմ հասկանում,
թե էդ ի՞նչ առավելություն ունես, որ մյուսներին վերեւից ես նայում: Ես ոչ
մեկին էլ վերեւից չեմ նայում, ասաց Լի Դունը: Բայց Ծեր Թռչունը չէր գի-
ջում: Նա շարունակեց՝ ապո՛ւշ, դու նույնիսկ ընկերուհի չունես, ես խորո-
ված-մորովածի փողն էլ հորդ փողերն են: Դե ասա՛ ցույց տալու ի՞նչ ունես:

Իրականում, մեր ընկերուհիների կողմից լքվելուց հետո, մենք արդեն
բավականին հուսահատ էինք: Ծեր Թռչնի խոսքը մեզ ավելի ճնշեց: Բոլորս
պարտվածի պես գլուխներս կախեցինք՝ չիմանալով ինչ ասել: Միայն Սյա-
նոսի՞՛ գարեջուր խմելու ծայնն էր լսվում:

Սյանոսի, գարեջուրը քեզ չի հագեցնի, ոչ էլ խնդիրներդ կլուծի: Միայն
ներսիդ եղածը դուրս կտաս, վերջում էլ բան չի մնա: Բայց մեզնից ոչ ոք դա
բարձրածայն չասաց: Միայն լուռ նրան էինք նայում՝ սպասելով, որ շփ մեջ
մնացած կեսն էլ իր անտակ կոկորդը լցնի: Մինչեւ մյուս շփն անցնելը տա-
սը թույլ ընդմիջում արեց, եւ էդ տասնքանի թույլում ելույթ ունեցավ:

Սյանոսին ասաց, որ մի քանի անգամ գնացել է Սյաո Սային տեսնելու:
Մի անգամ չի կարողացել գիշերվա կեսին քնել եւ հագնվել է ու գնացել
նրանց տուն: Չորս ժամից ավել քայլել է ու երբ տեղ է հասել, արդեն հա-
մարյա լույսը բացված է եղել: Ի՞նչ ասաց Սյաո Ման, հարցրինք նրան: Սյա-
նոսին ասաց՝ ներս չգնացի, ուղղակի որոշ ժամանակ կանգնեցի դրսում, հե-
տո ետ եկա:

Ճիշտն ասած, բոլորս էլ գնացել էինք տեսնելու մեր ընկերուհիներին,
թե՛ն գիտեինք, որ վերջնական վճիռ էին կայացրել: Բայց մեր սրտերը դեռ
չէին ուզում հանձնվել: Ես նույնիսկ ընկերուհու սիրային մի նամակ գրեցի:
Մի բան, որ երկար ժամանակ չէի արել: Իրոք հուզված էի, երբ գրում էի:
Բայց ընկերուհիս նույնիսկ չնայեց դրան: Ուղղակի շարտեց գետնին: Լի

Դունի արածն է՛լ ավելի արտասովոր էր: Ասաց, որ ընկերուհուն օրական մեկ անգամ զանգ էր տալիս, եթե չէր վերցնում հեռախոսը, հաղորդագրություն էր ուղարկում, հաղորդագրության մեջ էլ սպառնում էր, որ եթե ևս միտքը չփոխի, ինքը ցած կնետվի Արեւելյան կամրջից: Վերջապես, ասաց էի Դունը, ևս իրեն հաղորդագրություն ուղարկեց՝ երբ ցած նետվելու լինես, ինձ արագ գրություն ուղարկիր: Չեմ ուզում էդ տեսարանը բաց թողնել:

Ծեր Թռչունն ասաց՝ եկեք էդ մասին էլ չխոսենք, տղերք: Եկեք խմենք:

Հետո, մեր մտածածին հակառակ՝ Սյաոսին վերջում ետ չտվեց, չկայած շատ էր գարեջուր խմել: Եւ իր կարմրած դեմքը դրեց սեղանին, հին անծեռոցիկի վրա, կայեց ճանապարհի կողմը եւ ասաց՝ Բանիին եմ տեսնում:

Համեմատելով բոլորս էլ մտածեցինք, որ Բանին ավելի կրթու է, քան Սյաոսիի ընկերուհին: Եւ շատ կարճ շրջագգեստ էր հագել եւ բարձրակրունկ կոշիկներ, ու առանց մեզ վրա անգամ կայելու՝ շողակրատում էր: Ուզում էինք ողջունել նրան, բայց հետո հրաժարվեցինք էդ մտքից, որովհետեւ մեր ուշադրությունը գրավեց նրա ետեւում կանգնած անսովոր գեղեցիկ տղան, որ առնվազն 1.9 մետր բարձրություն կունենար:

Բայց ևս տարբերվում էր իր շատ կանոնավոր զգեստով, որ հագել էր առանց ձեւականության: Պատշաճ հագնված էր տղան մի տեսակ մեզ ստիպեց անհույս ու նվաստացած զգալ մեզ:

Արդեն լսել էինք էդ տարօրինակ տղայի մասին: Ամեն օր Բանիի հայրը ամբոխի մեջ բոլորին պատմում էր նրա մասին, որ լսեն: Եւ լավ գործ էր անում: Երիտասարդ էր, բայց արդեն անուն էր հանել մեր բռաչափ քաղաքում: Եվ ամեն օր գալիս էր Բանիենց տուն ու նվերներ բերում նրա եւ հոր համար: Երբեմն մի շիշ խմիչք կամ մի փաթեթ որակյալ ծխախոտ կամ նույնիսկ խմիչքներով լի մի մեծ տուփ: Բանին եւ հայրը մեծ հարգանք էին վայելում: Եթե հասարակական կարծիքի ճնշումը չլիներ, ևս երեւի Բանիին կփաթաթեր մի նուրբ տուփի մեջ, կգարդարեր մետաքսե կարմիր ժապավենով, եւ, առանց փոքր-ինչ տատանվելու, կղներ էր տղայի գրպանը: Կարող ենք պատկերացնել, թե ինչպես ևս, ժպիտը դեմքին, ասում էր էդ տղային՝ ընդամենը փոքրիկ մի նվեր է, ոչինչ չարժե: Իսկ վերջում նրանք երկուսով իրար ձեռք էին սեղմում: Պարզից էլ պարզ է:

Սյաոսին հանկարծ վեր կացավ ու ասաց՝ գնացինք: Մենք այլ ընտրություն չունեինք, բացի վեր կենալուց: Իսկ հետո նման էինք հենց նոր ծակից դուրս ելած փոքրիկ մկների, որ թաքուն հետեւում էինք Բանիին: Էդ ժամանակ էր շատ քաղաքավարի տղան հասել էր Բանիին եւ ձեռքը վճռա-

ՀՈՈՒ ԶԺԻ

կան դրեց նրա ուսին: Բանին ձեռական մի փորձ էլ չարեց ձեռքը հեռացնելու համար: Գրողը տանի, քու մերը..., ասաց Լի Դունը: Քու մերը..., արձագանքեցինք մենք:

Բարեբախտաբար, չնայած երկուսն էլ շատ դանդաղ էին քայլում, շուրջները չէին նայում, եւ եղքան էլ դժվար չէր նրանց թաքուն հետեւել: Անցանք լքված կինոթատրոնի մոտով, որտեղ, երբ երեխա էինք, հաճախ թաքուն մազլցում էինք պատի վրա, որ Ֆիլմ նայեինք: Ֆիլմ նայելուց հետո մի քանի օր հուզված էինք լինում, բայց հիմա արդեն կորցրել էինք հետաքրքրությունը, եւ չէինք հիշում թե ինչի մասին էին եղ ֆիլմերը: Անցանք թիվ 2 Առետրի կենտրոնի մոտով, որ կորել էր շուրջը կառուցվող սոր շենքերի մեջ: Թվում էր՝ էլ ոչ չի գնում էդտեղ գնումներ անելու, եւ սնանկությունը ժամանակի հարց է ընդամենը: Անցանք նաեւ սոր բացված Հոնկոնգ Հոթելի մոտով, որ ենթադրաբար արժեք 20 միլիոն յուան: Քսան միլիոն: Ես ի՞նչ գաղափար է: Շենքի մոտ տարբեր մակնիշների բարձրակարգ, թանկարժեք ավտոմեքենաներ էին կանգնած: Գրողը տանի, քու մերը..., ասաց Լի Դունը: Քու մերը..., արձագանքեցինք մենք:

Անցանք նաեւ կոյուղագծի մի քանի խողովակների մոտով, որ նույնն էին, ինչ տարիներ առաջ, ճիշտ նույնքան գարշահոտ եւ թափառող շներով շրջապատված: Երբ անցանք սոր զբոսայգու մոտով ու տեսանք զավառում կառուցվող ամենամեծ, ոնց որ ասում են, վերնակամուրջը, Լի Դունը, որ առջեւից էր քայլում, կանգ առավ: Նա նստեց ճանապարհի եզրին: Երկինքն արդեն մթնել էր, եւ մենք նստեցինք նրա կողքին: Եկեք մի բան անենք, ասաց Լի Դունը՝ ծխախոտ վառելով: Մենք բան չասացինք, ամեն մեկս վառեցինք մեր ծխախոտը:

Բացատրեմ, թե ինչ օրի էինք եղ ժամանակ: Երկար ճանապարհ էինք անցել եւ երբ մտածեցինք ետ գալու մասին, գլուխներս ցավում էին: Տե՛ր Աստված, Ես ի՞նչ էինք անում: Ինչո՞ւ էինք մեզ համար խնդիրներ ու հոգսեր փնտրում: Մեզ համար խորոված ուտեինք, խմեինք ու հարբեինք առաջվա պես, հետո տուն գնայինք լուսադեմին, ընկնեինք մեր մահճակալների վրա ու մի լավ քնեինք, լավ չէ՞ր լինի: Սյառսին Ես անգամ իսկապես խաղաղություն էր գտել: Գլուխը հենել էր պատին, կարծես ուզում էր քնել: Ծեր Թոչունը քացով խփեց նրան եւ ասաց՝ զարթոնք, տղերք: Քիչ անց լսեցինք Սյառսիի քրթմնջոցը՝ գնանք մաջուկ խաղալու: Ծեր Թոչունն ասաց՝ քա՛ք է, մոտս փող չկա: Ես կտամ պարտքով: Լի Դունն էր, որ ծխախոտը դեն նետեց ու վեր կացավ: Լավ, ասաց Ծեր Թոչունն ու նրա հետ վեր կացավ: Ու Էդպես՝ դանդաղ, օրորվելով ետ գնացինք մեր եկած ճամփով:

ՍՈՒ ԴԵ

ՄԱՏԱՆԻՆԵՐԻ ԵՎ ՈՐԴԻՆԵՐԻ ՄԱՍԻՆ

Սա նրա վերջին «ետթռիչքն» է այս տարի:

Օդանավակայանից դուրս գալով՝ Լին Չժոն գալիզ է տալիս Սյոյ Ուին: Սյոյ Ուն ասում է, որ արդեն նրա համար ետդարձի տուն է գնել դեպի Էնգե քաղաք: Քանի որ Նոր տարին շուտով մոտենում է, տաքսիների հերթերը երկար են, եւ Լին Չժոն ստիպված է անվավոր ճամպրուկը քարշ տալ, որպեսզի օդանավակայանի ավտոբուս նստի: Սիրտը ծանրացած է, ճամպրուկը քարշ է տվել ամբողջ մի հավերժություն: Դա երկար ժամանակ է պահանջում: Երբեք նախկինում այսքան երկար չի քայլել դեպի տուն: Դանդաղ, ավելի դանդաղ, որքան դանդաղ, այնքան լավ: Ամենալավն այն կլիներ, եթե ինքնաթիռն ուշ վայրէջք կատարեր, եթե այս ավտոբուսը ջարդվեր, փչանար:

Ավտոբուսում նստած՝ նայում է մարդկային բնակության նշաններին, որ աստիճանաբար հայտնվում են Պուդունից Պուկսի ձգվող ավտոմայրուղու կողքին: Տներ, ջուր, անասուններ, փոքր տրակտորներ: Հետո կամաց-կամաց հայտնվում են սուպերմարքեթները, տան շինակյութերի խանութները, բնակարանային համալիրները՝ ընդհուպ մինչեւ Լուպու կամուրջ: Նա Սոյ Ուին ընդհանրապես հաղորդագրություն չի ուղարկել, բացի այն մի հեռախոսազանգից: Թվում է, սովորություն է դարձել: Հիշում է, թե ինչպես էին առաջին անգամ սիրահարվել, ինչպես ամուսնությունից անմիջապես հետո Սոյ Ուն օդանավակայանում անպայման սպասում էր իրեն, երբ ինքը վերադառնում էր ինքնաթիռով, եւ եթե նույնիսկ նա չէր կարողանում աշխատանքից դուրս գալ ու դիմավորել, իրար անընդհատ հաղորդագրություններ էին ուղարկում՝ հենց որ ինքնաթիռը վայրէջք էր կատարում, եւ գրում էին այնքան, մինչեւ որ տանն էին լինում: Երբ ինքը տուն էր հասնում, ճաշասեղանին միշտ ճերմակ վարդերի փունջ էր դրված: Սոյ Ուն վարդերը գնած էր լինում նախորդ գիշեր եւ վստահ էր, որ հաջորդ օրը բացված կլինեն: Լին Չժոն սիրում է ճերմակ վարդեր: Երբ համալսարանում սովորում էր, իր սիրած վեպը «Ճերմակ վարդն» էր: Այնտեղ ասվում էր, որ ճերմակ վարդերը խորհրդանշում են հանդարտությունը, անկախությունը եւ ուժը: Անկեղծ ասած՝ Լին Չժոն առանձնապես անկախ կամ ուժեղ

ԱՈՒ ԴԵ

անձնավորություն չէ: Բայց հակառակ է: Յոթ տարի աշխատելուց հետո զգում է, որ ժամանակն ու կյանքն իրեն ճերմակ վարդի են վերածել, ևուկ-նիսկ եթե ոչ մի վարդ իրեն չի սպասում ճաշասենյակի սեղանին, երբ այսօր տուն վերադառնա:

Երբ տուն է հասնում, Սույ Ուն արդեն այնտեղ է: Ինքը զարմանում է տեսնելով, որ նա կերակուր է պատրաստել, իսկ սեղանին ճերմակ վարդերի մի փունջ է դրված: Տեսնելով Լին Չժոյին ներս մտնելիս՝ նա բազկատարած ընդառաջ է գալիս: Դա կլիներ իրենց առաջին գրկախառնությունը՝ վեց ամիս առաջ սկսված սառը պատերազմից հետո: Բայց Լին Չժոն արդեն անսովոր է այդպիսի շփման եւ խուսափում է դրանից՝ կռանալով, որպեսզի կոշիկների կապերն արձակի: Շփոթված եւ արհամարհված՝ Սույ Ուն կանգնում է միջանցքում: Մի պահ հապաղում է, ապա կրկին փորձում է ջերմ ընդունելություն ցուցաբերել՝ ձեռքը մեկնելով, որպեսզի ճամպուկը վերցնի:

Ես ուտելու բան եմ պատրաստել: Վաղուց է, ինչ միասին սեղան չենք նստել, ասում է նա:

Օ: Լին Չժոն հանում է շարժը եւ մտնում խոհանոց: Նա պետք է ձեռքերը լվանա, մտքերն ի մի բերի: Խոհանոցն այն ևույն տեսքն ունի, ինչ տեսք որ ուներ իրենց ամուսնության առաջին տարում. ոչ մի բիծ, ժամանակի ու տարիքի ոչ մի նշան: Լին Չժոն ոչ հաճույք է ստանում ինչ-որ բան պատրաստելուց, ոչ էլ գիտե ինչպես պատրաստել: Եվ նրանք ուտում են, երբ քաղցած են, երբեմն միասին, երբեմն ամեն մեկն իր համար, ընկերների հետ: Երբեմն Սույ Ուն է պատրաստում, թեեւ երբ այդպես է լինում, դա անշուշտ հանգեցնում է սիրառատ գիշերի՝ ննջասենյակում: Սույ Ուն միշտ պատրաստ էր դրան - ինչպես եւ Լին Չժոն - դրա համար էլ իրենց ամուսնության առաջին երեք տարում Լին Չժոն երկու անգամ հղիացավ: Սակայն երկու երեխային էլ կորցրեց հղիության առաջին երկու ամսվա ընթացքում: Լին Չժոն սկզբում չէր մտածում դրա մասին, քանի որ նրա նման խորհրդատուները շատ ժամանակ էին անցկացնում տարբեր վայրեր թռչելով, եւ կարծում էր, թե վիժումները գերլարվածության հետեւանք են: Բայց իրենց ամուսնության չորրորդ տարում, երրորդ անգամ հղիանալուց հետո, թողեց աշխատանքը, որպեսզի կարողանա տանը հանգստանալ: Հղիության երկրորդ ամիսը լրանալուց մի քանի օր առաջ ևորից վիժեց: Այս անգամ Լին Չժոն եւ Սույ Ուն երկուսն էլ խիստ անհանգստացան: Շատ բուժհաստատություններ այցելեցին, բայց միայն ևույն պատասխանն էին ստանում՝ պարբերաբար կրկնվող վիժում: Եվ բժիշկը խորհուրդ տվեց՝ քա-

նի որ Լին Չժոյի առողջությունն այսպես թե այնպես խոցելի է, լավ կլինի էլ չփորձեն երեխա ունենալ, որովհետեւ հաջորդ վիժումն արդեն նրա կյանքը վտանգի տակ կդնի: Այդ երեկո, երբ հիվանդանոցից վերադարձան, ոչ Լին Չժոն, ոչ Սոյ Ուն չկարողացան քնել:

Տուրն անչափ սառն է: Լին Չժոն օճառը սեղմում է ձեռքերի մեջ եւ երկու ձեռքը միասին քսում իրար: Միջամատին գեղեցիկ ոսկե մատանի է: Այն, ամենայն հավանականությամբ, պատկանելիս էր եղել Սոյ Ուի մորը: Երկար նախապատմություն ունեցող ընտանեկան ժառանգական մատուց, որ Սոյ Ուի հայրն էր տվել մորը՝ Լին Չժոյի եւ Սոյ Ուի ամուսնությունից շատ առաջ: Շանհայ վերադառնալուց հետո Լին Չժոն եւ Սոյ Ուն գնացել էին ոսկերչի մոտ՝ դրա նման մեկ այլ օրինակ Սոյ Ուի համար պատվիրելու, որպեսզի կրեր որպես հարսանեկան մատանի: Լին Չժոյի շատ գործընկերներ հիացած էին դրանով: Նուրբ, մաքուր ոսկու վրա նշաններ են փորագրված: Ոմանք կարծում էին, թե դրանք Սանսկրիտով են գրված, ոմանք էլ ասում են, թե հնագույն հնչյունական խորհրդանիշեր են: Միևնույն ուրիշներն էլ հարցնում էին՝ արդյո՞ք դա նման չէ ամբրոսիայի ընձյուղի, այնպիսի ընձյուղի, որ կրել է Բուդդան:

Լին Չժոն հիևզ տարի է՝ նայում է այս մատանուն: Նա նույնպես կարծում է, որ տարօրինակ այս խորհրդանիշերը, որ փորագրված են մատանու վրա, նման են ամբրոսիայի ընձյուղի:

Հանկարծ Սոյ Ուն գրկում է նրան ետեւի կողմից՝ բազուկներով իրանին փաթաթվելով: Գլուխը դնում է ուսին: Արի ուտենք: Լին Չժոն հանկարծակիի եկած՝ ուտերն է թոթվում, որ ազատվի, եւ պատահաբար խփում է Սոյ Ուի կզակին: Մի պահ Սոյ Ուի աչքերին աստղեր են երեսում: Գրո՛ղը տակի, ի՞նչ ես անում: Սոյ Ուն զայրացած է, Լին Չժոն էլ ուրախ չէ: Երկուսով նորից խորասուզվում են լռության մեջ:

Շատ ավելի ուշ Սոյ Ուն ոտքերն իր վերմակի տակից մեկնում է առաջ՝ փորձելով փաղաքշել Լին Չժոյին: Վերջինս անշարժանում է՝ քնած ձեւնալով: Մինչ Սոյ Ուն ծանր հոգոց է հանում, Լին Չժոն նայում է լուսամուտից դուրս: Նրանք սկսեցին առանձին քնել վեց ամիս առաջ: Լին Չժոն չէր ուզում նրան մոտ թողնել, որովհետեւ վախենում էր, թե կհղիանա, վախենում էր չորրորդ անգամ վիժելուց: Առաջին երեք վիժումներից հետո վերականգնվելով՝ նա այնքան թույլ էր լինում, որ հազիվ էր կարողանում խոսել: Դրանից հետո որոշեց ոչ մի երեխա չունենալ: Բայց Սոյ Ուի ընտանիքը տղա էր ուզում: Եթե նույնիսկ նրանց առաջին երեխան աղջիկ լիներ, պիտի անպայման հաջորդը տղա ծնվեր: Սոյ Ուն եւ Լին Չժոն միշտ վիճում են այս հարցով: Սոյ Ուն ասում է՝ եկ նորից փորձենք: Իսկ Լին Չժոն նա-

յում է նրան ու հարցնում՝ արդյո՞ք նրա ընտանիքն իր մահն է ուզում:

Լին Չժոն ամեն բան անում է հեռավոր գործուղումների մեկնելու համար, որպեսզի կարողանա սահմանափակել մեկ ննջասենյակում մնալու իրենց ժամանակը: Խորհրդատուների գործուղումները կարող են տեսել ամենաքիչը մեկ շաբաթ, ամենաշատը՝ երեք ամիս, եւ նույնիսկ եթե նրա ընկերությունը պատրաստակամություն է հայտնում վճարելու, որպեսզի նա ամեն շաբաթ ետ թռչի, ինքը պարտավոր չէ ընդունել այդ առաջարկը: Նրան սկսել է դուր չգալ տուն վերադառնալը, եւ հազվադեպ է ուրիշների մոտ հիշատակում Սույ Ուի անունը: Երբեմն, տեսնելով, թե ինչպես են իր գործընկերուհիները երջանիկ, երբ ամուսինները նրանց ողջունում են օդանավակայանում, կամ լսելով նրանց երկար ու ջերմ հեռախոսազրույցները հյուրանոցում, իրեն խիստ հիասթափված է զգում: Հիշում է այն ժամանակները, երբ ինքն ու Սույ Ուն թունդ սիրահարված էին, բայց հիմա երբ զանգում է նրան, պարզապես վիճում են: Եթե Սույ Ուն քնքշորեն է վերաբերվում իրեն, սկսում է անհանգստանալ ու տագնապել: Մտածում է, որ նա ուզում է իրեն շողոքորթելով, փայփայելով համոզել ու տուն բերել, համոզել ու անկողին մտնել հետը, համոզել ու հղիացնել: Վախեցած է, շվարած, կարկամած, եւ իր սարսափը վերածում է գրգռվածության ու զայրույթի՝ թույլ տալով, որ այդ ամենը դուրս հորդի: Այնքան երկար ժամանակ է այսպես, որ Սույ Ուն հիմա կարծում է, թե դիտավորյալ է այդպես անում, մտադրված դժվարություններ է ստեղծում, եւ այլեւս իր հետ նախկին համբերատար, քնքուշ տոնով չի քննարկում ոչինչ:

Նրանք պատրաստվում են գնալ Չժեցզյան նահանգի հարավ՝ Էնգե, որպեսզի Նոր տարին անցկացնեն Սույ Ուի հայրենի քաղաքում, ինչպես միշտ են անում: Լին Չժոն գիտե, որ չի կարողանա խաբել սկեսրայրին: Ասելու է նրան, որ ինքը չի կարող երեխաներ ունենալ: Ոչ այն պատճառով, որ չի ուզում: Այլ այն պատճառով, որ դա կսպանի իրեն: Գիտե, թե ինչու Սույ Ուն այս երեկո ընթրիք պատրաստեց: Հույս ունի մեկ անգամ էլ պարզել իր մտադրությունը նախքան Էնգե վերադառնալը: Արդեն վաղուց է, որ սիրով չեն զբաղվել: Այն մի քանի անգամ էլ, երբ զբաղվում են, Լին Չժոն պահանջում է, որ նա պաշտպանական միջոց կրի սկզբից մինչեւ վերջ, իսկ հետո անմիջապես գնում եւ ամենայն խնամքով լվանում է ինքն իրեն: Սույ Ուն նույնպես զգում է, որ ամեն բան միապաղաղ ու միօրինակ է դարձել: Երբ նրանք միասին քնում են, Սույ Ուն այն զգացողությունն է ունենում, թե ինքը պարզապես մեխանիկական շարժումներ է անում, քանի որ գուզընկերուհին կարծես չի հասկանում ինչպես հաճույք ստանա:

Մերը հաճույքի մի տեսակ է եւ այն ներառում է սեռական հարաբերու-

թյան հաճույքը: Եթե զուգընկերներից մեկը մտամուր է, մթնուրտը խաթարված է: Սույ Ուն աստիճանաբար սկսում է մտածել, որ առանց սեռական հարաբերության իրենց սերը վտանգված է: Երբ Լին Չժոն կորցնում է հետաքրքրությունը, իր ուշադրությունն էլ է շեղվում այլ ուղղությամբ: Նա սկսում է հետաքրքրվել աշխույժ երիտասարդ ստաժորով: Բայց ինքը նրանից տարիքով մեծ է, և իր տարիները ծանր են երիտասարդության սրընթաց վազքի համար: Երեսուներեքամյա Սույ Ուն վերահսկում է իր մարմնական մղումները: Նա ուզում է բուռն ու անզուսպ սիրով զբաղվել միայն մեկ անգամ, բայց երբ ետ է կայում Լին Չժոյի հետ անցկացրած յոթ տարիներին, գիտե, որ կան որոշ բաներ, որոնք չի կարող մոռանալ: Գիտե, որ կան բաներ, որոնք եթե մեկ անգամ արվեն, չեն կարող ի չիք դառնալ: Այդ ստաժոր աղջիկը բարեհաճ է Սույ Ուի հանդեպ, ինքն էլ նրա հանդեպ է բարեհաճ: Նա ամեն առավոտ Սույ Ուի համար նախաճաշ է գնում, իսկ Սույ Ուն էլ նրան ամեն երեկո տանում է ինստիտուտ: Երբեմն Սույ Ուն մտածում է, թե հենց այս մաքուր, պլատոնական զգացմունքներն են իրեն բավականություն պատճառում, նրանց մտերմիկ, հարմարավետ ջերմությունը ծմռան կեսին, հար եւ նման գավաթներում լցված ետկեսօրյա տաք թեյին, որ Էնգե քաղաքում տարեցներն են խմում: Թեև նա երբեք աղջկա առջեւ չէր բացվում, մի օր աղջիկը կորցրեց ինքնատիրապետումը: Արտասվալից աչքերով եկավ իր մոտ և ասաց՝ դու ինձ դուր ես գալիս: Տուն գալով՝ այդ գիշեր Սույ Ուն չկարողացավ քնել: Ամեն անգամ, երբ փակում էր աչքերը, աղջկան էր տեսնում՝ կարմրած և աչքերն ուռած:

Այս երեկո Սույ Ուն երազում մորն է տեսնում: Հիշում է նրան, երբ նա երեսուն տարեկան էր՝ կյոր, փափուկ և տաք, նստած փոքր սեղանի լամպի լույսի տակ, հոր գուլպաները կարկատելիս: Այդ օրերին հայրն աշխատում էր շրջանային դիակիզարանում: Ասում են, որ նրա մասնագիտության մարդիկ պետք է պատշաճ հագնվեն: Նրանց հագուստի վրա չպետք է բաց տեղեր կամ ծակեր լինեն, այլապես չար ոգիները ներս կթափանցեն: Դրա համար էլ մայրն ամեն օր ամենայն մանրամասնությամբ ներս ու դրսից զննում էր հոր շորերը՝ կարկատելով և կարերն ամրացնելով: Սույ Ուն հիշում է, թե ինչպես էր հայրը երբեմն հայտնվում մոր ետևում և թեթեւ շոյում ուսը: Մայրն ամաչելով, շիկնած՝ նրա հետ մտնում էր ննջարան: Սույ Ուն այդ ժամանակ ընդամենը վեց տարեկան էր, և անմեղ ու անմեղսունակ՝ փորի վրա պառկում էր ննջասենյակի դռան առջեւ, որպեսզի գաղտագողի նայի դռան տակից: Հոր մարմնի վրա խոնարհված մոր մերկ մարմինը շատ սպիտակ էր, ինչպես նեֆրիտի փայլուն մի կտոր ցեխոտ ջրափոսում: Ինքը չէր հասկանում, թե ինչ է դա: Հետո, երբ արդեն չափա-

ԱՈՒ ԴԵ

հաս էր, հասկացավ, որ տեսել է ծնողներին սեր անելիս: Մի քանի տարի անց մայրը մահացավ արևահոսությունից՝ վիժումից հետո: Եվ հայրը, միայնակ, Սույ Ուին տասը տարեկանից մեծացրեց: Սույ Ուն միշտ լսել է հորը եւ երբեք չի հակառակվել նրան:

Սույ Ուի մոր մահը ծանր քարի նման ճնշում է Լին Չժոյի միտքը: Նա զգում է, որ սա նախանշան է, զգուշացում, որին պետք է ուշադրություն դարձնել:

Հաջորդ օրը վաղ առավոտյան Լին Չժոն արթնանում է եւ տեսնում, որ Սույ Ուն, արդեն արթուն, դատարկ հայացքով առաստաղին է նայում: Երկար լռությունից հետո Սույ Ուն վերջապես ասում է՝ մենք ամուսնալուծվելու ենք: Վաղը կդիմեմ հայրիկին բոլոր թղթերի համար:

Շատ լավ: Լին Չժոն ցնցված է, բայց տիրապետում է ինքն իրեն: Շրջվում է կողքի՝ ցանկանալով որոշ ժամանակ այդպես պառկել: Սույ Ուն վեր է կենում, որպեսզի գնա լոգարան: Լին Չժոն սկսում է լաց լինել եւ լսում է ծորակի ձայնը: Նրա հեկեկոցները լեռան աղբյուրի եւ նման, արցունքներն անվերջ հոսում են:

Լոգարանում Սույ Ուն նույնպես լալիս է:

Հարավային Չժեցյանի անսկատելի մի անկյունում ընկած Էնգեն մի քաղաք է, որը մոտ հազար տարվա պատմություն ունի: Ասում են, որ կայսր Ցյանլունը այստեղով է անցել դեպի հարավ շրջագայությունների ժամանակ՝ քաղաքն անվանակոչելով Էնգեն, որ նշանակում է կայսերական բարերարություն, որովհետեւ պատվել էր քաղաքը՝ իր համար տեղացի երիտասարդ մի աղջկա ընտրելով: Ումանք էլ ասում են, թե Ցյանլուն կայսեր սիրելի հարճերից մեկի անունը Էնգեն է եղել, եւ նա մահացել է խորհրդավոր հանգամանքներում, երբ ճամփորդելիս են եղել: Եվ երբ նրան թաղել են այդտեղ, նրա հիշատակը հարգելու համար քաղաքի անունը փոխել են՝ անվանելով Էնգեն... Լեգենդի այդպիսի շատ տարբերակներ կան, եւ Սույ Ուն շատ է լսել այդպիսի բաներ իր կյանքում, բայց նրա հայրը հակված էր հավատալու այս վերջին տարբերակին: Նա ասում է, որ դա լսել է իրենից տարիքով շատ մեծ մի ոսկերչից, որի հետ ընկերական հարաբերությունների մեջ է եղել: Ակներեւաբար, ոսկերիչը հարստացել էր գերեզման կողպտողներից ձեռք բերված գանձերը վաճառելով:

Լին Չժոն այնուամենայնիվ տուն է ուղեկցում Սույ Ուին: Այստեղ էին առաջին անգամ հանդիպել: Լին Չժոն ինստիտուտն ավարտելուց հետո ընկերուհիների հետ ճամփորդում էր: Երիտասարդ աղջիկների խումբը ծի-

ծաղելով քայլում էր գետաքարով սալարկված ճանապարհներով՝ քաղաքի բոլոր տղամարդկանց այրող հայացքներին արժանանալով: Սույ Ուն այդ տղամարդկանցից մեկն էր, բայց նա եկել էր քաղաք մոր գերեզմանը մաքրելու և մտադիր էր շուտ ետ գնալ Շանհայ՝ աշխատանքի: Սույ Ուն քսանհինգ տարեկան էր: Երեք տարի առաջ էր համալսարանն ավարտել և արդեն ինժեների օգնական էր: Կարծես թե հենց առաջին հայացքից սիրահարվեց Լին Չժոյին: Որովհետեւ նա այնքան հանգիստ էր թվում: Աղջիկները նրան խնդրել էին, որ իրենց լուսանկարի: Սույ Ուն մի քանի անգամ հայացքը կենտրոնացրեց Լին Չժոյի վրա՝ թաքուն նրան նայելով, միևնույն ժամանակ նրա ժպիտը ստեղծելու և աչքերն ապակու պես փայլեցին: Ինչո՞ւ է այդքան երկար նախապատրաստվում: Դա նրանից էր, որ ինչ-որ մեկը սկսել էր բողբոջել, թե Սույ Ուն արագ է լուսանկարել: Նա նյարդայնացավ, և լուսանկարը խավար ստացվեց:

Հետո Սույ Ուն փնտրեց գտավ Լին Չժոյի հեռախոսահամարը և հենց որ Շանհայ վերադարձավ, սկսեց բուռն կերպով սիրահետել նրան: Հրավիրում էր նրան ճաշի, տանում էր զբոսանքի, գնում էին կինոթատրոն, խաղերի էին մասնակցում, սրճարանում միասին սուրճ էին խմում: Համատեղ կյանքի առաջին տարում նա աշխատանքի մասին քիչ էր մտածում: Միակ բանը, ինչի համար ափսոսում էին, այն էր, որ նախկինում չէին հանդիպել: Այդ տարի Լին Չժոն նոր-նոր էր սկսել աշխատել:

Հանուն սիրո հնարավորինս խուսափում էր գործուղումների մեկնելուց, այդ պատճառով էլ երկու տարի անց իր հետ աշխատողներից բոլորը պաշտոնի բարձրացում ստացան՝ դառնալով խորհրդական, միևնույն ժամանակ օգնականի պաշտոնում էր: Բայց Լին Չժոն դեմ չէր: Եթե ուներ Սույ Ուին, ուրեմն ամեն ինչ ուներ:

Եթե հղիանալու հետ կապված նրանց մտահոգությունը չլիներ, նրանք հավանաբար դեռ սիրող ամուսին ու կին կլինեին, և վերջին երկու տարիների ընթացքում Լին Չժոն ամեն դեպքում շարքային աշխատողից աստիճանաբար առաջ քաշված կլիներ իր աշխատանքում: Նա արդեն կարողանում էր սեփական խումբը ղեկավարել՝ հաճախորդների հետ գործարքներ կատարելու համար: Այդուհանդերձ, նույնիսկ երբ զգում էր, որ օր օրի ամեն ինչ դեպի լավն է գնում, թվում էր, թե իրենց ամուսնությունն անդառնալիորեն շարժվում է դեպի իր վերջնակետը:

Երկար ժամանակ առանձին ապրել, ոչ մի խոսքային հաղորդակցություն, ոչ մի ֆիզիկական փոխներգործություն: Այո, ի՞նչ իմաստ ունի այդ ամուսնությունը հիմա: Եվ երեխաներ էլ չկային:

ԱՈՒ ԴԵ

Երբ Սույ Ուի հայրը լսում է, որ որդին պատրաստվում է ամուսնալուծվել, երկար ժամանակ լուռ է մնում: Վերջապես սեղմում է իր ծխամորճը: Ես դա թույլ չե՛մ տա: Այդ ասելով՝ դուրս է գալիս սենյակից, ձեռքերը թիկունքին դրած: Սույ Ուն եւ Լին Չժոն կարկամած իրար են նայում առանց բառ իսկ ասելու: Երեկոյան ծերունին վերադառնում է մի հիկ-վեց շիշ օսմանթուսի տեսակավոր գինի բերելով, որպեսզի խմի իր զավակի հետ: Խմում է այնքան, մինչեւ երերում է, ապա, կարմրած աչքերով եւ դեմքին խոր ցավի արտահայտություն, ասում է՝ տղաս, դու իմ որդին չես:

Սույ Ուի հայրն ու մայրն ավելի քան տասը տարի ամուսնացած էին, բայց դեռ երեխա չունեին: Նրանից չէր, որ մայրը չէր կարող հղիանալ, բայց ամեն անգամ, երբ նա հղիանում էր, վիժում էր: Հետո նրանք գնացին շրջանային մանկատուն, որ այնտեղ տղա երեխա գտնեն եւ ընդունեն որպես իրենց միսն ու արյունը հանդիսացող սեփական երեխայի: Բայց Սույ Ուի մայրը չէր ուզում հավատալ ճակատագրին եւ պնդում էր, որ շարունակեն ընտանեկան շառավիղը: Եվ այդպես շարունակվեց: Վիժում վիժումի ետեւից: Դա հանգեցրեց նրան, որ թմբիկ ու առողջ կինն աստիճանաբար թուլացավ եւ հյուծվեց: Ի վերջո նա մահացավ սաստիկ արյունահոսությու-նից: Սույ Ուի հայրը տարիներ շարունակ մեղադրում էր ինքն իրեն: Նա այդքան երկար տարիներ աշխատել էր դիակիզարանում: Տեսել էր մահ եւ տեսել էր կյանք: Ինչո՞ւ էին այդքան մտահոգված տոհմական շառավղի շարունակությամբ:

Հիշեց այն ժամանակները, երբ իր ընկեր ծեր ոսկերիչն ասում էր՝ դու միայն մեկ կյանք ես ստանում: Բավարարվիր քեզ վիճակվածով: Մի փնտրիր այն, ինչ չի վիճակվել, որ ունենաս: Ամենավատ բանը, որ կարող ես անել, ուրիշների ունեցածի վրա սեւեռվել մնալն է եւ այդ ընթացքում սեփական երջանկությունդ կորցնելը:

Գիտե՞ս՝ այն օրերին ոսկերիչը բավականին Կազանովա էր: Ծերունին շատ է խմել: Նա բարձրացնում է բաժակը եւ խոսելիս գլուխն այս ու այն կողմ է տարուբերում: Հետո նա սիրահարվեց մի հիմարիկ աղջկա, երբ հիսուն տարեկան էր: Իր արհեստանոց-կրպակը տվեց աշակերտին եւ հեքիմ դարձավ, ամբողջ օրն իր այդ աղջկա հետ լեռներ էր մազլցում ու դեղաբույսեր հավաքում: Ումանք ասում էին, որ այդ աղջկա հետ քնել է սարերում: Բայց ո՞վ իմանա: Մարդիկ ուղղակի պետք է իրենց գործով զբաղվեն: Աղջկան կարճ կյանք էր վիճակված: Ընդամենը մի քանի տարի անց մահացավ թոքախտից: Ես էի նրա մարմինը դիակիզում, իսկ ընկերս դրսում կանգնած լալիս էր ու ողբում, մինչեւ որ գիտակցությունը կորցրեց: Տղաս, եթե ուզում ես իմանալ ինչ է սերը, ասեմ. սերն այն է, երբ դու միայն ուզում

ես, որ տվյալ մարդը կողքիդ լինի, հիմար է ևս թե ոչ, կարող է երեխաներ ունենալ թե ոչ: Մորդ մահն անիմաստ կորուստ էր, անիմաստ կորուստ:

Սույ Ուն քրթմնջացող հորն անկողին է դնում: Եւ Լույսապետ մի քիչ խմած է, աչքերից արցունքներ են հոսում: Լին Չժոն անհաղորդ հայացքով նստած է դրսի սենյակում: Նրա առջեւի սեղանին ուտելիքի փսեսներ են եւ խմիչքի՝ կիսով չափ դատարկ մի շիշ: Եւ բաժակը բարձրացնում է, մոտեցնում շուրթերին եւ երեք անգամ անընդմեջ խմում: Հետո հենվում է սեղանին ու անզուսպ լաց լինում: Կարծես ինչ-որ մեկը սեղմելով տրորում, տակնուվրա է անում սիրտը: Շնչահեղձ է լինում:

Այդ երեկո Սույ Ուն եւ Լին Չժոն ևորից քնում են Լույս վերմակի տակ: Սույ Ուն բուռն ցանկություն չունի նրա հանդեպ, բայց երկու մարմինները քնում են միասին՝ օսմանթուսի գինով տոգորված: Հաջորդ օրը նման է նրանց հանդիպման առաջին օրվան: Ձեռք ձեռքի շրջում են քաղաքում: Հիշում են, երբ առաջին անգամ սիրահարվել էին, եւ հասկանում են, որ ոչ ոք ոչինչ չի մոռացել: Սույ Ուն հասկանում է, որ կարող է միայն ներողություն խնդրել այս փոքրիկ աղջկանից: Քաղաքի ծայրին գտնվող թեյատներից մեկում հանդիպում են մի ծերունու: Երբ ևս հեռվից տեսնում է Լին Չժոյին, վեր է կենում եւ մոտենում նրան: Ցանկություն է հայտնում կարգալ նրա բախտը: Սույ Ուն կարծում է, թե խաբեքա է, եւ ձեռքով նշան է անում, որ հեռանա: Մենք դրա կարիքը չունենք: Հիմա ևս միայն մի բան է ուզում՝ պաշտպանել սիրելի կնոջը:

Բայց ծերունուն հնարավոր չէ տարիամոզել: Նայում է Լին Չժոյի աջ ձեռքի մատանուն եւ պնդում, որ ևս հանի մատանին, որպեսզի ինքը կարողանա զննել այն: Գիտե՞ք ինչ են նշանակում այս բառերը: Եւ քրթմնջում է ինքն իրեն: Այսքան երիտասարդ աղջիկ՝ ինչպե՞ս կարող ես այսպիսի ծանր բան կրել: Այս ասելով՝ մեծ ձեռքի վրա պատճենում-նկարում է մակագրությունը, որպեսզի Լին Չժոն եւ Սույ Ուն կարողանան տեսնել: «Մանտրա՝ մաքուր երկրում վերածնվելու համար»... Namoamitabhayatathagataya... Սա վերածննդի հմայական խոսք է: Միայն մեռած մարդիկ պետք է սա կրեն: Ամբոսիան նրանց վերջին կյանքի մեղքերը սրբելու համար է: Ծերունին տարուբերում է գլուխը: Դու չպետք է սա կրես: Դու չպետք է սա կրես:

Շանհայ վերադառնալուց հետո Լին Չժոն եւ Սույ Ուն անում են այնպես, ինչպես ծերունին է ասել իրենց, եւ մատանին նվիրաբերում են Բուդդային՝ նրա արձանի ստորոտի առջեւ՝ նախասրահի մուտքի մոտ: Մի օր նրանք Լույս երազն են տեսնում:

ԱՈՒ ԴԵ

Այդ երագում Սոյ Ուի մայրը առաջվա պես կարկատում է, բայց այս անգամ նա երիտասարդ է, ընդամենը քսան տարեկան: Լամպի աղոտ, դեղին լույսի տակ նա զննում է Սոյ Ուի հոր շորերը՝ անցքեր փնտրելով: Հանկարծ հասնում է վերնաշապիկի գրպանին եւ այնտեղից ոսկե մի մատանի է հանում: Ձեռքին պահած զննում է այն: Մատանին նրան դուր է գալիս: Նա այն դնում է իր մատին:

Տասնութ ամիս անց Լին Չժոն առողջ մի տղա է ծննդաբերում: Սոյ Ուն նրան անվանակոչում է Սոյ Էնցզի, որ նշանակում է՝ Բարերարությունը շարունակվում է:

Մատանին, իսկապես, շատ տարիներ առաջ գերեզմանում գտնվող մի դիակից էր հանվել: Թե ով էր գերեզմանում, հնարավոր չէր եղել պարզել: Բայց ասում էին՝ դա հենց իր՝ օրիորդ Էնզեի, Ցյանլուն կայսեր ամենասիրելի հարճի մարմինն է: Գերեզման կողոպտողները մատանին վաճառել էին ոսկերչին: Երբ նա հիսուն տարեկան էր, հանդիպեց այն հիմարիկ աղջկան: Աղջկա փորն ուրիշ մեկն էր կլորացրել, բայց նա վիժում էր, երբ սայթաքեց ոսկերչի կրպակի առջեւ: Ոսկերիչը փրկեց նրան եւ մի մատանի տվեց, որ դնի, մատանի, որը կկանխեր հետագայում հղիանալը: Նա աղջկան պահեց իր մոտ: Ոսկերիչը երբեք չէր նայել, թե մակագրությունն ինչ է նշանակում, ոչ էլ մտադիր էր եղել: Աղջկա մահից եւ նրա մարմինը դիակիզելուց հետո Սոյ Ուի հայրն այդ տարօրինակ մատանին գտավ մոխիրների մեջ: Նա մտադիր էր մատանին վերադարձնել ոսկերչին՝ երբեք չմտածելով, որ իր նորապսակ կինն ինքը կգտնի այն ու կկրի իր մատին: Սոյ Ուի ընտանիքն այն ժամանակ այնքան աղքատ էր, հայրը մոր համար երբեք այդպիսի բան չէր զնել: Եվ հայրը որոշեց պարզապես կնոջը տալ այն՝ որպես նվեր: Այդպես էլ եղավ: Ժամանակին որպես հակաբեղմնավորիչ ծառայող մատանին, որի վրա Վերաձննդի մանտրան է մակագրված, վերջին հաշվով փոխանցվեց Լին Չժոյին:

Սոյ Ուն եւ Լին Չժոն ոչինչ չգիտեն այս պատմության մասին, բայց նրանք դեն չեն գցել մատանին, այլ արել են ծերունու ասածը: Ի վերջո, մատանին էր, որ նրանց համար հասկանալի դարձրեց՝ մատիդ մատանին կարելի է փոխարինել մեկ ուրիշով, բայց սերը եւ կողքիդ գտնվող մարդուն երբեք հնարավոր չէ փոխարինել:

ԴԺԿԱՍ ԱՆԴՐԱԴԱՐՁ

1

-Ես երբեք էլ կարգին չեմ քնի,- մտածեց Սյա Բինբինը, երբ ջանք էր թափում թեյամանը վառարանից վերցնելու եւ թերմոսը լցնելու: Դժվարությամբ էր կանգնում, ոտքերը թույլ էին: Թերմոսի բերանից դուրս մղվող գուլորշուց խաշված նրա բթամատը մաշկագերծ մկան պես վարդագույն էր դարձել: Թեյամանը նրա տնից բերվել էր ավելի քան տասը տարի առաջ: Այդ թեյամաններին Շանհայի բարբառով դեռ «պղնձե քանդակներ» էին անվանում, որ բավականին տեղին էր՝ հաշվի առնելով դրանց դեղին եւ հանդիսավոր տեսքը: Դրանց վրայի ճաքերն ու խոռոչները հնությունից մուգ շագանակագույն էին դարձել, իսկ արտաքին մակերեսույթը ծածկված էր պողպատալարի անհարթ կտրվածքներով: Սյա Բինբինն ատում էր պղնձին քսվող պողպատալարի ձայնը: Երբ մտածում էր այդ մասին, գլուխը թմրում էր, ասես էլեկտրահարված լիներ: Վառարանի դեմդիմաց հորեղբայր Չժոուի մեծադիր լուսամուտն էր՝ ծածկված սեւ ու դեղին բծերով: Սյա Բինբինի աչքերը բնագոյաբար խուսափում էին այդ տհաճ, կեղտոտ բաներից: Նա շրջվեց՝ ժենշենի թեյ ավելացնելով հորեղբայր Չժոուի գավաթի մեջ, եւ լվացարանում մաքուր ջուր լցրեց:

Ինչպե՞ս կարող էր եղանակն այդպես հանկարծ ու անընդմեջ տաքանալ: Սյա Բինբինը համոզված էր, որ իրենցից ոչ ոք չի կարողացել հանգիստ քնել, թեեւ գիշերվա կեսին ոչ ոք վեր չկացավ: Համառորեն ու համբերատար դիմացան: Առաստաղի հովհարը, փոշու շերտերով ծածկված, ճոռում էր եւ անտարբեր պտտվում: Լուսաբացը շուտ էր բացվել, բայց Սյա Բինբինի համար ամեն օր արեւածագին կայելը նրա ամենահուսահատ պահն էր: Այդ թարմ եւ ազդեցիկ հուսալքությունը մարդկանց ստիպում էր էլ ավելի մոայլ ու ինքնամփոփ դառնալ, քան գիշերվա մենակությունը: Ինչպես կցանկանար, որ դա իր համար սովորական դառնար, այնպես, որ այլեւս հուզականորեն իրեն խոցված չզգար: Յավոք, միայն նոր էր հասկացել, թե որտեղից է դա գալիս ու ճանաչել էր դա, իսկ այս ամենից խույս տալու միտքը շարունակվում էր:

ՉԺԱՆ ԻՎԵՑ

Նույնիսկ կիզիչ շոգին Սյա Բիւքինը դեռ բավականություն էր ստանում դեմքը տաք ջրով լվանալուց: Տաք գոլորշու մեջ թաղվում էր ու աշխատում ջերմության հետ շնչել, եւ աչքերն արցունքներով էին լցվում, թեւ տխրելու որեւէ բան չէր լինում: Չժոու Լեյն արդեն գնացել էր:

Առաջինը գնացած մարդու համար ամեն բան միշտ ավելի հեշտ էր լինում: Իրենց չորսից Չժոու Լեյն առաջինն էր, որ հեռացավ: Նրա հեռանալուց հետո Սյա Բիւքինն իրեն բավականին հանգիստ զգաց՝ չիմանալով, թե ինչու, թեւ միևն այդ մտածել էր, որ նրա հեռանալը չի ուզում: Նրա գնալուց հետո հորեղբայր Չժոուն բազմոցը վաճառեց:

Հորեղբայր Չժոուն, քիթն ամեն տեղ խոթելու իր բնավորության պատճառով, բազմոցը գնել էր ինչ-որ խաբեբայից, հետո մեծ դժվարությամբ այն քարշ էր տվել տուն: Նա նաեւ վիճել էր Բիւքինի մոր հետ այդ հարցի շուրջ: Ճիշտն ասած, դա նրա մեղքը չէր: Պատճառն այն էր, որ նա էր վճարելու ամբողջ արժեքը: Ամեն դեպքում Չժոու Լեյը սկսեց քնել հնամաշ բազմոցին, եւ դա տեսեց յոթ թե ութ տարի: Տունն իսկապես չափազանց փոքր էր, այնպես, որ բոլորի դժբախտություններն ամբողջությամբ մյուսների աչքի առջեւ էին: Բայց այդ պատճառով ամեն բան բացահայտ էր նաեւ, եւ ոչ ոք չէր կարող որեւէ գաղտնիք պահել:

Այնուամենայնիվ, Չժոու Լեյի գնալուց հետո Սյա Բիւքինը բնականաբար դարձավ անփույթ: Նա ավելի քիչ էր մտահոգվում, երբ հորեղբայր Չժոուն փնթփնթում էր.

-Էդ ո՞նց եղավ, որ երկու կտոր շորով ես թասը լվանում: Ի՞նչ տեսակ մարդկանց տեղ ես մեզ դրել:

Թեւ հորեղբայր Չժոուն ասում էր այս բաները, ընդհանուր առմամբ ավելի խաղաղված տրամադրությամբ էր, երբ Չժոուն տարածքն ազատել էր: Երբեմն էլ իր՝ Սյա Բիւքինի հետ չար կատակներ էր անում, որոնք իրականում ավելի գերադասելի էին, քան իր մշատապես խոժոռադեմ մոր պահվածքը: Բոլոր դեպքերում հորեղբայր Չժոուն վստահ էր, որ Սյա Բիւքինն իր բնավորությամբ կարող է հաղթահարել դա: Նա մտադիր չէր որեւէ ճնշում գործադրել Սյա Բիւքինի վրա: Միայն գնահատում էր այն առավելությունները, որոնք վերջինս դեռ կարող էր հորից վերցրած լինել: Այս հարցում Բիւքինի մայրը համաձայն էր: Նա նախկին ամուսնուն չէր տեսել ավելի քան տասը տարի, այնպես որ այլևս չէր մտահոգվում նրա համար, թեւ չէր կարող Բիւքինի զգացմունքների մասին էլ հոգ տանել: Բայց Չժո-

ու Լեյի հեռանալը պետք է որ հարմար վիճակ ստեղծեր նրա համար: Սյա Բինբինը երկար ժամանակ մորն այսքան ուրախ չէր տեսել:

Հորեղբայր Չժոուն վեր կացավ եւ նախքան ատամները լվանալը մտավ խոհանոց ու Սյա Բինբինի պատրաստած թեյից մի կում խմեց: Ապա ժպտալով ասաց.

-Օ, Բինբին, երեկ ի՞նչ խեղդող շոգ էր: Շոգերն սկսվել են, չէ՞:

Սյա Բինբինը սառն ու ծուռ ժպիտով պատասխանեց.

-Հորեղբայր, նախաճաշին ի՞նչ կուզեիր ուտել:

-Երեւի կձու յուղաբլիթներ: Երկու յուղաբլիթ եւ սոյայի կաթ:

-Բա մայրի՞կը:

-Հը՞: Չէ: Լավ, ինչ-որ քաղցր բան էդ դեպքում: Քաղցր յուղաբլիթներ եւ սոյայի քաղցր կաթ:

-Իսկ մայրի՞կը:

-Դե, մի ախորժաբեր բան բեր, որ միասին կարողանանք նախաճաշել:

2

Բինբինի մայրն ամեն օր ուշ էր արթնանում: Բայց արթնանալուց հետո բավականին աշխույժ էր: Շուտ չէր արթնանում, որովհետեւ լավ չէր քնում: Այդ պատճառով առավոտն իսկապես պատկանում էր Սյա Բինբինին: Ամեն օր, երբ դուրս էր գալիս նախաճաշի համար ուտելու բան գնելու, Սյա Բինբինը միտումնավոր հեռուն էր գնում եւ երկար էր մնում դրսում՝ հույս ունենալով, որ գոնե ետ գալու ժամանակ հորեղբայր Չժոուն եւ մայրն արթնացած ու հագնված կլինեին: Գիշերվա խոնավությունն ու շոգն անտանելի էին Սյա Բինբինի համար: Բայց նա մենակ չէր, քանի որ իր մոտ քնած երկու մարդիկ էլ նույն բանն էին զգում: Լուռ սպասում էին, որ մյուսները քնեն: Նրանք մեկը մյուսի շարժմանը լուռ ըմբռնումով էին վերաբերվում՝ հասկանալով, որ ամեն մի փոքրիկ աղմուկ կարող է գայրացնել մյուսներին: Իհարկե, որոշ ցանկություններ միայն ձայնով չէս կարող հստակ պարզել: Եվ ամեն անգամ Սյա Բինբինն ուզում էր հեռանալ, ինչպես դա արեց Չժոու Լեյը:

Բայց Չժոու Լեյն այդ պատճառով չհեռացավ: Նրան հաջողվեց փախչել միայն այն բանից հետո, երբ հանձնել էր մոր թողած լրացուցիչ աշխատավարձը: Նրա մայրը մի դժբախտ անդրձովյան չինուիի էր: Շատ վաղուց հո-

ՉԺԱՆ ԻՎԵՑ

րեղբայր Չժոուն բերել էր նրան իր հետ, և նա ծնել էր Չժոու Լեյին: Բայց հիմա նա արդեն վերադարձել էր իր երկիր: Խարխուլ տունը, որում ներկայումս ապրում էին, Չժոու Լեյի մորից էր մնացել:

Այս օրերին աղքատները հույսը դնում էին տան քանդվելու և տեղափոխման վրա, որպեսզի հարստանան: Չժոու Լեյին որպես տան սեփականատեր ճանաչելու գրանցումը պահպանվել էր, բայց վճռվել էր, որ նա տան հետ որեւէ գործարք կատարել չէր կարող, եթե հեռանար:

Սյա Բինբինի ամբողջ ունեցածը մոր ձեռքերում էր: Նա այնպիսի բան չուներ, որ կարողանար թողնել, այնպես որ, ըստ էության, համեմատաբար ազատ էր: Միակ խնդիրն այն էր, որ չգիտեր, թե ուր գնա: Նա մտածել էր այդ մասին: Առանց սեփական գույքի, եթե ցանկանում էր առանձին կյանք վարել, կարող էր ապավինել միայն ինքն իրեն կամ որեւէ տղամարդու: Միայն այս երկու տարբերակն ուներ: Սակայն սեփական անձի վրա հույս դնելը չափազանց դժվար էր թվում: Ինչ վերաբերում է տղամարդուն ապավինելուն, նա արդեն... Այս մասին մտածելիս Սյա Բինբինը միշտ իրեն ինչ-որ չափով հիասթափված էր զգում:

Երբ բլիթներն ու սոյայի կաթը տուն բերեց, մայրն արդեն արթուն էր և բարձր տրամադրությամբ դիմեց նրան.

-Ո՛ր էիր գնացել, թանկագինս: Ուշ ետ եկար: Արդեն սովից մեռնում եմ:

Նրա ճակատն էլ էր Սյա Բինբինի ճակատի պես քրտնել: Արդեն հագել էր պարարտ մարմինը գրկող մետաքսե ասեղնագործ մաքուր զգեստը:

Մի յուղաբլիթ վերցրեց և յուղոտ ձեռքերով ետ քաշվեց:

-Աստված իմ, քաղցր յուղաբլիթ:

-Գրողը տանի: Դու նույնիսկ յուղաբլիթի վրա բառախաղ ես անում: Էդ-քան մանր ես: Ի՞նչ ունեմ քեզ հետ կիսելու,- առարկեց Բինբինի մայրը:

-Օ, ես նկատի ունեմ, որ քաղցրը լավ է, քաղցրը լավ է: Մեղը ես յուղ՝ լավ համադրություն է:

Սյա Բինբինը բացեց ծորակը և երեսը լվաց: Տուրն արելից գրեթե գոլացել էր: Այսօր անսովոր շոգ էր թվում: Վաղ առավոտից արդեն տապ էր: Նա թեթեւ հոգոց հանեց և մտածեց, թե ինչպիսի տանջանք է, որ ստիպված է այսօր դուրս գալ:

Հորեղբայր Չժոուն դուրս էր եկել սոյայի քաղցր կաթ բերելու: Կարճ ժամանակ անց նա պատրաստ էր աշխատանքի գնալու՝ ձեռքին գնումների պայուսակը: Հենց որ Սյա Բինբինը պատրաստվում էր սենյակ մտնել,

հորեղբայրն Չժոուն անսպասելիորեն վերադարձավ՝ ձեռքին նրա պատրաստած թեյը:

-Հը՞, Բինբին, ի՞նչ ես խոհանոցում կանգնած եղպես շժամ նայում: Լավ չե՞ս զգում:

-Մի քիչ,- չոր ծիծաղելով ասաց Սյա Բինբինը: Այդ ասելուն պես՝ զոջացել ուզեց ավելացնել՝ «Մի քիչ... շոգում եմ»:

-Է՛յ, աղջիկ: Կարո՞ղ է ինչ որ մեկը հղիացրել է քեզ:

Սյա Բինբինն ապշած էր, բայց նրա թույլ զայրույթը շուտով անցավ: Պարզապես խոժոռված նայեց նրան: Հորեղբայր Չժոուն սահեց անցավ աղջկա մոտով:

-Հորեղբայր Չժոուն գիտե ինչ է տեղի ունենում:

Եվ ամեն ինչ իմացողի պես աչքով արեց:

-Դուրս եմ գալիս մի քիչ օդորակիչի մոտ,- հավելեց ինքնագոհ տոնով:

Մինչև թոշակի անցնելը հորեղբայր Չժոուն աշխատում էր մոտակայքում գտնվող Հրատարակչական ակադեմիայում որպես պահակ:

3

Երբ Սյա Բինբինը սենյակ մտավ, տեսավ, որ մայրն արդեն պատրաստել է այն շորերը, որ ինքը պետք է հագներ դուրս գալու համար: Կարծրեց վերնաշապիկ էր եւ կարճ տաբատ, որ հագել էր միջնակարգ դպրոցում սովորելիս, մի վեց տարի առաջ:

-Մայրիկ, սրանց հետ հագնելու կոշիկներ չունեմ: Ոչ սպիտակ, ոչ կապույտ չստերս էլ հետը չեն գնա:

-Մի՛ անհանգստանա: Քեզ համար կոշիկներ եմ ճարել:

Սյա Բինբինը մի հայացք գցեց մահճակալի տակ եւ տեսավ մի զույգ ճերմակ մարգակոշիկ՝ բաց կանաչ նախշերով: Երբեք չէր սպասի, որ մայրը կարող է դրանք պեղել հանել իր համար:

-Մամ, բա չե՞ի՛ն ասել, որ մենք սեւ շոր պիտի հագնենք:

-Էդքան հիմար մի՛ լինի: Սկզբում քեզ համար ընտրեցի հին կարմիրը: Բայց հիմա կրծքերդ մեծացել են, եւ արդեն դա քեզ չի սահ: Ինչո՞ւ անհանգստանալ հագնվելու համար: Կարծում են քեզ համար հեշտ է, դրա համար էլ համախմբվում են ու քեզ վախեցնում: Ես կարող եմ խոսել քո անունից: Ես չեմ մասնակցում նրանց ընտանիքի միջոցառումներին, բացի միայն թաղումներից: Մենք պետք է մասնակցենք: Հասկացա՞ր: Հիմա

ՉԺԱՆ ԻՎԵՑ

դու մեծացել ես: Ստաճիր այդ մասին: Ո՞վ է քո հանդեպ լավ վերաբերվել վերջին տարիներին: Քո այդ ծեր տատիկը բավականին չար է: Համառորեն հրաժարվում էր մեռնել: Եվ հիմա, երբ ջերմաստիճանն այսպես անտանելի է, բոլորիդ հավաքում է իր կողքին: Լավ է, էլի: Դե գևա, արագ, եւ հետո հովանոց վերցրու: Երկու անգամ ավտոբուս պիտի փոխես: Երկար ճամփա է: Հա, մեկ էլ՝ ետ կգաս, երբ արդեն կերած կլինես:

Հերոսաբար դիմակայելով այրող արեւին՝ Սյա Բինբինը ճամփա ընկավ: Նա այդ նույն ճամփով անցել էր այդ տարի, երբ պապն էր մահացել, այնպես որ վտահ էր: Պապն ու տատը երկուսն էլ այդ տարի հեռացան, մեկը մյուսի ետեւից: Մեկը մահացել էր խոր ծմռանը, մյուսն, ահա, ամռան կեսին: Բայց պապի մահվան օրվա հետ համեմատած՝ Սյա Բինբինն այս անգամ մի տեսակ տխուր էր: Հազիվ կես տարի էր անցել, բայց արդեն հայրը չէր իրեն թաղման կանչում: Դա հոր ընկերուհին էր: Այդ անհեթեթ մանկամիտ կինը շարունակաբար հեկեկում էր հեռախոսի մեջ եւ ասում, որ Բինբինի տատն այնպիսի վիուկ է եղել, այս ու այն է արել: Նա ևս եւ խնդրեց Բինբինին, որ իր հետ լինի թաղման ժամանակ, քանի որ նրա հայրը տանը չէ: Բինբինի մոր աչքում այդ կինն ամբողջովին «պախարակված լիրբ» էր եւ «իրեն երեւակայող»: Բինբինի մայրն ամբողջ գիշեր վատ խոսքեր ասաց այդ կնոջ մասին, որին իրենցից ոչ ոք չէր տեսել: Գիշերվա կեսին Սյա Բինբինը պարզորոշ լսեց, որ մայրն արագ խույս է տալիս հորեղբայր Չժոուի ճարպիկ հարձակումներից:

Սյա Բինբինը մտածեց, որ հայրն ու մայրն, ըստ Էուբյան, այդ առումով իրար շատ նման են: Նա պարզապես ցավում էր, որ ինքն այնքան անկարեւոր էր եւ անկարող՝ արգելք լինելու այդ մարդուն իր հոր անկողնում: Գիտեր, որ տխուր է միայն այն պատճառով, որ ոչ ընտանիքի անդամն էր իրեն տեղեկացրել թաղման մասին: Կամ գուցե տխուր էր, քանի որ դրանից հետո միշտ լինելու է ընտանիքից դուրս մեկը, որ իրեն տեղեկություններ է տալու իր ընտանիքի մասին:

Թաղման սրահը փոքր չէր, եւ մասնակիցների մեծ մասը չափազանց ուշադիր էր: Բոլորն զբաղված էին ամեն մեկն իր ձեռով մարդկանց ողջունելով, ասես դա հազվադեպ մի հավաքույթ էր: Հեռվում կախված էր տատիկի նկարը: Նկարում նա չարագուշակ ժպտում էր: Նրա դիմագծերը, որ ամենեւին բարեկամական չէին, ըստ Էուբյան գրեթե չարակամ էին: Բինբինի տատը չէր կարողանում հիշել ընտանիքի կրտսեր անդամներից բոլորի

անունները, եւ դժվար էր ասել՝ արդյո՞ք իսկապէս շփոթում էր, թե՞ ծեաց-
 նում էր: Նա հայտարարում էր՝ «Ձեզ ծնունդ տալն արդէն բավական էր»:
 Հետեաբար չէր կարող բողոքել, որ իր գավակներն այժմ ցրված էին եւ
 սրտով իրարից բաժանված: Սյա գերդաստանը կարելի էր թվով մեծ հա-
 մարել: Առկազն քսանից ավելի մարդ կար, որոնք տատիկի շառավիղ-
 ներն էին: Նրանց բացարձակ անմիաբանության պատճառը հավանաբար
 այդքան շատ բաժանումներն էին: Սյա Բիւքինը միայն աղոտ մանկական
 տպավորություններ ուներ այդ մարդկանց մասին: Այդ հորեղբայրների ու
 հորաքույրերի համար դրանք լավ տպավորություններ էին թվում, բայց մի
 բան չէր լավ, որ նրանք զգալիորեն տարիք էին առել: Բիւքինը մտածում
 էր՝ որքան զվարճալի է, թե ինչպէս կարող են այդքան շատ միայնակ ծեր
 մարդիկ շրջապատված լինել երեխաների ու թոռների այդպիսի ցե-
 դախմբով:

Երբ Բիւքինն այլեւս չէր կարողանում կանգնել, պատահաբար մի աթոռ
 գտավ, որի վրա հանգրվանեց նրա մարմնի անհարմար մասը: Լուսամուտի
 անդրադարձում տեսավ իր փոքր-ինչ հուզված ու տանջահար դեմքը եւ
 մարմինը՝ զարդարված վեց տարի առաջվա այդ հնամաշ հանդերձանքով,
 որ այժմ հավակնում էր իրենը լինել:

Սյա Բիւքինը հեռավորության վրա ինտուիցիայով ճանաչեց արագա-
 շարժ մի կնոջ, որը նրան մի տեսակ կասկածելի թվաց: Նա ճարպկորեն
 մոտենում, զրուցում էր սրահում գտնվող ամեն մեկի հետ, ասես բոլորին
 գիտեր: Բայց ավելի տարօրինակն այն էր, որ բոլորն իրենց այնպէս էին
 պահում, ասես գիտէին նրան: Նա բավականին գրավիչ էր, եւ նրա երբեմն
 հստակ, երբեմն թույլ ձայնը շատ ծանոթ էր հնչում:

-Օ՛, սա Բիւքինը չէ՞: Դու իսկ եւ իսկ այնպիսին ես, ինչպիսին քո նկա-
 րում: Նույնիսկ շորերդ են... Լույնը,- ասաց ու խոսելիս բերանը բռնեց:-
 Բիւքին, կուզեի՞ր հանդիպել հորդ միավորման տնօրենի հետ: Աստված
 իմ, երբ հայրդ Շանհայում չէ, ես այնքան զբաղված եմ, բայց կարող եմ դա
 կազմակերպել: Հենց նոր նրան տեսա:

-Դուք արդէն հանդիպել եք նրան, այնպէս որ կարիք չկա, որ ես հան-
 դիպեմ,- մեղմ տոնով ասաց Սյա Բիւքինը:

«Դու ներկայացել ես հորս փոխարեն, ե՞ս ում փոխարեն եմ ներկայա-
 նալու», - մտածեց Սյա Բիւքինը:

Այդ կինն ինքն իրեն քրթմնջում էր, երբ մոտեցավ, որ նստի Սյա Բիւ-
 քինի կողքին:

-Բիւքին,- ասաց զսպված քմծիծաղով եւ շարունակեց:- Ես հենց նոր եմ

ՉԺՁՆ ԻՎԵՑ

պտտվել սենյակում եւ նկատել եմ, որ դու երեւի միակն ես քո ընտանիքում, որ վերեւի ծուռ ատամներ չունի... Համաձայն չե՞ս... Հը՞... Մի բան ասա... Հը՞...

Հանկարծ մի սուր հայացք ուղիղ դիմացից նայեց Բիւքինին: Միայն այդ ժամանակ Սյա Բիւքինը հասկացավ, որ նստած է իր հորաքոռոջ եւ կրտսեր քոռոջ դիմաց: Բայց սա այն հորաքոռույրը չէր, որին հիշում էր, երբ փոքր էր: Սա նոր հորաքոռույր էր: Բիւքինը նրա նկարը տեսել էր հարսանեկան հրավիրատոմսի վրա: Նրա կողքին գտնվող աղջիկը դեռ երիտասարդ էր: Առաջին անգամ էր Բիւքինը նրան տեսնում: Նա ատամներին պողպատե շրջանակներ էր կրում:

Բիւքինը մտաբերեց, որ շատ վաղուց ինքը նույնպէս հնազանդ նստում էր մոր կողքին, երբ Սյա գերդաստանի հարսանիքներին կամ թաղումներին էին գնում: Այդ ժամանակ էլ էր իր հայրը զբաղված, եւ ինքն ու մայրն ուղղակիորեն կարող էին ներկայացնել հորը: Երբ ծնողների միջեւ խնդիրներ ծագեցին, եւ նրանց ամուսնական հարաբերությունները վատթարացան, Բիւքինը երկար ժամանակ այդպիսի իրադարձություններին մենակ էր մասնակցում: Այդպէս է մինչեւ այսօր: Հիմա նա նստել էր մեկ ուրիշի կողքին... եւ թվում էր ոչ ոք չի առարկում: Գուցէ ինքը չափազանց զգայուն էր: Հետեւելով այդ աղջկան՝ Սյա Բիւքինը շուրջը նայեց եւ իրոք հեռվում մեկ այլ աղջկա նկատեց: Սա այն աղջիկն էր, որին ինքը պատրաստ էր ընդունել որպէս իր կրտսեր քոռոջ՝ մանկությունից ի վեր: Թեեւ նրա ատամները գեղեցիկ չէին, Սյա Բիւքինը մտածեց, որ գոնե նա կարող էր հասկանալ իրեն: Ուղղակի հույս ուներ, որ իր կրտսեր քույրն իրեն երբեք չի նմանվի:

4

Երիտասարդ սերնդի ներկայացուցիչներից միայն Սյա Բիւքինը ծուռ ատամներ չունէր: Դա նրանից էր, որ իր հոր սերնդում միայն իր հայրը չունէր ծուռ ատամներ:

Չժոու Լեյի ատամները թեթեւակի ծուռ էին, բայց ոչ հորեղբայր Չժոու-ինը: Դա, հավանաբար, Չժոու Լեյի առեղծվածային մորից ժառանգած գեների պատճառով էր: Սյա Բիւքինի միտքն անջատվել էր: Դրա համար էլ, երբ տուն վերադարձավ եւ զեկուցեց թշնամու ճամբարում կատարվող գործողությունների մասին, ուղղակի արժանացավ մոր կշտամբանքին:

- Չե՞ս կարծում, որ անօգուտ ես: Ոչ մի բան չես կարողանում հիշել: Իզուր ժամանակ եմ կորցրել էսքան տարի քեզ մեծացնելով: Հայրդ ու եղ կինը ամուսնական վկայական հանե՞լ էին:

-Վստահ չեմ: Ասում էին, որ նրա ընկերուհին է:

-Ե՞րբ են ծրագրել ամուսնանալ: Պապիդ հին տա՛նն է դա լինելու: Թե՛ նոր տուն են պատրաստվում գնել:

-Չգիտեմ: Լսեցի, որ սպասում են տեղափոխման՝ հին տունը քանդելուց հետո:

-Քանդել ու տեղափոխվե՞լ: Այ թե կին է: Երեւում է ես անգամ հորդ ճանկն է գցել: Ուրիշ էլ ի՞նչ ասաց քեզ:

-Էլ ոչ մի բան: Միայն փորձում էր հետս մտերմանալ եւ ձեռքս էր բռնում:

-Հասկանում եմ: Ուրեմն իրոք վճռել է տպավորություն գործել եւ բոլորին տեղյակ պահել, որ հաղթելու է: Ասեմ քեզ, Բինբին, դու դեռ պետք է գնաս հորդ մոտ, որպեսզի ավելի շատ բան իմանաս: Չգիտե՞ս, որ քո անունը կա եղ տան հետ կապված գործերում: Եթե դու չհամաձայնես, նրանք ոչինչ չեն կարողանա անել: Հենց կարողանաս, էլի գնա: Հայրդ ե՞րբ է ետ գալու:

-Մամ, փորս ցավում է:

-Իմ էլ գլուխն է ցավում: Քեզ նայիր: Ոչ մի բան չես կարողանում ճիշտ անել: Երբ մանկապարտեզի դաստիարակչուհի էիր, երեխեքի ձևողները վրադ բողոք էին գրել:

Երբ քարտուղարուհի էիր աշխատում, տնօրենիդ թղթերն էիր կորցրել: Ասա, թե ինչ մի լավ բանի ես ընդունակ: Միայն պարապ թրեւ գալ ու ձրիակերությամբ զբաղվել գիտես: Դեռ պետք է օգնեմ քեզ, որ աշխատանք գտնես: Դու չես կարող էսպես շարունակել: Բեռ ես դարձել ինձ համար:

Լսիր, Բինբին, եթե հայրդ քեզ ակնարկի տունը վաճառելու մասին, նրանից երեք հարյուր հազար յուան ուզիր: Ոչ մի մանրադրամ պակաս, հասկանո՞ւմ ես: Մի չնչին բան էլ պակաս եղավ՝ ես տնից դուրս կգաս: Իսկ էն տունը հատկացվեց մորական պապիդ աշխատանքային կազմակերպության կողմից, երբ ես ամուսնացա հորդ հետ: Դա իմն է: Հասկանո՞ւմ ես:

-Հա, երեք հարյուր հազար:

Երբ հորեղբայր Չժոուն վերադարձավ, ձեռքին մանր գետնանուշով լի մի տոպրակ կար: Դեմքին սոյայի հատիկների մեծության քրտինքի կաթիլներ էին հայտնվում եւ կնճիռների վրայով գլորվում մինչեւ պարանոցը:

ՉԺՃՆ ԻՎԵՑ

-Տե՛ր Աստված: Եղանակի տեսությունն ասում է, որ Էսոր 40 աստիճան է ըստ Ցելսիուսի: Առաջ Էսքան շոգ երբեք չի եղել: Շոգե՞՞լ եք:

Բիսբիսի մայրը քթի վրայի քրտիկն էր սրբում:

-Ղատարկ բաներ մի՛ խոսիր: Էս ի՞նչ ես գնել: Իրոք որ շատակերի մեկն ես:

Նա վեր կացավ եւ հորեղբայր Չժոուի ծեռքի պոլիէթիլեն տոպրակից մի քանի գետնանուշ վերցրեց ու սկսեց ուտել:

-Էսոր Չժոու Լեյն էր եկել:

Հորեղբայր Չժոուն մի հայացք գցեց Բիսբիսի կողմը եւ խոսելիս հյուրասիրեց Բիսբիսի մորը:

-Ի՞նչ է ուզում,- հարցրեց Բիսբիսի մայրը:

-Չի՞ կարող ուղղակի գալ ու ինձ տեսնել: Հը՞: Դու աղջկանդ մոտդ ես պահում, ես չե՞մ կարող տղայիս տեսնել: Հըը՞մ:

-Ձենդ կտրի՛ր: Էդ հիմար բաները մի՛ ասա ինձ: Կարծում ես քեզ չե՞մ հասկանում: Փո՞ղ է տվել քեզ: Ես էլ ասում էի՝ ինչո՞ւ էիր հանկարծ Էդքան ուրախացել: Տո՛ւր տեսնեմ:

Բիսբիսի մայրը սովորականի պես սառը հայացքով կայեց հորեղբայր Չժոուին, հետո շրջվեց Սյա Բիսբիսի կողմն ու ասաց.

-Ձևա ուտելիք բեր: Ուտելու ժամն է:

Սյա Բիսբիսը ոտքի ելավ եւ քստքստացնելով գնաց դեպի խոհանոց: Նա ժամանակ առ ժամանակ զզվանք էր գգում, հատկապես երբ տեսնում էր այդ սեղանը՝ միս ու բանջարեղենով խառն ավսեսներով լի: Դեմքը յուրոտ էր եւ լարծուն, եւ ծեռքերի վրա ծակոտիկներն այնքան էին լայնացել, որ մաշկը բորբոքվել էր: Նա պատրաստակամ, դժվարությամբ բարձրացրեց թեյամանը եւ մի քիչ ջուր լցրեց լվացարանի մեջ:

-Չժոու Լեյն ասաց, որ գնում է Դունգուան...,- հայտարարեց հորեղբայր Չժոուն:

-Որ ի՞նչ անի: Արտագնա աշխատո՞ղ դառնա: Խելքը թոցրել է:

-Բարեւում էր քեզ, քեզ ու Բիսբիսին:

-Չէ, դեռ խիղճ ունի:

-Բա չե՞ր ուզում բանակում ծառայել կամ Էդպիսի մի բան, ու ես չեի՞ օգնում իրեն: Չնայած մայրն օտարերկրացի է, բայց ի՞նչ: Նա Չժոու Լեյնի մասին չի հոգում: Եթե Էդ տղան խելացի լիներ, ավելի շատ հոգ կտաներ մեր մասին...

Սյա Բիւքինը ենթագիտակցորեն փակեց սառը ջրի ծորակը: Ցած քաշեց սրբիչը, զգուշությամբ դատարկեց ջուրը եւ հենկեց լվացարանին: Բիւքի՛ն... Բիւքի՛ն:

Սյա Բիւքինը հանկարծ շրջվեց եւ անսպասելիորեն տեսավ, որ մայրը կանգնած է իր ետեւում:

-Պա ուրիշ տաբատ բեր: Էս մեկը կեղտոտել ես:

-Վայ:

Սիայն այդ պահին Բիւքինը հանկարծ սթափվեց:

Բիւքինի մայրը եւ հորեղբայր Չժոուն երկուսն էլ բավականին ուրախ էին ընթրիքի ժամանակ: Այս լուռ համաձայնությունը նրանց միջեւ, որ նկատել էր Սյա Բիւքինը, իրականում ճնշող էր: Բայց Բիւքինը միշտ զգում էր՝ դա նրանից է, որ նրանք շատ էին իրար նման: Ամենեւին հնարավոր չէր պատկերացնել, թե մի օր նրանք հանկարծ կվիճեն փողի կամ մեկ այլ բանի պատճառով:

Իր կապերի միջոցով հորեղբայր Չժոուն Բիւքինի համար խանութում օգնականի գործ էր գտել, եւ պայմանավորվել էին, որ Բիւքինն աշխատանքի կանցնի աշնանը: Նա բավականին օգնել էր Բիւքինին: Անկեղծ ասած, նա Բիւքինին շատ լավ էր վերաբերվում: Սյա Բիւքինը գիտեր դա: Թեեւ նա կարող էր խիստ ու դաժան լինել, բայց լիակատար սրիկա չէր: Նրանց միջեւ չէին կարող լինել ոչ հոր եւ դստեր հարաբերություններ, ոչ էլ սերունդների ընկերական հարաբերություններ: Այդ ամենը մի փոքր ավելի նյարդայնացնող էր, քան օտարների հարաբերությունը, բայց՝ առանց թշնամական չարակամության: Եվ սակայն, Սյա Բիւքինը չէր կարող ասել, թե ինչպիսի հարաբերություններ էին դրանք:

Կեսգիշերից հետո ժամացույցը մեկ անգամ խփեց: Սյա Բիւքինն, ինչպես միշտ, ցավ զգաց սրտում: Նա այլեւս անկարող էր խուսափել այսպիսի սպասումից ու տանջանքից: Վերելում պտտվող հովհարի ձայնի եւ իր մարմնին շփվող ամառային քնագորգի ձայնի հետ նա նորից լսեց, թե ինչպես է հորեղբայր Չժոուի ձեռքն ագահորեն մղվում դեպի իր մոր մարմինը: Լսում էր ինչպես է մայրը կեղծ, ձեւական մերժում նրան: Օձանելիքի բույրի հետ խառնված՝ այդ մերժումը գրեթե լուռ սիրախաղ էր: Պատուհանից դուրս լսվում էր ծղրիղների բարձր ձայնը...

Նա միայն կարող էր կամաց շնչել, որովհետեւ ամեն մի թեթեւ շարժում կարող էր լսելի լինել հորեղբայր Չժոուի եւ իր մոր համար: Երբեմն չէր էլ ուզում, որ նրանք դադարեցնեն, թեեւ, երբ պատկերացնում էր նրանց դեմ-

ՉԺԱՆ ԻՎԵՑ

քը, միայն ընդվզում էր: Թշնամի են: Ինչ վերաբերում է նրանց վերաբերմունքին իր հանդեպ, ինքը ոչինչ չէր կարող ասել:

Չժոու Լեյի հեռանալուց հետո Բինբինն այսպիսի բաների էր ականատես լինում գիշերները: Նա դեռ հիշում էր՝ երբ առաջին անգամ նայեց Չժոու Լեյի աչքերին: Դա նույնպես գիշերն էր: Այդ նույն խարխուլ բազմոցին նա այնպես նյարդայնորեն էր շոջում գլուխը: Նույնիսկ նրա մոլորված մազափունջը անհարմար ծեռով ոլորվել էր:

Նա իրեն էր նայում: Առաջին անգամն էր, որ ինքը տեսավ ցանկալից այդ հայացքը եւ հանկարծակիի եկավ, թե՛ն միաժամանակ տարօրինակ կերպով ջերմացել էր: Սյա Բինբինն զգաց, որ, անկախ ամեն ինչից, աշխարհում չի լինի ոչ ոք, որ մեկ էլ այսպիսի վառ ու ըմբռնող հայացքով կնայի իրեն: Այս զգացումը կյանքում միայն մեկ անգամ կարող էր լինել, եւ առաջին անգամը նաեւ միակ անգամը կլիներ: Եվ երբ նա դրանից հետո նայեց իրեն, դա արդեն նման չէր այն առաջին անգամվան: Թե՛ն ինքն այդ ժամանակ ընդամենը տասներեք, իսկ Չժոու Լեյը՝ տասնհինգ տարեկան էր:

Սկզբում կարծում էր, թե Չժոու Լեյը միակ մարդն է ընտանիքում, որ կարող է իր հետ լավ վերաբերվել: Նա եւս մի անգամ այդպես ասաց իրեն: Բայց ի վերջո նա առաջինն էր, որ հեռացավ: Գուցե ճիշտ էր:

Ինչպե՛ս էր ուզում մեռնել այդ օրը: Սյա Բինբինը հաճախ այսպես էր մտածում եւ որքան մտածում էր այսպես, այնքան ավելի հուսահատ էր դառնում: Որովայնի ստորին մասում դեռ բուք ցավեր կային: Սի տեսակ աննկարագրելի տկարություն էր զգում, կարծես ինչ-որ բան որոշել էր փախչել իր մարմնից: Սկզբում դա եղել էր իր մի մասը, բայց հիմա որոշել էր երես թեքել իրենից:

5

Սյա Բինբինը ջանք թափեց անկողնուց վեր կենալ միայն այն ժամանակ, երբ հորից գանգ ստացավ: Նույնիսկ վաղ առավոտյան շոգն անտանելի էր: Նա վերցրեց հեռախոսն ու կաղալով գնաց խոհանոց... Պետք է մաքրեր պողպատալարե խճուձը, ջուր եռացներ, լվացվեր եւ թեյ պատրաստեր: Դեմքը թաղելով խոնավ, տաք սրբիչի մեջ՝ Սյա Բինբինն զգաց, որ հիմա կհավի: Տաք գոլորշին ասես այրեց նրան:

Առավոտյան վաղ ժամերին գոնե նա իր գլխի տերն էր: Ինչ ուզեր, կա-

րող էր անել նրանց առջեւ: Նրանք երանելիորեն անտեղյակ էին, եւ թվում էր ոչ մի զգացմունք չունեին իր հանդեպ, ու հոգևերն էլ չէր՝ կապրեր ինքը թե կմեռներ: Չկար մայր-դուստր հարաբերություն, իսկ հորեղբայր Չժոուն այնպիսի տղամարդ չէր, որի հետ ստիպված լիներ հաշտ ապրել:

Մինչ պատրաստվում էր դուրս գալ նախաճաշելու, Բինբինի մայրը վեր կացավ եւ քունը գլուխը՝ քայլեց դեպի զուգարան: Ինչ-որ բան նկատելով անմիջապես գոռաց Բինբինի վրա.

-Քե՛զ նայիր, քե՛զ նայիր: Չզվելի է: Քե՛զ նայիր հապա, հատակն ամբողջովին...

Սյա Բինբինը տաբատը վեր բարձրացրեց, ապա անմիջապես կոռացավ եւ սկսեց հատակը սրբել:

-Էդ փալասը սեղանը սրբելու համար է: Տեր Աստված, առավոտ կա-
նուխ ի՞նչ ես մտածում: Արդեն քսանքանի տարեկան ես: Ամոթ քեզ...

Սյա Բինբինը ժպտաց եւ գլուխը բարձրացրեց:

-Մամ, հայրիկն ասաց, որ ինձ 300 հազար յուան կտա:

Մայրն անակնկալի եկավ: Քիչ անց հավաքեց մազերը, շոջվեց եւ գնաց զուգարան:

-Եթե ավելի շուտ իմանայի, ավելի շատ կուզեի,- ասաց:

Սյա Բինբինը փութեռանդ մաքրեց փալասը:

Արյունը հոսեց նրա ձեռքերի վրայով եւ սկսեց ցած կաթել:

6

Սյա Բինբինի հայրն ամուսնանում էր: Նա հոր տանը երկու նոր բարձ եւ նոր ու գեղեցիկ փափուկ ծածկոց տեսավ: Հանկարծ Սյա Բինբինի մեջ ցանկություն արթնացավ քնել նրանց մահճակալի կողքին: Գոհ կլիներ պառկել հատակին՝ նրանց մահճակալի կողքին: Բայց ոչ հոտին էր սովոր, ոչ էլ տեղին էր ծանոթ:

Սյա Բինբինն սկզբնապես համաձայնել էր հոր հետ հանդիպել բան-կում, բայց հայրը նրան առաջարկեց նախ իրենց տուն գալ: Երբ մտավ տուն, հայրն արդեն կոկիկ հագնված էր: Կոշիկները դժվարությամբ հա-գավ մի անհարմար թիով: Սյա Բինբինը հանկարծ քիչ մնաց լաց լինի: Հիշ-եց այն օրերը, երբ ինքը մանկական շորեր էր դեռ հագնում եւ եկել էր հոր մոտ փող ուզելու: Երբ արդեն պիտի գնար, հայրը հարցրեց, թե ավտոբու-սի փող ունի՞: Ինքը գլուխը տարուբերեց: Հայրը գլուխը կախեց եւ հուսա-

ՉԺՃՆ ԻՎԵՑ

հատ շարժումներով փորձեց դրամապանակում, տաբատի ետեւի գրպանում եւ ծոցագրպանում մանրադրամ գտնել: Պարզ երեւում էր, որ ծխախոտի տուփի կողքին 100 յուանանոց գորշ թղթադրամներ եւ դեղին 50 յուանանոցներ կային: Շատ լավ տեսանելի էին: Բայց Բինբինի հայրը, սաստիկ քրտնած, որոշել էր տասը յուանանոց գտնել նրա համար:

Այն ժամանակ էլ էր ուզում լաց լինել, ինչպես որ հիմա, քանի որ իսկապես չէր կարող հաստատ ասել, թե արդյո՞ք իր առջեւ կանգնած այդ մարդն իրեն սիրում էր:

Հայրը Սյա Բինբինին հեռախոսով ասել էր, որ սա վերջին անգամն է եւ որ այսուհետ այլեւս իրենից փող չպետք է խնդրի: Այդ փողը նաեւ իր՝ Սյա Բինբինի հարսանիքի համար էր, եւ հիմա հայրն ինքն էր պատրաստվում ամուսնանալ, այնպես որ առաջվա պես հարուստ չէ:

Սյա Բինբինը պատասխանեց.

-Իհարկե:

Հայրը հարցրեց.

-Մայրդ էր, չէ՞, քեզ ստիպել, որ ինձնից փող ուզես:

Սյա Բինբինն ասաց.

-Հա:

Հայրն ասաց.

-Գիտեմ, որ դու չէիր անի դա:

Սյա Բինբինը պատասխանեց.

-... Իրականում դա ինձ համար էր:

Հայրն ասաց.

-Լավ: Երբ ժամանակ ունենաս, արի:

Սյա Բինբինն այդ ժամանակ, երբ հեռախոսով խոսում էին, մտածեց, որ իրենք երկուսով հավանաբար այսպես չէին գրուցի, եթե հանդիպեին երես առ երես: Բայց նա միայն ենթադրում էր:

Նա տեսավ, թե հայրն ինչպես է քայլում իր կողմը՝ դեմքի ակորոշ արտահայտությամբ: Հանկարծ ձեռքերն առաջ մեկնեց, որպեսզի պահի իրեն:

-Բինբին, դու լա՞վ ես: Էս ի՞նչ արյուն է վրադ:

-Օ... ոչինչ... լավ է... Գնանք բանկ, որ կարողանաս ետ գնալ տուն ու հանգստանալ:

Այն օրը, երբ Սյա Բինբինը գիտակցության եկավ, Դուսգուանում կայծակի հարվածից մի մարդ էր մահացել: Նա այդ լուրը լսեց հիվանդանոցի մահճակալին պառկած, այն ռադիոյով, որ մայրն էր բերել իր համար, և չէր կարող չանհանգստանալ:

Մայրն իրեն թեթևացած էր զգում, որ Բինբինն ընկել էր միայն փողը վերցնելուց և տուն վերադառնալուց հետո: Ի վերջո, նա չէր կարող իրեն թույլ տալ այդ մարդու մոտ նվաստանալ: Սակայն հետագայում մտածում էր, որ դա կարետոր չէ, քանի որ ի վերջո բոլորովին այլ ժամանակաշրջան էր: Միակ բանը, որ հույս ուներ անել, դա Բինբինին ամուսնացնելն էր, հենց որ նա դուրս գրվեր հիվանդանոցից: Հորեղբայր Չժոուն առաջարկել էր գտնել գյուղից մեկին, որը հող և տուն ունի: Զաղաքում մարդիկ խցկված՝ նեղվածքի մեջ են: Եվ ինչքան ավելի նեղվածք է լինում, այնքան ավելի են աղքատանում: Ավելին, եթե հաշվի ենք առնում Սյա Բինբինի վիճակը, պարզ է, որ մուրացկանները չեն կարող ընտրել:

Ինչ վերաբերում է Սյա Բինբինի ինտիմ մասերից հանված պողպատալարե խճուճին, հորեղբայր Չժոուն Բինբինի մորը թաքուն բացատրում էր, որ երեւի դա նրանից է, որ Բինբինը չափազանց գրգռված է եղել: Սյա Բինբինն այդ նույն բանը հետագայում մի քանի անգամ էլ լսեց, բայց գիտեր, որ հորեղբայր Չժոուն միշտ բարի մտադրություններ ունի:

ՎԱՆ ՎԵՅԼՅԱԼ

ԱՂԻ ՁԱՅՆԸ

Երեկոյան ժամը չորսն էր, երբ դուրս եկա գործարանից եւ կայեցի աղի պայծառ, ճերմակ հարթություններին, որ սփռված էին շուրջբոլորը, ուր աչքդ կտրեր: Լացս զալիս էր: Վերջին ժամանակներս ավելի ու ավելի հաճախ էի այդ ցանկությունն ունենում: Նոր էի հեռախոսազանգ ստացել Դիւնից: Ասաց, որ Տիբեթ է գնալու եւ մեր կողմերով է անցնելու: Ուզում էր ինձ տեսնել: Երբեք ոչ ոք հատուկ այցի չէր եկել այս կողմերն՝ ինձ տեսնելու: Բոլորն ինչ-որ գործով տեղ գնալիս էին միայն կարճ ժամանակով այցելում: Վաղուց սովորել էի դրան: Անգամ եթե պարզապես անցնում էին այս տարածքով, բավականին դժվար էր այստեղ: Ստուցա լաբորատորիայի դռան առջեւի աստիճաններին եւ կտրուցի: Լսեցի, թե ինչպես է տանիքի բարձրախոսն ամենայն մանրամասնությամբ հաղորդում անվտանգության կանոնները: Սյա Լինի ծայրն այլեւս այնքան հաճելի չէր, ինչպես մեր առաջին հանդիպման ժամանակ: Այն կոշտ էր ու կոպիտ, ինչպես երբ կռվում էինք խոհանոցում:

Երբ Սյա Լինը հայտարարում էր այդ ամենը, չէի կարող ասել, թե ինչ տրամադրություն ունի: Չնայած միջադեպից արդեն մեկ ամիս էր անցել, բայց դեռ ի վիճակի չէի հաշտվել դրա հետ: Նախկին հարբեցողի նման՝ ընդհանրապես դադարեցրել էի խմելը: Դա չի նշանակում, թե նոր էջից էի սկսել եւ սեփական կամքով էի խմելը թողել. ավելի շուտ՝ չէի համարձակվում դիպչել շշին, քանի որ ամեն անգամ շիշը ձեռքս վերցնելիս հիշում էի Չժաոյի դեմքը: Այն երեկո մենք չափից դուրս շատ էինք խմել, եւ Չժաոն ընկել էր աղի լիճը: Երբ Չժաոյին գտան, նրա դեմքն ամբողջովին պատված էր աղի նստվածքից առաջացած ծաղկանախշերով, իսկ ակնախնձորները բարակ սպիտակ շերտով էին ծածկված, ասես աղն ինքը կյանք էր առել: Հենց միայն մի հայացք գցելուց հետո ետ տվեցի նախորդ գիշերվա ամբողջ խմածս: Այն այրեց ներսս ամբողջությամբ: Փսխուրքս դանդաղ ներծծվելով իջնում էր աղի գետնի խորքը՝ ստեղծելով գարշելի փոքրիկ մի ավազան, որ նման էր առասպելական արտառոց հրեշի սարսափելիորեն լայն բացված երախի: Չհամարձակվեցի մեկ անգամ էլ կայել՝ վախենալով, որ այդ գազանը կցատկի եւ կույ կտա ինձ:

Հիմա Դինն ուզում էր այցի գալ ինձ: Մի տեսակ հուզախառն ոգետրությունս էր ևս ուզում էր տեսնել առասպելական աղի լիճը: Նայելով շուրջս սփռված կուրացուցիչ ճերմակությանը՝ ոչ մի հրաշալի բան չէի տեսնում այդտեղ: Իհարկե, դեռ ուրախ էի, որ ևորից կտեսնեմ Դինին այդքան տարիներ անց: Նա իմ դասընկերն էր ավագ դպրոցում: Մեզից ոչ մեկը քննությունները կարգին չէր հանձնում: Դրա համար էլ ուսուցիչը դասարանում մեզ վերջին շարքում էր նստեցնում: Մենք թաքնվում էինք այդտեղ դասերի ժամանակ եւ միշտ մոռացված էինք: Քանի հիշեցի, ասեմ, որ իմ անկումն սկսվել է այդ ժամանակվանից: Դինն ավելի լավ բնավորություն ուներ, քան ես: Նա երբեք ցածր ինքնագնահատական չունեցավ իր ընդունում, երբ իր հանդեպ սառն ու անտարբեր էին լինում: Դասարանում, եթե չէր առանձնանում բոլորից, ապա ինչ-որ բան էր նկարում: Հիշում եմ մի անգամ կիսադեմից նկարեց մեր դասընկերուհիներից մեկին, եւ շատ նման ստացվեց: Ցավոք, մոռացել եմ այդ աղջկա անունը: Դինը պետք է որ թաքուն համակրանք ունենար նրա հանդեպ: Երբ նա նկարում էր, ես մի կողմ քաշված թաքուն երգի բառեր էի հորինում: Քիչումիչ գիտեի երաժշտական նոտագրության համակարգը եւ մտքիս մեջ մեղեդի էի դնում: Ապա համապատասխան արտահայտություններ էի փնտրում՝ հաճախ գրելով միայն մեկ կամ երկու տող մինչեւ դասի ավարտը: Ապա բոլորն աղմկում էին, դեսուդեն վազվզում, եւ ստիպված էի ավարտել իմ շարադրանքը: Դրա համար էլ ձգտում էի, որ դասարանը խաղաղ ու անաղմուկ լիներ:

Շատ տարիներ անց, աղի այս շերտերի լայնածավալ տարածության մեջ, հիմա արդեն իմ օրն ու գիշերն անցնում են խաղաղ ու հանդարտ: Բայցեւայնպես, երգի ոչ մի տող չեմ գրել: Ճակատագրով էր այդպես վիճակված: Երբ բացահայտեցի, որ իմ ներքին էության մեջ դույզն-ինչ ներդաշնակություն չկա, սկսեցի չափից դուրս շատ խմել: Չժառն էր, որ ինձ տարավ այդ ճանապարհով: Ամենաուշ ժամին անգամ բավական է միայն թակեր պատուհանս, եւ ես շորերս հագնելով՝ դուրս էի վազում նրա ետեւից: Խմում էինք գարու գինի՝ տասը յուանանոց շշերով, սովորաբար ոչինչ չուտելով: Յուրաքանչյուրս մեկ շիշ էինք վերցնում, զարկում իրար ու խմում միասին, եւ հենց որ շշերը դատարկվում էին, սովորաբար հեռանում էինք: Ես միշտ զարմանում էի, երբ հաջորդ օրն ինձ գտնում էի տանը, անկողնում պառկած: Երբեք չէի կարողանում հիշել, թե ինչպես եմ տուն հասել, բայց կոշիկներս խնամքով դրված էին լինում մահճակալիս կողքին՝ ծայրերը դեպի դուրս, ինչպես նավահանգստում նավարկության կազմ ու

ՎԱՆ ՎԵՑԼՅԱՆ

պատրաստ՝ իրար ուղեկցող ռազմականավեր: Սկզբում կարծում էի, թե Սյա Լինն է դա անում: Բայց հետո պարզեցի, որ Լույսիսկ երբևէ ճանաչողների տուն էր գնացած լինում, կոշիկներս էլի Լույս կերպ խնամքով դրված էին լինում մահճակալիս մոտ: Սա միակ բանն էր, որ ինձ ստիպում էր հավատալ ուրիշներին, երբ ասում էին, թե երբեք չեմ կարող հարբել: Իրականում վաղուց էի հարբում, պարզապես ոչ ուրիշները, ոչ ինքս չէի կարող ասել, թե ինչպես: Երբեմն այդպես մտածելը սարսափեցնում էր ինձ, ասես մեկ այլ մարդ կար իմ ներսում, իսկ իմ իսկական եսը պարզապես ապրում էր այդ եության փոխարեն: Երբ այս եսը կորցնում էր գիտակցությունը, այն մյուս եությունը գալիս էր վերահսկում էր իմ կյանքը:

Չէի խմում այլևս, բայց դրանից կյանքս չէր բարելավվում: Իմ էր Սյա Լինի միջեւ սառը պատերազմն ավելի ու ավելի անտանելի էր դառնում: Հաճախ անկողնում կիսապառկած՝ զայրացած նայում էիք մեկմեկու, վիճում ամեն հասարակ բանի պատճառով, ապա երկուսս էլ ընկնում էիք ապշահար մի վիճակի մեջ՝ ճաշասենյակում հեռուստացույցը դեռ միացրած թողած, որի ձայնը դատարկ էր ու աննպատակ, ինչպես մեր կյանքը: Հյուրասենյակում, սակայն, հազվադեպ էիք կռվում, քանի որ երկուսս էլ հեռուստացույց էիք դիտում: Առաջ, երբ խմում էի, երբեք չէի անհանգստանում քնելու համար: Մի անգամ քնեցի ամբողջ օրը՝ առավոտից երեկո: Բայց խմելը թողնելուց հետո անքնություն ձեռք բերեցի: Անկախ նրանից, թե օրվա ընթացքում որքան հոգևած ու տանջված կլինեի, գիշերը կարողանում էի քնել միայն անկողնում մի քանի ժամ այս ու այն կողմ պտտվելուց հետո: Մի երեկո այլևս չկարողացա դիմանալ: Լոգարանում բնական կարիքներս հոգալուց հետո մտա խոհանոց եւ դատարկեցի մի շիշ խոհանոցային գինի, ապա պառկեցի մահճակալին եւ քնեցի մշուշի մեջ: Առավոտյան արթնացա՝ մղձավանջից ցնցված ու ահաբեկված: Երազումս Չժան կանգնած էր աղի հարթությունների վրա, օդում թրթռում էին ձյան փաթիլներ, աշխարհը ճերմակ ու լայնարձակ մի տարածություն էր՝ ներթափանցված սուր, ծակող սառնամանիքով: «Ողջությունը, եղբայր», - կանչում էր նա: Աղի՞, թե՞ ձյան ճերմակ շերտերը մաքրվեցին նրա դեմքից՝ ի ցույց հանելով նեխած մի սեւություն: Ամբողջ մի շաբաթ ուտել չէի կարողանում, հոգուս խորքում տանջալից ցավ էր: Չցանկանալով այլևս մղձավանջներ տեսնել՝ գերադասեցի տառապել անքնությունից:

Մեկ էլ ասեմ. Դիևը գալիս էր ինձ տեսնելու: Եվ ես ուրախ էի: Ու որքան շատ էի մտածում այդ մասին, այնքան ավելի երջանիկ էի ինձ զգում: Որո-

շեցի մի քանի ազատ օր վերցնել ու մնալ քաղաքում նրա հետ: Դինն ինձ խնդրեց Լիասայի տոմսեր գնել վաղը չէ մյուս օրվա համար: Գնացքի կայարանում տոմսարկղի մոտ կանգնած՝ մի պահ երկվտեցի, ապա տոմսեր գնեցի հիևզ օր հետոյի համար: Չանգեցի նրան եւ ասացի.

- Վաղը չէ մյուս օրվա տոմսերը բոլորը վաճառված են: Պետք է այստեղ մի քանի օր ավել մնաս:

Դինն անմիջապես արձագանքեց.

- Հրաշալի՛ է, եղբայր: Մի քիչ ավելի երկար կբամբասենք:

Սկսեցի կարգի բերել ամեն բան, մաքրեցի հյուրասենյակը, պատրաստեցի անկողնային պարագաները: Դինն ասել էր, որ «երկուսով» են լինելու. նրա ասածից ենթադրեցի, որ մյուսը կին է, եւ էլ հարցուփորձ չարեցի:

Սյա Լինի համար անսովոր հետաքրքիր էր այս ամենը, եւ նա մի քանի անգամ ինձ հարցրեց.

- Դինը լավ ընկե՞ր է քեզ համար: Ինչու՞ առաջ նրա մասին չեմ լսել քեզ-նից:

- Ուրիշների մասին էլ չես լսել, բացի մի քանի գործընկերներից,- պատասխանեցի:

Սյա Լինը գլխով արեց, բայց դեմքը դեռ դժգոհություն էր արտահայտում:

- Ե՞րբ ես վերջապես կարողանալու ինձ ամեն ինչ ասել: Դու ինձ ամենեին չես վստահում:

- Սա ի՞նչ կապ ունի վստահության հետ: Ես ինքս հազվադեպ եմ նրա մասին մտածում,- ասացի:

Նա գլուխը տարուբերեց.

- Դու, դու իրոք որ անխիղճ ես:

Բառ իսկ չասացի: Գիտեմ, որ անխիղճ մարդ չեմ:

Սյա Լինը հանկարծ անսպասելի հարցրեց.

- Ի՞նչ է անում այդ Դինը:

- Լսել եմ, որ իրենց մոտ ածխահանքում է աշխատում:

Դինն ու ես որոշ ժամանակ կապ չէինք ունեցել, եւ թվում էր, թե այդ ընթացքում ամեն բան հենց այդպես էլ կար:

- Ածխահա՞տ:

- Հազիվ թե: Ամենայն հավանականությամբ ինչ-որ վարչական աշխատանք է:

Սա ինձնից հորինեցի: Նույնիսկ ես տեխնիկի գործ էի անում, իսկ ինչու՞ Դինը չէր կարող:

ՎԱՆՆ ՎԵՑԼՅԱՆ

- Ոնց որ թե այս ընկերոջդ հետ ինչ-որ բան այն չէ,- արհամարհալից ծաղրանքով նետեց Սյա Լինը, ապա դուրս եկավ՝ շուկայից նպարտեղեն գնելու:

Սյա Լինը մեր գործարանի ամենահմայիչ կինն է: Երբ սա ասում եմ, ամենեւին էլ չեմ հպարտանում, որովհետեւ գործարանում ընդամենը տասը կին կա: Չեմ կարող մոռանալ, թե ինչպիսին էր, երբ առաջին անգամ նրան տեսա: Ծանր մի ճամպրուկ էր քարշ տալիս, ավտոբուսից էր իջել, եւ դեմքը կարմրատակել էր. կարծես շրջակա ամայության մեջ հանկարծակի արեւ հայտնվեց: Ես անմիջապես սիրահարվեցի նրան: Սիրո այս կերպն օգտակարության տարր ունի, քանի որ ես ձգտում էի ամեն գնով նվաճել նրան, ապա ամուսնանալ եւ գավակներ ունենալ: Այս կողմերում լավ կնոջ հանդիպելու հնարավորությունը նույնքան անհավանական է, որքան կանաչ բուսականության հետք գտնելը: Գուցե ճակատագիր էր, որ նրան նշանակել էին աշխատանքային իմ թիմում՝ համագործակցության լայն հնարավորությամբ: Բայց հենց սկզբից գիտեի, որ նրան ձեռք բերելը շատ դժվար կլինի: Սյա Լինի խոշոր աչքերը միշտ տխուր էին: Նույնիսկ երբ Սունն ու Լին ծամաճռություններ ու կատակներ էին անում, Սյա Լինը մռայլ էր եւ անխոռվ: Նա նույնիսկ իմ կողմը չէր էլ նայում: Ես հասկանում էի նրա հոգեվիճակը: Սկզբում ես էլ նույն վիճակում էի: Աղի շերտերին ընկած լույսը սաստիկ կսկծացնում էր աչքերս: Հաճախ չէի կարողանում արցունքներս զսպել ու երբեմն չէի էլ հասկանում՝ ցավի՞ց է դա, թե՞ տխրությունից: Չժառն ինձ ասում էր. «Երբ գարուն գա, ավելի լավ կլինի, ավազահողմերը կծածկեն այս ճերմակությունը»: Երբ գարնան ավազահողմերն սկսվեցին, մտա ծածկի տակ եւ հեկեկոցով սիրտս դատարկեցի: Գրողը տանի: Այդպիսի գարուն երբեք չէի տեսել: Այդ դարչնագույն-դեղին ավազահողմը դժոխքի վերածեց այս տարածքը:

Դինը զանգեց եւ ասաց, որ արդեն ժամանել է, եւ ես աստիճաններով վար սլացա, որպեսզի գնամ նրան դիմավորելու: Թեեւ մի քանի տարի էր անցել մեր վերջին հանդիպումից, բայց միանգամից ճանաչեցի նրան: Նրա թմբիկ, կլոր դեմքին դարձյալ նույն անտարբեր ժպիտն էր: Կողքին կանգնած էր սեւ, կարճ շրջագգեստով, մի աղջիկ: Ուներին թափված երկար մազեր ուներ եւ արեւային ակնոց էր կրում: Չկարողացա դեմքը լավ տեսնել, չնայած լավ տպավորություն ստացա: Դինը եւ ես ջերմորեն գրկախառնվեցինք, հետո նա ներկայացրեց աղջկան՝ ասելով, որ իր ընկերուհին է՝ Ցին Ցզինը:

- Դեռ չե՞ք ամուսնացել,- թոցրի բերանիցս:

- Չէ, դեռ ոչ,- ժպտալով ասաց Դինը: Նրա ժպիտը շատ բան էր ենթադրում եւ ինձ ստիպեց սուր գիտակցել սեփական կյանքիս լիակատար տաղտուկը: Ես նրանց բերեցի այնտեղ, ուր մտում էինք, եւ մենք աստիճանների մոտ դեմադեմ հանդիպեցինք Սյա Լինին, որ նպարտեղեն գնած շուկայից էր վերադառնում:

- Սա իմ կինն է՝ Սյա Լինը,- ասացի Դինին:

Դինն իսկույն Սյա Լինի ձեռքից վերցրեց մթերքը եւ բացակասեց:

- Հարսի՛կ, մենք այնքան նեղություն ենք պատճառում ձեզ մեր այս այցելությամբ:

Սյա Լինը պատասխանեց պատշաճ կերպով:

- Ոչ մի նեղություն, մենք միայն անհանգստանում էինք, թե չեք գա:

Ներս մտնելով՝ մենք Դինին ու իր ընկերուհուն մեկամեկ ցույց տվեցինք սենյակները, իսկ նրանք բարեսիրտ կատակներով իրենց գոհունակությունն արտահայտեցին: Հետո նստեցին բազմոցին: Ցին Ցզինն անմիջապես հանեց արեային ակնոցը: Նրա գեղեցկությունն ասես սուր դաշույն լիներ, որը նույն պահին պատյանից դուրս գալով խոցեց ինձ: Հուզախոռով՝ նրանց համար թեյ լցրեցի, ապա նստեցի Դինի կողքին: Նայեցի շուրջս՝ մեր բնակարանին եւ մտածեցի, որ այդքան ջանք թափելուց հետո, որպեսզի պատշաճ ու ներկայանալի լինի, հիմա այն հանկարծ տաղտկալի, միապաղաղ տեսք ուներ:

- Երկար ժամանակ կապեր չենք ունեցել: Դու... ածխահանքում չե՞ս աշխատում,- չկարողացա հարցս զսպել:

- Չէ, չդիմացա, դրա համար էլ թողեցի,- անփութորեն ասաց Դինը:

- Իսկ հիմա ի՞նչ ես անում,- հետաքրքրվեցի:

- Նկարում եմ,- ասաց՝ ժպիտով ինձ նայելով:- Կհիշես՝ միշտ սիրում էի նկարել:

- Իհարկե, հիշում եմ,- ասացի՝ փութեռանդ գլխով անելով:

Դինն աչքերը կկոցեց եւ երազանքների գիրկն ընկավ:

- Երբ աշխատում էի ածխահանքում, խավարն ինձ խեղդո՞ւմ էր: Ամբողջ օրը մարդ ձյութի պես սեւ մթության մեջ էր, գետնի տակ: Իսկ երբ գիշերը վեր էիր ելնում, դարձյալ մութ էր: Երբեմն մտածում էի, թե աչքերս շուտով կկուրանան: Հետո մի օր սկսեցի նորից նկարել եւ տեսա գույների առատությունը, ճիշտ այնպես, ինչպես ծարավից մեռնող մարդն է մի մեծ բաժակ ջուր խմում: Օգտագործում էի ամենապայծառ գույները՝ մտադրված լինելով նկարել ամենագունագեղ նկարը: Մի քանի հարյուր մետր գետնի տակ՝ հենց որ ընդմիջում էր լինում, նկարում էի: Ուզում էի հոյա-

ՎԱՆՆ ՎԵՑԼՅԱՆ

կապ գործեր նկարել, եզակի ու անկրկնելի: Իմ գործընկեր բանվորներն ուղղակի հուզված էին, ավելի հուզված եւ ոգետրված, քան երբ ամեն օր աղջիկների մասին էին խոսում:

Դիւր խոսում էր ու խոսում՝ ամբողջ էութամբ ոգետրված: Սենյակի մթնոլորտը կենդանացել էր, ինչպես երբ հին բարեկամներն են կրկին հանդիպում իրար:

- Քանի որ այդպես ես ասում... մի՞թե իրոք ածխահատությամբ ես զբաղվել,- ասացի: Չէի պատկերացնում, թե ինչ բացատրություն տամ նրա նկարչությանը:

- Իրոք ածխահատ էի: Հայրս ամբողջ կյանքում ածխահատ է եղել: Նրա թոքերը երկար ժամանակ հիվանդ էին, բայց էի ստիպեց ինձ դա անել: Նրա կարծիքով ուրիշ բան անել չէի կարող:

- Լավ է, որ կարող ես նկարել:

- Հա, լավ է, որ կարող եմ նկարել:

Խոսակցությունն այդ պահին ընդհատվեց կարճատև դադարով: Դիւր վերհիշում էր անցյալը, եւ դա ինձ էլ ավելի էր ստիպում ներկա կյանքիս անհույս վիճակն զգալ: Սյա Լինն ավարտեց առաջին ուտեստի եփուքափը, ապա խնդրեց գնալ եւ սկսել հացկերույթը: Յին Յզինը վեր կացավ. «Թոյլ տվե՞ք օգնել»: Սյա Լինը ձեռքով նշան արեց նրան, որ պետք չէ, բայց չկարողացավ համոզել, եւ նրանք միասին անհետացան խոհանոցում: Նայեցի նրանց ետեւից: Եվ վատ զգացի Սյա Լինի պատճառով: Չեմ կարող ասել, թե երբ սկսվեց այդ զգացողությունը, բայց առաջին անգամ հասկացա, որ Սյա Լինն այլևս հոգ չի տանում իր արտաքին տեսքի մասին: Ետեւի կողմից նա այնքան գեր էր երեւում, ասես քաղաքում աշխատանք փնտրելու եկած մի դայակ լիներ: Դա ինձ ցավ ու շփոթմունք պատճառեց: Չհամարձակվեցի նայել Դինի կողմը եւ քայլեցի ուղիղ դեպի հյուրասենյակի պահարանը: Մի շիշ խմիչք հանելով՝ ասացի Դինին.

- Կրկին հանդիպելու հազվագյուտ առիթ է: Խմե՛նք եղբայրների պես:

Հոնքերը կիտած նայեց, մի ստվեր սահեց նրա հայացքով, երբ ի վերջո գլխով արեց եւ արձագանքեց. «Լավ»:

Տարօրինակ է իսկապես, որ երկու երիտասարդ, որոնք ակնհայտորեն խմել չէին ուզում, պնդում էին, թե պիտի խմեն: Բայց իմ գլխում համառ մի ձայն պահանջում էր, որ պիտի խմեմ, չեմ կարող դա չանել: Գրեթե նույն պահին Սյա Լինն ու Յին Յզինը մտահոգ մի հայացք զգեցին մեր կողմը: Բայց Դինն ու ես վճռական ժպիտներով մեզ ստիպեցինք առաջին բաժակը զգել: Նրանք հայացքները շրջեցին առանց մի խոսքի:

Ճաշից հետո կազմակերպեցի նրանց ետճաշյա հանգիստը: Բազկաթոռին նստած հեռուստացույց էի նայում: Սյա Լինը խոհանոցում եփուփափով էր զբաղված: Չգիտեմ ինչու, բայց մտածեցի մեր երեխայի մասին, այն երեխայի, որ երբեք այս աշխարհի չեկավ: Այսպիսի մի կեսօր էր: Սյա Լինը խոհանոցում ամաններն էր լվանում եւ հանկարծ ասաց, որ որովայնի ներքեում ցավեր ունի: Առանց ժամանակ կորցնելու օգնեցի ցած իջնել, ապա մեքենա կանչեցի, որպեսզի նրան շտապ հիվանդանոց հասցնի: Բայց արդեն շատ ուշ էր: Վիժում. բառն ինձ վրա ցնցող ազդեցություն գործեց: Սա մահ էր, որը չէիր կարող տեսնել, հանկարծակի հարված: Սյա Լինը լալիս էր: Թեեւ լուռ էր լալիս, բայց այնքան խեղճացած տեսք ուներ: Վշտահար սիրտս կտոր-կտոր էր լինում: Սեղմած ատամների արանքից մրմնջում էր. «Գիտեմ, որ դա եղել է այս անիծյալ աղի տարածքի պատճառով»: «Հաստատ գիտե՞ս, որ այդպես է», - հարցրի: «Պետք չէ անգամ նայել: Մի քանի մղոն հեռավորության վրա կյանք կա՞րողյոք, մեզնից բացի: Գրո՞ղը տանի»: «Գրողը տանի»: Սյա Լինն իսկապես ասել էր դա՝ «Գրողը տանի»: Ես սովոր չէի նրա հայիոյանքին, բայց մտածեցի, որ նրա ասածն իմաստ ունի:

Այդ ժամանակ հյուրասենյակի դուռը հանկարծ բացվեց: Դինը դուրս ելավ:

- Չեմ կարողանում քնել,- ասաց հորանջելով:

- Ի՞նչ է եղել,- հարցրի:

Նա մի հայաք գցեց դեպի դուրս.

- Շատ պայծառ է: Ինչի՞ց է, որ այսքան պայծառ է:

- Ինչպե՞ս կարող էր պայծառ չլինել: Ծովի մակարդակից ավելի քան երեք հազար մետր բարձր է այստեղ,- պատասխանեցի:

Դինը վհատված նստեց բազմոցին:

- Առաջ ատում էի խավարը, բայց հանքախորշից փախչելուց հետո խավարի հանդեպ մի տեսակ սիրով եմ լցված, ինչպես խլուրդը: Ցերեկն իմ սենյակում քաշում եմ վարագույրները եւ այնտեղ եմ մնում՝ մթության մեջ նկարելու:

Ժպտալով պատասխանեցի.

- Բարի գալուստ իմ չափազանց պայծառ աշխարհը:

Դինն աչքերը փակեց եւ ծիծաղեց՝ ամբողջ մարմնով ցնցվելով, ասես կաթվածահար եղած: Վեր ելա եւ հյուրասենյակի վարագույրները քաշելով փակեցի: Սենյակը մթնեց, թեեւ պայծառ լույսը ներս էր թափանցում փոք-

ՎԱՆՆ ՎԵՑԼՅԱՆ

րիկ ճեղքերից: Ինչպիսի՞ զգացողություն կունենաս ամբողջ տարին խավարում մնալով: Չէի կարող դա պատկերացնել:

- Ճի՞շտ է, որ ձեր աղի հանքը երկրում ամենամեծն է, ինչպես լսել եմ,- հարցրեց Դինը:

- Ոչ միայն երկրում, հնարավոր է, որ ամենամեծն է աշխարհում,- ասացի՝ ինքս ինձ ծաղրանմանակելով:

Հանկարծ Դինը ոգետրվեց.

- Տար ինձ այնտեղ տեսնելու:

- Նկատի ունես... հիմա?:

Դինը գլխով արեց, բարձրացրեց ձեռքը եւ կայեց ժամացույցին:

- Դեռ ուշ չէ: Հանքը չի կարող հեռու լինել:

- Մեքենայով մեկ ժամից ավելի ճանապարհ է:

Ճիշտն ասած՝ չէի ուզում գնալ: Այդ առավոտ հենց հանքից էի վերադարձել: Բայց չկարողացա ասել, հատկապես նկատելով սպասումով լի նրա հայացքը:

- Ամեն օր ես գնում-գալիս:

- Չէ: Երբեմն շատ հոգևած եմ լինում եւ մնում եմ գործարանում: Այնտեղ հանրակացարան կա:

- Պետք է որ դժվար լինի:

- Նորմալ է: Ես տեխնիկ եմ:

Դինը ժպտալով նկատեց.

- Մի ժամանակ, հիշում եմ, քիմիայից շատ լավ էիր:

- Հա՞ որ...

Իսկապես չէի հիշում: Միայն հիշեցի, որ ոչ մի առարկայից կարգին գնահատականներ չէի ստանում: Ի վերջո, սակայն, ընդունելության քննություններին բախտս բերեց, եւ ընդունվեցի մասնագիտական դպրոց: Բայց Դինը դպրոցը թողեց ընդունելության քննությունների նախօրեին: Ինձ ասաց, որ արդեն լրիվ կորցրել էր վստահությունը: Փաստորեն, պարզվում է, որ իր անխռով վարքագծի ետեւում այլ մարդ էր նա, ներքնապես վաղուց արդեն հանձնվել էր: Բայց պե՞տք էր արդյոք անցյալի այս բաներն այսօր վերհիշել:

- Մի քիչ էլ չիմե՞նք,- անսպասելի ցանկություն հայտնեց Դինը:

Երեք անգամ խմել էինք արդեն: Նոր էինք դադար առել, եւ նոր էին երկու կանայք իրենց թեթեւ զգացել: Հիմա նրանք երկուսն էլ հանգստանում էին: Այնպես որ՝ խմելու համար իրոք հարմար պահ էր: Շիշը վերցրի, եւ նորից սկսեցինք: Երկար-բարակ խոսեցինք շատուշատ բաների մասին միջ-

նակարգ դպրոցի մեր օրերից: Ճիշտն ասած՝ անցյալն ամենեւին չեմ կարողում եւ չեմ կարծում, թե հրաշալի ժամանակ էր դա, բայց որպէս գրուցի թեմա՝ առիթ էր, որպէսզի անհոգ ու անփոյթ կարողանայինք խոսել այն օրերի մասին, որ մեզ համար մնացել էին թանկ եւ անփոխարինելի: Իրականում ուզում էի Դինին հարցնել Յին Յզինի մասին: Այդքան գեղեցիկ մի աղջիկ: Դինն ինչպե՞ս էր կարողացել ճանկը զգել նրան: Բայց դա ասելու քաջություն չունեցա՝ չցանկանալով բացահայտել զուտ տղամարդուն բնորոշ մտքերս: Խմեցինք, ապա էլի խմեցինք, մինչեւ որ հոգևածություն զգացի: Ի վերջո, խմած եւ հոգևած, Դինն ու ես թախտին ընկնելով քուն մտանք: Անսպասելի չէր, որ երազում Չժաոյին տեսա: «Ողջ լինե՞նք», - ասաց: Դեմքն ամբողջովին աղի նստվածքով էր ծածկված: Նստել էր աղահանքի նավի տախտակամածին: Նրա ստվերը չէր արտացոլվում ջրի մակերեսին: «Չժաո, ընկերս է եկել ինձ տեսության», - ասացի: «Մի քիչ էլ խմիր ընկերոջդ հետ», - արձագանքեց նա: «Նա իրեն լավ է զգում», - պատասխանեցի: Չժաոն ժպտաց՝ լայն բացելով բերանի խոռոչը. «Դու էլ ես լավ զգում»: Տնցվելով արթնացա եւ տեսա՝ Սյա Լինն ու Յին Յզինը պատշգամբում նստած շուկով զրուցում էին, ասես վաղեմի ընկերուհիներ լինեին, որ տարիներ շարունակ իրար չէին տեսել: Իսկ Դինը կողքիս պառկած բարձր խոմփացնում էր: Աչքերս նորից փակեցի եւ ձեռքերի, թե խորը քնած եմ: Զոջում էի, որ տոմսերը մի քանի օր հետոյի համար եմ գնել, եւ պատկերացում իսկ չունեի, թե ինչ եմ անելու մյուս օրերին:

Երեկոյան պարզապէս կերանք ճաշի ժամանակ թողածը: Հետո Սյա Լինն առաջարկեց միասին դուրս գալ զբոսնելու: Երբ փողոց ելանք, արեւի ուժն արդեն թուլացել էր, լույսն էլ նվազել, թեւ ամռան կեսն էր: Պաղ մի գեփյուռ փչեց անապատի հեռու խորքերից, եւ մենք թեթեւակի սառնություն զգացինք:

- Բավականին զով է,-բացականչեց Դինը,- իսկապէս հարմարավետ վայր է:

- Հոյակապ է, այո,- հավելեց Յին Յզինը:

Հայացքս մի պահ կանգ առավ նրա գեղեցիկ դեմքին, ապա սահեց եւ ձուլվեց երեկոյան հեռավոր ու խաղաղ լույսին: Ճանապարհի վերջում տեսա օրորվելով քայլող մի քանի հարբած տղամարդու: Հոգուս խորքում այս լքված, ամայի քաղաքն ինձ խոր ցավ էր պատճառում: Իսկ Յին Յզինն իր շլացուցիչ գեղեցկությունն էր այստեղ բերել. ինչպէս կայծակի լուսապայծառ մի շանթ՝ նա էլ ավելի ակներեւ էր դարձնում իմ ցավը:

- Դեռ գրո՞ւմ ես երգեր,- հանկարծ հարցրեց Դինը:

ՎԱՆՆ ՎԵՑԼՑԱՆ

Յին Յզինն ու Սյա Լինը շրջվեցին եւ կայեցին ինձ: Ես Սյա Լինին երբեք չէի ասել իմ երգերի մասին: Նա անկեղծորեն զարմացած էր: Ժպտացի եւ թփթփացրի Դինի ուսերին.

- Ի՞նչ անհեթեթ բաների մասին ես խոսում:

Դինը պատասխանեց.

- Չնայած ինձ երբեք ոչինչ չէիր ասում, որ բանաստեղծություններ ես գրում ու երգում, բայց ես վաղուց եմ այդ մասին գլխի ընկել, և այնպես լսել եմ, թե ինչպես էիր դնում բառերն արտաբերելիս:

Ամաչելով՝ ձեռքերս թափահարեցի եւ ասացի.

- Պարզապես պարապ զբաղմունք էր:

- Բոլորս ենք պարապ բաներով զբաղվում,- վրա բերեց Դինը:- Իմ նկարչությունն էլ պարապ զբաղմունք է: Մեր կյանքն էլ պարապ զբաղմունք է:

Էլ ոչինչ չասացի, բայց ինքս ինձ մտածեցի. «Սակայն որոշ մարդիկ չեն կարող շարունակել պարապ զբաղմունքը»:

Հաջորդ օրը միտք էի անում պե՞տք է արդյոք նրանց տանեմ ադի լիճը տեսնելու: Իսկ հետո ի՞նչ էինք անելու: Մինչ տատանվում էի, մեկ օր էլ անցավ: Այդ օրն արեւը պայծառ շողում էր: Շուրջն ամեն առարկա ճառագայթում էր՝ ասես լուսապսակով եզերված: Փակվել էինք սենյակում եւ ծուկորեն սպանում էինք ժամանակը՝ ոչինչ չանելով, մինչեւ որ երեկոն իջավ, եւ վերջապես դուրս ելանք՝ մոտակա սննդի կետում խորոված ուտելու: Ասում էին այստեղ ոչխարի միսը լավն է, եւ ես ինձ փոքր-ինչ գոհ էի զգում: Երբ խորոված էինք ուտում, Յին Յզինն ուղիղ իմ դիմաց էր նստած, եւ մի քանի գողունի հայացք նետեցի նրա կողմը՝ պարզելով, որ հազվադեպ է ժպտում: Նրա աչքերը խորհրդավոր մի մեղամաղծություն էին քողարկում: Եվ Դինն ու նա իմ պատկերացմամբ ոչ մի կերպ չէին կարող մոտ լինել: Բայց հետո մտածեցի, որ Սյա Լինն էլ մեղամաղծոտ տեսք ունի, եւ նա ու ես էլ մոտ մարդկանց տպավորություն չենք թողնում:

Քյաբաբի մեր բաժինն ուտելուց հետո, երբ արդեն կուշտ էինք, մեր խոսակցությունը կրկին աշխույժ բնույթ ստացավ: Սյա Լինը ժպտաց եւ հարցրեց.

- Դին, ինչպե՞ս նվաճեցիր Յին Յզինի սիրտը: Պատմիր հապա այդ մասին:

Մտքովս իսկ չէր անցնի, որ Սյա Լինը կարող է հարցնել այն, ինչն այդքան անհուսորեն ուզում էի իմանալ:

Դիևը ժպտաց եւ ծիծաղելով ասաց.

- Դա գաղտնիք է:

- Մեզ անորոշության մեջ մի՛ պահիր: Պատմի՛ր,- ասացի:

Դիևը կայեց Յին Յզիևին, իսկ վերջինս ասաց.

- Իրականում գաղտնիք չկա: Ես նրա հաճախորդն եմ: Մենք ծանոթա-
ցանք, երբ նա իմ դիմանակարն էր նկարում:

- Հա, այդպես էլ եղել է,- համաձայնեց Դիևը:- Ածխահանքից փախչելուց
հետո միայն նկարչությամբ կարող էի ապրուստի միջոց հայթայթել: Մի օր
էլ հանդիպեցի Յին Յզիևին: Առաջարկեցի ծրի նկարել նրան, բայց պայ-
մանով, որ թողնի մի քանի դիմանկար անել: Ի գարմանս ինձ նա համա-
ձայնեց:

Յին Յզիևը կայեց ինձ եւ ասաց.

- Հիմնականում պատճառն այն էր, որ շատ լրջորեն էր նկարում, եւ
առաջին անգամն էր, որ ինչ-որ մեկն ինձ վրա այդքան ուշադրություն էր
դարձնում:

Ես էլ նրան կայեցի: Մեր հայացքներն ընդամենը մեկ վայրկյան հան-
դիպեցին, կախքան գլուխս կկախեի եւ կծեւացնեի, թե ինչ-որ բան եմ ու-
տում, ու կխուսափեի նրա գեղեցկությունից: Գուցե միայն գեղանկարիչնե-
րի՞ն էր թույլատրված անմիջականորեն դիտարկել այդպիսի գեղեցկու-
թյունը՝ արվեստ ստեղծելու պատրվակով:

Դիևը հարցրեց.

- Ես լա՞վ էի նկարում:

Յին Յզիևը պատասխանեց.

-Լավ էիր նկարում, բայց դա ես չէի:

Դիևը գարմանքից լայն բացեց բերանը.

- Դու չէի՞ր: Իսկ ո՞վ էր:

Յին Յզիևը ժպտաց.

- Քո երագանքը:

Սյա Լինն ու ես սկսեցինք ծիծաղել: Ես կայեցի Յին Յզիևին եւ ասացի.

- Այն, ինչ ստեղծում են նկարիչները, նրանց երագանքներն են, բայց
դու տվել ես նրան այդ երագանքը:

- Ճիշտ այդպես, ճիշտ այդպես,- Դիևը մի քանի անգամ գլխով արեց եւ
մի մեծ կում գարեջուր խմեց:

Յին Յզիևը թեքեց գլուխը, որպեսզի կայի Դիևին.

- Կարո՞ղ ես ինձ ետ վերադարձնել քեզ տվածս երագանքը:

Մի պահ բուրբս շվարեցինք, ապա սկսեցինք ծիծաղել: Յին Յզիևը

ՎԱՆ ՎԵՑԼՅԱՆ

պարզապես սրամտել էր: Նրա ժպիտը նման էր շողացող երկնաքարի: Այս աղջիկն իրոք անբացատրելի խորհրդավոր հատկանիշներով էր օժտված: Նա ե՛լ խորապես հմայում, ե՛լ միաժամանակ խիստ վախեցնում էր ինձ: Անկարող էի ազատվել նրա հանդեպ ունեցած հետաքրքրասիրությունից:

Դիևը քրքջալով շարունակեց.

- Ո՛չ միայն դա, ուրախ կլինեի քեզ ամեն ինչ տալ:

Բոլորս սկսեցինք նորից ծիծաղել: Հանկարծ Սյա Լիևը հոգոց հանեց.

- Հաճելի է տեսնել, որ այդքան գոհ եք:

- Չես ուզում ասել, որ դուք գոհ չեք, չէ՞,- հարցրեց Դիևը:

Ի պատասխան ոչինչ չունեի ասելու, բայց դե մի բան պետք է անեի, այնպես որ կարողացա միայն ծիծաղել:

- Եղբայր, կենացդ,- Դիևը մի լիքը բաժակ գարեջուր էր վեր պարզել եւ մեկ շնչում դատարկեց բաժակը: Ապա բերանը սրբեց եւ շարունակեց.

- Իրականում չեմ կարողանում խմել, բայց այնքան շատ ժամանակ է անցել մեր վերջին հանդիպումից: Ես շատ ուրախ եմ: Արդեն պատմել եմ Ցին Ցզինին այս մասին: Մի անգամ կրպակ բացեցի, եւ տեղական ոստիկաններից մի քանիսն ինձ լավ ջարդ տվեցին: Միայն երեսուներանի կար ստանալուց հետո իմ խղճուկ կյանքը փրկվեց, հա՛, հա՛:

Դիևի դեմքին ժպիտ իջավ: Աչքերը կուլ էին գնացել ակնախոռոչների ստվերներում, եւ ես չէի կարողանում հստակ տեսնել դրանք: Թեեւ ընդամենը մի քանի բառ էր ասել, հասկացա, թե ինչ նկատի ունի: Ես նույնպես մի լիքը բաժակ խմիչք լցրեցի, եւ մեկ շնչով խմեցի նրա կենացը:

- Արի՛ վաղն աղի լիճ գնանք,- հանկարծ ինձ դիմելով բացականչեց Դիևը:

Ա՛խ այդ անպիտանը: Որպեսզի կանխի գրույցը շարունակելու ամեն մի անհարմարություն, հենց հիմա է դա ասում: Գլուխս շրջեցի եւ տեսա, որ Ցին Ցզինն ինձ է նայում սպասումով լի հայացքով:

- Շատ լավ, վաղը քեզ այնտեղ կտանեմ,- ասացի՝ բարձրացնելով բաժակս:

Եվ այսպես՝ աղի լիճն էր:

Մեկ ժամ ավտոբուսով գնալուց եւ գործարանի մռայլ, ծանծրալի շենքերի միջով քայլելուց հետո պտույտ ես գործում, եւ աչքերիդ առջեւ աղի լիճն է: Դիևը, բերանը բացած, հագիվ արտաբերեց.

- Ա՛յ քեզ բան, շշմեցուցիչ է...:

Այնպիսի տեսք ուներ, ինչպիսին պատկերացրել էի: Վաղուց իմ մտապատկերում արդեն ուրվագծվել էր այս տեսարանը: Բանն այն է, սակայն,

որ չէի կարծում, թե Սյա Լինը նույնպես կգա: Պարզապես չէի կարող դա պատկերացնել: Նախկինում, երբ ընկերներիցս գալիս էին, եւ ամեն անգամ երբ ուզում էի նրան էլ հետներս վերցնել որպես ուղեկից, Սյա Լինը միշտ կտրուկ հրաժարվում էր: «Ուզում եմ հնարավորինս քիչ լինել այդ զարշէլի վայրում», - ասում էր: Այս անգամ պարզապես չհարցրի նրան, քանի որ եթե չգար, ապա ավելի հանգիստ կլիներ ինձ համար, երբ Յին Յզինի հետ առանձին մնայինք: Բայց երբ Յին Յզինը ցանկացավ, որ նա մի անա մեզ, Սյա Լինն, ի գարմանս ինձ, պատրաստակամորեն համաձայնեց, առանց դույզն-ինչ վարանելու: Մի՞թե միեւնոյն սեռի ներկայացուցչի համար էլ դժվար է ետ մղել գեղեցիկ կնոջ հմայքները: Սյա Լինը կանգնած էր Յին Յզինի կողքին եւ բռնել էր նրա թեւից, մինչ քամին խառնշուռում էր նրանց մազերը: Հենց այդ պահին զգացի, որ նրանք նման են կենսաբանական քույրերի:

Շարժվեցինք դեպի լճի եզրը: Մեր ոտքերի տակ լսվում էր աղի կոշտ ու չոր մանրահատիկների ճոճոցը, ասես ձյան վրայով քայլելիս լինեինք: Շուրջը լորն ամայի էր, թռչուն անգամ չէր երեսում: Թեւեւ երկինքը կապույտ էր, աղի ջուրը, սակայն, մռայլ, սեւ-կանաչ գույն ուներ: Լճի կենտրոնական մասում կանաչը խառնվում էր դեղինի հետ, ասես թաքուն տագնապներով խռովված դեմք լիներ:

- Եկանք այստեղ, եւ կարծես հանկարծակի ձմեռ սկսվեց, - ասաց Յին Յզինը:

- Գիտե՞ս ինչպես է կոչվում այս զգացողությունը - ձայնակցեցի նրան:

Յին Յզինը նայեց ինձ, մի պահ մտածեց, ապա ասաց.

- Ամայություն:

Նրա արձագանքն ասես ուղիղ նշանակետին դիպած գնդակ լիներ, որ խոցեց մտքումս արդեն պատրաստ պատասխանը:

- Այո, հենց այդպես, - հոգոց հանեցի, - ամայություն:

Քամին փչեց ուղիղ Սյա Լինի դեմքին, որը դրանից տգեղ տեսք ստացավ:

- Ես ուղղակի խորշում եմ այստեղ գալ, - ասաց նա:

Այդ պահին Դինը, որ քայլում էր մեր առջեւից, շրջվեց եւ ասաց.

- Ինչպե՞ս կարող ես նման բան ասել, իմ կարծիքով սա գեղեցիկ վայր է:

Իհարկե, տարածքն իր յուրահատուկ գեղեցկությունն ուներ: Շուրջը լորն ասես ձյուն լիներ նստած: Աղի մաքուր նստվածքները լճեզրին, ինչպես նաեւ լճի ջրում գոյացած աղե ծաղիկները, այս ամենը կարելի էր հագ-

ՎԱՆ ՎԵՑԼՅԱՆ

վազյուտ հրաշքներ համարել: Նկարիչը չէր կարող անտարբեր մնալ այսպիսի տեսարանի հանդեպ: Բայց Մարսն էլ իր յուրահատուկ գեղեցկությունն ունի, այդուհանդերձ ոչ ոք չի ցանկանում ապրել այնտեղ: Եվ սակայն ցավալին այն էր, որ Սյա Լինը եւ ես պատկանում էինք այն մարսեցիների խմբին, ովքեր ստիպված էին մնալ այստեղ: Դինի խոսքերից քաջալերված՝ կեսկատակ ասացի նրան.

- Դու իհարկե կնկարես այս բնապատկերը. դա հաստատ անակնկալ կլինի բոլորիս համար:

Դինը պագեց եւ ձեռքը մտցրեց աղի ջրի մեջ:

- Իհարկե կնկարեմ,- ասաց: - Եվ դուք մեծ տպավորություն կստանաք:

- Եթե մարգիկ ես, ուղքերդ ջրի մեջ դիր, եւ լավ կզգաս,- առաջարկեցի:

Դինը խոսքերս ընդունեց ամենայն լռությամբ եւ գուլպաները հանելով մտավ աղի ջուրը: Ցին Ցզինը նրա ետեւից ձայն տվեց.

- Ուզում ես աղաջրի լոզանք ընդունած արագավազ տոտիկներ՞ ունենալ,- եւ բոլորս սրտանց ծիծաղեցինք:

Ոչ շատ հեռվում աշխատում էր աղ արդյունահանող կապույտ նավը: Երբ մեզ նկատեցին, նավը շարժվեց մեր կողմը: Դեռք է որ Ման լիներ տախտակամաձին: Գիտեի, որ միայն նա է նավը վարում:

Ինչպես եւ սպասվում էր, դա Ման էր: Նա գլուխը դուրս հանեց նավապետի խցիկից ու ձեռքով արեց մեզ, եւ մենք ի պատասխան ձեռքով արեցինք: Դինը ոգետրված էր.

- Եկեք բոլորս նավ բարձրանանք, լա՛վ:

Նա արդեն գնում էր դեպի նավը, երբ ասաց այդ խոսքերը:

- Ա՛յ քեզ հիմար,- զոչեցի:

- Սա նման է Մեռյալ ծովին, չես կարող խեղդվել,- պատասխանեց Դինը: Նա ուղղակի գլխովին սուզվեց՝ ամբողջ մարմնով լինը նետվելով եւ լողաց դեպի նավը:

Սյա Լինն ու ես Ցին Ցզինին տարանք դեպի մոտակա հասարակ նավամատույցը: Մինչ այնտեղ կհասնեինք, Ման արդեն հանել էր լրիվ թրջված Դինին եւ մեր կողմն էր շարժվում: Դինը կանգնած էր նավի վրա, ուրախ-ուրախ ձայն էր տալիս մեզ՝ ձեռքերը վեր պարզած: Նրա ոգետրությունը դեռ չէր անցել:

Ման այնքան ուրախ էր թվում:

- Այս ընկերդ շատ գվարճալի է,- ասաց նա:

- Դա հասկանալի է,- ասացի:- Կարո՞ղ ես գուշակել, թե ինչ է անում:

Ման գլուխը տարուբերեց: Դինը ժպտալով պատասխանեց.

- Երկրի մակերեսային մի քանի հարյուր մետր ներքեւ, ձյութի պես սեւ, երբեք արեւի երես չեմ տեսնում ամբողջ տարին:

- Աձխահա՛րտ է: Չարմանալի չէ: Այստեղ չափազանց շատ արեւ կա: Կարծես իսկապես երկու տարբեր աշխարհներից ենք,- նկատեց Ման:

Բոլորս ծիծաղեցինք: Ման նավը տարավ դեպի լճի միջնամաս: Այն միջնամաս է կոչվում, բայց իրականում մեծ, աղի ջրավազանի հենց կենտրոնն է: Որպեսզի աշխատանքն ավելի հեշտ կարգավորվեր, այս հսկայական աղի լիճը բրնձի դաշտի պես տեղամասերի էր բաժանված:

- Ես քեզ կտանեմ տեսնելու մայրամուտն աղի լճի վրա: Հաստատ ամբողջ կյանքում չես մոռանա դա,- ասաց Ման՝ հստակ մտադրությամբ:

- Իսկապե՞ս,- հարցրեց Դինը՝ աչքերը լայն բացած նայելով դեպի արեւմուտք:

Անհաշիվ անգամներ էի տեսել այդ տեսարանը: Մայրամուտը նման է պատռված յարդի. վառ կարմիր արյունը հոսում է ճերմակ վիրակապի վրայով: Այնպես էի զգում, ասես անտեսանելի մի թևակաթից կրակում են արեւին, անտեսանելի մի գնդացիի գնդակոծում է կյանքս: Արեւի նման՝ ես կարմիր արյան մի ավազան էի... Այս տիպի վերքը գնահատելը նույնպես գեղեցիկ բան էր, եթե նույնիսկ վերքը սեփական մարմինդ էր ստացել: Մայր մտնող արեւն անսահման հրաշալի է: Սթևշաղին անչափ մոտ է, եւ իրերը, որ անչափ գեղեցիկ են, բոլորն էլ անչափ մոտ են մահին: Նայում էի Յին Յզինին: Երեկոյան ամպերն իջել էին վրան՝ վերածելով նրան մի գեղեցկության, որ շքեղություն էր ճառագում: Նա նստած նայում էր հեռավոր բնապատկերին: Թվում էր՝ անհաղորդ է սեփական գեղեցկությանը: Դինն ասես խորասուզվել էր աղի լճի տեսարանում եւ մոռացել էր ընկերակցել Յին Յզինին:

- Դե՛, խմե՛նք միասին,- Ման նավախցից գարու գինու մի շիշ հանեց:

Այս տարածքում բոլոր տղամարդիկ են խմում:

Եվ չի կարելի մերժել խմելու առաջարկը:

Երեք տղաներով նստեցինք տախտակամածին, իսկ Յին Յզինը կանգնած էր նավի ճաղաշարի մոտ: Միայն Սյա Լինը մնաց եւ գնում-գալիս էր՝ մեզ համար խմիչք լցնելով: Նա նույնիսկ նավախցիկ գնաց մի տուարակ գետնանուշ բերելու, որպեսզի խմիչքի հետ հյուրասիրի: Ման հուզումնալից հառաչեց եւ ինձ ասաց.

- Բախտավոր եք, տղաներ:

Գլխով արեցի եւ նայեցի Սյա Լինին՝ ասելով.

- Հե՛յ, դու միշտ Մային դուր ես եկել:

ՎԱՆՆ ՎԵՑԼՅԱՆ

Սյա Լինն աչքերը ոլորեց եւ արծազանքեց խիստ ցասումնալից.

- Այդպէ՛ս ես կնոջդ ծաղրում:

- Սա ապացուցում է, որ ես լավ կին ունեմ, - պատասխանեցի:

- Հա, ճիշտ ես:

Նա շրջվեց եւ վերադարձավ նավախցիկ ու էլ չերեաց: Հավանաբար գնաց հեռուստացույց դիտելու՝ այլեւս ի վիճակի չլինելով գնահատել մեր առջեւ բացված գեղեցիկ բնապատկերը: Սա արդէն մի տեսակ կտտանք էր նրա համար: Հիշեցի այն օրերը, երբ Ման ու ես երկուսս էլ միաժամանակ սիրահետում էինք Սյա Լինին: Ի վերջո իմ բախտը բերեց: Միակ բանը, որից իսկապէս կախվածություն ունեի, իմ հիմնական հետաքրքրությունն էր՝ բանաստեղծություն գրելը: Բայց դեռ գրածս երգերից ոչ մի տող չէի երգել, եւ կարողացա միայն մի բանաստեղծություն ձուլել Սյա Լինին: Կյանքից զուրկ այս վայրում բանաստեղծության ռոմանտիզմը շատ ավելի օգտակար էր, քան որեւէ այլ բան: Հաջորդ օրն, ի պատասխան, ստացա Սյա Լինի նամակը: Նա գրում էր. «Քո պոեզիան է, որ օգնում է ինձ այստեղ նկատել գեղեցկությունը: Պուցե միայն դա է ինձ քաջություն տալիս մնալու»: Ես մտածեցի, որ նրա խոսքերը շատ ավելի հզոր էին, քան իմ բանաստեղծությունը: Այդ խոսքերը տեսական ժամանակ խորապէս հուզում էին ինձ, եւ սիրտս ափեափ կարեկցանքով լցնում այդ աղջկա հանդեպ, երբ տեսնում էի նրան: Մենք արդէն հեռուն էինք գնացել՝ փոխադարձ սիրով ու մտերմությամբ համակված, բայց ի վերջո ամայության այս հավիտենական տարածությունը պարտության մատնեց մեր սերը: Մենք երկուսս էլ դարձանք ամայության մաս, իսկ հետո՝ անգամ փոխադարձ թշնամիներ:

Թունդ ոգելից խմիչքից բավականին խմել էինք: Մթնշաղի պաղ գեփյունը փչում էր ուղիղ դեմքներիս: Մի քիչ գլխապտոպտ էի զգում: Մայի թուփ, արեւահարված դեմքի ուրվագիծն ասես իմ դեմքի անդրադարձը լինէր հայելու մեջ: Չկարողացա զսպել արցունքներս, որ սկսեցին հոսել դեմքիս վրայով: Դիւր զարմացավ՝ տեսնելով դա, բայց դրանք սրբելու համար արդէն շատ ուշ էր:

- Ոչինչ, ոչինչ, պարզապէս կոկորդոմս ինչ-որ բան կա:

Նորից չիկացրի Դինի հետ, ապա Մային ասացի.

- Հոգատար եղիր այս եղբորս հանդեպ: Եթե դեռ բավականին չի խմել, նրանից է, որ այնքան էլ հոգատար չես եղել իր հանդեպ:

Ման լսեց ասածս, ապա սկսեց Դինին ավելի հաճախ ստիպել, որ շատ խմի: Մի քանի բաժակից հետո Դինի հայացքը մի տեսակ մթազնեց: Չուզելով ետ մնալ՝ Դինն ինձ դողում էր ավելի շատ խմել: Եվս երեք բաժակ

խմեցի՝ մրցելով նրա հետ: Սրտումս սարսուռ զգացի եւ ինքս ինձ հիշեցրի, որ այլեւս չեմ կարող խմել:

- Քեզ մի՛ մեղադրիր Չժայի հետ պատահածի համար,- հանկարծ ասաց Սան:

Զգացի կրծքիցս դուրս հորդող արյան հոտը, որը խլացրեց բառերս:

- Չէ...,- ուզեցի բացատրել արցունքներիս պատճառը, բայց ինչպե՞ս հստակ բացատրել:

- Ի՞նչ է եղել,- Դիւր պնդեց, որ Սան բացատրի:

Սան ինձ նայեց՝ ներողություն խնդրող հայացքով:

- Ոչինչ, Սա, ասա նրան,- ձեռքով նշան արեցի եւ նայեցի հեռուն:

Հասկացա, որ Յին Յզինս ինձ է նայում: Մեր հայացքները հանդիպեցին: Հենց այդ պահին երեկոյան արեւը վերջնականապէս մայր մտավ: Հսկայական բաց տարածության պատճառով դա շատ հանկարծակի թվաց. հորիզոնի մահացու գունատ այդ հատվածն ակնթարթորէն սեւացավ: Այդ խավարը, հակադրվելով երկնքի անհուն խորքերում թույլ փայլ արծակող հրացուքին, թանձրախիտ էր, ինչպէս ծանր մի մետաղ: Որոշ ժամանակ չէի կարող տեսնել Յին Յզինի դեմքը: Հանկարծ ուզեցի նրա դեմքը տեսնել՝ ինքս էլ չիմանալով, թե ինչու: Ոչ այն պատճառով, որ որոշակի թաքուն կիրք էի տածում նրա հանդեպ՝ լինելով ազդեցության տակ: Ավելի շուտ՝ դա պարզապէս մաքուր ձգտում էր, ինչպէս իմ ամբողջ կյանքում հազվադեպ ունեցած հույսի մի զգացում: Ոչ, ոչ, սա երազանք էր, ավելի գեղեցիկ, քան հույսը:

Սթան մեջ Դինս արցունքախեղդ էր լինում: Գուցէ Չժայի պատմությունն էր նրան ցավ պատճառել: Գուցէ միայն իր համար էր լալիս: Ես վաղուց վարժվել եմ տղամարդկանց հեկեկոցներին: Ոչ միայն իմ արցունքներին, այլեւ երբեւէ այստեղ մնացած յուրաքանչյուր երիտասարդի: Սան շարունակում էր Դինին դրդել, որ խմի: Նա այս հարցերում փորձառու էր: Մեկ անգամ նման իրավիճակների հանդիպելիս մարդիկ ոչ միայն չեն դադարում լաց լինել մի քիչ ավել խմելուց հետո, այլ նաեւ սկսում են ծիծաղել՝ անկարող լինելով վերջ տալ դրան: Ես ոտքի ելա, քայլեցի դեպի նավի ճաղաշարը եւ կանգնեցի Յին Յզինի կողքին: Այս կերպ կարողացա ևորից պարզորոշ տեսնել նրա դեմքը: Երկար արտեսանունքներով այդ աչքերում ասես ջրի թույլ ցուր կար, ճիշտ այնպէս, ինչպէս լճի մոտակա ջրում: Ես անդիմադրելիորէն գայթակղվել էի: Ի՞նչ կարող ես զգալ այդպիսի կնոջ հետ միասին ապրելիս: Չէի կարող խուսափել անըզալից բաղձանքներից՝ Յին Յզինին պատկերացնելով Սյա Լինի փոխարեն: Որքա՞ն տարբեր կլի-

ՎԱՆ ՎԵՑԼՅԱՆ

ներ իմ կյանքն ի վերջո: Շվարած էի եւ հառաչանքս չէի կարող զսպել:

- Սա ի՞նչ է,- վերջապես խոսելով հարցոց Յին Յզինը:
- Դու սիրում ես Դինին,- հանկարծ հարցրի՞ ի զարմանս ինձ:
- Չգիտեմ: Կարծում եմ ոչ,- Յին Յզինի պատասխանը շատ վճռական էր, առանց ամենաաննշան վարանման:
- Բայց նրա հե՞տ ես դեռ:
- Ես ինձ էլ չեմ սիրում, բայց մի՞թե չպետք է ինքս ինձ հետ լինեմ:
- Ինքդ քեզ չե՞ս սիրում:
- Ըհը՛:
- Ինչո՞ւ: Դու այնքան գեղեցիկ ես:
- Որովհետեւ փախստական եմ: Ես մարդ եմ սպանել...:

Չէի ուզում հավատալ լսածիս:

Արագ սթափվեցի, որովհետեւ սաստիկ ահավոր էր: Յին Յզինի պահ-վածքը սակայն շարունակում էր մնալ բնական, ասես սովորական գրույց էր անում: Բայց արցունքներն սկսեցին հոսել այտերն ի վար, ինչն ինձ ստիպեց իրոք հավատալ, որ այն, ինչ ասաց, ճշմարիտ էր:

- Դինը գիտի՞,- զգացի, որ կոկորդս քերծվում է, եւ հազացի:

Յին Յզինը գլուխը տարուբերեց.

- Նա երբեք չի հարցրել:

Մի պահ կանգ առավ, ապա շարունակեց.

- Եթե հարցներ, կասեի:
- Ավելի լավ է չասես,- հառաչեցի:
- Չնայած այդ մարդն արժանի էր դրան, բայց գիտեմ, որ հանցանքս լուրջ է: Երբեք մտադիր չեմ եղել այսպես խառն ու թափթփված ապրել: Թափառում եմ դեսուդեն՝ գնալով այնտեղ, ուր կյանքը կտանի:
- Ես ոչինչ չգիտեմ:

Իրոք ինձ չէր հետաքրքրում մանրամասն իմանալ այդ ամենը: Թվում էր, թե այն, ինչ ինձ պատմեց Յին Յզինը, հեռուստատեսային դրամայի մի պատմություն է:

- Եթե մարդիկ հարցնեն, կասեմ նրանց: Բայց ոչ ոք երբեք չի հարցնում: Դու միակ մարդն ես, որ հարց ես տվել: Հարցրիր, թե ինչու չեմ ինձ սիրում: Խիստ հուզվեցի: Շատերին է դուր գալիս իմ գեղեցիկ տեսքը, բայց հազ-վադեպ են հարց տալիս՝ արդյո՞ք սիրում եմ ինձ:

- Հասկանում եմ:
- Իսկապե՞ս հասկանում ես:
- Իսկապես: Գիտեի՞ր ինչ էինք հենց նոր խոսում Չժաոյի մասին:

- Սյա Լինն ինձ ասաց:
 - Այն օրը, երբ Չժանն մահացավ, մենք միայն երկուսով էինք: Հաճախ կասկածում եմ, թե դա իմ մեղքն էր: Արդյո՞ք ես էի նրան սպանողը:
 - Այդ երեկո հարբած էիր:
 - Այո, հարբած էի: Բայց տարօրինակն այն է, որ հարբելուց հետո էլ սթափ մարդու պես եմ ինձ պահում: Ուրիշները սխալմամբ կարծում են, թե բարձր դիմադրողականություն ունեմ: Բայց իրականում այդպես չէ: Սթափվելուց հետո հաճախ չեմ էլ հիշում, թե ինչ եմ արել:
 - Մի բան եմ ուզում իմանալ. ինչո՞ւ ես ինքդ քեզ կասկածում:- Ցին Ցզինն այնքան ամուր էր բռնել իմ աքիլեսյան գարշապարից եւ ինձ ստիպում էր ասել, թե ինչու:
- Ստածեցի եւ նայելով քիչ հեռվում գործարանը լուսավորող լույսերին՝ պատասխանեցի.
- Բանն այն է, որ Չժանյին շատ էի սիրում: Երբ միասին խմում էինք, կարող էինք աշխարհում ամեն ինչի մասին խոսել: Ժամանակն արագ էր անցնում, եւ կյանքը փոքր-ինչ բարելավվել էր: Իրականում չեմ կարող տանել այս կենսակերպը եւ ուզում եմ ընդդիմանալ դրան: Բայց Չժանն այս կենսակերպի ներկայացուցիչն է, ահա թե ինչու եմ այդպիսի մտքեր ունենում: Սակայն հիմա, երբ Չժանն չկա, կյանքս է՛լ ավելի ծանր է ու դժվարին:
 - Դե, լավ է, եթե կարծում ես, որ սպանել ես Չժանյին: Այդպես փոքր-ինչ ավելի հեշտ կլինի քեզ համար,- Ցին Ցզինը խոսում էր մեղմ ձայնով եւ մոտեցավ ինձ: Նրա թելը շատ մոտ էր իմ թեփն:
- Չգացի, որ մխիթարում է ինձ բայց էլի քրթմնջացի.
- Մի՞թե:
 - Նույնիսկ չգիտես, թե որքան եմ նախանձում քո ներկայիս կյանքին: Եթե իրոք լինեիր սպանության համար կասկածվող մեկը, ապա որպես փոխհատուցում չէիր ընտրի այս ամայի վայրում փակվելը: Դու նույնիսկ կին ունես, որը քեզ շատ է սիրում եւ ցանկացել է, որ երեխա ունենաք:
 - Քեզ ասե՞լ է:
 - Իհարկե,- Ցին Ցզինը ժպտաց սա ասելով: Մթնշաղի մեջ, լամպի լույսի տակ նրա ժպիտը ճառագում էր սուրբ ու մաքուր: Դրանից գրեթե հավվում էի:
 - Հե՛յ, այդ ի՞նչ եք խոսում: Եկե՛ք խմելու,- մեր կողմը նայելով բռավեց Դինը:
- Նա արդեն հարբած էր եւ խնդում էր երջանիկ ապուշի նման:

ՎԱՆ ՎԵՑԼՅԱՆ

Չեմ հիշում, թե այդ օրն ինչ եղավ հետո, որովհետև Սան, Յին Յզինը եւ եւ շարունակեցինք խմել: Ես հարբել էի: Եվ տարօրինակ է, որ այդ երեկո Չժաոյին չտեսա երագում: Բայց երագ տեսա այնուամենայնիվ: Երեկո էր, միայնակ քայլում էի լճի ափով: Խավարն այնպես էր իջել վրաս, որ շնչել չէի կարողանում: Հուսահատ փակեցի աչքերս եւ շուրջբոլորս հրաշալի երաժշտական հատվածների հնչյուններ լսեցի, ասես աճող ինչ-որ բանի ծայն լիներ: Սատիկ վախեցա: Առավոտյան արթնանալով մտածեցի, որ դա պարզապես աղագոյացման ծայնն էր: Այստեղ կարող է աղ գոյանալ, եւ այդ գեղեցիկ աղե ծաղիկներն անընդհատ ծաղկում են: Այսպիսով, կարելի է մտածել, որ մեր կյանքից զատ՝ այստեղ կյանքի այլ ծեւեր էլ գոյություն ունեն: Պարզապես աղը կյանքի մի ծեւ է՝ առանց կյանքի: Մի՞թե Արարչի համար իսկապես տարբերություն կա մարդկանց եւ աղի գոյությունների միջեւ: Ե՛վ մարդիկ, ե՛ւ՝ աղը աճի ու անկման փոխակերպումներ են սուկ:

Դինի եւ Յին Յզինի մեկնումից ավելի քան երկու ամիս անցած կլիներ, երբ մի մեծ փաթեթ ստացա: Ձեւից կռահեցի, որ նկար կարող է լինել, ու երբ բացեցի, ինչպես ենթադրում էի, տեսա, որ շրջանակված եւ պատվերով ուղարկված յուղաներկ կտավ է: Դինի ստեղծագործությունն էր, որ պատկերում էր աղի լիճը: Աղի լիճն ու աղե ծաղիկները նկարում ամենատարօրինակ տեսքն ունեին: Առաջին հայացքից ասես տիեզերքից երեւացող տեսարան լիներ կամ սյուրռեալիստական ոճի մի բան: Բայց երբ մի քիչ երկար նայեցի, նկատեցի, որ այլափոխված չափազանցումներն այդտեղ հենց այն էին, ինչն առավել ընդգծում էր աղի լճի ամենակարեւոր ու էական առանձնահատկությունները: Նկարը դրեցի հյուրասենյակում եւ սպասեցի, որ Սյա Լինը վերադառնա ու իր գնահատականը տա: Բայց նա միայն մի հայացք գցեց եւ տազնապաճ ճչաց.

- Հենց հիմա հեռացրո՛ւ: Չեմ ուզում այլեւս տեսնել:

- Ինչո՞ւ,- շփոթված տարակուսեցի:

Սյա Լինը պատասխանեց.

- Ճիշտ այնպիսին է, ինչպիսին աղի լիճն է իմ երագներում, եւ սաստիկ վախեցնում է ինձ:

Իսկապես տարօրինակ էր: Ինձ մնում էր միայն փաթաթել նկարը եւ դնել հեռու մի տեղ: Գուցե երբ աղի լճից հեռու մեկ այլ տեղ նորից բացեմ այն, ուրիշ տպավորություն գործի:

Դինին նամակ գրեցի եւ շնորհակալություն հայտնեցի նկարի համար: Ասացի, որ գանձի պես կպահեմ այն: Յին Յզինի մասին ոչինչ չհարցրի:

Ստածեցի, որ դրանից լավ չի գգա: Այլևս չէի նախանձում Դինին: Թերևս նրանից էր, որ Ցին Ցզինն իսկապես չէր սիրում նրան, իսկ գուցե այն պատճառով, որ հաշտվել էի սեփական մեղքիս հետ և հետևաբար գտել էի սեփական երջանկությունս: Ստադիր էի բավարարվել այստեղ մնալով: Դինը նամակիս չպատասխանեց և այդ կերպ աներեւութացավ, ինչպես աղի լճում լողացող աղահատիկն է լուծվում հորդ և հողմախառն անձրեւի տակ:

Կյանքն, այսպիսով, նորից խաղաղ հունի մեջ ընկավ: Ալեկոծությունն աստիճանաբար հանդարտվեց: Այլևս չափից դուրս շատ չէի խմում, բայց ոչ այն պատճառով, որ վախենում էի, թե երագում Չժաոյին կտեսնեի (ժամանակ առ ժամանակ տեսնում էի նման երագներ): Ավելի շուտ այն պատճառով, որ ստիպված էինք վերջ տալ հարբեցողությանը՝ ապահովագրելով մեզ և նախաձննդյան մեր պատրաստությունները տեսնելով: Հենց որ Սյա Լինը հղիացավ, անվճար արձակուրդ վերցրեց և մեկնեց ծնողների տուն՝ գավառի մայրաքաղաք: Առանձին ապրելով երկու տարբեր վայրերում՝ մենք ավելի քիչ էինք վիճում, և մեր զգացմունքները վերստին ջերմացան: Արդեն չէի կարող պատկերացնել այնպիսի մի իրավիճակ, երբ կապրեի մեկ այլ կնոջ հետ: Հաջորդ տարի աշնանը Սյա Լինն առողջ մի տղա ունեցավ: Հայր դառնալուց հետո էլ դեռ գնում էի աղի լճի գործարան աշխատելու, բայց նաև աշխատանքս թողնելու մտադրություն ունեի: Տարօրինակն այն էր, սակայն, որ այդ անսահման աղի տարածքում ապրելիս հոգեվիճակս աստիճանաբար խաղաղվում էր: Հեռանալու մասին մտքերն էլ այդքան հաճախ չէին համակում ինձ: Երբ քայլում էի աղի լճի ափով և նայում էի արտառոց բնապատկերին, հաճախ էի մտածում Դինի նկարածի և Ցին Ցզինի գեղեցիկ դիմագծերի մասին: Անորոշ մի զգացում էի ունենում, ասես իրականում երբեք չէի տեսել նրանց, այլ տեսել էի սոսկ ցնորական մի երագում:

Չմռան սկզբին մի անսպասելի հյուսիսային քամի փչեց: Չարմանքով նկատեցի, որ աղի լճի մակերեսային բարակ սառույց է գոյացել և սերտաճել է փայլուն ու կիսաթափանցիկ աղաշերտի հետ: Դա հազվագյուտ տեսարան էր, քանի որ աղի լճերը հազվադեպ են սառչում: Հատուկ գնում էի նայելու գործարանի ջերմաչափին: Ամենացուրտ ջերմաստիճանը հասել էր զրոյից ցածր քսանհինգ աստիճանի: Բայց առավել ցավալին այն էր, որ այդ անսովոր ցուրտ ծմռանն այդպես էլ ձյուն չեկավ, և սարսափելի չոր եղանակ էր: Ամեն առավոտ արթնանալիս կոկորդոդ այրվում էր չորությունից: Մի առավոտ արթնացա և տեսա՝ նամակ եմ ստացել: Կարծես

ՎԱՆ ՎԵՑԼՅԱՆ

արտերկրից էր: Իմ սահմանափակ անգլերենով ի վերջո պարզեցի, որ հավանաբար Նեպալից է: Կռահեցի՝ ամենայն հավանականությամբ Ցին Ցզիևից է: Նամակ երազի՞ց: Սի պահ կասկածեցի՝ արթնացե՛լ եմ, թե՞ ոչ:

Ցին Ցզիևի ձեռագիրն իր նման գեղեցիկ էր: Գրում էր, որ ամեն ինչ լավ է: Ինձ գրելու պատճառն այն էր, որ մտածել էր իմ մասին, երբ ապաշխարելիս էր եղել Բուդհանաթ Ստուպայի առջև: Կատմանդում: Ստուպայի ստորոտին, հիմքի մոտ Բուդդայի շատ աչքեր են նկարված: Այդ ողորմած, բարեգութ աչքերը սեւեռվել էին իր վրա, եւ վերջնականապես հնարավոր դարձրին, որ այլեւս չվախենա մահից: Ասում էր, որ Կատմանդուն շատ գեղեցիկ է: Շուրջբոլորը կանաչ լեռներ են, եւ քաղաքում ամենուր թարմ ծաղիկներ են: Ցին Ցզիևը հույս էր հայտնում, որ մի օր ես էլ հնարավորություն կունենամ գնալ Կատմանդու: Ադի լճի տարածքից տարբերվող բոլորովին այլ տեսարան է այդտեղ: Գրել էր նաեւ, թե որտեղ է Դիևը: Վերջինս մեկնել էր Շենժեն եւ այնտեղ պատկերասրահ էր բացել: Լսել էր, որ Դիևի գործերը բավականին լավ են: Այդ ամենից հետո ասում էր, որ որոշել է կյանքի վերջին օրերն անցկացնել ադի լճի տարածքի նման մի վայրում եւ այդտեղ էլ մեռնել ու միանալ հավերժական նախնականությանը: Նա տեղեկություններ էր փնտրել, եւ պարզել էր, որ աշխարհի ամենամեծ ադի լիճն այստեղ չէ, այլ Հարավային Ամերիկայում՝ Բոլիվիայի հարավարեւմտյան մասում գտնվող բարձրավանդակում: Այն կոչվում էր Սալար դե Ույունի: Ասում էր, որ հետագայում կուզեր գերեզման ունենալ Սալար դե Ույունիում՝ թաղվելով այդտեղ: Ջանք էր թափել ներկայացնելու նաեւ որոշ տվյալներ.

«Այն ծովի մակարդակից 3000 մետր բարձրության վրա է եւ գրավում է 12 500 քառակուսի կիլոմետր տարածք: Ամեն ձմեռ ադի լիճը լցվում է անձրեւաջրով՝ կազմելով ջրի բարակ, ոչ խոր մի շերտ: Ամռանը լճի ջուրը չորանում է՝ թողնելով հանքային կյութերի նստվածք, որ հիմնականում բաղկացած է աղից: Շատ տեղերում ադի շերտերը 10 մետրից ավելի հաստություն ունեն՝ մոտավորապես 650 միլիարդ տոննա ընդհանուր պաշարով, որը 1 000 տարի կբավարարի աշխարհի ողջ բնակչության պահանջարկը: Տեղի բնակիչները չոր եղանակին լճում ձեւավորված աղային կարծր շերտերից աղյուսանման հաստ խորանարդներ են պատրաստում, որոնք օգտագործում են իրենց տները կառուցելիս: Բացի տանիքից, դռներից եւ լուսամուտներից, պատերն ու կահավորանքը, ներառյալ մահճակալները, աթոռները եւ մյուս կահույքը, բոլորն էլ պատրաստված են ադի խորանարդներից»:

Պատասխանելով Յին Յզինին՝ գրեցի. «Եթե Սալար դե Ույունիին վերաբերող թվային որոշ տվյալներ նվազեցնենք եւ եղանակն էլ նկատի ունենանք հյուսիսային կիսագնդի համար, ապա ոչ մի տարբերություն չկա այստեղի ու այնտեղի միջեւ: Հիմա գրում եմ հենված աղի խորանարդներից պատրաստված սեղանին: Վրան ապակի է: Ապակու վրա թավշե կապույտ կտոր է փռած, որից հուսալի մի ջերմություն է բխում: Ձեռք եմ տալիս սեղանին, որը թեեւ անսովոր կառուցվածք ունի, բայց ամենեւին չի տարբերվում սովորական սեղանից...»:

Յին Յզինից այլեւս նամակ չստացա: Որքան ժամանակն անցնում էր, այնքան ինձ թվում էր, թե նույնիսկ այն ստացածս էլ անհրական մի պատրանք էր, քանի որ ֆիզիկական ոչ մի ապացույց չկար. վախենալով, որ Սյա Լինը կտեսնի, կարդալուց հետո նամակն այրել էի: Գարունը մոտենում էր, եւ Սյա Լինը զանգահարեց՝ հորդորելով վերադառնալ ու տեսնել մեր երեխային, ինչպես նաեւ ներկայանալ հարցազրույցի՝ այնտեղ աշխատանքի տեղավորվելու համար: Ասաց, որ իր ազգականն օգնել էր ինձ՝ նոր աշխատանքի հնարավորություններ փնտրելով: Երբ ուղեբեռս կապում էի, մտածեցի, որ գուցե ոչ ոք չի եկել այստեղ ինձ տեսնելու: Սիակ բանը, որ ուղեկցել է ինձ, աղի առաջացման անվերջ ձայնն է եղել: Այո, նույնիսկ առօրյա աղմուկ-ժխորի մեջ ես դեռ կարող եմ զանազանել այդ հատվածների ձայնը: Գլուխս բարձրացրի եւ պատուհանից դուրս նայեցի աղի հարթությունների գունատ անվերջությանը՝ չիմանալով, թե արդյոք երբեւէ կվերադառնամ:

ՉԺԵՆ ԱՅԱՈՒՅՈՒՅ

«ՖԻԼԻՊՍ» ԷԼԵԿՏՐՈՎԿԱՆ ԱԾԵԼԻՆ

1

«Ֆիլիպս» արձաթե էլեկտրական ածելին սովորաբար դրված էր լոգարանում, լվացարանի վերելում, բայց երբեմն պահարանում էր լինում: Ածելին ընտանիքի ավագ որդու անձնական սեփականությունն էր, և ուրիշ ոչ ոքի թույլատրված չէր դիպչել դրան: Երբ Սյաոցզյան՝ կրտսեր եղբայրը, տրվում էր գայթակղությանը և ծեռքը դնում էր էլեկտրական ածելու վրա, որպեսզի այն շոյի, այնպիսի հուզագրգիռ վիճակում էր հայտնվում, ասես ծեռքն աղջկա հետույքի էր դրել: Եղբոր իրերը բացարձակապես անծեռնամխելի էին: Նա դրանք կուռք էր դարձնում: Եղբայրը և նրա ընկերուհին՝ Սյաո Լյուն, առանձին տուն էին վարձել, բայց եղբայրը հաճախ տուն էր գալիս ճաշելու, իսկ երբեմն գիշերը մնում էր: Դա, իհարկե, միայն այն դեպքում էր լինում, երբ վիճած էր լինում Սյաո Լյուի հետ: Առավոտյան ավագ եղբայրը կանգնում էր լոգարանի հայելու դիմաց և սափրվում՝ անողոր շեղբերին հանձնելով դեմքի մազերի ճակատագիրը, որոնք շատ արագ էին աճում, երբ գայրացած էր լինում: Էլեկտրական ածելու բզզոցը լսելի էր լոգարանի պատերից դուրս, և այդ ձայնը Սյաոցզյային ստիպում էր ամբողջովին փշաքաղվել: Մի օր ավագ եղբայրը ներս մտավ, երբ հայրն օգտագործում էր ածելին: Անհարմար վիճակում հայտնված հայրն անշնորհք ժպտաց եղբորը, նայեց հայելուն, կարծես թե դա պիտի բացատրեր ամեն բան, ապա անմիջապես ցած դրեց ածելին: Թեև բոլորը գիտեին, որ հայրը շատ անգամ էր օգտագործել այն: Վարավոր չէ ասել, թե տղայի հետ ինչ էր կատարվում: Նա միշտ գողի պես թաքուն ֆոֆոնում էր շուրջը: Այդ օրը տնից գնալիս ավագ եղբայրը խիստ գայրացած էր և իր ետեւից շրխկալով փակեց մետաղե պաշտպանիչ դուռը: Սյաոցզյան պետք է դա ընդուներ որպես նախազգուշացում այն բանի, որ հետո էր տեղի ունենալու: Սյաոցզյան երկար ժամանակ անհանգստանում էր, որ հոր ու եղբոր հարաբերությունները մի օր ի վերջո ծեծկռտուքի կվերածվեն, և գիտեր, որ քանիցս ավագ եղբայրը պատճառներ էր ունեցել կասկածելու, թե հայրն օգտագործում է իր ածելին: Եղբայրն ասում էր.

-Եթե եղ ծեր սրիկան մեկ էլ ձեռք տա իմ աճելուն...

Սյառցյան նայում էր, թե ինչպես էր վերուվար անում եղբոր աղա-մախնձորը, երբ նա թուրք կուլ էր տալիս, ապա ճոթճոթոցով պտտում վիզը: Եղբայրը, որ առաքիչ էր աշխատում եւ մոտոցիկլով առաքումներ էր կատարում, սիրում էր սափրվելուց հետո ձեռքը շփել մաքուր կզակին, երբ նայում էր հայելուն եւ ինքն իրենով հիանում: Բայց նրա դեմքի խիտ մազե-րը կրկին հայտնվում էին մեկ գիշերվա մեջ:

Այդ առավոտ, ինչպես սովորաբար, ավագ եղբայրը մտավ լոգարան եւ սափրվեց, ապա վերջին անգամ զգուշացրեց Սյառցյային.

-Ինչո՞ւ ես դեռ անկողնում: Ի՞նչ, էսօր դպրոց չե՞ս գնում:

Նախքան եղբայրը կհասցներ վերմակը քաշել նրա վրայից, Սյառցյան վեր կացավ եւ հագնվեց: Հյուրասենյակում եղբայրը հագավ կոշիկները եւ վերցրեց մոտոցիկլի սաղավարտը: Տեյ Չոուի երգերից մեկը քթի տակ երգելով սաղավարտը դրեց գլխին եւ ցույց տալով պատին փակցված՝ հա-մազգեստավոր Սադդամ Հուսեյնի նկարը՝ ասաց.

-Սյառցյա, հիմա ամեն օր ամերիկացիները պատրաստվում են ազատվել Սադդամից:

Ընտանիքում ոչ ոք չէր կարող հիշել, թե որտեղից է նկարը: Տղաների մայրն այդ առիթով մի քանի անգամ դժգոհել էր՝ ասելով, որ անբարետես է՝ պատի վրա ինչ-որ մորուքավոր օտարերկրացու նկար ունենալ, բայց նկարը չէր հանում: Դա նույն տեղում էլ մնում էր: Նկարը երկար ժամանակ կախված էր այդտեղ, մինչեւ Սյառցյան կիմանար, որ դա հայտնի մի անձ-նավորություն է՝ Սադդամ անունով, որը բավականին արդյունավետ կեր-պով համարձակություն էր ունեցել դուրս գալ Ամերիկայի դեմ եւ կռվել Ծո-ցի պատերազմում:

Ժամանակի հետ Սադդամը Սյառցյային սկսեց շատ դուր գալ:

Ասես մեկ գիշերվա մեջ՝ նրանց տան բակի բալենիները ծաղկել էին: Գարունն իր կանաչ հարստությունն էր սփռում ամենուր, կանաչ ծառերն ու թփերը երջանկությամբ նվաճում էին աշխարհը: Գարնան յուրահատուկ բուրմունքն էր ամենուր, ամեն բան կյանք էր առել: Սյառցյան ամենեւին դեմ չէր այդ ամենին, բայց մեծ մասամբ անուշադրության էր մատնում: «Գարունը եկել է» վերնագրով շարադրությունն էր պատճառը, որ նա այդ եղանակը չէր սիրում: Շարադրությունն սկսվում էր այսպես. «Գարունը եկել է: Ծիծեռնակները վերադարձել են հարավից: Տանձենիները, ծիրա-նենիներն ու բալենիները ծաղկել են»: Ուսուցիչը Սյառցյային ստիպել էր հարյուր անգամ արտագրել շարադրությունը՝ որպես պատիժ նրա վատ

ՉԺԵՆ ԱՅՁԱՆՈՒՑՈՒՑ

վարքի համար: Դրանից հետո Սյանգոյան հայտոյանքով էր հիշում գարու-
նը:

Բայց պատճառը միայն շարադրությունը չէր, այլ նաեւ այն, որ գարու-
նը բոլորը գրիպով հիվանդանում էին: Գրիպը գալիս էր անձրեւի հետ, որը
չէր ուզում դադարել: Որքան կարողանում էր հիշել, գարունը միշտ եղել էր
երկարատեւ անձրեւների ժամանակ, երբ լուսամուտի ապակիները միշտ
թրջված էին լինում անձրեւի կաթիլներով: Կաթիլները զարկվում էին
ապակուն, թողնում տգեղ բծեր, եւ այդ բծերը մնում էին մինչեւ գարնան
ավարտը:

Այդ առավոտ Լորից անձրեւ էր գալիս, եւ դասասենյակի լուսամուտից
դուրս երկինքը գորշ էր ու թաց: Առավոտյան մանրամաղ անձրեւ էր, որ կե-
սօրին ուժեղացավ, բայց երեկոյան կողմ անձրեւի կաթիլները քչացան՝ հո-
ղագործի ցանած սերմերի նման Լոսրանալով: Սյանգոյան մտածում էր
այն մասին, թե ինչպէս տարիներ շարունակ անձրեւոտ օրերին հայրն
իրեն հեծանվով տանում էր իրենց բնակարանային համալիրի հարավային
մուտքի մոտ՝ քաղցր բամբակ գնելու: Քաղցր բամբակի գունդը տատան-
վում էր գարնան թեթեւ քամուց: Դա այնքան մեծ էր, որ հագիվ էր տեղա-
վորվում իր փոքրիկ բերանում: Սյանգոյայի հայրն այն ժամանակ դեռ երի-
տասարդ էր, եւ իր ուժեղ ոտքերով անընդհատ պտտում էր հեծանվի ոտ-
նակները: Սյանգոյան նայում էր բոլոր մարդկանց, որոնք ողջունում էին
իրենց: Նա ուրախ եւ երջանիկ էր զգում իրեն:

Աշխարհագրության դասին Սյանգոյան հայացքը սեւեռեց քարտեզի
վրա եւ թողեց մտքերը թափառեն: Իրաքի տարածքը հիմնականում անա-
պատ էր, ուրեմն այնտե՞ղ էլ կարող էր անձրեւ գալ: Ի՞նչ էր անում Սադ-
դամն այդ ժամանակ: Իրաքի մասին գիտեր միայն, որ այն Միջին Արեւել-
քում ինչ-որ մի տեղ է: Բայց գիտեր, որ Սադդամն այդ երկրի նախագահն
է, առաջին դեմքը:

-Ատում եմ էդ ամերիկյան թռիչքներն ու ոմբակոծումները,- այդ առա-
վոտ ասել էր եղբայրը փոքր-ինչ վրդովված արդարացիությամբ:

-Մի՞թե դու Բասկետբոլի ազգային ընկերության մեծ երկրպագու չես:

Ավագ եղբայրը չիմացավ ինչ պատասխանի այս հարցին, դրա համար
էլ իր ետեւից փակեց դուռը եւ աստիճաններով աղմուկով ցած իջավ, որ
աշխատանքի գնա:

Սյանգոյայի եղբայրը ինստիտուտը վերջերս էր ավարտել եւ երկրի քա-
ղաքային երիտասարդ պրոլետարիատի տիպիկ ներկայացուցիչ էր, որ ռո-
ճիկից ռոճիկ էր ապրում: Իրականում նա ոչ միայն սիրում էր Ամերիկան,

կադիլլակներն ու նիկեները եւ Լեոնարդո Պի Կապրիոյին ու հոլիվուդյան մյուս աստղերին, ջազ երաժշտությունն ու «Քենթուքի Ֆրայդ չիքին» ռեստորանային ցանցը, այլ նաեւ նրա սիրած հայիոյական բառը անգլերէն fuck-ն էր, չնայած անգլերէն Սյաոցզայից լավ չգիտեր: Սեպտեմբերի 11-ի օրը նա թախտին նստած ծխախոտ էր ծխում եւ մոայլ դեմքով նայում, թե ինչպէս է ծուխը ծածանվում Սանհեթենի վրա: Սակայն, երբ ասացին, որ Պենտագոնը չի ոչնչացվել, երիտասարդ առաքիչ մոտոցիկլավարը թեքվեց առաջ, ծխախոտի մնացորդն ամբողջ ուժով սեղմեց մոխրամանի մէջ եւ դուրս թքեց իր իմացած ամենավատ հայիոյանը:

Սյաոցզայն չէր հասկանում, թե ինչու էր եղբայրն այդքան ատում Ամերիկան: Նա մոռացել էր այդ տարի տեղի ունեցածը: Եթե ուզում էր մի բան մոռանալ, նույնիսկ Պենտագոնի վրա հարձակում գործած ինքնաթիռի հետ կապված դեպքը, ապա այն ամբողջովին ջնջվում էր նրա մտքից: «Սյաոցզայն թքած ունէր», ինչպէս կասեր հաստիկ Լյու Սինը: Լյու Սինը Սյաոցզայի դասընկերն էր, եւ միշտ այդպէս էր ասում: Սեպտեմբերի 11-ի դեպքերի տարուց միակ բանը, որ անջնջելի տպավորություն էր գործել Սյաոցզայի վրա, հաստիկ Լյու Սինի եւ Կարտոլ անունով մեկ այլ տղայի կռիվն էր:

Լյու Սինը շատ բարձրահասակ էր եւ ծանր, նույնիսկ ամենամեծ չափի «Նիկե» մարզական համազգեստը նրա հագին խիստ նեղ էր: Եվ Սյաոցզայն Լյու Սինի պարարտ մարմնի տեսքից մի տեսակ սրտխառնուք էր զգում: Երբ Լյու Սինը մատով իրեն կանչեց ու ասաց՝«Արի էստեղ», Սյաոցզայն երկմտել անգամ չհամարձակվեց: Լյու Սինը միայն Սյաոցզային նկատի չունէր: Նա նույն կերպ նշան արեց նաեւ Լի Լենին, որին կարելի էր համարել դպրոցի անծեռնմխելիներից մեկը: Լի Լենը կարտոֆիլի էր նման, եւ բոլորը նրան Կարտոլ էին ասում: Երբ Սյաոցզայն բախվեց Լի Լենին, նա չնկատելու տվեց: Երբ Լյու Սինը սպառնաց Լի Լենին, Սյաոցզայն վատ զգաց, որ ինքն ու Լի Լենը նույնն էին, եւ դա նվաստացում էր իր համար: Բայց ինքը գոնե Լի Լենի նման կարճահասակ չէր: Լի Լենը կարճահասակ էր, բայց չափազանց ամրակազմ: Ձեռքերի մկաններն ասես մաշկի տակ հաստ պարաններ լինէին: Շատ վատ էր, սակայն, որ Լի Լենը երկչոտ էր եւ լռակյաց: Չէր խոսի, մինչեւ հետը չխոսէին:

Ամեն անգամ, երբ Լյու Սինն ուզում էր խոսել Լի Լենի հետ, նախ խփում էր նրան, մինչեւ որ վերջինս բղավում էր: Միայն այդ ժամանակ էր Լյու Սինն ասում իր ասելիքը.

«Նայ, քաջան, գնա ինձ համար մի տուփ ծխախոտ առ»: Լի Լենը

ՉԺԵՆ ԱՅԱՈՒՅՈՒՑ

շրջվում էր եւ զայրացած կայում, բայց այդ կովարարի հետ զլուխ դնել չէր լինի, պարտությունն անխուսափելի էր, եւ նա արագ տեղի էր տալիս: Ամեն անգամ, երբ Լի Լենն անում էր իրեն ասվածը, Սյանգզյան արհամարհանքով էր լցվում նրա հանդեպ, թեւ ինքն էլ հնազանդ ենթարկվում էր, հենց որ Լյու Սինի բետոնանման բռունցքներն իջնում էին իր մարմնին:

Սյանգզյային զայրացնում էր այն, որ Լի Լենը գոնե մեկ անգամ պատասխան հարված չէր հասցնում: Բավական կլիներ, եթե անգամ Լի Լենը քթի տակ մի բան ասեր կամ, եթե մի քիչ ավելի քաջություն առներ ու պատասխան հարված տար Լյու Սինին: Սյանգզյան դրանից իրեն երջանիկ կզգար: Բայց ամեն անգամ Լի Լենը հիասթափեցնում էր նրան: Սկզբում, երբ Լյու Սինը հարվածում էր, Լի Լենը փոքր-ինչ դժգոհում էր, բայց ինչքան ավելի շատ էր խփում Լյու Սինը, այնքան ավելի էին կախ ընկնում Լի Լենի ուները, եւ նա զլուխն ավելի ցած էր կախում ու աչքերն անշարժ հառում էր գետնին: Ի վերջո, դա նույնիսկ բավական կլիներ, որպեսզի Լյու Սինը զրկվեր չարախնդալուց: Սյանգզյան միանգամից չհիասթափվեց Լի Լենից: Նրա հիասթափությունն աստիճանաբար եկավ, ինչպես ինքնասպանության հուսալքող, անելանելի միտքն է կամաց-կամաց հասունանում, սրտում բույն դնում եւ ամեն անգամ մղում, որ շենքից ցած նետվես: Սյանգզյան Լի Լենին թույլիկի մեկն էր համարում: Բայց քանի որ ինքն ու այդ թույլիկը նույն մարդու կողմից էին ծեծ ուտում եւ ստորացվում, ամաչում էր: Ուզում էր, որ Լի Լենը քաջություն գտնի եւ անի այն, ինչ արել էր: Մի անգամ Սյանգզյան կռվեց, երբ Լյու Սինն իրեն ընտրեց որպես թիրախ: Ու թեւ ամեն բան ավարտվեց նրանով, որ Լյու Սինը մի լավ ծեծի ենթարկեց Սյանգզյային եւ սուկալի ցավ պատճառեց, բայց եւ այնպես Սյանգզյան իրեն հաղթող էր համարում, գոնե բարոյական իմաստով, գոնե Լի Լենի հետ համեմատած: Բայց Լի Լենին չէր հաջողվել արդարացնել Սյանգզյայի հույսերը գեթ մեկ անգամ: Լի Լենը մտախոհ հենվել էր երկրորդ հարկի բաց միջանցքի ճաղավանդակին, երբ որտեղից որտեղ մի բռունցք այնքան ուժեղ զարկեց նրա մեջքին, որ նա երկտակվեց: Լյու Սինն սպասում էր, որ նա սարսափահար է եղել՝ տեսնելով իր անվերահսկելի, հզոր բռունցքները, որոնք գործի էին անցել, բայց կանգ առավ եւ կայեց, թե ինչպես է Լի Լենը դանդաղ ոտքի կանգնում սեղմած ատամների միջից ներծծելով օդը, ցատումնալից աչքերն արցունքներով լի: Նա նման էր կատաղած ընծառյուծի, որ վերջին անգամ զգուշացնում է նախքան վրադ թռչելը: Առաջին անգամն էր, որ Սյանգզյան Լի Լենին զայրացած տեսավ, բայց հենց որ մտածեց, թե այդ երկու տղաներն իսկապես սկսելու են կռվել, Լի

Լենի աչքերում ցատումը մարեց: Նա տարօրինակ հայացքով նայեց Լյու Սինին, շրջվեց եւ մտավ դասասեյակ: Սյառ Յգյանը համոզված էր, որ Լի Լենը նահանջեց ոչ թե Լյու Սինի արածի պատճառով, այլ որովհետեւ ընտրություն էր կատարում, թե ինչպես տեղի տա: Նա հաղթել էր ինքն իրեն: Նա կարող էր հովազի պես նետվել Լյու Սինի վրա, քացով տալ ձվերին, բռունցքներով ու արմունկներով զարկել գլխին, ծնկով խփել ստամոքսին, իսկ հետո ոտքերով տրորել մեջքը, երբ ցած ընկներ: Բայց այդպիսի բան ֆիլմերում է լինում, իհարկե, իսկ Լի Լենը չէր կարող դա անել: Նա թույլի՛կ էր: Դա էր Լի Լենի հանդեպ Սյանգոյայի արհամարհանքի պատճառը:

2

Սինչեւ կեսօր չէին նկատել բնակարանում ջրի արտահոսքը: Ծեփի դռնապանի ասելով՝ ջուրը նրանց տնից հոսել էր արագից հարկ: Այլ կերպ ասած՝ նրանց բնակարանից ջուրը հոսել էր երկու հատակի եւ երկու արաստաղի միջով: Սյանգոյան սարսռաց, երբ լուրն իմացավ: Նա նետվեց դեպի տուն, եւ երբ տեղ հասավ, տեսավ, որ հայրը՝ Դու Հուայմինը, ոտաբռնիկ ու ներքնաշորերով կանգնած է հյուրասենյակում, ջրի մեջ: Նա լվացքի տաշտով ջուրը կրում էր եւ լցնում զուգարանի մեջ: Սյանգոյան շուրջը նայեց: Ջուրը հասել էր սուրճի սեղանի բարձրությանը եւ քշել դրա վրա եղած լրագրերն ու ձմերուկի սերմերը: Սյանգոյային տեսնելով՝ Դու Հուայմինը ձեռքերը դրեց կոնքերին, հետո վերցրեց լվացքի տաշտն ու զարկեց սուրճի սեղանին: Չայրույթից գունատ ու ահավոր դեմք ուներ:

-Էս ի՞նչ եղավ, գրողը տանի: Էս ի՞նչ պատահեց: Ամեն ինչ կարգին էր, երբ դուրս եկա: Բացատրե՞ք, իմանամ,- ասում էր նա:

Հուզված ու իրար խառնված՝ Սյանգոյան վեր քշտեց տաբատի փողքերը եւ անխոս միացավ ջուրը հեռացնելու աշխատանքին: Գլուխն ասես դատարկ լինեք, բայց որքան հիշում էր՝ լոգարանի ծորակը փակ էր, երբ տնից դուրս եկավ, եւ եթե անգամ լրիվ փակ էլ չլինեք, չէր կարող այսպիսի բան պատահել: Մտավ լոգարան՝ նայելու, ապա խոհանոց, որտեղ տեսավ, որ ջրի խողովակը պայթել է: Գլխավոր փակասն արդեն փակված էր եւ խողովակի պայթած տեղն ամուր փաթաթված էր սրբիչով, բայց ակնհայտ էր, որ դա էր աղետի պատճառը: Սյանգոյան պատկերացրեց, թե ինչպես դա եղած կլինի, ինչպես է ճնշման տակ ջուրը ճեղք գտել, եւ ապա խողովակը պայթել է: Նա դուրս եկավ խոհանոցից եւ ասաց:

ՉԺԵՆ ԱՅՁՈՒՑՈՒՑ

-Տրի խողովակն է պայթել:

Դու Հուայմինը խիստ զայրացած էր եւ հիմա կատաղած կայեց Սյաոցային ու ասաց.

-Կարծում ես չգիտե՞մ: Բայց ինչո՞ւ է պայթել: Ամեն ինչ կարգին էր, երբ դուրս եկա:

Սյաոցայան էլ ոչինչ չհամարձակվեց ասել եւ նորից սկսեց ելումուտը լուգարան, որպեսզի ջուրը դատարկի զուգարանի մեջ: Տրի ճողփյունի ձայնի տակ Սյաոցայան մտածեց. «Մի գիշերվա մեջ խողովակը չէր կարող հնա-նալ ու մաշվել: Գիտեիք, որ մի օր պայթելու է, բայց երբեք ջրմուղագործ չկանչեցիք, որ նորոգի»:

Երկուսով չարչարվեցին՝ ժամեր շարունակ դատարկելով ջուրը, միևնույն այնքան հոգևեցին, որ էլ չէին կարողանում կանգնել: Բնակարանն աղետալի վիճակում էր, բայց զոնե հատակն ավելի մաքուր դարձավ, քան եղել էր: Հատակը միշտ մաքուր էր, երբ Սյաոցայի մայրը ողջ էր: Բայց մայրը հիմա սենյակի սրբարանում էր եւ չէր կարող կարծիք հայտնել ջրի արտահոսքի կամ հատակի մաքրության մասին: Դու Հուայմինը, խառնված մազերով, ծխախոտը ծխախոտի ետեւից էր վառում, ծխում մտահոգ, ասես տանջահար ու մոլորված թափառական մի ասպետ լինե՞ր՝ խառն մտքերով ու զգացումներով: Նա այն նույն մարդը չէր, որ մի ժամանակ քաղցր բամբակ էր գնել Սյաոցայի համար: Մարտ ամիսն էր, եւ դեռ բավականին սառն էր: Նրանք հողաթափերով էին, բայց ցուրտը չէին զգում, քանի դեռ գործ էին անում: Բայց երբ դադարեցին աշխատել, զգում էին թե ինչպես է ցուրտը վեր ելնում ոտնաթաթերից: Սյաոցայան չէր ուզում շարժվել: Նստել էր սաստիկ հոգևած, այնքան հոգևած, որ աչքերն անգամ չէր կարողանում թարթել: Նրան թվում էր, թե մայրն իրեն է նայում պատի վրայի լուսանկարից՝ սիրով ու խղճահարությամբ լի հայացքով, եւ դրանից տխրում էր:

Երբ մայրը հիվանդանոցում քիմիական բուժում էր ընդունում կրծքի քաղցկեղի դեմ, Սյաոցայան ամեն օր նրա համար հավի մսով ապուր էր բերում: Հիվանդանոցը Սյաոցայի դպրոցի հարեանությամբ էր գտնվում, եւ մորը տեսնելուց հետո նա ուղիղ դպրոց էր գնում:

Մայրը լուռ պառկած էր հիվանդանոցի մահճակալին: Շատ չէր խոսում եւ հազվադեպ էր բացում աչքերը: Նա հավաքում էր իր թափվող մազերը եւ դնում պոլիէթիլեն տոպրակի մեջ, որ բարձի տակ էր պահում: Շարունակ շշջում էր.

-Երկար չեմ ծօփ:

-Էդպես մի՛ ասա, մայրիկ,- ասում էր Սյաոցայան՝ սփոփելով մորը, ինչ-

պես մեծերն էին անում, եւ փորձելով թաքցնել արցունքները:

Մի անգամ ներս մտավ, երբ մայրը տոպրակի միջի մազերն էր շոյում: Երբ նա տեսավ Սյանգոյային, տոպրակն արագ դրեց բարձի տակ: Մի քանի անգամ մայրը հարցրել էր նրան.

-Տղաս, մենք տունը ծախե՞լ ենք: Կարո՞ղ ես ինձ ասել:

Սյանգոյան միշտ արագ պատասխանում էր՝ «Չէ»:

Մայրն ասում էր.

-Նրանք չեն կարող ինձ բուժել: Հորդ ասա, որ էլ պետք չէ փող ծախսել:

Հետո հառաչում էր, պառկում ու փակում աչքերը, ասես կենտրոնանում էր ներհայեցման մեջ: Սյանգոյան երբեք չէր մոռանում նրա հայացքը: Նա այնպես էր նայում, ասես տեսնում էր աշխարհի միջով, բայց նաեւ չէր ուզում մահանալ:

Սյանգոյան չգիտեր՝ արդյոք կկարողանայի՞ն իրենց թույլ տալ պահել այդ փոքրիկ բնակարանը՝ իրենց միակ տունը, եթե մայրը մի քիչ երկար ապրեր: Անշարժ գույքի գործակալության աշխատողը մի քանի անգամ տեսել էր նրանց, որպեսզի համոզեր բնակարանը վաճառել, եւ նրանք այն ցույց էին տվել նաեւ մի քանի հնարավոր գնորդների, մի անգամ նույնիսկ գործարք կնքելով: Բնակարանը կզնեին, եթե լոգարանն անմիջապես ննջասենյակի դռան առջեւ չիկներ: Դա շատ դժվար ժամանակ էր հոր համար: Հիվանդանոցը նրան ստիպում էր վճարել, բայց եթե նա բնակարանը վաճառեր, ո՞ր պիտի գնային: Ամեն ինչ անորոշ էր: Երբ մարդիկ, որ գրեթե պիտի գնեին բնակարանը, հայտնվեցին, որ տեսնեն այն, հենց դռան զանգը հնչեց, հայրը վեր թռավ թախտից, ասես ցնցված, եւ շունչը պահած ասաց.

-Նրանք էստեղ են:

Այդ պահին Սյանգոյան զգաց հոր աչքերում բուն դրած ցավը: Այդ ցավը երկաթե խարանի պես այրեց նրան: Դեմքին մռայլ մի արտահայտություն՝ Դու Հուայմինը բացեց դուռը: Դռան առջեւ միջին տարիքի մի գույգ էր կանգնած: Հայրը թեթեւակի գլուխ տվեց, ճիգով ժպտաց եւ ներս հրավիրեց նրանց: Չայնի մեջ լարված մի կայտառություն կար, եւ դա նրան ստիպում էր կեղծ տոնով խոսել:

Ամուսինները բնակարանային փորձառու որսորդներ էին եւ գործի դրեցին իրենց իմացած բոլոր հնարքները: Նրանք մի շարք թերություններ նկատեցին՝ բնակարանի հետ կապված: Սյանգոյան ամբողջ կյանքում ապրել էր այդտեղ, բայց երբեք այդքան թերություն չէր նկատել: Նա թախտին նստած հեռուստացույց էր դիտում: Եվ զգաց, որ զայրացած ոգևու է

ՉԺՆՆ ԱՅԱՈՒՅՈՒՑ

վերածվում: Հոր դեմքին ժպիտը դեռ մնում էր դաջված: Նա ասաց.

-Տեսե՞ք, դիրքը հիանալի է: Լավ տեղ է: Այս օրերին չէք կարող այս վայրում այսպիսի գնով բնակարան գտնել: Կինս հիվանդ է, եւ մենք այլ ընտրություն չունենք: Թե չէ չէինք վաճառի:

Սյանգոյան ականջ չէր դնում, բայց լսեց, թե հայրն ինչ ասաց: Հեռուստացույցը միացրած էր, լուրերն էին հաղորդում: Դրությունն Իրաքում լարված էր: Ամերիկյան զորքերը տեղակայել էր Քուվեյթում, եւ բոլոր նշանները կային, որ պատրաստ է պատերազմի: Քուվեյթցի տղամարդիկ, երկարաթել, ճերմակ դիշդաշաներ հագած, շրջում էին Սիջին Արեւելքի հաճելի արեւի տակ, ասես շուրջը տեղի ունեցող ոչինչ կապ չունեն իրենց հետ: Սյանգոյան հանկարծ համակվեց մելամաղձոտ տխրությամբ:

Ամուսինները երկար ժամանակ զննում էին բնակարանը, մինչեւ վերջապես հեռացան՝ դարձյալ չմոռանալով թվարկել բնակարանի թերությունները: Սյանգոյան լայնց հորը, որ դուռը փակեց ու երկար մի հառաչ արձակեց: Հայրն ուժասպառ տեսք ուներ, ասես հենց օրը էր ավարտել երկարատեւ վազքը: Անշարժ, փայտացած՝ նստեց թախտին, հայացքը հանեց հեռուստացույցին եւ սկսեց լուռ ծխել: Հեռուստացույցով շարունակվում էին Սադդամի մասին լուրերը: Սուրը կողքին կապած, ասես հնադարյան մի ռազմիկ, Սադդամը քաջարի տղամարդ էր: Աշխարհում ոչինչ չէր կարող վախեցնել նրան:

Սյանգոյան ասաց.

-Մեր ամբողջ ունեցածն այս բնակարանն է: Եթե ծախենք, որտե՞ղ ենք ապրելու:

Հայրը տարակուսանքով, շվարած ու անհանգիստ լայնց նրան եւ ծուխը ծանր ներս քաշեց: Նրա միակ պատասխանը ծխի քուլան էր, որ դանդաղ վեր բարձրացավ եւ լուռ տարածվեց շուրջը:

Մայրը մենակ էր, երբ մահացավ: Տարօրինակ էր, որ թթվածնի դիմակը դեմքին չէր, այլ դրված էր բարձի կողքին: Բուժքույրերն անհանգիստ էին եւ շփոթված, բայց պնդում էին, որ մայրը խաղաղ է մահացել: Հայրն անխոս կանգնել էր՝ դռան շրջանակին հենված, բացակա հայացքով նայում էր բուժքույրերին, որ իրար խառնված ներսուղուրս էին անում՝ իրենց պարտականությունը կատարելով: Սոր մարմինը խաղաղ պառկած էր մահճակալին: Նա հեռացել էր առանց բառ իսկ ասելու: Եվ եսասերի պես հրաժեշտ էլ չէր տվել: Սյանգոյան ոչ ոքի չասաց պոլիէթիլեն տոպրակում գտնվող նրա մազերի մասին: Նա տոպրակը վերցրեց եւ դրեց հին գրքի մեջ: Երբ կարոտում էր մորը, հանում էր տոպրակը եւ նայում մազերին:

Ջրի արտահոսքը տեղի ունենալուց հետո երեկոյան ջրմուղագործը եկավ եւ խողովակը նորոգեց: Երբ ավագ եղբայրը աշխատանքից հետո տուն եկավ, ապշահար մի հայացք գցեց շուրջբոլորն ու հարցրեց.

-Էս ո՞նց է տունն եսքան մաքրվել:

Սյանցզյան մռայլված պատասխանեց.

-Տուրն էր տուն լցվել:

Ընթրիքի ժամանակ չխոսեցին, մթնոլորտը սեղանի շուրջ լարված էր: Եղբայրներն զգույշ ուտում էին: Հայրն ասաց.

-Ես ներքեւ իջա ու թակեցի դուռը, բայց պատասխան չեղավ: Առաջին հարկում էլ ջուրը հասել էր պարոն Չենի բնակարան: Հատակը, անկողինները լրիվ թրջվել էին: Լավ է, որ Չենն իմ գործընկերն է, թե չէ կրակն էինք ընկնելու: Չենը լավ տղա է: Նույնիսկ չբողոքեց էլ: Կինը մի քիչ փնթփնթաց, բայց վճարելու մասին բան չասաց:

-Ուրեմն նրանց վերմակը թրջվել է: Դե, մտում է լվացնեն, ճիշտ չէ՞,- ասաց ավագ եղբայրը:

-Մենք խոսում ենք Չենի ընտանիքի մասին: Դու միայն մտածիր՝ ինչ կլինեն, եթե ուրիշ մեկը լիներ: Մի քանի օր առաջ Եսպիսի մի դեպքի մասին լսեցի: Մեկի տանը ջրի գլխավոր փակակնը փչացել էր: Իրենք էլ տանը չէին եղել: Երկու օր հետո երբ ետ էին եկել, տեսել էին ամբողջ տունը ջրի մեջ է: Ներքեւում ապրող ծեր ամուսիններն էլ տանը չէին եղել: Նրանք էլ երբ ետ էին եկել, տեսել էին տունը լրիվ ջրի մեջ է: Մի խոսքով, մեծ աղմուկ-աղաղակ էր բարձրացել: Վերեւի հարեւաններն ստիպված էին եղել վճարել հասցված վնասի համար, բայց դրանից հետո ավելի տհաճ բաներ էին եղել: Ամեն օր ներքեւի էդ ծեր հարեւանները գնացել թակել էին վերեւի հարեւանի դուռը: Սկզբում ասել էին, որ ջրի պատճառով իրենց պատերի վրա բորբոս է բռնել, հեռուստացույցի ձայնն է կտրվել, հատակը ճռճում է, իսկ գրքերը բոլորը ծռմովել են: Հետո ասել էին, որ ռեւմատիզմ ու ներասթենիա ունեն, վերջում էլ՝ թե դատական հայց են ներկայացնում, քանի որ էլ չեն կարող էղ բնակարանում ապրել: Ու եղպես՝ անվերջ: Դա վերեւի հարեւաններին խելագարության էր հասցրել, վերջն էլ ասել էին՝ հերն անիճած, տունը ծախել էին ու գնացել:

Հայրը մի պահ դադար տվեց եւ անհանգիստ հայացքով նայեց որդիներին: Ապա ասաց.

-Դեռ չգիտեմ, թե ով է ապրում մեր ներքեւի հարկում: Չնայած գույքի

ՉԺՆՆ ԱՅՁՈՒՑՈՒՑ

կառավարման գրասենյակ, բնակարանի սեփականատիրոջ հեռախոսահամարն իմացա, բայց երբ զանգ տվեցի, հաղորդագրություն ստացա, որ հեռախոսն անջատված է: Եթե առաջին հարկում Չենի տունը ջրի մեջ կորած էր, ուրեմն երկրորդ հարկում հաստատ շատ ավելի վատ վիճակ է: Եթե պարզվի, որ էդ հարեանն Էնպիսի մեկն է, որի հետ դժվար է զուլխ դնել, պետք է թողնենք ինչ լինելու է՝ լինի:

Ընթրիքից հետո հայրիկն էլի իջավ ներքեւ եւ թակեց հարեանի դուռը, բայց ոչ ոք չպատասխանեց: Մռայլ ու խոժոռ դեմքով կորից վեր բարձրացավ:

Չինաստանի կենտրոնական հեռուստատեսության թղթակիցը հաղորդում էր Իրաքում տեղի ունեցող դեպքերի մասին: Բառերը նրա բերանից դուրս էին թռչում ինքնաձիգից արձակված կրակահերթի արագությամբ: Էկրանի ներքեւում վազող տողերը հայտնում էին, որ ամբողջ աշխարհում անհանգիստ վիճակ է: Դու Հուայմինը դժգոհ կնճռոտեց ճակատը եւ մուգ թեյից մի քանի կում արեց: Կողքին նստած Սյաոցզյան սկսեց փոշտալ: Իրար ետեւից մի քանի անգամ փոշտաց:

-Մրսել ես հաստատ,- ասաց Դու Հուայմինը: Նա որդուն հիսուն յուան տվեց եւ ասաց.

-Վերցրու: Գնա բժշկի մոտ ու դեղ առ:

Սյաոցզյան վերցրեց փողը: Նա նկատեց, որ սուրճի ապակե սեղանի վրայի բժերը վերացել էին, եւ այդտեղ միշտ դրված հին թերթերն էլ էին անհետացել: Սեղանի երեսն այնքան մաքուր էր, որ տարօրինակ էր թվում: Երբ դռնից դուրս էր գալիս եւ շրջվեց դուռն իր ետեւից ծածկելու, նայեց թախտին նստած հորը, որ զլուխը բարձին հենած ծխում էր: Կապույտ ծխի մի պարույր էր բարձրանում նրա գլխավերեւում: Հայրն ասես կաթվածահար էր եղել: Նա Սյաոցզյային նույնքան տարօրինակ ու անձանոթ թվաց, որքան սուրճի սեղանը:

4

Սյաոցզյան բժշկի մոտ չգնաց: Նա որոշ ժամանակ քայլեց աննպատակ: Գարնանային անձրեւոտ երեկոն ծաղիկների բուրմունքով էր հագեցած, փողոցի լապտերների լույսն արտացոլվում էր ճանապարհի վրա: Ավտոմեքենաներ էին անցնում՝ անիվները թշտացնելով եւ շուրջբոլորն անձրեւաջուր ցայտեցնելով: Ապա ամեն ինչ սուզվեց լուռության մեջ: Սյաոցզյան վեր նայեց, բայց աստղեր չկային: Դրանք թաքնվել էին այն նույն ամպերի

ետեում, որ ծածկել էին լուսինը: Հետաքրքիր էր, թե այդ պահին ինչ էր անում Սաղոմոն մուրաբակի մյուս կողմում: Արդյոք Իրաքում գիշեր էր: Չէր հիշում, թե քանի տարի առաջ էր, որ կեղտոտ նրբանցքներից մեկում մի ծեր ուղտ տեսավ: Բուրդը գրեթե ամբողջովին թափվել էր, իսկ աչքերն արցունքոտ էին: Ուղտի մեծ, մշուշոտ աչքերը խոնարհ ըմբռնումով կայում էին Սյաոցգային: Հյուսիս-արեւմուտքից եկած մի տղամարդ, թասակը գլխին, կանգնած էր հեռախոսայրուսի մոտ: Նա կասկածանքով կայում էր իրեն: Սյաոցգայան պատկերացում չուներ, թե որքան ճանապարհ էր կտրել այդ ոսկրոտ, ծեր ուղտը՝ այդտեղ հասնելու համար: Երբ թասակով մարդը հեծավ ուղտին ու քշեց նրան, ուղտը գլուխը շրջեց եւ կայեց Սյաոցգային: Սյաոցգայի սիրտը ցավեց: Հասկացավ, որ ուղտը երբեք չի կարող վերադառնալ իր տուն՝ անապատ: Նա կմեռնի իր հարավից շատ հեռու: Այլեւս չի կարող դիմանալ երկար ճանապարհի տանջանքներին: Եվ ո՞վ իմանա, թե մի օր թասակով այդ մարդը նրան սպանդանոց չի տանի:

Այդ օրվանից Սյաոցգայան սիրեց ուղտերին: Նրանց խոնարհ ըմբռնման մեջ դիմացկունություն կար: Քանի որ սիրում էր ուղտերին, սիրում էր նրանց հետ կապված ամեն բան, այդ պատճառով էլ սիրում էր դիշդաշա հազած միջինարեւելցի տղամարդկանց, որոնք հեծնում էին ուղտերին: Մի քանի տարի առաջ հեռուստատեսությամբ միշտ լուրեր էին հաղորդվում Արաֆաթի մասին: Արաֆաթը սափրված չէր, սպիտակ դիշդաշա էր հագնում, եւ բարի, բայց վճռական աչքեր ուներ: Նա ուներ ուղտերին բնորոշ հատկանիշները: Որոշ ժամանակ անց, Երկրորդ աշխարհամարտի մասին մի լուսանկարում Սյաոցգայան հաճելի զարմանքով տեսավ, որ եթովպացիները, հրացանները ձեռքներին, հերոսաբար առաջ էին սլանում ուղտերին հեծած:

Սյաոցգայան մտավ համացանցային կապ ունեցող սրճարաններից մեկը եւ կյանքում առաջին անգամ նստեց կարդալու իսկական նորությունները իսկական ուշադրությամբ: Բոլոր առաջատար լրատվամիջոցները Իրաքի մասին էին լուրեր հաղորդում: Ակնհայտ էր, որ ամեն բոլոր կարող էր պատերազմ բռնկվել: Իրաքի որոշ ջերմեռանդ երիտասարդներ փողոց էին դուրս եկել՝ բողոքելու Իրաքի գործերին ԱՄՆ-ի միջամտության դեմ: Բայց իրաքցիների մեծամասնությունը միջին դիրք էր գրավում կամ սպասում էր, թե ինչ կլինի: Սաղոմոնը պատկերվում էր սպառնազինված, սուրը կողքին կապած, եւ քաջալերում էր իր պալատական պահակախմբին: Թավ մորուք ուներ եւ արժանապատիվ տեսք, որ իր երկրպագուների մոտ նրան կուռք էին դարձնում: «Օ, Սաղոմոն: Դու Միջին Արեւելքի մարդկության

ՉԺԵՆ ԱՅՁՈՒՑՈՒՑ

փայլուն կատարելությունն են»։ Այս բառերը Սյանգոյայի մտքում լուռ ճիչի էին վերածվում։ Նա չգիտեր, թե ինչու է Սադդամի կողմնակից դարձել և չգիտեր, թե ինչու է այդքան հուսահատ խելահեղությամբ հույս փայփայլում, որ պատերազմը կսկսվի։ Բոցավառ սրտով նա անհամբեր սպասում էր, թե երբ կսկսվեն կրակոցները։ Նրա կուռքը պատերազմով մկրտվելու կարիք ուներ։

Սանգոյայի համացանցում շատ լուսանկարներ ու տեղեկատվություն գտավ Սադդամի մասին, պատճենեց դրանք և տեղադրեց իր կայքէջում։ Այնպես որ՝ հետո կարող էր ըստ արժանվույն՝ հարգալից և մանրամասն ուշադրություն դարձնել այդ ամենին։ Նրա դասընկերները S.H.E. խմբի կամ Տեյ Չոուի երկրպագուներ էին, բայց դա պարզապես ապացուցում էր, որ նրանք անչափահաս են ու մակերեսային, և Սյանգոյայի էլ ավելի արիամարիանքով էր լցվում նրանց հանդեպ։ Նա իրեն դպրոցում բոլորից բարձր էր համարում, որովհետև ուներ Սադդամին՝ անգուզական մորուքավոր առաջամարտիկին։ Խավարում շողացող լույս էր նա, որ հանգրվան էր Սյանգոյայի հույսերի համար։ Իրաքը հաղթանակ էր տանելու, և Սադդամը հավերժ ապրելու էր իր սրտում որպես իր հոգեւոր առաջնորդը։

Հյուրասենյակում լույսը չէր վառվում։ Հայրը դեռ նստած էր թախտին ու անհաղորդ ծխում էր։ Հեռուստացույցն անջատված էր։ Սյանգոյայն կամացուցով հրեց բացեց դուռը՝ թախտը զգույշ շրջանցելու և ուղիղ իր սենյակը գնալու մտադրությամբ։ Թախտի վրայից ձայն լսվեց.

-Դեղ վերցրի՞ր։

Սյանգոյայն անմիջապես պատասխանեց.

-Հա։

Նա տեսավ մթան մեջ լույս տվող՝ հոր ծխախոտի կասկարմիր ծայրը։

-Գնա քնիր,- ասաց հայրը։

Սյանգոյայն հարցրեց.

-Ներքեի ապրողները չեկա՞ն։

Հայրն ասաց.

-Դեռ ոչ ոք չի երեւում։

Հայրը թախտից վեր կացավ, թեքվեց առաջ, և մթան մեջ Սյանգոյայն լուրմ էր, թե ինչպես է հոր ողնաշարը շարժվելիս ճռճում։ Հայրը ծխախոտի մոխիրը թափ տվեց և ասաց.

-Երեկոյան մի անգամ էլ ներքեի իջա, դուռը թակեցի, բայց տանը դեռ ոչ ոք չկար։ Դռնապանին՝ պարոն Չժանին հարցրի, բայց նա էլ չգիտի, թե ով է ապրում եղտեղ։

Նա ծխախոտի մնացորդը գցեց մոխրամանի մեջ եւ ասաց.

-Կարո՞ղ է եղ տունը դատարկ է: Տեսե՞լ ես, որ մեկնումեկը ներս մտնի կամ դուրս գա:

Սյաոցյան ասաց.

-Ունց որ թե հա: Մի անգամ դեմս մի կին դուրս եկավ: Կարծում եմ եղ-տեղ մարդ է ապրում:

Սյաոցյան լարվեց՝ փորձելով հիշողությունը տեղը բերել: Թվաց՝ վեր-հիշեց երիտասարդ մի կնոջ, մոտ երեսուն տարեկան, որ դուրս էր գալիս այդ բնակարանի դռնից: Կինը վատ տեսք չուներ:

Աշխարհն այդ գիշեր կարծես փլվեց ինքն իր վրա: Իսկ օդը լցված էր անսովոր բզզացող ձայնով:

Անկողնում պառկելով՝ Սյաոցյան սկսեց չոր հազալ: Կոկորդում ասես աղվամազեր էին: Կոկորդը սարսափելի քերծվում էր ու քոր գալիս, եւ նա չէր կարողանում հազալով մաքրել: Դրսում կայծակը լուսավորեց երկինքը, եւ հնչեց ամպրոպի ձայնը: Ասես երկնքում պատերազմ էր մղվում: «Օ՛, Սադդամ: Ի՞նչ ես անում այս պահին», - մտածեց Սյաոցյան:

5

Պատերազմն սկսվեց այդ առավոտ: Աշակերտների դասամիջոցի ժամն էր, եւ բոլորը դուրս էին եկել մարզադաշտ ու ֆիզիկական ռիթմիկ վարժություններ էին անում բարձրախոսից հնչող հրահանգների ներքո: Հենց որ վարժություններն ավարտվեցին, նրանց կանոնավոր շարքերը խառնվեցին, եւ բոլորը ցրվեցին: Որոշ աշակերտներ ետ գնացին իրենց դասասենյակները, բայց ավելի անհնազանդները հապաղեցին դրսում: Եղանակի տեսությունն ամպրոպ էր կանխատեսել, բայց ամբողջ առավոտ արեւը, խավոտ մի շրջանակով ներկված, ինչպես խոնավ թղթի կտոր, թույլ ու անկենդան փայլել էր թավ ամպերի ետեւից: Եթե անձրեւ գար, դպրոցը չէր լիցվա կհամարեր այդ օրվա մարմնամարզությունը, դրա համար էլ անբարյացակամ եղանակը գայրացրեց աշակերտներին, որոնք մարմնամարզություններ չէին սիրում: Վարժությունների ընթացքում Սյաոցյան կանգնած էր Կարտոլի կողքին, եւ երբ դրանք ավարտվեցին, հաստիկ կու Սինը, որ նրանց ետեւում էր, հանկարծակի հարձակում գործեց: Նա բռնեց Լի Լենի գլուխը, իր թեւի տակ առավ, ծիծաղեց եւ ասաց.

-Փսլնքոտ քաքլան, էսօր ինձ համար մի տուփ ծխախոտ պիտի առնես:

ՉԺՇՆ ԱՅՁԱՆՈՒՑՈՒՑ

Լի Լենի գլուխը սեղմված էր, դեմքը կարմրատակած: Նա պահել էր շունչը, աչքերը լայն բացած եւ ատամները սեղմած՝ սպասում էր, որ դուրս պրծնելու մի հնար գտնի: Հաստիկը կարող էր կարծել, թե Կարտոլը դեռ չի հանձնվում, դրա համար էլ նրա գլուխը բռնած՝ մի քանի քայլ առաջ քաշեց: Լի Լենը պայքարում էր ոտքի վրա մնալու համար, բայց Լյու Սինն այնպես ամուր էր բռնել նրան, որ նա ոչինչ չէր կարող անել:

Լյու Սինն ամեն անգամ այդպես էր անում, եւ ամեն անգամ ճնշվելով՝ Լի Լենն ստիպված էր հանձնվել: Երբ աղջիկներն ականատես էին լինում այդպիսի տեսարանների, հնարավորինս հեռու էին քաշվում: Չժառ Յասին միակ աղջիկն էր, որ այդպես չէր անում: Նա սառն հայացքով նայում էր Լյու Սինին՝ աչքերում արհամարհանք: Այդ օրը նա երկնագույն շրջագետտ էր հագել, բայց կեղծ համեստություն չէր անում: Լուրջ տեսքով նա քայլեց ուղիղ դեպի Լյու Սինը եւ ասաց.

-Ի՞նչ իրավունքով ես կաչում նրան ու ծաղրում: Հետո՞ ինչ, որ նրանից ուժեղ ես:

Լյու Սինի դեմքին անկեղծ զարմանք հայտնվեց: Նա լսածին չէր հավատում: Սկսեց հռհռալ եւ ասաց.

-Կարտոլ, այ քաքլան, դու պետք է որ կնամուլի մեկը լինես:

Ճերմակամաշկ Չժառ Յասին սաստիկ կարմրեց: Խեթ նայելով Լյու Սինին՝ նա արագ հեռացավ: Չժառ Յասին դպրոցի գեղեցկուհին էր, բոլորն էլ այդպես էին մտածում, եւ Սյաոցզայի մտքով իսկ չէր անցնի, որ նա կաաշտպանի Լի Լենին: Չժառ Յասին այդ արարքից խիստ ընկճված եւ ազդված՝ Լի Լենը նայում էր հեռացող աղջկան: Իրեն որոշակիորեն անպատժելի զգալով՝ Լյու Սինը թեւը փոքր-ինչ թուլացրեց, եւ Լի Լենը կարողացավ դուրս պրծնել: Լի Լենն ուժով թափահարեց ձեռքերը: Նա նման էր ամուր սեղմված զսպանակի: Լյու Սինին դիմելով՝ սառցե ձայնով ասաց.

-Լավ կանես պաշտպանվես:

Նախքան Լյու Սինը կկարողանար հակազդել, Լի Լենը դուրս պրծավ: Լյու Սինը բղավեց նրա ետեւից.

-Կարծում ես կարո՞ղ ես ինձ հետ կռվել:

Նա վազեց Լի Լենի ետեւից եւ հրեց մեջքին: Լի Լենը պոկվեց նրանից, բայց Լյու Սինը ճանկեց նրան, ուժեղ ձգեց դեպի իրեն եւ ասաց.

-Լավ կանես ասածս անես, քու...

Լի Լենը շրջվեց, մատն ուղղեց Լյուի դեմքին եւ ասաց.

-Մեկ էլ ինձ ձեռք տվեցիր՝ քեզ էլ կսպանեմ, ընտանիքիդ էլ:

Լի Լենի սովորաբար անտարբեր ու անկյանք, մեռած ձկան աչքերը

փայլում էին դաշույնների պես: Լյու Սինս իր տեսածից շփոթվեց ու սառավ: Կարողացավ միայն քրթմնջալ՝ «Դու դեռ սպասիր», նախքան Լի Լենին թողնելը: Ուները թափահարելով Լի Լենը խոյս տվեց, այնպես նայելով, ասես ոչ ոքից չէր վախենում: Հենց որ դասի զանգը հնչեց, աշակերտներից մեկը բղավեց.

-Ամերիկան ու Իրաքն սկսեցին կռիվը:

Սյաոցզյան այդ առավոտ դասի ժամանակ ոչինչ չլսեց: Հենց որ զանգը հնչեց, նա գնաց դեպի սրճարան՝ համացանցով լուրերին տեղեկանալու: Հուզախոռով սեղմեց մկնիկը: Դա ճիշտ էր: Սարտադաշտում արված լուսանկարներում խառնաշփոթ էր, անընդհատ զնդակոծումից առաջացած ծուխը պարուրել էր ողջ Բաղդադը: Ահավոր բաներ էին ասվում՝ «գլխատիչ հարված», «ցնցում եւ սարսափ»: Համակարգչի մուկը բռնած՝ Սյաոցզյայի ձեռքի ափը քրտնել էր: Օդային հարձակման տագնապի ահազանգերը շարունակաբար հնչում էին Բաղդադի վրա: Կրակներ էին բռնկվում: Սուլում էին կործանիչ ինքնաթիռները, ապա հետեւում էին հուժկու պայթյուններ: Սյաոցզյան գիտեր, որ Սադդամը դեռ ողջ է: Նա այդ պահին պետք է որ պատյանից հանած լիներ սուրը՝ իր գործերին ուղղորդելով, որպեսզի հակահարված հասցնեն ամերիկացիներին: Սա իսկապես պատերազմ էր: Օ՛, Սադդամ: Սյաոցզյան ետ գնաց՝ հենվելով աթոռի թիկնակին եւ երկար, խորը շունչ քաշեց: Ականջակալներում հնչում էր Սայթլ Ֆեքսոնի «Երկրի երգը»: Փոփ երաժշտության արքայի անվրեպ ձայնն ասեղի պես ծակող էր ու ցավալի: Սյաոցզյան նստած էր համակարգչի առջեւ՝ ապշահար հայացքով, ցնցված, թողնելով, որ ժամանակը սահի անցնի, երազելով այն օրվա մասին, երբ ինքն իսկական տղամարդ կլինի, կընտրի իր զենքը եւ կգնա պատերազմ սպանելու թշնամուն:

6

Ամբողջ օրը Դու Հուայմինը խենթացած էր մեկ օր առաջ տեղի ունեցածի պատճառով: Երբ հեռախոսագանգ էր ստացել, շուտափույթ ժամանակ էր խնդրել, որպեսզի տուն գնա: Գործընկերը խիստ զարմացած նայել էր նրան եւ հարցրել.

-Ի՞նչ է տեղի ունենում, Հուայմին:

Դու Հուայմինն արագ վերցրել էր վերարկուն եւ ձեռքերը մտցրել վերարկուի թեւքերի մեջ:

ՉԺԵՆ ԱՅՁՈՒՑՈՒՑ

-Մեր բնակարանը ջուր է լցվել: Մեր ներքեի հարկի տանն ավելի վատ վիճակ է հաստատ: Գուով եմ տեսնեմ,- ասել էր:

Տուն գնալիս ինքն իրեն քրթմնջում էր. «Տեսնես շա՞տ է վնասը: Տուրը հասել էր ներքեի տան հատակին ու մի հարկ էլ ներքե, ուրեմն հաստատ վատ վիճակ է»:

Երկրորդ հարկի դռան թակոցին ոչ ոք չպատասխանեց: Դու Հուայմինը երկար թակեց դուռը, ապա փորձեց կայել դռան վրայի երկկողմանի դիտանցքից, բայց միայն ինքն իր աղոտ անդրադարձը տեսավ: Ջրի արտահոսքից մեկ օր էր անցել, եւ կա անհանգստանում էր: Ստամոքսում առաջացած կոշտ գունդն ավելի էր ծանրանում: Նրանք ապրում էին դեռ 1980-ականներին կառուցված հին շենքում: Շենքը հատկացվել էր իրենց աշխատանքային միավորման աշխատողներին՝ բնակվելու համար: Հատակի սալիկները ջուրը չէին պահում: Երբ խոհանոցում ուղքերդ լվանում էիր տաշտի մեջ, եթե հատակին մի փոքր ջուր իսկ թափվեր, հատակի ճեղքերով կիջներ ներքեի հարկ: Դու Հուայմինը չէր ուզում մտածել այն մասին, թե ինչ արած կլիներ դարի ջրհեղեղը, որովհետեւ այդ միտքը սարսափեցնում էր նրան: ՌՎ իմանար, թե ջրի հոսքն ինչ էր արել ներքեի բնակարանում:

Հեռուստատեսությամբ հայտնում էին, որ պատերազմն Իրաքում անխուսափելի էր: Երբ երիտասարդ էր, Դու Հուայմինը հետաքրքրվում էր միջազգային իրադարձություններով, հետաքրքրվում էր, թե ինչ է տեղի ունենում Չինաստանում, հետաքրքրվում էր այն ամենով, ինչն իր հետ անմիջական կապ չուներ: Հիմա կա իրեն նեղություն չէր տա անհանգստանալ նույնիսկ եթե իր քաղաքը գտնվեր ոչնչացման եզրին, քանի որ մտածում էր՝ ամենավատ բանը, որ կարող էր լինել, բոլոր մյուսների հետ մեռնելն էր: Որոշել էր բնակարանը հիմնովին մաքրման տալ: Բայց որքան ջանք էր թափում, այնքան ավելի էր հուսալքվում, որովհետեւ տունն ավելի ու ավելի անմխիթար տեսք էր ստանում: Պատերը մի ժամանակ մաքուր ու սպիտակ էին, բայց հիմա մաշված ու տգեղ տեսք ունեին: Նրա բոլոր գործընկերներից յուրաքանչյուրը երկուական բնակարան ուներ: Դու Հուայմինի տարիքի ցանկացած մեկի համար բացարձակ ընդունված կարգ էր երկու բնակարան ունենալը, բայց Դու Հուայմինը չուներ: Կեսօրից հետո, երբ նրա գործընկերներն անելու բան չէին ունենում, նստում էին աշխատասենյակում եւ ոգեւորված խոսում բնակարանների գների մասին: Մինչդեռ Դու Հուայմինը նստում էր առանձին մի անկյունում եւ լրագիր էր կարդում՝ ամեն կերպ ջանալով էջերը հնարավորինս կամաց թերթել, քիչ աղմուկ

հանել եւ քիչ շարժումներ անել, որպէսզի ուշադրություն չգրավի: Նա լուռ էր մնում՝ բացարձակ անտարբերություն ցուցաբերելով գործընկերների գրոյցի նկատմամբ: Մի անգամ ասաց.

-Ինձ ընդամենը քնելու տեղ է պետք: Ի՞նչ կարիք կա անհանգստանալ անշարժ գոյք ունենալու համար:

Գործընկերներից մեկը մեղմ հումորով ասաց.

-Հուայմինը սիրում է, որ ամեն բան հեշտ լինի: Նա ավելի անհոգ կյանքով է ապրում, քան մենք: Մենք մեր սեփականության ստրուկն ենք:

Բայց Հուայմինն, իհարկէ, գիտեր, թէ իրականում նրանք ինչ են մտածում: Դու Հուայմինը հոյս չունէր, թէ կկարողանա նոր բնակարան գնել: Նա նույնիսկ երագում էր այդ մասին: Առաջին հերթին դա ուզում էր ինքնահարգանքի համար, երկրորդ հերթին՝ ավագ որդին՝ Դու Յուանը, մի քանի անգամ ակնարկել էր, որ ընկերուհին չի ամուսնանա իր հետ, մինչեւ նոր բնակարան չունենան: Այս հարցում որդու եւ նրա ընկերուհու, ինչպէս նաեւ ընկերուհու ընտանիքի միջեւ շատ տարածայնություններ կային: Երբ Դու Յուանը տուն էր գալիս, որ գիշերն այդտեղ անցկացնի, Դու Հուայմինն արդէն գիտեր, որ նա եւ ընկերուհին դարձյալ վիճել են այդ թեմայով:

Դու Հուայմինը մտածել էր, թէ արդյոք պէ՞տք է բնակարան գնի որդու համար: Դու Յուանը չափազանց մեծ պահանջներ չունէր, եւ աշխարհում ծնողի համար ամենաբնական բանը ամուսնացած զավակի համար բնակարան ձեռք բերելն էր: Խնդիրն այն էր, սակայն, որ Դու Հուայմինը բավականին գումար չունէր կանխավճար մուծելու համար, որը հարյուր հազար յուանից պակաս չէր լինի: Իսկ նա առավելագույնը հիսուն կամ վաթսուն հազար ուներ: Կինը վախճանվեց առանց մեկ անգամ վիրահատվելու, ինչը նրանց համար ամբողջ մի կարողություն կարժենար, բայց նրա հիվանդությունը ընտանիքի նյութական միջոցներին շատ լուրջ հարված հասցրեց: Եվ եթէ Դու Հուայմինը բնակարան գներ, ի՞նչ էր անելու կրտսեր որդու համար: Արդյո՞ք բնակարան չէր լինելու կրտսեր որդու համար, երբ ավագ որդին ի վերջո ամուսնանար: Բացի այդ, ի՞նչ կլինէր, եթէ Սյաոցզյան ինստիտուտ ընդունվեր: Դա մեկ այլ մեծ ծախս էր լինելու: Մի ժամանակ Սյաոցզյան շատ էր խոսում այն մասին, թէ ինչպէս իր մի խումբ դասընկերներ սովորելու համար գնում էին Կանադա կամ Ավստրալիա: Եթէ հիմա ինքը երկրորդ բնակարանը գներ, դա հավասարազոր կլինէր երաշխավորելու, որ ապագայում պարտքերի տակ էր ընկնելու: Մի անգամ Սյաոցզյանի հետ առանձին խոսել էր Դու Յուանի համար բնակարան գնելու հավանականության մասին: Հարցրեց նրան, թէ արդյոք չի՞ մեղադրի

ՉԺՇՆ ԱՅՁՈՒՑՈՒՑ

իրեն, եթե համալսարան ընդունվելու դեպքում ուսման վարձ վճարելու փող չունենան: Սյաոցզյան անձնագրհաբար տարուբերեց գլուխը եւ ասաց.

-Գնիր: Ուշ թե շուտ պետք է տեղափոխվենք, դուրս գանք եւ աղբակոցից: Մի քանի տարի անց չենք կարողանա ծախել, Լույսիսկ եթե ուզենք:

Դու Հուայմինը չէր սպասում, որ Սյաոցզյան այդքան մեծահոգի կլինի: Թվում էր՝ տղան պատասխանելուց առաջ չէր էլ մտածել եւ իր ապագան ամենեւին հաշվի չէր առել: Ի վերջո, Լա դեռ չափահաս չէր, դեռ չէր կարող շատ հեռու ապագայի մասին մտածել: Դու Հուայմինն այլեւս բնակարան գնելու մասին թեման չշոշափեց, բայց մտքից չէր հանում, եւ դա միշտ ճնշում էր նրան: Երբ Դու Յուանը տանն էր լինում եւ ընկերուհու մասին հարցն էր բարձրացնում, Լա փորձում էր լռիվ չեզոք դիրք գրավել: Որդուն ասում էր.

-Նրա մասին հոգ կտանեմ միայն, երբ կամուսնանաս հետո ու տուն կբերես:

Սյաո Լյուն մի քանի անգամ այցելել էր Դու ընտանիքին: Լա գյուղից էր, բայց եկել էր քաղաք համալսարան ընդունվելու համար եւ միանգամայն վճռականորեն էր տրամադրված՝ այստեղ մնալու: Ահա թե ինչու ամեն անգամ, երբ գալիս էր այս բնակարան, ամեն բան հավաքում, տեղը տեղին կարգի էր բերում, ասես իր սեփական բնակարանը մաքրելիս լիներ: Միայն այն ժամանակ, երբ Լա մաքրում էր, Դու Հուայմինը, որ թախտին Լստաձ լուռ ծխախոտ էր ծխում, մի տեսակ սպառնալիք էր զգում: Այդ ամենն արվում էր Դու Հուայմինի համար: Աղջիկը վճռականորեն տրամադրվել էր ամուսնանալ Դու Յուանի հետ եւ դառնալ այդ ընտանիքի տանտիրուհին:

Դու Հուայմինին դուր չէին գալիս չափազանց ինքնավստահ ու քմահաճ աղջիկները: Նրա համար տան կատարյալ հարսը զուսպ ու համեստ, վայելուչ, իրեն երբեք չպարտադրող է, որ Լախընտրելի էր, քաղաքի աղջիկ պիտի լիներ: Սյաո Լյուն քամու պես արագաշարժ էր, կրակի կտոր: Դու Հուայմինը չէր կարծում, որ Լա ճիշտ չէ: Գիտեր, թե ինչ է Լա ուզում: Ուզում էր այն, ինչ Դու Յուանն էր ուզում: Այդ մասին Դու Յուանն ասաց, թե՛ն Լաբանկատորեն, Սյաո Լյուի առաջին այցելությունից առաջ: Դու Յուանն ասաց.

-Մենք Լորից ենք բնակարաններ փնտրում: Մի քանի լավ բնակարան ենք տեսել, բայց բավարար չափով կանխավճար չունենք:

Սկզբում Դու Հուայմինն անհանգստացավ, երբ լսեց, որ որդին այդպիսի բան է ասում, բայց ի վերջո անտարբեր դարձավ: Պարզապես ասում էր.

-Մի քիչ սպասենք:

Նրանք նորից ու նորից խոսում էին այդ մասին, եւ ժամանակի ընթացքում Դու Հուայմինը որդու աչքերում ավելի ու ավելի ակնհայտ էր տեսնում աճող արհամարհանքը: Նա իրեն ավելի ու ավելի քիչ էր իսկական հայր զգում: Նա կորցնում էր իր ազդեցությունն ու հեղինակությունը:

Ամեն անգամ իրենց բնակարանային համալիրում գտնվող անշարժ գույքի գործակալության գրասենյակի մոտով անցնելիս Դու Հուայմինը մի պահ կանգ էր առնում այդտեղ փակցված ցուցակի առջեւ: Նա հավանել էր մի քանի հին բնակարաններ, որ նախատեսված էին վերավաճառքի համար, բայց միշտ տատանվում էր եւ երբ ետ եկավ, դրանք արդեն վաճառվել էին: Չէր հասկանում, թե որտեղից էին հանկարծ եկել բոլոր հարուստ մարդիկ: Ժամանակները փոխվում էին: Ավելի ու ավելի աղքատ մարդիկ կային, բայց կային նաեւ ավելի ու ավելի հարուստ մարդիկ: Ամեն բան փոխվել էր: Նա մի կողմ քաշեց վարագույրը եւ նայեց բնակարանային համալիրին: Ծառերը նույն ծառերն էին, ամեն տարի դրանց տերեւները կանաչից դեղին էին փոխվում, նորից ու նորից, լուռ կրկնության մեջ, բայց պարզապես չգիտեիր, թե ինչ փոփոխություն կարող է լինել ցանկացած պահի:

Ճաշի ժամանակ Դու Հուայմինն անխոս՝ աչքերը հառել էր հեռուստացույցին, մտքով դեռ ներքեւի հարկի բնակարանում էր: Թրջված թերթերն ու գրքերը կնճռոտվել ու ծոմովել էին: Այդ օրը պարոն Չենը եկել էր եւ ասել, որ իրենց բնակարանում ջուրը ժամանակ առ ժամանակ դեռ կաթում է, եւ ապրելն անհնարին է: Դու Հուայմինը ոչինչ չէր կարող անել, ներողություն խնդրելուց բացի: Պարոն Չենը հարցրեց.

-Երկրորդ հարկում ապրողը դեռ չի՞ վերադարձել:

Դու Հուայմինը գլուխը տարուբերեց: Պարոն Չենն ասաց.

-Հաստատ ինչ-որ մեկն ապրում է էնտեղ: Մի երկու օր առաջ ձայն լսեցինք, ինչ-որ շարժում կար:

Դու Հուայմինը, մի տեսակ պաշտպանվելով, ասաց.

-Ես ժամը մեկ իջնում եմ ներքեւ եւ թակում դուռը: Բայց ոչ ոք չկա:

-Լավ, հիմա ի՞նչ անենք,- հարցրեց պարոն Չենը:- Երկրորդ հարկում պետք է որ շատ վնասներ հասցված լինեն:

Դու Հուայմինի հետ ասես ինչ-որ բան պատահեց, նա ցնցվեց: Ապա անվճռականորեն ասաց.

-Մենք չենք կարող դուռը կոտրել ու ներս մտնել, չէ՞:

Պարոն Չենն ասաց.

ՉԺԵՆ ԱՅՁՈՒՑՈՒՑ

-Իհարկե ոչ:

Պարոն Չենի գևալուց հետո Դու Հուայմինը մեկ անգամ էլ զանգեց երկրորդ հարկի բնակարանի տիրոջ համարով, բայց ինչպես միշտ լսեց ծայրահարկությունը, որ ասում էր, թե այդ հեռախոսահամարն անջատված է: Ձեռքերը դողում էին, երբ հեռախոսը ցած դրեց: Մի տեսակ անորոշ կանխազգացում ուներ: Նրա կենդանակերպի տարվա նշանը վատ բան էր կանխանշում: Կույր բախտագուշակն ասել էր նրան, որ հատկապես զգույշ լինի գարնանը: Այն ժամանակ ինքը հարցրեց, թե ինչից է զգուշանալու, սակայն բախտագուշակը ոչինչ չասաց: Դու Հուայմինը հասկացավ, որ այդ մարդն ավելին չի ասի, քանի դեռ նրան մի քիչ շատ փող չի տվել, բայց զսպելով ինքն իրեն՝ հարցը չկրկնեց: Եվ հիմա կարծես դժբախտությունն սկսել է ճնշել իրեն, ասես քունքին դրված ատրճանակ լինի: Ուզում էր փախչել, բայց փախչելու տեղ չուներ:

Ճաշից հետո նա շրջեց ամբողջ բնակարանային համալիրում՝ հարցնելով, թե արդյո՞ք որեւէ մեկն ինչ-որ բան գիտե երկրորդ հարկի բնակարանի սեփականատիրոջ մասին: Ամեն մեկն ինչ-որ բան ասաց՝ մեկը մյուսից տարբեր, եւ շրջելով ու հարցուփորձ անելով՝ նա այդպես էլ չկարողացավ իմանալ, թե ով է այդտեղ բնակվում: Բնակարանի սեփականատիրոջ անունը Չժոու Յյուան էր, բայց Չժոուի հեռախոսահամարն անջատված էր: Երկրորդ հարկում, Չժոու Յյուանի բնակարանի դիմացի տանն ապրողն ասաց.

-Չժոու Յյուանը վաղուց է տեղափոխվել:

Դու Հուայմինը խնդրեց, որ իրեն տեղեկություններ տան, թե ինչպես կապվի Չժոուի հետ, բայց այդ մարդն ասաց.

-Ես ինչպե՞ս կարող եմ իմանալ, թե նա ուր է գնացել: Ինչ-որ տեղ մի մեծ բնակարան է գնել: Ինչո՞ւ եք ուզում մարդկանց հետ շփվել այս տիպի վայրում: Կարծում եմ այդտեղ հիմա մի կին է ապրում, բայց չգիտեմ՝ հետն էլի մարդ կա՞, թե՞ մենակ է: Ամեն դեպքում, նա միշտ ուշ է տուն գալիս, եւ ես դեռ երբեք չեմ հանդիպել նրան: Երիտասարդներն այսօր մեզ նման չեն: Նախկինում մենք ընկերներ էինք մեր բոլոր հարեանների հետ: Երիտասարդներն այսօր փակվում են աշխարհից, հեռու պահում իրենց եւ ոչ մի կապ չունեն իրենց շրջապատի մարդկանց հետ:

Դու Հուայմինն ստիպված էր տուն վերադառնալ: Նա արդեն ետ էր եկել, իսկ Սյաոնգյան կլանված հեռուստացույց էր դիտում: Դու Հուայմինն ասաց.

-Ամբողջ օրը հեռուստացույց ես նայում: Ես ի՞նչ է, դպրոց չե՞ս գնացել:

Սյառցյան ասաց.

-Էսօր հատուկ օր է: Ամերիկացիք հարձակվում են Իրաքի վրա: Աշխարհն էլի պատերազմի մեջ է:

Չայրացած Դու Հուայմինն ասաց.

-Ամեն օր էլ պատերազմ է: Էդ անտերը մեզ հետ կապ չունի:

Սյառցյան շրջվեց, որ հորը նայի եւ լուրջ դեմքով ասաց.

-Ինչո՞ւ ես ասում, թե դա մեզ հետ կապ չունի: Մենք հիմի ապրում ենք համաշխարհային մեծ մի գյուղում: Ամեն ինչ իրար հետ կապ ունի: Սի տեղ մի բան փոխվում է՝ ամեն տեղ զգացվում է: Ռ՛նց կարող ես ասել, թե դա մեզ հետ կապ չունի: Եթե Իրաքը դադարեցնի նավթի վաճառքը, բենզինի գինն ամեն տեղ կբարձրանա:

Դու Հուայմինը քմծիծաղեց եւ ասաց.

- Ուց որ թե պատրաստվում ես մեթենա ունենալ: Բենզինի գնի մասին անհանգստանում ես, որ ի՞նչ:

Չնահանջելով՝ տղան ասաց.

-Տաքսի նստում ես, չէ՞:

Երկուսով նստեցին թախտին՝ պատերազմի մասին վերջին լուրերը նայելու: Սի-Էս-Էնի անձնակազմը տարհանել էր իր գրասենյակները: Գերմանիան ՍԱԿ-ին կոչ էր անում միջամտել Իրաքի գործերին: Հազարավոր ցուցարարներ, որ դեմ էին պատերազմին, հավաքվել էին Սպիտակ տան առջեւ՝ ի նշան բողոքի ընդդեմ Իրաքի վրա հարձակման: Բաղդադի օդը ռմբակոծությունների թանձր ծխով էր լի, եւ պայթյունների ձայներն ու ցնցումներն էին լսվում ու երեսում հեռուստացույցի էկրանից:

Այդ գիշեր, ուշ ժամի, երբ Սյառցյան խոր քնած էր, Դու Հուայմինն անկողնում պառկած լսում էր հյուրասենյակի պատի ժամացույցի տկտկոցը: Չայնն ասես մի տեսակ խախտված ու ընդհատ-ընդհատ էր հնչում: Նա մեկ րոպե իսկ այք չէր փակել, իսկ ձայնն ազդում էր նյարդերի վրա: Նրա համար անքնության ամենավատ նշանն այդ ժամացույցի ձայնն էր: Լսում էր, թե ինչպես է իր կյանքն աստիճանաբար մարում՝ վայրկյան առ վայրկյան, րոպե առ րոպե: Ժամացույցի սլաքի ամեն տկտկոցի ու շարժման հետ նրա կյանքն ավելի էր կարճանում: Կաթիլ առ կաթիլ, անընդհատ՝ թափվում էր, ինչպես լավ չփակվող ծորակից: Չայնն ազդում էր նյարդերի վրա: Վաղ թե ուշ՝ ջուրը չորանալու էր իր ձեռքերի մեջ, եւ ինքն ի վերջո դառնալու էր չորուցամաք մի դիակ: Գիշերը լուռ էր ու խաղաղ, ինչպես մտասույզ եւ ներհայեցող մի վանական: Նա չէր կարողանում քնել: Փակեց այքերը եւ ընկավ արթուն երազանքի մի տեսակ խառն զգացողության մեջ: Լուսադե-

ՉԺԵՆ ԱՅՁԱՆԼՅՈՒՑ

մին, ժամը չորսին մոտ, ցնցվեց աստիճաններով վեր բարձրացող ոտնաձայներից: Աստիճանների վրա, ստակատոյի հստակ եւ ընդհատ ռիթմով բարձրակրունկ կոշիկների կտկտոց էր լսվում: Հետո լսեց դուրս հանվող բանալիների ձայնը, ապա բացվող փակակի բարձր ու հստակ ձայնը: Ներքեում ինչ-որ մեկը դուռն էր բացել:

Դու Հուայմինը լարվեց: Սթան մեջ պառկել էր՝ լրիվ զգոն, շունչը պահած, աչքերն առաստաղին հառած: Սպասում էր ու սպասում: Հյուրասենյակի ժամացույցի վայրկենացույց սլաքի պես՝ նա հիմա շարժվում էր դողդոջուն քայլերով՝ դեպի վերջնական կանգառը, որտեղ ավարտվում էր շրջանը: Չգիտեր, թե որքան էր պառկել այդտեղ, մթնում, բայց մի քանի անորոշ, խուլ բառ լսեց ներքեից՝ նախքան ամեն բան կթաղվեր լռության մեջ: Առաջին լույսի հետ, այն պահին, երբ աշխարհն սկսում էր վերագտնել գիտակցությունը, ամբողջ բնակարանային համալիրը տազնապալից լռության մեջ էր: Դու Հուայմինն սկսեց մտածել, որ ոչինչ այլևս չի շարժվի ու կենդանություն չի առնի, եւ երկար ու տխուր հառաչանք արձակեց: Առավոտյան թույլ լույսն աստիճանաբար ներս էր թափանցում հաստ վարագույրների ետեւից: Օրն սկսվում էր:

7

Երբ Դու Հուայմինն աչքերը բացեց, արդեն ժամը ութն էր, եւ որդին վաղուց դպրոց էր գնացել: Չարմացավ, որ չի իմացել, թե որդին երբ է վեր կացել: Նույնիսկ չէր լսել, թե ինչպես է նա լոգարան մտել: Մեռածի պես քնել էր: Սովորաբար, եթե բնակարանի որեւէ մասում ամենաթեթեւ ձայնն իսկ լսվեր, նա անմիջապես արթնանում էր: Արդեն ուշանում էր աշխատանքից, դրա համար էլ շտապեց լվացվել եւ հագնվել: Արագ վերցրեց պորտֆելը եւ հենց որ դռնից ոտքը դուրս դրեց, նայեց այն կողմը, որտեղ ակնկալում էր կնոջ տեսնել:

Դու Հուայմինն ու կինը քիչ էր մնում գլուխներով իրար բախվելին: Դու Հուայմինը չէր կարող ասել՝ արդյոք նա նո՞ր էր ժամանել, թե՞ որոշ ժամանակ կանգնել էր սանդղահարթակում՝ սպասելով իր դուրս գալուն: Կինը կլիներ մոտ երեսուն տարեկան: Չվաճեւ դեմք ուներ, երազկոտ, ցանկահարույց աչքեր եւ հարթ ու փայլուն մաշկ: Հագել էր երկար, գլուխով վերնաշապիկ եւ սեւ գանգապաններ: Գայթակղիչ էր եւ շատ գրավիչ: Վարժ ու փորձված շարժումներով՝ ծխախոտի գլանակից ծխի մի քուլա արձակեց եւ ասաց.

-Ձեր տանը ջրի արտահոսք է:

Դու Հուայմինը կարմրատակեց եւ արագ քրթմնջոց արծակեց, որ նշանակում էր «այո»: Կինը հենվեց դռան շրջանակին եւ հայացքը պտտեց բնակարանով մեկ: Ի վերջո նրա հայացքը կանգ առավ Դուի հանգուցյալ կնոջ՝ սեւ շրջանակով լուսանկարի վրա:

-Ներքեում իմ բնակարանը ջրից ահագին վնաս է կրել: Անցած գիշեր անհնար էր այնտեղ քնելը:

Դու Հուայմինը ներողություն խնդրեց՝ մի բաժակ ջուր լցնելով նրա համար: Ապա ասաց.

-Ներս եկեք եւ նստեք: Ես այնքան մտահոգ եմ եւ դժվարին վիճակում:

Կինը դանդաղ ներս մտավ՝ փարթամ կոնքերը պտտելով եւ զգուշորեն նստեց թախտի եզրին:

-Մենա՞կ եք ապրում,- հարցրեց:

Դու Հուայմինը շրջվեց ու դուռը ծածկեց:

-Երկու որդի ունեմ, բայց այստեղ չեն ապրում: Սա կինս է: Մահացել է,- ասաց նա:

Կինը հայացքը բարձրացրեց ի նշան հարգալից ուշադրության եւ մեղմ արտաբերեց՝ «Օ»: Նրա ձայնի հնչերանգից Դու Հուայմինը կռահեց, որ Սիչուանից է: Կինը հարցրեց.

-Ծորա՞կն էիք մոռացել փակել:

Դու Հուայմինն արագ ասաց, որ ջրի խողովակն էր պայթել, ապա երկար-բարակ խոսքեր ասաց՝ ըմբռնումով մոտենալու վերաբերյալ: Կինը ոտքի ելավ եւ ասաց.

-Պետք է իջնեք ներքեւ եւ նայեք: Սինչեւ երեկ գիշեր ես այդ մասին չգիտեի: Ամեն ինչ թրջվել է ու ջրով ներծծվել:

Դու Հուայմինը նրա ետեւից ներքեւ իջավ: Բնակարանը սարսափելի խղճուկ տեսք ուներ: Հին կահույքի կտորները արդեն մեկ տասնամյակ առաջ էին նորածնությունից դուրս եկել: Հիմա այդպիսի կահույք միայն վարձակալման կետերում կարելի էր տեսնել: Դու Հուայմինը հարցրեց.

-Բնակարանը ձեր սեփականն է, թե՞ վարձով եք մնում:

Կինն ասաց, որ վարձակալել է: Հատակին դեռ ջուր կար կանգնած, իսկ չորացած տեղերում՝ ետուառաջ արած ոտքերի հետքեր կային: Կինն ասաց.

-Նայեք այստեղ: Իմ վերմակը, իմ սավանները, իմ կոշիկները: Լրիվ թրջված են: Սա լուրջ բան է:

Դու Հուայմինն արագ եւ անշնորհք ձեռով ներողություն խնդրեց, բայց

ՉԺԵՆ ԱՅՁՈՒՑՈՒՑ

ներքուստ իրեն փոքր-ինչ ավելի լավ էր զգում՝ իրերի հետ կապված:

Կնոջ պայուսակի միջից լավեց հեռախոսի գանգի բարձր ձայնը: Նա նայեց Դու Հուայմինին, եւ վերջինս քաղաքավարությամբ ու ըմբռնումով մի կողմ քաշվեց: Հեռախոսից տղամարդու բարձր, ընդհատվող ձայն էր լսվում: Այդ ձայնն արագ ասաց.

-Այս գիշեր ժամը ութին: «Ժամին» հյուրանոց, 8037 սենյակ: Մշտական հաճախորդ է: Պատրաստ եղիր, Ցին: Տղան հիշում է քեզ, գիտես:

Կինն ի պատասխան ինչ-որ բան փնթփնթաց, սորից նայեց Դու Հուայմինին եւ չրխկացնելով փակեց բջջային հեռախոսը:

-Ինքներդ նայե՞ք: Կարող եք տեսնել, թե ինչ խառնաշփոթ է: Արե՞ք, ինչ ճիշտ եք համարում:

-Դուք որտե՞ղ եք աշխատում:

Կինը նայեց Դու Հուայմինին, փոքր-ինչ վարակեց, ապա մի տեսակ անհամբեր տոնով ասաց.

-Իսկ ի՞նչ տարբերություն:

Աչքերը մատնում էին, որ նա ուզում է հարցի պատասխանից խուսափել:

Դու Հուայմինն սկսեց հաշվարկներ անել, թե ինչ կպահանջվի այդ կնոջը հանգստացնելու համար: Կարծես նրա միտքը կարդալով՝ կինն ավելի հարձակողական դիրք բռնեց եւ ասաց.

-Լավ նայե՞ք շուրջը: Վերմակը թաց է: Այս եղանակին երբեք չի չորանա:

Այդ սքանչելի արարածն իմաստուն էր եւ օգտվում էր վնաս կրած կողմի իր վիճակից, որպեսզի վախեցնի Դու Հուայմինին: Նա ակնհայտորեն թույլ հակառակորդ չէր:

Նրա հայացքը տեսնելով՝ Դու Հուայմինն ավելի մեղմ մոտեցում փորձեց ցուցաբերել:

-Շատ եմ ցավում: Իսկապես: Սա այլեւս չի կրկնվի, - ասաց:

Կնոջ հեռախոսի գանգը կրկին ընդհատեց նրանց խոսակցությունը՝ Դու Հուայմինին ազատելով ավելին ասելու պարտադրանքից: Վերջինս խոր հոգոց հասեց: Կինն աչքի պոչով զգուշացնող մի հայացք նետեց նրա վրա եւ, նախքան հեռախոսին պատասխանելը, քայլեց դեպի լուսամուտը:

-Որտե՞ղ,- հարցրեց:- Արդեն հաճախորդ ունեմ այս գիշեր... Ես չգիտեմ, թե որտեղ է «Ինը վիշապների» միջազգային հյուրանոցը... Ի՞նչ: Լավ, Ա Ցյաոյին համոզիր՝ թող իմ տուն գա... Արդեն ասել եմ, որ չգիտեմ որտեղ է դա... Լավ:

Չայրացած փակեց բջջային հեռախոսը, հետո գլուխը բարձրացրեց՝

նորից նայելու Դու Հուայմիսի կողմը: Դու Հուայմիսի ձայնի հնչերանգը հանկարծ փոխվեց, եւ նա ասաց.

-Ասացիք «Ինը վիշապների» միջազգային հյուրանոց, չէ՞: Ես գիտեմ որտեղ է դա:

-Ե՞վ...,- սառը տոնով ասաց կինը:

-Այդտեղ չե՞ք գնում:

-Վե՛րջ տվե՞ք,- անհամբեր ընդհատեց նրան կինը:

-Դուք Նանչունի՞ց եք,- հարցրեց Դու Հուայմիսը:

Անակնկալի եկած՝ կինը նայեց նրան, շիկնեց եւ գլուխը տարուբերեց:

-Ո՛չ, Նանչունից չեմ: Ինչո՞ւ եք այդպես մտածում:

Կինը սա ասաց առանց սիչունանյան առոգանության նշույլի:

Դու Հուայմիսը նայեց բազմոցի անկյունում դրված մեծ հողաթափերին:

Նրա համար հետաքրքիր էր, թե ինչո՞ւ հողաթափերի տերը չի երեւում:

-Սենա՞կ եք ապրում:

-Գրո՞ղը տանի:

Վերջապես համբերությունը կորցնելով՝ կինը մռայլվեց, զայրացած վեր բարձրացրեց հոնքերը, մատն ուղղեց դեպի Դու Հուայմիսը եւ ասաց.

- Ասացե՞ք, թե ինչ եք պատրաստվում անել բնակարանի հետ կապված: Եվ թեման մի՛ փոխեք:

Դու Հուայմիսը մոտիկից շատ ուշադիր նայեց նրան՝ իրեն ավելի թեթեւ ու անկաշկանդ զգալով: Գոնե հիմա գիտեր, թե նա ինչ է ուզում: Կնոջ փոքրիկ, սիրունիկ դեմքը կարմրատակեց նրա հայացքի ներքո: Դու Հուայմիսն զգում էր, որ սիրտն սկսում է ավելի ու ավելի արագ բաբախել, եւ չէր կարողանում ինքն իրեն հանգստացնել: Կինն այնքան լավիկն էր: Ինչպե՞ս էր հասել այս վիճակին: Իհարկե, այսպես հրամայական ու ամբարտավան լինելը բավական էր, որ տղամարդը զայրանար: Պատասխանատվությունն իր վրա վերցրեց՝ ասելով.

-Մեղքն իմն է: Անփույթ եմ եղել, եւ հիմա տեսե՞ք...

Տանք թափեց ավարտելու նախադասությունը: Ստադիո էր մի թիվ ասել, բայց չգիտեր, թե որքան պետք է վճարեր նրան, կամ ինչպես կարող էր խոսք բացել փողի մասին: Կինը հայացքը շրջել էր, որպեսզի ուսումնասիրի վարագույրների ծալքերը: Կիսադեմից նա է՛լ ավելի գայթակղիչ էր:

-Իսկ սրա մասի՞ն ինչ կասե՞ք,- ասաց նա՝ գլուխը բարձրացնելով եւ նայելով Դու Հուայմիսին: Ես միայն վարձակալում եմ այս բնակարանը եւ չեմ ուզում այնպես անել, որ ձեզ համար չափազանց դժվար լինի: Ինձ հազար յուան տվեք: Համաձայնե՞ք՝ դա չափազանց մեծ գումար չէ: Վերմակը, սա-

ՉԺԵՆ ԱՅՁՈՒՅՈՒՑ

վանները, բազմոցը, ամեն բան ջրով է ներծծված: Իսկ երբ այդ իրերը թրջվում են, շատ բան չես կարող անել:

Նրա աշխույժ, վճռական տոնից Դու Հուայմինը հասկացավ, որ սա առաջարկած ամենաքիչ գումարն է:

-Հազար:

Դու Հուայմինն ակնհայտորեն շփոթված էր: Նա ասաց.

-Իսկ հնարավոր չէ՞ մի փոքր ավելի քիչ: Ես սա մտադրված չեմ արել: Ութ հարյուրի մասին ի՞նչ կասեիր:

-Ութ հարյուր:

Կինը հոնքերը վեր բարձրացրեց՝ աչքերում արհամարհանքի նշույլ:

-Շատ լավ: Ութ հարյուր, ուրեմն: Ես գործեր ունեմ անելու: Չեմ պատրաստվում վիճաբանել:

Նրա աչքերի արհամարհանքը Դու Հուայմինի համար ասես որովայնին հասցված բռունցքի հարված էր: Շունչը կտրվեց: Կինը կռացավ, որպեսզի հատակից վերցնի բջջային հեռախոսի լիցքավորիչը, եւ նրա վերնաշապիկի բացվածքից Դու Հուայմինին երեսաց քաջվարդի ապշեցուցիչ մի դաջվածք: Այնտեղ՝ նրա լիքը, ճերմակ կրծքերի վերելում, ասես պահպանիչ թալիսման լիներ:

-Եթե փողն այսօր եք ուզում, ապա դա պետք է վեցից հետո լինի: Ես աշխատանքի պիտի գնամ,- միանգամից ասաց Դու Հուայմինը:

-Չե՞ք կարող հիմա տալ,- զարմացած հարցրեց կինը:

-Աշխատանքի պիտի գնամ: Իսկապես պետք է աշխատեմ: Անգործ ու անբան մեկը չեմ: Չեմ կարող գործից ուշանալ:

Դու Հուայմինը զարմացավ իր այդքան հիմար ու անտաշ լինելու վրա:

-Ուղիղ վեցին եկեք, փողը պատրաստ կլինի:

-Ինչպե՞ս կարող եմ վեցին ժամանակ ունենալ: Ես միայն ցերեկն ունեմ ազատ ժամանակ,- ասաց կինը՝ չհամաձայնելով:- Իսկ ցերեկով չի՞ լինի:

-Ես այսօր կեսօրին ժամանակ չունեմ, իսկ կեսօրից հետո հանդիպում եմ կազմակերպելու,- ասաց Դու Հուայմինը՝ մի պահ ուսումնասիրելով կնոջը: Ապա լռեց, հետո ասաց.

-Վաղը կեսօրին շատ հարմար կլիներ: Եկեք պայմանավորվենք վաղը կեսօրին հանդիպել, լա՞վ:

Կինը համաձայնեց, թվում է՝ նույնիսկ առանց այդ մասին մտածելու:

Դու Հուայմինը ցույց տվեց, թե շտապում է մեկնել աշխատանքի, բայց նախքան գնալը կնոջից խնդրեց նրա բջջային հեռախոսի համարը:

-Թույլ տվեք ձեր հեռախոսահամարն ունենալ, եւ վաղը կեսօրին կապի մեջ կլինեմ ձեզ հետ,- ասաց:

Կինն ասաց.

-Ես հենց ներքեւի հարկում եմ, էլ համարն ի՞նչ եք անում:

Նա Դու Հուայմիսին կայեց փոքր-ինչ կասկածանքով: Վերջինս ժպտաց եւ ասաց.

-Միշտ էլ հեռախոսահամարներ փոխանակելը շատ լավ է: Ամեն ինչ այսքան վատ չէր լինի ջրի այս արտահոսքի հետ կապված, եթե իմանայի, թե ինչպէս կապվեմ ձեզ հետ: Ճիշտ չէ՞:

Կինը մի պահ շփոթված կանգնել էր՝ չիմանալով, թե ինչպէս մերժի նրան, մինչեւ որ ի վերջո տվեց իր հեռախոսահամարը:

Դու Հուայմիսն ասաց.

-Երբ ժամանակ կունենաք, այցելեք: Մենք հարեաններ ենք, մեկս մյուսին պետք է օգտակար լինենք:

Կինը քաղաքավարի ժպտաց, ինչը հրաժեշտի նշան էր:

8

Բաղդադի վրա ամերիկյան հարձակումը հեռուստատեսությամբ ավելի արագ էր եւ ավելի վայրագ տպավորություն էր թողնում, քան Սյաոցզյան երբեւէ կարող էր պատկերացնել: Բայց Սադդամը չէր գլխատվել: Նա դեռ ողջ էր, նույնիսկ հեռուստատեսությամբ ելույթներ էր ունենում: Սադդամն ասում էր, որ ամերիկյան հարձակումը ոտնձգություն է Իրաքի ինքնիշխանության դեմ: Նա կոչ էր անում Իրաքի յուրաքանչյուր քաղաքացու՝ պայքարել տան եւ երկրի համար: Ասում էր, որ Իրաքի վրա հարձակումն ամոթալի է, եւ խոստանում էր, որ Իրաքի թշնամիները կկործանվեն:

Առավոտյան Սյաոցզյան մտավ լոգարան լվացվելու: Նայեց դեմքին հայելու մեջ եւ հիմար վիճակում զգաց իրեն: Շուրթի վրայի աղվամազը թավ էր, բայց փափուկ էր ու դեղին եւ պատշաճ տեսք չուներ: Նա ամեն առավոտ տազնապով էր նայում դեղձի մազմզուկների սմանվող աղվամազին՝ չիմանալով ինչ անել դրա հետ: Իսկ աղվամազը պարզապէս շարունակում էր աճել: Երբեմն դասարանում, երբ ոչինչ չէին անում, նայում էր դեմքին՝ իր հետ բերած փոքրիկ հայելու մեջ եւ հատիկ-հատիկ քաշում ու պոկում էր աղվամազը, ասես խոտն էր արմատներով դուրս քաշում: Չգուց Էր մաշկի վրայի ամեն մի փոքրիկ փուշը: Մի քանի օր անց, սակայն, իր այդ դեղ-

ՉԺԵՆ ԱՅՁԱՆԼՅՈՒՑ

ձի մազմզուկ աղվամազերն էլի աճում էին՝ ավելի արագ եւ ավելի խիտ, կարծես միտումնավոր վրեժխնդիր էին լինում: Սյառցոյան դրանից հետո սովորեց դեմքի մազերով շատ չտարվել: Երբ դրանք դուրս էր քաշում, ավելի հաստ ու խիտ էին աճում, հետո ավելի դժվար էր լինում պոկելը:

Մատները թեթեւակի սահեցրեց դեմքի մազերի վրայով, հաշտեցնող, շոյող մի շարժումով, ինչպես թագավորն է փորձում պաշտպանվելով ետ մղել իր պաշտոնյաների պահանջները, եւ գիտակցելով, որ իր իշխանութունը բացարձակ չէ: «Ֆիլիպս» էլեկտրական ամելին լվացարանի վերելում էր: Մի քանի ժամ լիցքավորելուց հետո կարող էր այն օգտագործել ավելի քան մեկ ամիս: Սիացնելիս այն բզզում էր (դա Սյառցոյային հիշեցնում էր հեռուստացույցով իր տեսած՝ մարգագետին հնձող մեքենայի ձայնը): Դրա երեք պտտվող սայրերն արագ կատարում էին իրենց գործը, եւ հայելու մեջ շուտով երեւում էր մաքուր սափրված մի մարդ: Աձեյին փորձելու գայթակղությանը տրվելով՝ միացրեց այն: Ձայնը հաստատուն էր ու տիրական: Արագ անջատեց: Իր կզակի մազերը փափուկ էին ու դեղին, ոչնչով նման չէին եղբոր մուգ եւ թավ մազերին, ամենեւին նման չէին: Դասընկերներն ասում էին, որ ինչքան շատ սափրվես, այնքան մորուքդ ավելի թավ կաճի, եւ եթե շարունակես սափրվել, ի վերջո շատ արագ կնմանվես միջին տարիքի տղամարդու: Եվ այլեւս հնարավոր չի լինի կասեցնել դա ու նորից երիտասարդ տեսք ունենալ:

Սյառցոյան վախենում էր չափազանց իշխող ամեն ինչից, այդ թվում հաստիկ Լյու Սինից եւ նրա տիրական ու ամբարտապան ահաբեկումներից:

Լյու Սինը եւ Լի Լենն այն մեծ ընդհարումից հետո կարծես պատրաստ էին ամեն անգամ կռվելու, երբ միմյանց ընդառաջ էին դուրս գալիս: Հաստիկն ուզում էր իր հեղինակությունը վերականգնել, իսկ Կարտոլը կարծես մի տեսակ անսպառ ուժ էր ձեռք բերել Չժաո Յասիի աջակցությունից եւ դարձել էր անվախ: Տղաներից ոչ մեկն ուղիղ չէր նայում մյուսի աչքերի մեջ, երբ հանդիպում էին: Լյու Սինն այնքան զայրացած էր Լի Լենի բացահայտ անհնազանդությունից, որ խիստ թշնամաբար էր տրամադրված:

Ոչ ոք չգիտեր, թե ով սկսեց լուր տարածել, որ Լյու Սինն ու Լի Լենը պայմանավորվել են կռվելու ժամանակի եւ տեղի մասին, բայց լուրը մակընթացության ալիքի պես տարածվեց ամբողջ դպրոցում: Լյու Սինն անտարբեր ասաց.

-Ո՛ր էր թե եղ փոքրիկ փսլնքոտը համարձակվեր հետս կռվել:

Լի Լենն անցնում էր բոլորի մոտով, ինչպես խորապես դժգոհ մի տղա,

բայց ոչ ոք չէր կարող ասել, թե իրականում ինչ է մտածում: Երկուսից ոչ մեկը չէր հայտնում, թե իրականում ինչ է մտածում, եւ ոչ էլ հաստատում կամ ժխտում էր, թե պատրաստվում են կռվել: Բայց բոլորը համոզված էին, որ կռիվը տեղի կունենա այդ օրը դասերից հետո, ծառերի փոքրիկ պուրակում՝ մարգաղաշտի կողքին: Ինչ-որ մեկը շշջաց, որ Լի Լենի պայուսակում գրպանի դանակ է տեսել: Բոլորը համոզվել էին, որ ոչ մի ուսուցիչ կամ մեծահասակներից ուրիշ մեկը գլխի չէին ընկել, թե ինչ է լինելու: Եվ բոլորն անհամբեր սպասում էին, որ կեսօրն անցնի:

Լյու Սինն ու Լի Լենը փորձում էին մեկը մյուսին գերազանցել՝ ցույց տալով, որ չեն վախենում եւ չեն զիջելու: Դասից հետո Սյանգոյան փորձեց կատակել Լի Լենի հետ՝ ասելով.

-Պատրաստ ես կռվելու:

Լի Լենը ծաղրական փնջացրեց եւ ասաց.

-Ինչի՞ համար ես եղբան շատ ուզում մեր կռվելը:

Սյանգոյան կտրականապես ժխտեց, թե այդպիսի բան կա: Եթե մի քանի օր առաջ լիներ, Սյանգոյան Լի Լենին կպաշտպաներ եւ կուզեր, որ նա մի լավ պատժեր Լյու Սինին: Բայց հիմա այլեւս այդպես չէր մտածում: Հիմա ուզում էր, որ Լյու Սինը նվաստացնի Լի Լենին, որպեսզի վերջինս հասկանա, թե ինչ է տեղի ունենում, երբ չես պաշտպանում ինքդ թեզ, քո տեղն ու դիրքը:

Որքան դպրոցական օրվա ավարտը մոտենում էր, այնքան դասարանում տրամադրությունն ավելի ու ավելի էր լարվում:

-Ասում են՝ մի լավ ջարդ ես տալու նրան: Ճի՞շտ է,- թաքուն հարցրեց մեկը Լյու Սինին:

Լյու Սինը գոռոզ տեսք ընդունեց, ձեռքով թփթփացրեց կրծքին եւ ասաց.

-Հա: Ինքնահավան փոքրիկ քաջլան:

Մի փոքր անց նույն հարցն ուրիշները տվեցին Լի Լենին:

Վրդովված՝ Լի Լենը պատասխանեց.

-Էդ հաստիկ գլուխգովանը շատ է չափն անցնում:

Հենց զանգը հնչեց, աշակերտները դուրս թռան դասարաններից, կռվողներից մեկնումեկի կողմն անցնելով՝ դուրս եկան դպրոցի շենքից: Սյանգոյային այնպես էր թվում, թե Լյու Սինն ու Լի Լենը պատանդ են վերցվել եւ չգիտեն էլ, թե իրենց ուր են տանում: Լյու Սինն ու Լի Լենն այնպես էին նայում, ասես այլ մտադրություն ունեին, բայց ամեն ինչ հիմա իրենց կամքից անկախ էր լինում:

ՉԺՇՆ ԱՅՁՈՒՑՈՒՑ

Ծառերի պուրակում մուժ էր ու հանգիստ: Տերեւներից դեռ թափվում էին գարնան անձրեւի կաթիլները: Մի քիչ սառն էր: Ամբոխն անհանգիստ էր, բաժանվել էր երկու խմբի: Լյու Սինին և Լի Լենին առաջ հրեցին:

Երկուսն էլ իրար նայեցին, ոչ ոք չէր ուզում առաջին շարժումն անել: Սպասումից դողում էին:

Մթնոլորտը լարված էր, բոլոր տղաները լարված սպասում էին՝ անհամբերությամբ ու վառ երեակայությամբ լի: Բայց ո՛չ Լյու Սինը, ո՛չ Լի Լենը չէին ուզում առաջինը հարվածել: Նրանց նայելիս կարող էր թվալ, թե ընկերներ են, որոնց ստիպել են կռվել իրար հետ:

-Կռվե՞ք: Էս ի՞նչ եք անշարժ կանգնել,- անհամբեր ասաց տղաներից մեկը:

-Խփի՛ դրան, չադո՛:

-Ձենդ կտրի՛,- ասաց Լյու Սինը՝ ետ նայելով: Աչքերը գայրույթից նեղացել էին:

-Էս ի՞նչ է, ձանձրացանք,- ասաց մեկը՝ արտահայտելով ընդհանուր հիասթափությունը:

Ամբոխով օղակված՝ Լյու Սինն ու Լի Լենը պտտվում էին իրար շուրջ, ետուառաջ նայում, բայց ոչ մեկն առաջինը չէր հարվածում: Ուժ էին խնայում:

Լյու Սինն ասաց.

-Էլի՞ քեզ եղպես ես պահելու իմ դեմ:

Լի Լենն ասաց.

-Ինչի՞ մասին ես խոսում: Բոլորն էլ տեսան՝ ինչ էիր անում:

Լյու Սինն ուրիշ ոչինչ չասաց: Նա հրեց Լի Լենին: Լի Լենը, իմանալով, որ չի կարող նահանջել, իր հերթին հրեց Լյու Սինին: Եվ երկու տղաներն ընկան իրար վրա՝ հարվածելով ու հրելով: Ամեն ինչ խառնվեց իրար: Տղաներն ամբոխի մեջ խիստ հուզված էին, որպեսզի հստակ տեսնեին ամեն բան: Լի Լենն ընկավ գետնին՝ Լյու Սինի տակ, բայց հետո նորից ոտքի ելավ: Երկուսն էլ ցեխակոլով էին, լարված ու ծամաճռված դեմքերով, ծանր էին շնչում:

Լյու Սինն, իհարկե, ավելի ուժեղ էր, քան Լի Լենը և առավելություն ուներ: Նա նստեց Լի Լենի վրա՝ զրկելով շարժելու հնարավորությունից, ձեռքերով բռնելով նրա պարանոցից և խեղդելով:

-Էլի կկռվե՞ս հետս, ուժեղ տղա,- ասաց նա:

Լի Լենը պայծարում էր ազատվելու համար՝ ոտքերն արագ շարժելով և շուրջբոլորը ցելս շաղ տալով: Որքան էլ ջանում էր, չէր կարողանում դուրս

պրծնել Լյու Սինի տակից: Լյու Սինը նստեց նրա վրա՝ հպարտ ծիծաղելով: Թվում էր Լի Լենը վերջնականապես պարտվել է, բայց հենց այդ ժամանակ Չժաո Յասին չգիտես որտեղից հայտնվեց եւ առաջ նետվեց՝ ուժով մի կողմ հրելով իր առջեւ գտնվող ամբոխին:

-Վե՛րջ տվե՞ք կովելուն,- ճչաց սուր ձայնով:

Լյու Սինը զարմացավ ու մի պահ շփոթվեց, եւ Լի Լենը, դրանից օգտվելով, օձածկան պես դուրս սահեց նրա ոտքերի արանքից: Չեռքը խարխափելով մտավ գրպանն ու դուրս եկավ: Գրպանից հանած ձեռքում ճաշի գդալ էր: Այդ պահին Լյու Սինն ուշադիր չէր:

Լի Լենը ձեռքում ամուր բռնեց գդալը: Ծանր հեալով՝ թափահարեց այն: Գդալը տեսնելով՝ բոլորն սկսեցին բարձրաձայն ծիծաղել: Ոչ ոքի մտքով իսկ չէր անցնում, որ Լի Լենն իր մոտ գդալ էր թաքցրել: Ծիծաղը խոցեց Լի Լենի ինքնասիրությունը: Նա տեսավ, որ Չժաո Յասին գդալին է նայում, ապա աղջիկը նրան նայեց հեզնական տարակուսանքով: Նա սաստիկ կարմրեց եւ գդալը ցած գցեց:

Ամեն անգամ այդ մասին մտածելիս Սյաոցզին միշտ համոզված էր, որ Չժաո Յասիի հայացքն էր, որ պարտության մատնեց Լի Լենին: Նա ընկճված մի կողմ էր նետել գդալը եւ ամբոխի միջով ճանապարհ հարթելով հեռացել՝ առանց Լյու Սինին նայելու: Տղաների մոտ նրա հեղինակությունն ընկել էր:

Կեսօրից հետո Դու Հուայմինը միայն մեկ հաղորդագրություն ստացավ ավագ որդուց: Դու Յուանն ասում էր, որ գիշերը տուն է գալու: Դու Հուայմինը հաղորդագրություն ուղարկեց՝ հարցնելով, թե Դու Յուանն ու Սյաո Լյուն դարձյալ վիճե՞լ են: Դու Յուանից պատասխան չեկավ: Վերջերս որդին շատ էր իր տանն անցկացնում գիշերը, եւ Դու Հուայմինն սկսել էր կասկածել, որ նրա եւ ընկերուհու հարաբերությունները լավ չեն: Բայց որդուն այդ մասին չէր հարցնում: Չէր ուզում մտահոգվել որդու խնդիրների պատճառով: Անձրեւը խփում էր լուսամուտին: Դու Հուայմինը նստած՝ երկար ժամանակ սուրճի սեղանին դրված իր բջջային հեռախոսին էր նայում: Հաճախ նայում էր թղթին գրված՝ այն կնոջ հեռախոսահամարին: Նա բավականին հմայիչ կին էր, եւ ինքն անընդհատ հիշում էր նրան: Աշխատանքի ժամանակ էլ կինն էր իր մտապատկերում, եւ ինքը, զմայլված,

ՉԺԵՆ ԱՅՁՈՒՑՈՒՑ

անընդհատ ուզում էր հասել հեռախոսն ու զանգել նրան՝ չդիմանալով գայթակղությանը: Նրա կրծքին արված՝ քաջվարդի այն դաջվածքը շարունակում էր կուրացուցիչ փայլել իր աչքերի դեմ:

Դու Հուայմինը մտածում էր, թե ինչպես էր կնոջը տալու ութ հարյուր յուանի պարտքը: Երկու ամիս այդքան փողով կարող էին ապրել: Չգիտեր, թե ինչու համաձայնեց: Ութ հարյուրը զգալի գումար էր: Որքան շատ էր մտածում այդ մասին, այնքան ավելի էր զգում, որ իրեն օգտագործել են: Չգում էր, որ արդար չէ, եթե նա պարզապես ստանա այդ ութ հարյուրը հենց այնպես:

Տանը մենակ ճաշեց: Սյանգզյան երբեմն տուն էր գալիս ճաշելու, իսկ երբեմն էլ դպրոցի մոտակա փոքրիկ ռեստորաններից մեկում էր սևվում: Դու Հուայմինը երբեք ընդմիջման ժամանակ չէր գալիս տուն: Միայն այն ժամանակ, երբ Դու Յուանը եւ Սյաո Լյուն այցի էին գալիս, Դու Հուայմինը գնումներ էր կատարում եւ ճաշի համար հատուկ բան էր բերում: Չէր կարծում, որ ներքեւի հարկում ապրող կինն արդեն վերադարձել է: Ուշադիր ականջ էր դրել, բայց ոչ մի ձայն չէր լսել: Ստածեց «Ինը վիշապների» միջազգային հյուրանոցի մասին եւ հիշեց, որ դա տաք աղբյուրներով հանգստավայր է: Քաղաքից շատ հեռու է: Կինն, անկասկած, լավիկն էր: Երբ մտքերն այդ ուղղությամբ թեքվեցին, հանկարծ զգաց, որ անհանգիստ ու անկայուն վիճակում է: Ամանները լվալուց հետո նստեց թախտին եւ որոշ ժամանակ հեռուստացույց սկսեց դիտել՝ ալիքները շուտ-շուտ փոխելով: Դաշնակիցների առաջ շարժվող զորքերը շոջապատել եւ ջախջախել էին Սադդամի զինված ուժերին: Ճակատային զծի իրաքյան շատ ուժեր արդեն զենքերը ցած էին դրել եւ հանձնվել ամերիկացիներին: Հեռուստացույցն անջատեց եւ ներքեւ իջավ՝ տեսնելու, թե կարո՞ղ է շախմատ խաղալ շենքի դռնապան պարոն Չժանի հետ: Չժանն ամեն օր հանում էր շախմատը, բայց սովորաբար ծեր թոշակառուներն էին խաղում: Միայն ճաշի ժամին կարող էր հերթը հասնել: Դու Հուայմինը նստեց շենքի մուտքի մոտի ծառի տակ՝ մտախոհ նայելով բոլոր ներսուղորս անողներին:

Շախմատի տախտակի վրա ծաղկափոշի էր նստել: Նա ձեռքով մաքրեց այն: Ապա խաղաքարով մի շատ հիմար քայլ կատարեց: Անձրեւը դադարել էր, եւ երկնքից ընկած վերջին լույսը լուսավորում էր բնակարանային համալիրի մի մասը: Նայեց խաղատախտակին եւ զգաց, որ շատ անբարենպաստ վիճակում է: Հանկարծ չարացած հայացքով նայեց հակառակորդին, ծիծաղեց եւ ասաց.

-Հաղթելու եմ:

Խաղընկերը դա լուրջ ընդունեց և ուշադիր զննեց խաղատախտակն ու ասաց.

-Ոչ մի կերպ չես կարող: Բացարձակապես ոչ մի կերպ չես կարող:

Դու Հուայմինը համարձակ, բայց վտանգավոր քայլ կատարեց, որն սպառնալիքի տակ դրեց նրա հնարավորությունները: Եթե այդ քայլը հակառակորդին անակնկալի բերեր, կկարողանար ինքն իրեն փրկել պարտությունից, բայց հակառակորդն անդրդվելի էր, ինչպես բուդոյայական վանական, որ ոտքերը խաչած անշարժ ստոում է միևնույն մեռնելը: Դու Հուայմինն ընկճվեց: Այդ մարդն, անտարակույս, մի լավ հարված հասցրեց իր սափրած գլխին և ծիծաղեց: Նա ասաց.

-Պարտվե՞լ ես ուզում:

Դու Հուայմինը ձեռքից զգեց խաղաքարը և ընդունեց պարտությունը: Վեր կացավ, թափ տվեց տաբատի ստատեդի փոշին և հեռացավ: Բնակարանային համալիրի փողոցների երկայնքով ձգվող ծառերը լրիվ ծաղկել էին և գարնան բույր էին սփռում:

Դու Հուայմինը խոր ներշնչեց այդ բույրը և զգաց, որ հազիվ է կարողանում հուզմունքը զսպել: Արագ քայլեց դեպի դեղատուն և մի տուփ պահպանակ զննեց: Շատ վաղուց էր նման բան արել և մի փոքր շփոթված էր զգում իրեն:

Պահպանակների տուփը դրեց իր մահճակալի մոտի սեղանիկի դարակում, բայց հետո, անհանգստանալով, որ Սյաոցյան կարող է գտնել, պատռելով բացեց տուփը, հանեց պահպանակները և դրեց վերմակի տակ: Վեր կացավ և հանկարծ հիմար վիճակում զգաց իրեն: Բայց հետո նորից մտածեց՝ մի՞թե ԱՄՆ-ը և Իրաքը բաժանված չէին իրարից աշխարհի կեսի չափ հեռավորությամբ և թվում էր լրիվ կտրված են ու ոչ մի կապ չունեն: Բայց հիմա այսպիսի հարաբերություններ են:

Վերջերս Դու Հուայմինն զգում էր, որ կենսական եռանդն ալելի ու ալելի է նվազում: Երբ աստիճաններով վեր էր բարձրանում, երբեմն զգում էր, որ ոտքերում ասես ուժ չունի, և սիրտն սկսում էր արագ զարկել: Ընդամենը երկու-երեք տարի առաջ նման բան չկար: Ճաշից հետո այն ժամանակ երբեմն դուրս էր ելնում և թենիս կամ բադմինտոն խաղում, բայց հիմա պարզապես չէր կարողանում զնայ: Պատահում էր, որ ուտելուց հետո նույնիսկ ամանները լվանալու ուժ չէր ունենում: Հիմնականում հեռուստացույց էր դիտում: Բայց մեծ մասամբ աչքերը բաց ասես երազում էր՝ Էկրանին նայելով: Աշխույժ երիտասարդները, որոնց տեսնում էր Էկրանին, թվում էր՝ ապրում են իր ապրած աշխարհից բոլորովին տարբեր մեկ այլ

ՉԺԵՆ ԱՅՁՈՒՑՈՒՑ

աշխարհում: Իր կյանքի կեսից ավելին անցել էր արդեն, եւ իրեն մնացած ժամանակում նա երեւակայության հաճույքն անգամ չունէր այլեւ: Երիտասարդ ժամանակ Դու Հուայմինը շատ լավատես էր: Հավատում էր, որ ինքն է տնօրինում իր ճակատագիրը: Կարծում էր, թէ կարող է սեփական կամքով սեփական բախտը փոխել: Նայեց հեռախոսահամարների ցանկը եւ հասկացավ, որ գեթ մեկ ընկեր չունի, որի հետ կարողանա թեկուզ հաղորդագրություններ փոխանակելով զրուցել: Միակ անունն այն կնոջ անունն էր, որից սրտի զարկերն սկսում էին արագանալ:

Հաղորդագրություն ուղարկեց կնոջը՝ հարցնելով, թէ երբ է նա վերադառնալու: Ստաճում էր, որ միանգամայն ընդունելի եւ պատշաճ է իր այս հարցը: Բայց կինը չպատասխանեց: Սպասեց երկար, ժամանակն անցնում էր: Հյուրասենյակի ժամացույցի վայրկյանների սլաքի ձայնը հուսահատեցնում էր նրան: Աչքերը փակած՝ պառկեց թախտին: Չգիտեր՝ որքան ժամանակ է անցել, երբ հեռախոսի ազդանշանից նստեց տեղում: Գրպանում լսվեց զանգի ձայնը եւ զգաց բջջային հեռախոսի թրթռոցը: Կնոջ հաղորդագրությունն ասում էր՝ «Վաղը»: Ընդամենն այդ մեկ բառը, որից սիրտը թուլացավ: Չգիտեր՝ պե՞տք է նորից ինչ-որ բան գրի, բայց երկար մտածելուց հետո գրեց. «Ինչո՞ւ եք միշտ գիշերն աշխատում: Ո՞րն է Ձեր աշխատանքը»: Շարունակում էր պատկերացնել, թէ գրպանում զգում է հեռախոսի թրթռոցը, բայց պատասխան չէր ստանում: Փորձել էր քաղաքավարի ու հաճելի լինել, բայց սառն ընդունելության էր արժանացել: Ինքն ընդհանրապես կնոջը չէր հետաքրքրում: Մի հաղորդագրություն էլ հավաքեց, բայց ուղարկելու համարձակություն չունեցավ: Էլի մի քանի անգամ այդպես արեց, մինչեւ որ հոգնեց: Մոտեցավ սառնարանին եւ այնտեղից մի շիշ չինական «Կարմիր աստղ» օղի հանեց: Նստեց ու սկսեց մոայլված խմել: Հեռուստացույցով հոսկոնգյան ոստիկանական ֆիլմ էր ցուցադրվում: Մի սիրունիկ երիտասարդ աղջիկ էր նստած բանդայի շեֆի ծնկներին, հետույքը ետուառաջ պտտելով՝ դանդաղ հանում էր կիպ վերնաշապիկը՝ ի ցույց դնելով ծաղկի սեքսուալ դաջվածքը:

Դու Հուայմինն ասաց.

-Բոլոր լավ քաճերին բոզի տղերքն են շինում:

Պատի ժամացույցը վայրկյաններն առաջ էր մղում, եւ Դու Հուայմինն ուզում էր իմանալ, թէ ինչու տղաները դեռ չեն վերադարձել: Բնակարանը ցուրտ ու միայնակ էր, երբ տղաներն այդտեղ չէին: Խմում էր եւ նայում ժամացույցին: Զգաց, որ էլի գայրանում է: Ինչ-որ բան տանջում էր նրան, եւ ուզում էր բացել պատուհանն ու գոռալ:

Պատերազմի դաշտում կրած պարտություններն ու նահանջներն ասես Սյանգոյայի գլխին հասցված հարվածներ լինեին: Նստել էր սրճարանում, համացանցով նայում էր այդ ամենը, եւ խորտակվում էին նրա հոյսերն ու իդեալները: Ամերիկյան զինված ուժերն արդեն գրեթե ամբողջովին շրջապատել էին Բադդադը...

Սյանգոյայն ահավոր հիասթափված էր: Գիշեր էր, փողոցում գրեթե ոչ ոք չկար: Մի քանի հարբած երիտասարդ, սյունին հենված, փսխում էին: Ալկոհոլի հոտը հեռվից էլ զգացվում էր: Դու Յուանի տարիքին կլինեին: Սյանգոյայն շտապեց արագ անցնել նրանց կողքից: Ապա ետ նայեց եւ ցնցվեց՝ տեսնելով, որ եղբայրը՝ Դու Յուանը, նրանց հետ է:

Սյանգոյայն շտապեց դեպի Դու Յուանը:

-Եղբայր,- ասաց:

Դու Յուանը մռայլված թափահարեց գլուխը: Ալկոհոլի տհաճ հոտ էր փչում նրանից: Աչքերը կկոցած նայեց Սյանգոյային եւ բխկաց: Մյուս երեքը նույնպես այնքան հարբած էին, որ օրորվում էին: Նրանք նստեցին ճամփեզրին, ծխախոտ վառեցին եւ սկսեցին բարձրաձայն հայհոյել: Նրանցից մեկն սկսեց երգել, ապա մյուս բոլորը ձայնակցեցին: Յույ Յոյանի (*համարվում է չինական ռոքի հայրը*- Ծ. Թ.) «Ես ոչինչ չունեմ» երգն էին երգում:

-Ես քեզ հարցրի նորից ու նորից՝ ե՞րբ կգաս ինձ հետ, բայց ծիծաղեցիր, ծաղրեցիր դու ինձ, որ չունեմ ոչինչ:

Յերեկվա աղմուկն արդեն չկար, տեղատվության պես ետ էր քաշվել, եւ նրանց երգի վայրի հնչյունները տարածվում էին գարնանային օդի մեջ: Նորից ու նորից երգեցին, միևնույն ու կողքի շենքերից մեկի պատուհանը բացվեց, եւ մի տղամարդ գայրացած ձայն տվեց:

-Գիշերվա կեսն է: Ձեններդ կտրե՛ք: Թողեք քնե՛նք:

Երիտասարդները գլուխները շրջեցին եւ վեր կացան՝ նստատեղերը թափ տալով: Նայեցին ձայնի կողմն ու գոռացին:

-Պա՛, քու... Քու՛ մերը...

Տղամարդու կողքին մի կնոջ գլուխ հայտնվեց: Նա ասաց:

-Դուք խիղճ չունեք: Գիշերվա կեսն է: Մենք առավոտ շուտ աշխատանքի ենք գնալու:

Երիտասարդները միայն ծիծաղեցին ու նորից սկսեցին երգել, էլ ավելի բարձրաձայն: Պատուհանը շրխկոցով փակվեց: Երիտասարդները

ՉԺԵՆ ԱՅՁՈՒՑՈՒՑ

հռիռացին: Մի քանի անցորդ խեթ-խեթ կայեցին նրանց: Դու Յուանն ու իր ընկերները նրանց ետեւից գոռալով երգեցին.

-Երկիրն է պտտվում, գետերն են հոսում, բայց ծիծաղում ես, որ չունեմ ոչինչ: Ե՞րբ պիտի վրաս էլ չծիծաղես: Ինչո՞ւ եմ գալիս միշտ քո ետեւից: Մի՞թե քեզ համար ոչինչ չունեմ ես:

Երբ երգում էին, նրանցից մեկն սկսեց լաց լինել եւ ողբալ, իսկ մյուսը գլուխը բարձրացրեց վեր, կայեց երկնքին ու ոռնալով հայհոյանքներ տեղաց: Սյաոցզյան նրանց կողքին էր եւ շատ վատ էր զգում: Չգիտեր ինչ անի: Երբեք եղբորն այսպես հարբած ու անվերահսկելի վիճակում չէր տեսել: Սա իր իմացած Դու Յուանը չէր: Դու Յուանն ինչ-որ մի կատաղի հրեշի էր վերածվել:

Սյաոցզյան մեծ դժվարությամբ կարողացավ եղբորը քարշ տալ տուն:

Հայրը կարծես թե սպասում էր նրանց, եւ հյուրասենյակը լցված էր ծխախոտի ծխով ու ալկոհոլի թունդ հոտով: Սուրճի սեղանիկի վրա չիւսկան օղու մի քանի դատարկ շիշ կար, իսկ մոխրամանը լիքն էր ծխախոտի մնացուկներով: Սյաոցզյան շատ վատ կանխազգացում ունեցավ, երբ տեսավ շշերն ու մոխրամանը: Դու Հուայմինն ասաց.

-Ամբողջ գիշեր գանգ եմ տվել ձեզ:

Սյաոցզյան տեսավ զայրույթը հոր աչքերում, երբ վերջինս երերալով ոտքի կանգնեց:

-Էս գիշեր ի՞նչ բանի եք եղել երկուսով,- ասաց հայրը:

Նա հանգիստ ասաց սա, ինչը զարմացրեց ու շփոթեցրեց Սյաոցզյային: Սյաոցզյան շտապեց բացատրել.

-Դու Յուանը շատ էր խմել: Ես տուն էի գալիս, ճանապարհին հանդիպեցի նրան:

Թախտի վրա կծկված Դու Յուանն սկսեց սթափվել: Նա դեմքը սրբեց Սյաոցզյայի տված թաց շորով եւ երկար ու բարձրաձայն բխկաց: Արյունով լցված աչքերով նայելով Սյաոցզյային ` ասաց.

-Էս ինչո՞ւ տեղդ չես մտել:

Կուշտ կերածի ձայնով էր խոսում: Դրանից հոր զայրույթը կրկին բորբոքվեց: Նա ուղղվեց, մատնացույց արեց Դու Յուանին եւ ասաց.

-Ապա մի քե՛զ նայիր: Թափթփված ու անկարգ տեսք ունես: Ինքնուրույն ոչինչ չես փորձում անել: Քեզ էսպե՛ս ես պահում, որ ոչ մի կին չի ուզում հետդ լինել:

Ալկոհոլի ազդեցության տակ` Դու Յուանը չէր պատրաստվում հանձնվել: Ոտքի կանգնելով, ձեռքերը կոնքերին, նա ասաց.

-Ի՞նչ սխալ բան եմ արել: Ի՞նչ եմ արել, որ նա չի ուզում հետս լինել: Թե էդքան կարգին մարդ ես, ինձ համար նոր բնակարան ամ ու հարմար աշխատանք գտիր: Դու պետք է որ էդքան ընդունակ լինեիր: Կրթված մարդ ես, չէ՞: Ի՞նչ իրավունքով ես գլխիս ճառ կարդում:

Հայրը կանգնել էր՝ դեմքը զայրույթից կարմրատակած:

-Իմ տղան ես: Դա՛ է իրավունք տալիս գլխիդ ճառ կարդալու: Եթե շնորհք ունենայիր, ավելի լավ համալսարան կընդունվեիր: Փոխարենը՝ ծնողներիդ վրա ես հույս դրել: Կարծում էիր՝ ծնողներիդ իշխանություն ու կապեր ունեցող պաշտոնյանե՞ր ես: Սա քո՛ կյանքն է: Ո՞ւմ ես պատրաստվում մեղադրել:

Ծանր շնչելով՝ Դու Յուանը նորից նստեց թախտին, ձեռքերով մազերը խառնեց ու ասաց.

-Ես ոչ ոքի չեմ մեղադրում, գրո՛ղը տանի: Ի՛նձ եմ մեղադրում, որ լավը չեմ: Եղա՞վ, գո՞հ ես:

Դրանից հայրն է՛լ ավելի զայրացավ: Նա մոտեցավ Դու Յուանին, քռնեց մազերից եւ գոռաց.

-Կեղտոտ բերանդ չբացե՛ս, տղա՛: Հորդ հե՛տ ես խոսում:

Դու Յուանը հրեց հորը, որն ընկավ սուրճի սեղանիկի վրա: Մրգերի ապակե սկահակը սեղանիկի վրայից ցած սահեց եւ փշուր-փշուր եղավ: Հայր ու որդի սկսեցին կռվել՝ մեկը մյուսին չզիջելով: Սյառցայան փորձում էր իրարից անջատել նրանց, բայց հայրը նրան մի կողմ հրեց՝ ասելով.

-Մի կողմ քաշվիր, քաթլան լակոտ:

Կռվելով, իրար քաշքշելով՝ նրանք հյուրասենյակից հասան ննջարան, ապա խոհանոց՝ դիպչելով կահույքին ու պատերին եւ աղմուկ բարձրացնելով: Դու Յուանը ձեռքերը մի քիչ թուլացրեց, եւ Դու Հուայմինը երերաց, քիչ էր մնում ընկնի, ապա պագեց՝ ծանր շնչելով ու քրտնելով: Նա ծերանում էր, դա ճիշտ էր: Սյառցայան մոտեցավ, սեւեռուն կայեց եղբորն ու ասաց.

-Գժվե՞լ ես:

Երեքով նստել էին հյուրասենյակում: Դու Հուայմինը ծանր հեռում էր, Դու Յուանը լուռ ծխում էր, իսկ Սյառցայան զգույշ կայում էր նրանց դեմքերին: Բնակարանը տակնուվրա էր: Սկահակի մեջ եղած ձմերուկի սերմերը շաղ էին եկել հատակով մեկ, թերթերն ու ամսագրերը դեսուդեն էին թռել: Գիշերը լուռ էր ու խաղաղ, եւ վայրկենացույց սլաքը տկտկում էր՝ լիովին անտարբեր քիչ առաջ տեղի ունեցածի հանդեպ: Լուսանկարում ժպտացող մայրն ասես կշտամբալից ծաղրում էր նրանց: Այս ամենի կենտրոնում

ՉԺԵՆ ԱՅՁԱՆԼՅՈՒՑ

հայտնված Սյանգոյան չգիտեր ինչ անի: Ոչ ոք չէր խոսում: Վերելի հարկի բնակարանից լսվում էին խուլ ոտնաձայներ, ապա լսվեց զուգարանում ինչ-որ մեկի միգելու ձայնը: Ի վերջո, Դու Հուայմինն այլևս չկարողացավ զսպել իրեն և սկսեց լաց լինել: Երբ սրբեց աչքերը, հեծկտոցներից խեղդվում էր:

Հոր լացի ձայնը շվարեցրեց Սյանգոյային: Արյունը գլխին տվեց, և քունքերի զարկերակներն սկսեցին արագ տրոփել: Գլուխն ասես պայթում էր: Չգիտեր, թե ինչ պետք է անի: Խիստ շփոթված էր հոր պահվածքից: Նայեց եղբորը: Դու Յուանը դեռ նստած էր՝ անհաղորդ, բացակա հայացքով, արձանի պես անշարժ: Սյանգոյան ուզում էր ապտակել նրան:

Սյանգոյան մի քանի վայրկյան նստած էր լրիվ անշարժ, ընդարմացած: Նայեց պատին փակցված Սադդամի լուսանկարին և տեսավ, որ Սադդամը կամաց դուրս է քաշում կողքին կապված սուրը, իսկ հետո, երբ Սյանգոյան երկար նայեց, նրա հպարտ աչքերը և փառահեղ մորուքը շարժվեցին: Օ՛, Սադդամ:

11

Այդ գիշեր, ուշ ժամի, երբ ամեն ինչ կատարելապես խաղաղ էր, Դու Հուայմինը պառկել էր անկողնում՝ քիչ առաջ պատահածից դեռ ուշքի չեկած, թեև սպասում էր, որ վաղ թե ուշ այդպիսի մի բան լինելու է: Պարզապես չէր սպասում, որ դա այդքան շուտ տեղի կունենա: Եվ հենց այդ հանկարծակիությունից չէր ուշքի գալիս: Նրա զայրույթը վաղուց էր անցել: Բայց զայրույթը մարել էր այն պահից, երբ որդին իրեն հրել գցել էր սուրճի սեղանիկի վրա: Այդ պահին Դու Հուայմինը հասկացավ, որ իրոք ծերացել է: Դա նրան հանկարծակիի բերեց. ինքն ամենեւին պատրաստ չէր դրան: Ժամանակն անողոք էր: Ժամանակը լիակատար հաղթանակ էր տարել: Դու Հուայմինը միջին տարիքից անցում էր կատարել ծեր տարիքի:

Պառկել էր ու չէր կարողանում քնել: Աստիճանների վրա թույլ ոտնաձայներ լսեց և ակնաչ դրեց: Տնցվեց: Կինը վերադարձել է: Հետո կարծես տղամարդու ձայն լսեց: Նրա հետ կարծես թե տղամարդ կար: Ակնաչը հպեց անկողնուն, և թվաց՝ համատարած լռության մեջ պարզորոշ զանազանում է ձայները: Լսեց՝ ինչպես են քայլում, կոշիկները փոխում, թեյ լցնում, զուգարանում ջուր թափում: Թվաց՝ վիճում են ինչ-որ բանի շուրջ: Դու Հուայմինին թվաց, թե լսում է, որ կինն ասում է՝ հենց տնօրենն իր այս

ամսվա աշխատավարձը տա, ինքը կզևա: Տղամարդը հարցրեց, թե ինչու, եւ ճշացող ծայրով նա այսպիսի մի բան ասաց. ոչ ոք չի ուզի մնալ էս ոչ-լոտ վայրում: Լսեց ինչպես է կինն ասում. «Գրողը տանի տղամարդկանց: Ոչ մի տղամարդ չի հասկանում, թե ինչերի միջով է անցնում կինը»: Նրանց ծայրերը բարձրանում էին, ապա թուլանում: Քիչ անց լռեցին: Երեւի լույսերն անջատել էին եւ անկողին մտել:

Որոշ ժամանակ ծայր չէր լսվում, եւ Դու Հուայմինը մտածեց, թե քնել են: Բայց հանկարծ լսեց ինչպես է կինը զզվանքով ասում. «Ձեռքերդ ինձնից հեռո՛ւ տար»: Քիչ անց լսեց. «Թող: Էս գիշեր շատ եմ հոգնած»: Բայց ծայրն արդեն փոքր-ինչ ավելի մեղմ էր: Մի փոքր էլ անցավ, եւ լսվեց կնոջ տնքոցի ցածր ծայրը: Դա սիրո տեսական, կրթոտ ծայր էր: Դու Հուայմինը կարմրեց մինչեւ գանգամաշկը: Սիրտը լցվեց ցանկասիրությամբ: Վեր կացավ անկողնուց, պառկեց հատակին եւ ականջը հատակին հպած փորձեց լսել: Հիմա ավելի պարզ էր լսվում: Զայները փայտոջիլների պես նրա ականջն էին սողոսկում: Մարմինը կրակվում էր, բերանը չորացել էր: Երբ ի վերջո ներքեւում լռություն տիրեց, Դու Հուայմինը վեր կացավ եւ մոայլված վերադարձավ անկողին: Նայեց բջջային հեռախոսին: Ժամը երեքին մոտ էր: Երկար ժամանակ պահանջվեց, որ կարողանա քնել: Շարունակ մտածում էր ներքեւի հարկի կնոջ մասին: Վառեց մահճակալի կողքի լույսը եւ անօգնական հայացքով նայեց առաստաղին: Առաստաղի ճաքերը նման էին ցանցի բացվածքների, որ ավելի ու ավելի էին լայնանում: Պատկերացրեց կնոջը, որ հագին ցանկահարույց սեւ ներքնազգեստ՝ հմայիչ, լավ երեսացող դաջվածքը բաց, դանդաղ իր կողմն է գալիս:

Այդ օրն ավելի ուշ, կեսօրից հետո, երբ արդեն աշխատանքից տուն էր վերադառնալու, Դու Հուայմինն ստացավ սպասված հաղորդագրությունը: Կինն ասում էր, որ տեղում կլինի ուղիղ ժամը մեկին, որպեսզի փողն ստանա: Հենց սա՛ էլ սպասում էր: Դանդաղ, հանգիստ՝ պատասխան գրեց՝ ասելով, որ կես ժամից գա իր տուն փողն ստանալու: Ամբողջ մեկ րոպե սպասեց նախքան հաղորդագրությունն ուղարկելու կոճակը սեղմելը: Կինն անմիջապես պատասխան հաղորդագրությամբ հարցրեց, թե ինչու չի ինքը բերում փողը: Դու Հուայմինը չպատասխանեց:

Կինը Դու Հուայմինի բնակարանի մոտ հայտնվեց կես ժամից մի փոքր ավելի ուշ: Բարձրակրունկ սեւ կոշիկներով էր, հագին գեղեցիկ կարճ վերնաշապիկ էր եւ մետաքսե գուլպաներ: Չքնաղ տեսք ուներ: Դու Հուայմինը միայն արագ հայացք զցեց նրա վրա, բայց երկար չնայեց: Փակեց դուռը, մի բաժակ սառը ջուր լցրեց նրա համար եւ ձեռքով հրավիրեց, որ նստի:

ՉԺԵՆ ԱՅՁԱՆԼՅՈՒՑ

Կինը փոքր-ինչ անփութորեն վերցրեց սովորաբար թափված ձեռքին: Դու Հուայմինս անձեռոցիկ վերցրեց, որ ևս ձեռքը սրբի: Բայց կինն ասաց.

-Ամեն ինչ կարգին է:

Նայելով կնոջ աչքերին՝ Դու Հուայմինս անունով դիմեց նրան.

-Ա՛հ, Յին...

-Ինչո՞ւ եք այդպես ինձ դիմում: Որտեղի՞ց գիտեք իմ անունը:

Անակնկալի եկած՝ կինը նայեց նրան:

Դու Հուայմինս ուղիղ կանգնեց եւ ասաց.

-Իհարկե գիտեմ քո անունը:

Այնպես ասաց, կարծես նախադասության մեջ խոսքերով չսսված ինչ-որ իմաստ էր դնում: Բայց կինն անակնկալի չեկավ ու չվախեցավ եւ ասաց.

-Ուրեմն անունս գիտեք: Հետո՞ ինչ: Փողը որտե՞ղ է: Արդեն պատրաստ է, չէ՞:

-Պատրաստ է: Արի հաշվենք:

Դու Հուայմինը շրջվեց եւ մտավ ննջասենյակ: Կինը հետեւեց նրան մինչեւ դուռը եւ անվստահ կանգ առավ: Թեքվեց առաջ, ներս նայեց շուրջբլուրը եւ ասաց.

-Էս ի՞նչ խառնաշփոթ է: Ձեր կնոջ մահից հետո ինչո՞ւ նոր կին չեք գտնում, որ տունը կարգի բերի:

Դու Հուայմինը մոտեցավ, կանգնեց նրա կողքին, ժպտաց եւ ասաց.

-Քեզ նման մեկի՞ն:

Ձեռքերը մեկնեց եւ նրան քաշեց դեպի իրեն, բայց կինը ոգնու պես կծկվեց եւ ճչաց.

-Ի՞նչ ես անում: Մեկ էլ ինձ կպչես՝ կգոռամ:

Դու Հուայմինի դեմքի ժպիտն անփոփոխ մնաց: Սառն ու կտրուկ ասաց.

-Ձեւեր մի՛ թափիր:

Կնոջ դեմքը գունատվեց: Նա շփոթված քրթմնջաց.

-Ի՞նչ ես ուզում:

-Քուն... Քնել հետո:

Իր ամենատարօրինակ երազներում անգամ Սյաոցզյան չէր կարող պատկերացնել, որ Լի Լենը եւ Լյու Սինը կդառնան ընկերներ: Այդ մասին պատահաբար իմացավ կեսօրին: Անցնում էր, երբ աստիճանների վրա տեսավ նրանց երկուսին: Մեկը բարձրահասակ, մյուսը կարճ կողք կողքի զբոսնում էին եւ ծիծաղում լավագույն ընկերների պես: Սյաոցզյան թեքվեց, որպեսզի ճանապարհ տա անցնելու, եւ զարմանքով նայեց նրանց: Աշխարհն ավելի բարդ էր, քան ինքն էր մտածում: Ձեռքը շփեց ճակատին՝ տեսածին չհավատալով:

Դասերից հետո մոտեցավ Լի Լենին եւ արմուկով հրելով նրան՝ հարցրեց.

-Ո՞ւնց կարող ես եղ չադի նման մեկի հետ ընկերություն անել:

Լի Լենը խոժոռվեց, սրտնեղած նայեց Սյաոցզյային եւ ասաց.

-Քո ի՞նչ գործն է: Քեզ բոլորից շատ էր դուր գալիս, երբ մենք երեկ կովում էինք, չէ՞:

Լի Լենի աչքերը լի էին արհամարհանքով: Սյաոցզյան ուզում էր նետվել Լի Լենի վրա եւ բռունցքներով հարվածել նրան: Փոքրիկ հաստիկ կարտոլն ավելի ու ավելի էր զայրացնում նրան:

-Չմտածես, թե նրա հետ ընկերություն անելով՝ ինչ-որ հատուկ մեկն ես,- ասաց մոայլված:

-Էդ սպառնում ես ինձ,- հարցրեց Լի Լենը՝ մատը դեպի Սյաոցզյայի դեմքը պարզելով:

Լի Լենի աչքերը փայլում էին ապակե ուլունքների պես: Մեկ գիշերվա մեջ նա լրիվ ուրիշ մարդ էր դարձել: Նրա անձնավորության այս բացարձակ կերպափոխությունից Սյաոցզյան մի մեծ դաս ստացավ վերափոխման սոսկալի ուժի մասին:

-Դավաճան,- զայրացած ասաց Սյաոցզյան:

Լի Լենը չգիտեր, թե ինչ նկատի ունի Սյաոցզյան այդ տարօրինակ բառն ասելով: Վերջինս շրջվեց եւ հեռացավ առանց ետ նայելու:

Սյաոցզյան քայլում էր մտախոհ՝ սեփական ստվերը ոտնատակ տալով: Փողոցում շատ քիչ մարդիկ կային, թեեւ զարևան անսովոր արեւոտ օր էր: Որքան էլ արագ քայլեր, չէր կարող սեփական ստվերից առաջ անցնել: Երբ փոքր էր եւ մոր հետ միասին, նրա ձեռքը բռնած քայլում էր կեսօրվա արեւի տակ, ամենից շատ սիրում էր սեփական ստվերը բռնել: Համոզված էր, որ մեծանալուց հետո կկարողանա իր ստվերից առաջ անցնել: Քայլե-

ՉԺԵՆ ԱՅԱՈՒՅՈՒՑ

որը դանդաղեցրեց եւ հանկարծ ուզեց պարզապես տուն գնալ: Օրվա կեսին ոչ ոք տանը չէր լինի: Իր գոյությունն արձանագրելու համար շուրջը ոչ ոք չէր լինի, բացի սեփական սուվերից: Մտածում էր իրաքյան գործերի մասին, որոնք հանձնվել էին ամերիկացիներին: Ամաչում էր նրանց համար: «Նա պետք է որ ամաչի, չէ՞», - մտածում էր՝ շատ ուզելով իմանալ այդ մասին: Կարմրեց, եւ սիրտն սկսեց արագ զարկել, երբ սկսեց մտածել բոլոր այն բաների մասին, որ իրեն ստիպել էին ամաչել: Երբ լսեց, թե ինչպես են ծնողները սեռական հարաբերություն ունենում... իր առաջին երագախաբությունը... ինչպես էր մայրը մթերք գնելիս վիճում մանրադրամի համար... եղբոր կռիվն ու ամբողջովին արյունոտված տուն գալը... երբ Չժան Յասին ետ ուղարկեց եղբոր գրած սիրային նամակը... այդ կեղտոտ հին բնակարանում այդպես թաղված մնալը... Սաղդամի բանակի ջախջախվելը, հենց որ նրա վրա գրոհեցին: Սյանգոյան ուզում էր, որ աշխարհը կործանվի:

Երբ Սյանգոյան մտնում էր իրենց շենք, պարոն Չժանը՝ դռնապանը, բարեւեց նրան՝ հարցնելով.

-Էսօր տա՛նն ես ճաշելու:

Սյանգոյան ոչինչ չպատասխանեց, աստիճաններով վազեց վեր, հանեց բանալին եւ մտցրեց փականի մեջ: Դուռը չիսկոցով բացվեց: Առաջին բանը, որ տեսավ, հյուրասենյակում միացված հեռուստացույցն էր: Միջազգային լուրեր էին հաղորդում: Ամերիկյան գործերը սաղավարտներով, ամբողջովին սպառազինված, նորագույն գրահատեխնիկայով շարժվում էին դեպի Բաղդադ՝ պայթյունների կատաղի հնչյունների ներքո: Սյանգոյան հոր ննջարանից եկող ձայներ լսեց: Դուռը բաց էր, եւ նա սաստիկ շփոթվեց ու շվարեց՝ տեսնելով զգզված մազերով, մեծ, ճերմակ կրծքերը բաց մի կնոջ: Այդ կինը ցասումնալից նայում էր Սյանգոյայի հորը, որը նույնպես մերկ՝ կուչ էր եկել անկյունում եւ դողում էր: Հայրը նվաստացած ու խեղճ հայացքով նայում էր կնոջ ձեռքի խոհանոցային դանակին: Սյանգոյան զգուշությամբ քաշեց դուռը եւ գնաց լոգարան: Հայելու մեջ կարող էր տեսնել այտերով վար հոսող արցունքների հետքերը: Դեմքը հայելու մեջ պղտորված էր երեսում: Շոշափեց կզակը, որի վրա անշեղորեն աճել էին նրա պատանեկության առաջին բանբերները:

Ձեռքը պարզելով վերցրեց «Ֆիլիպս» էլեկտրական ածելին եւ միացրեց այն: Էլեկտրական ածելին թրթռաց նրա ձեռքի մեջ, երբ բզզոցը հետզհետե մոտենում էր դեմքին:

ՖԵՅ ԴԱՌ

ՊԱՏՄՈՒԹՅՈՒՆ ԱՇԽԱՐՀԻ ՎԵՐՋԻ ՍԱՍԻՆ

Երբ մայրս երիտասարդ էր, հորս ասել էր, որ չի ամուսնանա նրա հետ, եթե նույնիսկ նա աշխարհում մնացած վերջին տղամարդը լինի: Այդ խոսքերը խորապես վիրավորել էին հորս: Նա իր վիշտը վերափոխեց ուժի եւ ոտքի կանգնեց՝ ի վերջո դառնալով տիեզերքի տեխնիկական սպասարկման մշտական աշխատող, մարդ, որ տասնյակ հազարավոր ոտնաչափ հեռավորության վրա՝ երկնքում ի կատար էր ածում հեռավոր մարդկության, հեռավոր երկրի եւ իմ հեռավոր մոր հույսերը:

Հետո, երբ հայրս ամբողջ աշխարհում մնացել էր վերջին տղամարդը, մայրս ամուսնացավ նրա հետ:

Երբ հայրս ընկերակցում էր աստղերին այդ մռայլ, կլաուստրաֆոբիկ տիեզերական կայանում, իր գործից բացի՝ բոլոր ջանքերը ներդրեց մորս հանդեպ ատելությունը վառ պահելու համար՝ երդվելով, որ մնացած կյանքում այլեւ ոչ մի կնոջ չի սիրի: Հետո հայրս վերադարձավ երկիր եւ ամուսնացավ նրա հետ, որովհետեւ այդ ժամանակ մայրս աշխարհում մնացած միակ կինն էր:

Նրանք այլընտրանք չունեին:

Ոչ վաղ անցյալում մարդկությունը գաղափար չունեց, որ ինքը ոչնչացման շեմին է: Այդ կույր լավատեսության պատճառով՝ աղետից առաջ մարդիկ ամենեւին պատրաստ չէին:

Անհետացումները տեղի էին ունենում որոշակի մեթոդով, հետետղականորեն: Վիճակագրության համաձայն, անհետանում էին մարդկանց հետեւյալ տեսակները՝ Ամեն բանի ընդունակներ, Ոչ մի բանի պիտանի չեղողներ, Հերոսներ, Չարագործներ, Ցնցող գեղեցկություն ունեցողներ, Սոսկալի տգեղներ, Համաշխարհային միլիարդատերեր, Փողոցի մուրացկաններ... Ըստ էության, որտեղ մարդիկ կային, անհետանում էին: Դա հավասարապես վերաբերում էր բոլոր բնակիչներին, որոնք մարմնավորում էին բարու եւ չարի անաչառ նախասկիզբը խախտող ինչ-որ բան:

Տարիներ շարունակ մարդկությանն անհանգստացնող հիմնախնդիրը՝

ՖԵՅ ԴԱՈ

բնակեցվածության հետ կապված, կարծես թե հիմնարար լուծում էր ստացել:

Տարիներ շարունակ Աստծուն անհանգստացնող՝ մարդկության հիմնախնդիրը կարծես թե հիմնարար լուծում էր ստացել:

Հազիվ թե արժե հիշատակել այդ ամենին հաջորդած խուճապի մասին: Դա միայն քառսի մի պահ էր աշխարհի վերջին օրերից առաջ:

Մարդիկ սիրում էին այսպես նկարագրել դա. Այսինչը «չքացել է»: Դա պարզ բնորոշում էր, եւ իմաստն էր պարզ՝ ամեն ինչ կատարյալ է: Ոմանք ասում էին, որ Աստված սկսել է աշխարհը մաքրելու աշխատանքը: Մյուսներն էլ կարծում էին, թե օտարերկրացիներն առեւանգում են մարդկանց ինչ-ինչ պատճառներով, գուցե ստրկական աշխատանքի համար: Ոմանք էլ, որ մի քիչ ավելի հարուստ երեւակայություն ունեին, կարծում էին, թե ավելի բարձր մի քաղաքակրթության ներկայացուցիչներ իրենց սիրելի երկրաբնակներին ուղարկում են ավելի կատարյալ մի կենսատարածք, որտեղ նրանք ապրելու են ավելի բարձր ու վսեմ կյանքով: Բայց դա չափազանց անբնական, մտացածին մի բան էր, այնպես որ՝ ոչ ոք ուշադրություն չէր դարձում այդ ամենին:

Աշխարհը դարձավ հանգիստ ու խաղաղ: Մարդիկ դադարեցրին բոլոր պատերազմները: Պատմության մեջ առաջին ու նաեւ վերջին անգամ նրանք միավորվեցին ընդդեմ ընդհանուր թշնամու՝ վճռելով վերջ տալ այդպիսի արգահատելի վարքագծին: Բոլոր միջոցները ներդրվեցին այդ նպատակի համար: Երկրագնդի ամբողջ բնակչությունը կազմակերպվեց: Աշխարհի բոլոր անկյունների ակտիվ գրողներից բացառիկ մի խումբ ձեւավորվեց, եւ այդ գրողներն ստեղծեցին բազմաթիվ գործեր, որ ներկայացնում էին վերջին օրերի տրամադրությունները եւ մարդկային մշակութային միայնակ վախճանը: Այդ մարդկանց մեծամասնությունը շուտով չքացավ՝ շատ անավարտ գործեր թողնելով դարերին: Փիլիսոփաներն օգտագործում էին ամեն մի վայրկյանը: Խուճապի մեջ չիմանալով, թե երբ կջքանան առանց որեւէ հետքի, նրանք շտապում էին հիմնադրել ու սահմանել ով գիտե ինչքան եւ ինչպիսի թարմ եւ նոր տեսական համակարգեր: Փիլիսոփաներից եւ աստվածաբաններից ոչ ոք չէր հետաքրքրվում, թե ինչպես էին մարդիկ այդուհետ գոյատևելու: Նրանք կենտրոնացած էին այն բանի վրա, թե ինչպես մարդիկ չէին գոյատևելու: Իհարկե, ամենից գործնականը եւ ամենից հարգանքի արժանին գիտնականներն էին: Նրանք միավորեցին աշխատողների մնացած զանգվածներին եւ զարմանալի արագությամբ ստեղծեցին Համաշխարհային ինքնասպասարկման գոյատևման

համակարգ (ՀԻԳՀ) նպատակ ունենալով ինչ-որ կերպ փրկվածների ու վերապրածների համար պայմաններ ապահովել, որպեսզի նրանք կարողանան շարունակել գոյատևել եւ ամեն բան տանել իրենց ուսերին՝ հուսալով, որ մարդկային քաղաքակրթությունը կարող է վերադառնալ, ինչպես Դունշանի ճգնաժամը է վերադառնում աշխարհիկ կյանքին:

Այն օրը, երբ այս նախագիծը ավարտվեց, միլիոնավոր մոտ հիսուն գիտնական էր մնացել: Նրանք արտասվում էին խորապես հուզված: Միայն այդ ժամանակ մարդիկ հասկացան, թե ինչ է նշանակում միահամուռ համախմբվել բազմաթիվ դժվարությունների դեմ: Միավորվեցին պայծառ մտքի տեր տասնյակ եւ միջակ ունակության տեր հարյուրավոր մարդիկ: Ափսոս, որ այդ միջազգային առաջադեմ ոգին փոքր-ինչ ուշ միավորեց մարդկանց: Այլապես կյանքը մի քիչ ավելի հիասքանչ կլիներ:

Այդ երեկո խմբի հերոսները վճռականորեն որոշեցին առաջ շարժվել եւ գիշեր-ցերեկ հսկողության տակ պահել ամեն բան, որպեսզի տեսնեն, թե արդյո՞ք իրենց ընկերներից մեկնումեկը կարող է անհետանալ խիստ ուշադիր հսկողության պայմաններում:

Հաջորդ առավոտյան բոլոր հիսուն հերոսներն էլ անհետացան:

Դա մեծ վիշտ պատճառեց ժամանակի բոլոր մարդկանց: Բոլորն անհուն մի դառնություն էին զգում մարդկային արժանապատվության հանդեպ այդ թշնամանքից: Քննարկումների միջոցով նրանք որոշում կայացրին՝ մի վերջին ջանք գործադրել դիմակայության համար: Մնացած տասը հազարի չափ մարդիկ հրաժարվեցին անձնական կյանքի գաղտնիությունից՝ օգտագործելով ՀԻԳՀ-ի տեսախցիկները, որոնք ընդգրկում էին ամբողջ տարածությունը եւ մշտապես հետեւում ու հսկողության տակ էին պահում նրանց: Նրանք օգտագործելու էին այդ համակարգը՝ արձանագրելու յուրաքանչյուր մարդու կյանքի ամեն րոպեն, ամեն վայրկյանը, եւ նկատի ունենալով, որ կլինեն մարդիկ, ովքեր չեն անհետանա, ենթադրում էին, որ կմնան մարդիկ, ովքեր կդիտեն տեսագրությունը:

Նրանք պետք է տեսնեին եւ հասկանային, թե իրականում ինչպես են մարդիկ չքանում:

«Նույնիսկ եթե մեռնենք, պետք է հասկանանք ինչպես», - մտածում էին բոլորը:

Եվ այնժամ, ակնթարթորեն, - դժվար է ճշգրիտ ասել, թե երբ, - տասը հազարի չափ մարդիկ բացարձակապես չքացան:

Կյանքն այնքան դաժան է. վերջում ձեզ ստիպում է պարզապես անձնատուր լինել:

ՖԵՑ ԴԱՈ

Այդ ժամանակ աշխարհում մնացել էին միայն մեկ տղամարդ եւ մեկ կին: Թվում էր՝ աղետը դադարել է:

Երկուսն էլ գոնե բնական մահով մահացան, ոչ թե չքացան:

Կարող եք ասել, թե երկրի վրա մնացած վերջին տղամարդ ու կին զույգի համար մի փոքր ավելի հեշտ էր, քան Ադամի եւ Եվայի համար՝ նրանց օրերում: Առնվազն գոնե կար անհավանական ՀԻԳԿ-ն, որ նրանց կարող էր հագուստ ու սնունդ տալ առանց որեւէ դժվարության: Այդ տեսանկյունից հնարավոր էր, որ քաղաքակրթությունը, թեւեւ վերջին ծանր շնչում, դեռ չէր հասել իր վերջնական սահմանագծին:

Շատ դժվարություններ ծագեցին անհետացումների պատահական տեղաբաշխման պատճառով: Հատկապես մարդկային ռեսուրսների ոլորտում, օրինակ, սարսափելի շատ դժվարություններ կային: Գրեթե անհնար էր որեւէ մտահղացում հանգեցնել վերջնական անսխալ իրականացման: Սա շատ մտահոգիչ խնդիր էր: Հետագա վերլուծության ենթարկելիս այս հիմնախնդրի հարուցած ամենացավալի արդյունքն այն ժամանակ հետեւյալն էր: Քառսային, անկանոն կառավարման պատճառով հայրս տիեզերքում գրեթե կորել էր տեսադաշտից: Եթե չլինեին որոշակի պահի որոշակի իրավիճակում պատասխանատու անձինք, ովքեր հետագայում ինչ-որ պատճառներով անսպասելիորեն մտածում էին ինչ-որ բաների մասին, ապա որոշակի հանձնարարություններ տալիս, որոնք կարողանում էին հանգեցնել որոշակի ճիշտ արդյունքների ձեռքբերման, հայրս անկասկած լքված կլինեիր տասնյակ հազարավոր ոտնաչափ բարձրության վրա՝ ընկերակցելով աստղերին տիեզերքի սառն անսահմանության մեջ, մարդկության վերացման նախաշեմին: Իհարկե, եթե դա տեղի ունենար, ապա կարող էր սփոփանք լինել նրա համար:

Ի վերջո, նա վերադարձավ երկիր:

Հայրս, հենց որ պարկուճի դուռը բացեց, տեսավ ՀԻԳԿ-ի ավտոմատ սարքավորումը: Անօդաչու թռչող սարքեր, անվարորդ էքսկավատորներ, ինքնագնացներ ու փոխադրամիջոցներ, ավտոմատ ջեռուցիչներ, ավտոմատ կերպով բերք հավաքող մեքենաներ, ավտոմատ մերսող, ավտոմատ կերպով համբուրգեր պատրաստող մեքենաներ եւ ամեն տեսակ նման բաներ, որ ետուառաջ էին անում՝ աշխատելով հանգիստ, անշտապ, ասես ոչինչ էլ չէր պատահել:

Ծաղկեփնջեր կամ ծափահարություններ չեղան: Մեկ մարդ իսկ չկար, որ ուշադրություն դարձներ նրա վրա:

Թվում էր, որքան որ աչքը կարող էր տեսնել, անսահման երկնքի ներքո, ծովերով սահմանափակված ամբողջ ցամաքը անխռով ու ներդաշնակ, խաղաղ ոսկեդարում է գտնվում: Ամբողջ աշխարհը բացարձակապես անբիծ էր ու անարատ: Եվ միակ բանը, որ կարող էր ստիպել աշխարհն ամայի անվանել, այն էր, որ մեկ մարդ անգամ չէր երեւում:

Ավելի ուշ, վիթխարի համակարգչի առջեւ, որը կառավարում էր վերահսկում էր ամբողջ ՀԻԳՀ-ն, հայրս դողացող շուրթերով հարցրեց. «Ասա ինձ՝ ես վերջի՞նն եմ»:

Համակարգիչը կայծակնային արագությամբ գնեց ամբողջ երկրագունդը եւ ցածր ձայնով պատասխանեց, որ հայրս վերջին մարդը չէ: Նա զուգընկեր ուներ:

Հայրս գտավ մորս եւ ամուսնացավ նրա հետ:

Չնայած մի ժամանակ ամենաչար եւ քինոտ խոսքերն էին նետել իրար երեսի, հիմա, երբ աշխարհում մնացել էին միայն երկուսով, հասկացան, որ այլեւս երբեք չեն կարող լքել իրար: Նրանք պետք է միանային: Դա պարտականություն էր եւ պարտավորություն, բայց նաեւ նրանց հոգու խորքից ծնված անհրաժեշտություն էր:

Այդ պահից ի վեր նրանք հազվադեպ էին խոսում: Կարողանում էին համաձայնության գալ ցանկացած բանի շուրջ՝ պարզապես լուռ նայելով միմյանց: Նրանք ապրեցին միասին. դա նախասահմանված էր երկնքի կողմից:

Գյուղական վայրում կիսավեր մի եկեղեցի գտան, հազան իրենց տոնական պատշաճ զգեստները: Ոչ ոք չկար այդտեղ, որ հարց տար նրանց: Պարզապես նայեցին իրենց առջեւ վեր խոյացող խաչին եւ արտաբերեցին այս երկու բառը՝ «Համաձայն եմ»:

ՀԻԳՀ-ի օգնությամբ եւ պաշտպանությամբ՝ շրջեցին ամբողջ աշխարհը: Նիագարայի ջրվեժից մինչեւ աֆրիկական անապատներ, բուրգերից մինչեւ Մեծ պարիսպ, Լուվրից մինչեւ Էմփայր սթեյթ բիլդինգ: Նրանք ունեին եւ՛ ժամանակ, եւ՛ եռանդ՝ թափառելու դատարկ երկրագնդով մեկ:

Անօդաչու ինքնաթիռներով կտրեցին անցան լեռնազագաթներ եւ օվկիանոսներ՝ մեն-մենակ թռչելով շերտավոր ամպերի միջով, անսահման պայծառ լույսին ընդառաջ:

Այդ անվերջ մեղրամիսն այնքա՛ն ազատ էր ու անհոգ եւ այնքա՛ն թախճալի: Օրվա ընթացքում միշտ միմյանց ձեռք էին բռնում, իսկ գիշերները քնում էին իրար գրկած: Մեկ վայրկյան իսկ չէին լքում իրար՝ համակված նախնական մի վախով, թե անփութության ու անուշադրության մի պահի

ՖԵՑ ԴԱՈ

այլեւս երբեք չեն կարողանա տեսնել միմյանց: Նրանք միայն պետք է ապրեն կամ մեռնեն միասին՝ կտրականապես դեմ լինելով, որ իրենցից մեկ-նումեկն անհետանար եւ մյուսին թողներ անասելի վշտի մեջ:

Ուրիշ ոչ ոք չունենի, որին կարողանային ապավինել: Նրանք կախված էին մեկը մյուսից:

Ինձ ծնունդ տալուց հետո մայրս ընկավ հետծննդաբերական դեպրեսիայի մեջ: Մի օր եւս զգաց, որ այլեւս հորս կարիքը չունի: Երբ հայրս քնած էր, եւ թողեց այն ձեռքը, որ բռնել էր այդքան երկար տարիներ, վեր կացավ ու գնաց: Եւ երկար ճանապարհ անցավ, կտրեց զարկերակը եւ հանգիստ պառկեց:

Հայրս գտավ մորս եւ թաղեց նրան:

Այդ պահից հայրս այնքան՝ դժբախտ էր: Երբ գրկում էր ինձ, երբեք չէր ժպտում: Իհարկե, եւս դաժան մարդ չէր: Երբ եւ սկսեցի հասկանալ ամեն բան եւ կարող էի ինքնուրույն սովորել ու գործել, հայրս մեկ գիշերվա մեջ անճանաչելիորեն ծերացավ:

Եւ մահացավ՝ ամուր բռնած իմ ձեռքը, ասելով, որ երբեք իր ամբողջ կյանքում մորս հանդեպ ատելություն չի ունեցել: Եւ սիրում էր մորս:

Հիմա նրանք հանգստի գրկում են եւ ինձ մենակ են թողել, ամբողջովին մենակ: Երբեմն մտածում եմ, թե միգուցե Աստված այլեւս չէր կարող տեսնել մարդկային աշխարհում տիրող ամբողջ ատելությունը, դրա համար էլ ինդրեց բոլոր կողմնակի մարդկանց մի կողմ քաշվել մի պահ՝ թողնելով միայն հորս ու մորս, որպեսզի սովորեն, թե ինչպես պետք է համակերպվեն կյանքի հետ:

ՇՈՒ ՅՅԱՌ

ՓԱՓՈՒԿ ԵՎ ՀԱՍԵՂ ԶՎԱԾԵՂ

Կեսօրից հետո ժամը երեքին շատ կարեւոր հանդիպում ունեմ:

Հիվանդասենյակից շուտ գնալու թույլտվություն խնդրեցի եւ տուն վերադարձա: Անցյալ գիշեր մի լավ մաքրեցի բնակարանը, բայց դեռ չէի համարում, թե դա ճիշտ է: Ինձ համար մեկ գավաթ թեյ լցրեցի եւ հյուրասենյակում նստեցի բազկաթոռին՝ զննելով մյուս կողմում գտնվող երկտեղանոց բազկաթոռը, որտեղ դեղին եւ մոխրագույն մի քանի բարձ էի դրել: Ինձ թվում էր, թե դրանք այս կամ այն դիրքով դնելը հարմար չէր, բայց երբ տեղափոխեցի, դարձյալ հարմար չէր:

Ժամացույցը 2:50 էր ցույց տալիս: Գավաթիս մեջ բավականաչափ թեյի տերեւներ չէի դրել: Թեյը մի քիչ անհամ էր ստացվել:

Բացի սպասելուց, ուրիշ բան չկար անելու: Շարունակում էի նայել տարբեր չափերի դեղին եւ մոխրագույն բարձերին: Դրանք հիևզն էին՝ երկուսը մեծ, երեքը փոքր:

Դարչնա-դեղնավուն եւ գորշ ցեխագույն պուտերով բարձեր: Դրանք ենթադրաբար նոր մոդայիկ գունային համադրումներ էին: Հաստ կտորի վրա այսուայնտեղ դաջված մեծ ու փոքր շրջանակներ: Պետք է որ փոփ-արվեստի նախշեր լինեին: Ամեն դեպքում, երկտեղանոց բազկաթոռին զգված՝ փոփ-արվեստ ներկայացնող հիևզ բարձերը, որոնց վրա ոչ մի հյուր չէր նստել, պարզապես չափազանց շատ էին թվում:

Դռան զանգը հնչեց 2:56-ին: Սա, անշուշտ, ճշտապահ հյուր էր:

Շեմին ճերմակամորթ մի աղջիկ էր կանգնած:

-Ձեզ ստիպել եմ սպասել:

-Ը-ը, ես կասեի, որ ճիշտ ժամանակին եք եկել:

Կռացա եւ նրան մի գույգ հողաթափ մեկնեցի: Նայեցի նրան ներքեւից վերեւ՝ թենիսի մարզակոշիկներից վեր, ծնկներից մինչեւ շրջագգեստը, մինչեւ գոտկատեղին կապված կաշվե ամրագոտին, մինչեւ կուրծքն ու դեմքը: Ապա կրկին զննեցի նրան:

Բացառիկ գեղեցիկ մաշկ ուներ: Այն փայլում էր եւ փոքր-ինչ նման էր փափուկ ու քաղցր, կաթնագույն սերուցքային իրիս կոնֆետի: Թեեւ դիմագծերում առանձնահատուկ ոչինչ չկար: Նա փոքր էր ու նրբագեղ, բայց

ՀՈՒՑՑԱՆ

համարձակությամբ ու ինքնավստահությամբ լի, ինչպես այդ տարիքի բոլոր աղջիկները:

Ներս մտավ եւ վստահ նստեց հատուկ հյուրերիս համար պատրաստված երկտեղանոց բազկաթոռին: Արագ հավաքեց ու մի կողմի վրա դրեց երկար տանջանքով դասավորածս բարձերը, եւ շարունակեց վարվել ցանկացած այլ հյուրի նման՝ ընդունելով հյուրասիրությունը, որն առաջարկեցի նախքան նրան ընկերակցելը:

Հյուրերը բոլորն այդպիսին են. ուզում են նախ նստել եւ հարմարվել իրենց շրջապատին: Հետո պատրաստ են գրուցել տանտիրոջ հետ:

Բայց առաջին թեմայի քննարկումը տանտերը պետք է սկսի:

Մեկ րոպե բավականին սրտառույզ լռությունից հետո ես սկսեցի.

- Այսօր կեսօրից հետո դասեր չունե՞ք:

-Հը՞մ,- նա իր հարթ, փոքրիկ մատներով բարձրացրեց գավաթը:- Ուզում եք իմանալ, թե ինչու՞ ենք հիմա հանդիպում:

-Ոչ: Ուղղակի նկատեցի, որ համազգեստով չեք: Ձեր դպրոցական համազգեստները բավականին գրավիչ են:

-Իսկապե՞ս:

Նա ինձ նայեց մի փոքր զարմացած:

Մի պահ լռեց, ապա ասաց.

- Դպրոցն արդեն վտարել է Ուսուցչին եւ ինձ:

Բառերը նրա բերանից ելնում էին արձաթահունչ, պարզ ու դյուրաբեկ, ասես փոքրիկ մի թռչուն լիներ: Դրանք արձագանքում էին հյուրասենյակի օդի մեջ:

Խոհանոցում թեյամանը ծայն արձակեց՝ բա՛մ: Անջատիչը չրխկալով իր սկզբնական դիրքին վերադարձավ: Տուրը եռում էր:

Վեր կացա եւ գնացի խոհանոց՝ ինձ համար մի գավաթ թեյ լցնելու, նաեւ ուղքերիս թմրածությունն անցկացնելու: Չգիտեի, թե ինչ ասեմ նրան:

-Իրո՞ք: Արդեն վտարե՞լ են...

Բազկաթոռին նստելով՝ քրթմնջացի նրա խոսքերը:

-Այո: Դրա համար էլ որոշեցի գալ ու խոսել ձեզ հետ:

-Բայց ես իսկապես գաղափար չունեմ, թե որտեղ կարող եմ օգնել:

Ապշած հայացքով նայեցի նրա դեմքին: Նա իմ հայացքին պատասխանեց դեմքի մեկ այլ արտահայտությամբ՝ խոր մտահոգված եւ հույսով լի: Այդ հայացքն ինձ սարսափեցրեց:

Հեռանալուց առաջ ամուսինս մի քանի անգամ փորձել էր լուրջ գրույց

ունենալ ինձ հետ, եւ միշտ նրա դեմքին ճիշտ այդ նույն արտահայտու-
թյունն էր:

-Հը՛մ, անկեղծ ասած՝ իրոք չգիտեմ, թե ինչ պետք է անեմ,- կմկմացի
ես:- Ի վերջո, նա ինձ լքեց չորս ամիս առաջ: Ես նրա համար բացարձա-
կապես անօգուտ էի, դրա համար էլ լքեց ինձ:

Աղջիկը ոտքի կանգնեց փոքր-ինչ նյարդայնացած:

- Բայց նա ի վերջո ձեր ամուսինն էր: Չե՞ք կարծում, որ մի քիչ տարօ-
րինակ էր այն փաստը, որ ոչինչ չէք իմացել մեր չորսամսյա կապի մասին:

-Դե, գուցե մի քիչ...

-Նա ձեզ այլեւ չի՞ հետաքրքրում:

-Ի՞նչ ասեմ...

-Դա ա՞յն է, ինչն անվանում են անսեր ամուսնություն:

-Հը՛մ: Դե, հա...

-Ուրեմն, այս չորս ամսվա ընթացքում պարզապես որոշել եք ընդունե՞լ
ամուսնալուծությունը:

Բառերը չափազանց արագ էր արտաբերում: Շատ ուժեղ մեկը դուրս
եկավ: Այդպիսի մեկի հետ զրուցելը հեշտ չէր ինձ համար: Բայց ինչ էլ լի-
ներ, ես դեռ կարող էի իրավիճակը գնահատելու ժամանակ ունենալ:
Պետք է նրան մտածված պատասխան տայի: Մեր երկուսի համար:

-Ճիշտն ասած, չեմ կարծում, թե դա ձեր երկուսի համար օգտակար
կլինի,- ասացի խիստ գործնական տոնով:

Իր հարցերն արագ կրակելուց հետո նա թմրաբանական ընկավ երկտեղա-
նոց բազկաթոռին: Մեղմ փնջացնում էր՝ սպասելով իմ պատասխանին:

Երբ պատասխանս լսեց, քթի տակ ծիծաղեց:

-Հրե՛շ,- բացականչեց:

-Ի՞նչ:

-Հրե՛շի մեկն ես:

Երկար եւ խորը շունչ քաշեց, ասես կրկնում էր ինքն իրեն, ապա լայն
ժպտաց:

-Ծիսելու բան ունե՞ք այստեղ:

-Խոհանոցի պահարանում:

Աղջիկը ոչ միայն մի տուփ ծխախոտ բերեց հյուրասենյակ, այլ նաեւ
փոքրիկ մոխրաման:

Չորս ամիսների ընթացքում, երբ ամուսինս ապրում էր մեկ այլ կնոջ
հետ, ոչ ոք բնակարանում չէր ծխել: Օդը կորցրել էր ծխի բոլոր հետքերը,
եւ մոխրամանները մաքուր էին:

ՀՈՒՑՑԱՆ

Բայց հիմա երիտասարդ աղջիկը, որը ընել էր ամուսնուս հետ, եկել է ծխախոտ էր վառում: Այդ ամենը փոքր-ինչ տարօրինակ էր:

-Ուսուցիչն ինձ երբեք չէր թողնում ծխել: Նա ընդհանրապես ոչ մի աշակերտի չէր թողնում ծխել:

Աղջիկը ճարակորեն թափ տվեց ծխախոտի մոխիրը:

-Կողքիս ունենալով այդպիսի մեծ ուսուցիչ՝ ես միշտ մեծ ճնշման տակ եմ, էլ չեմ ասում՝ նրա հետ ապրելով: Միշտ ստիպում է այս ու այն անել կամ այս ու այն չանել: Եվ այդ ամենը՝ «իմ օգուտի համար»:

-Հա: Նա իրոք տիպ է:

-Իսկապե՞ս: Նա միշտ այդպիսի՞ն էր: Երբ միասին էիք, էի՞ք այդպիսին էր:

-Իհարկե:

-Իսկ ինչպե՞ս եք, ը-ըմ, համակերպվում դրա հետ:

-Պարզապես ուշադրություն մի՞ դարձրու նրա վրա,- ասացի:- Որոշ բաներ ավելի լավ է անտեսել: Կոկա-կոլա կուզե՞ս:

-Այո:

-Սառո՞ւյց:

-Սառույց էլ:

Նայեց, թե ինչպես եմ լցնում իր բաժակը, ապա սառույցի վեց խորանարդիկ ավելացրեց:

-Սառույցը քիչ էր: Չկամ մի քիչ էլ սարքեմ:

Նա հետս եկավ խոհանոց՝ օգնելու ինձ:

-Ուսուցիչն ասում է, որ բժիշկ եք:

-Հա:

-Ի՞նչ բժիշկ:

-Դե... Գերիատրիկ բժիշկ: Ծերաբույժ: Մարդիկ ծերանում են, հիվանդանում են (կամ ոչ) և մահանում ծերանոցում: Ես նրանց բուժման ու խնամքի հարցերով եմ զբաղվում՝ նրանց վախճանվելուց առաջ: Երբ նրանք հասնում են իրենց կյանքի մայրամուտին, բնական է, որ բուժման և խնամքի կարիք են զգում: Միակ բանը, որ պետք է անել, նրանց մահը թեթեւացնելն է: Ծերանոցը չպետք է ուրիշ բաների խառնվի: Եվ հարազատները գոհ կլինեն:

-Ուրեմն, Ուսուցչի գործի հետ ընդհանուր ոչինչ չկա՞:

-Դա, անկասկած, այն աշխատանքը չէ, որ հույս է ներշնչում,- ասում եմ:

Միասին աշխատեցինք խոհանոցում՝ սառցարանի մեջ դնելով ջրով լի պլաստմասե ամանը:

-Ինչպե՞ս եք առաջին անգամ հանդիպել:

-Պատահական ռոմանտիկ հանդիպում էր:

-Օ, դուք, ձեր սերունդը սիրում էր դա անել,- քրթմնջաց նա:

-Դա այնքան էլ վաղուց չէր:

Հիշեցի, թե ինչպես առաջին անգամ հանդիպեցի ամուսնուս, ինչպես սիրահարվեցիք, հետո ամուսնացանք: Վեց կամ յոթ տարի առաջ ընդամենը: Բայց վեց կամ յոթ տարին այս երիտասարդ աղջկա համար կարծես հավերժություն էր:

-Ինչո՞ւ երեխաներ չունեցաք:

Ոչինչ չասացի: Փակեցի սառցարանի դուռը եւ ետ գնացի ուղիղ հյուրասենյակ: Վերցրի սառը թեյիս գավաթը եւ մի կում արեցի:

-Կներեք: Երեւի ձեր ցավոտ տեղի՞ն կպա:

-Ոչ: Խոհանոցում շատ շոգ է: Իսկ ես ծարավ եմ:

Բարձրացրի գավաթը եւ մի կում էլ խմեցի: Այս եղանակին սառը թեյ խմելը լավ է:

-Հիմա... ինչու երեխաներ չունեցա՞նք: Դե, երբ ամուսնացանք, արդեն ձեր էինք: Դրան ավելացրու մեր երկուսի աշխատանքը, եւ կարծում եմ պարզ կլինի, որ չենք ցանկացել նաեւ:

Աղջիկը թեթեւակի ժպտաց:

-Քաղցած եմ,- ասաց:- Ուտելու ի՞նչ ունեք:

-Ոչինչ:

-Լավ, իսկ ի՞նչ եք ուտում սովորաբար:

-Հետս տուփի մեջ ուտելիք եմ տանում, երբ արտաժամ եմ աշխատում:

-Իսկ եթե արտաժամ չեք աշխատո՞ւմ:

-Այդ դեպքում տուփը տուն եմ բերում:

-Կարո՞ղ եմ սառնարանի մեջ նայել:

-Այո, իմ հյուրն ես:

Նա բացեց սառնարանի դուռը եւ գլուխը ներս մտցրեց՝ խառնշտելով:

Աչք գցեց նաեւ խոհանոցի գազօջախի վրա: Երբ սառնարանի դուռը փակել էր, տեսա, որ չորս ձու է հանել:

-Ուզում եմ ձվածեղ անել, լա՞վ:

-Հը՞...

-Կլինի, չէ՞:

-Այո, իհարկե: Բայց ինչո՞ւ ձվածեղ:

-Որովհետեւ ձեր տանը միայն չորս ձու եւ մեկ փոքրիկ թավա կա,- պատասխանեց նյարդայնացած՝ աչքերը պտտելով: Ձեռքերը լվաց եւ սկսեց ձվերը ջարդել՝ շարունակելով խոսել:

ՀՈՒՑՑԱՆ

-Եթե հինգ կամ վեց ձու ունենայի, ձեզ համար իտալական ձվածեղ՝ ֆրիտտատա կպատրաստեի: Հինգ կամ վեց ձու ունենալու դեպքում արժեք նաեւ մի քիչ բանջարեղեն գնել եւ պատրաստել դա:

-Իսկ եթե նույնիսկ չորսը չունե՞ս:

-Ուրեմն չարժե խանութ գնալ:

-Այստեղ մի քանի ձու եմ ունենում սովորաբար, ասենք՝ մի երկու-երեքը:

-Եթե երեք ձու է,- ասաց՝ թավայի մեջ յուղ լցնելով,- ավելի լավ է ձվածեղ անել: Եթե երկուսն է, ավելի լավ է խաշել, բայց դեղնուցները շատ պինդ չլինեն:

-Իսկ եթե մե՞կն է:

-Ուրեմն չարժե չարչարվել: Ուղղակի դեն նետեք,- ասաց սառը տոնով:

Գազօջախը միացրեց: Կապույտ բոցն սկսեց թրթռալ: Քիչ անց փայտիկներով սկսեց խառնել ձվերը: Ապա լցրեց թավայի մեջ:

-Պատրաստելու ժամանակն է,- ասաց: Սկզբում լցրեց բարակ շերտով, ապա սպասեց, որ շերտը պնդանա: Հետո նոր շերտ լցրեց: Ապա հաջորդը: Թավայի մեջ աստիճանաբար սկսեց վեր բարձրանալ հաստ, գայթակղիչ, փքուն մի կիսաշրջան:

Ես կանգնած հիանում էի: Անկեղծորեն հաճոյախոսեցի.

-Ի՞նչ գեղեցիկ ձվածեղ է:

-Եթե քառակուսի թավայում արվեր, ավելի տպավորիչ կլիներ,- հանգիստ արձագանքեց աղջիկը:

-Կարո՞ղ եմ համոտեսել:

-Իհարկե:

Վերցրի երկու փոքր ափսե, երկու զույգ փայտիկ եւ դրանք տարա խոհանոց:

Չվածեղն արդեն ճենապակե ափսեի վրա էր, որ Աստված գիտե որտեղից էր նա գտել: Ափսեն դրվեց սեղանին:

-Ի՞նչ համ ունի,- հարցրի ապուշի պես:

-Չգիտեի՝ քա՞ղցր եք սիրում, թե՞ կծու, դրա համար էլ եւ՛ սոյայի սոուս ավելացրի, եւ՛ շաքար:

-Կծու եմ սիրում:

Փայտիկներովս մի մեծ կտոր վերցրի հաստ ձվածեղից եւ բերանս տարա՝ համոտես անելու: Ինչպես եւ սպասում էի, համեղ էր ու հյութալի: Բերանիս մեջ զգում էի շերտերը:

Հիացմունքով վայելում էի ճաշակածս, երբ հանկարծ աղջիկն ասաց.

- Ուսուցիչը քաղցր է սիրում:
- Բերանս լիքն էր, եւ ես հանկարծ հասկացա, որ աղջիկը դեռ այստեղ էր:
- Մի պահ լռություն էր, եւ լսվում էր, թե ինչպէս եմ ծամում ու կոպ տալիս:
- Հազիվ էի կոպ տվել համեղ պատառը, երբ շրջվեցի նրա կողմը եւ անկեղծորեն ասացի.
- Կներես:
- Նա ուղիղ ինձ էր նայում՝ առանց մի բառ ասելու: Ասես իր անքերում ամբարում էր իմ զգվելի պատկերը՝ ձվածեղ խժռելիս: «Իրոք ցավում եմ»:
- Ինքս ինձ ասացի. «Երբեք այսքան լավ ձվածեղ չեմ կերել»: Աղջիկը լուռ էր: Ստածեցի՝ երեւի ուր որ է կարտասվի:
- Բայց նա չարտասվեց:
- Ընդհակառակը, իմ անքերն էին արցունքոտվել:
- Տես, է... Ես երբեք այսքան լավ չեմ պատրաստել,- ասացի՝ հոտ քաշելով:- Ես երբեք լավ կին չեմ եղել: Զո անքերում նույնիսկ արժանի մրցակից չեմ:
- Նրա դեմքը լուրջ արտահայտություն ստացավ: Տեղից անգամ չշարժվեց:
- Ուրեմն, լավ բժիշկ եք:
- Դե... Չեմ կարծում:
- Նա բարձր ծիծաղեց:
- Օ, շատ տխուր է ձեր կյանքը:
- Դառն ծիծաղեցի: Նա ճիշտ էր:
- Արագ ոտքի ելավ, ուշադիր նայեց դեմքիս:
- Լավ, ես վաղը կգնամ:
- Հը՞:
- Ասացի՝ վաղը կգնամ:
- Գնալու եմ ուրիշ տեղ՝ ավագ դպրոցում սովորելու:
- Ինչո՞ւ:
- Չլսեցի՞ք ինձ:
- Ինձ վտարել ես: Իմ եւ Ուսուցչի պատճառով:
- Ուրեմն...
- Ուրեմն պետք է գնամ ուրիշ տեղ եւ ավագ դպրոց ընդունվեմ: Կասեմ՝ ծնողներս աշխատանքը փոխել են: Կամ նման մի բան: Մայրս արդեն ամեն ինչ կազմակերպել է:
- Իսկ նա՞ ինչ է անելու:
- Նա՞: Նկատի ունեք Ուսուցչի՞ն: Դե, պարզ է, ես լքել եմ նրան:

ՀՈՒՑՑԱՆ

Երբ նայեցի դեմքին, իսկապես մտահոգվեցի նրա համար:

-Ուրեմն, եկել էիր, որ այսօր այդ մասին ասեիր ինձ:

-Ի՞նչ: Ոչ մի դեպքում: Չեմ եկել մրցակցուհուս ասելու՝ «Նայ, վաղն ամուսնուդ քեզ եմ վերադարձնելու»:

-Բայց պարզ ասացիր, որ կապերդ խզել ես նրա հետ:

-Ղա պարզապես պատահականություն է:

Մի ծխախոտ էլ վառեց եւ ուրախ ժպիտը դեմքին շարունակեց.

-Պարզ չէ՞: Եկել եմ ձեզ սովորեցնեմ, թե ինչպես պետք է ձվածեղ պատրաստել:

-Ղա պարզապես...

-Բայց լուրջ...,- հայացքը խոնարհեց եւ ծխախոտի մոխիրը թափ տվեց:- Լավ էլ ջոկող եք:

-Ե՞ս: Ինչո՞ւ:

-Որովհետեւ,- ասաց կամաց,- իրերը կոչում եք իրենց անունով:- Ասացիք՝ «Չեմ կարծում, որ կշարունակեք ձեր հարաբերությունները»: Եվ Ուսուցիչն ու ես իսկապես... իրո՞ք իրար համար չենք ստեղծված:

-Հա...

-Բանն այն է, որ,- շարունակեց,- Ուսուցիչն ու ես նույն նավակի մեջ ենք: Պատու տեղ չունենք, նույն վիճակում ենք: Եթե նույնիսկ վերադարձնեք նրան, դա պարզապես մի մեծ խառնաշփոթ կլինի, գլխացավանքի մեջ կընկնեք:

-Անկեղծորեն՝ ես էլ չեմ սիրում դժբախտությունները գրկաբաց ընդունել,- ասացի:- Ինչպես ասում են, իմ կյանքում եւ աշխատանքում կարծես ուրիշ բան չեմ անում, միայն գլխացավանքի մեջ եմ ընկնում:

-Ղե, լավ է ուրեմն:

Աղջիկը գնաց 5:45-ին: Հեռանալիս շոջվեց եւ ինձ ասաց.

-Հետեւեք բոցին: Սկզբից մինչեւ վերջ պետք է այն պահեք ճիշտ բարձրության վրա՝ ոչ շատ բարձր, ոչ շատ ցածր: Ահա այդպես կպատրաստեք փափուկ եւ համեղ ձվածեղ:

ՀԱՌ ՑԶԻՆՖԱՆ

ԱՆՏԵՍԱՆԵԼԻ ՄՈԼՈՐԱԿՆԵՐ

-Պատմիր ինձ հիասքանչ մոլորակների մասին: Ես չեմ սիրում դաժան ու զարշեղի վայրերը,- ասում ես դու:

-Լավ,- ժպտում եմ ես ու գլխով անում:- Իհարկե, կպատմեմ:

ՄԻՍԻԼԱՑԶՅԱ

Միսիլացյան հիասքանչ մի մոլորակ է, որի ծաղիկներն ու լճերը բոլոր այցելուներին անմոռանալի հիշողություններ են պարգևում: Այդտեղ ոչ մի թիզ անմշակ հող չեք տեսի, հողի ամեն մի հատված ծածկված է բուսաշխարհի՝ մետաքսի պես նուրբ անուա խոտով, կուցիկնցին ծառերով, որոնց կատարներն ամպերին են հասնում: Այդտեղ այնքան տեսակ-տեսակ հրաշալի մրգեր կան, որոնց անունը շատ մարդիկ չգիտեն, չեն կարող նույնիսկ նկարագրել դրանց տեսքը, դրանց գայթակղիչ բուրմունքն ու համը:

Միսիլացյացիները երբեք ստիպված չեն եղել անհանգստանալ իրենց գոյության համար: Նրանց կյանքի տեղողությունը շատ երկար է, իսկ նյութափոխանակությունը շատ դանդաղ է, եւ քիչ բնական թշնամիներ ունեն: Ուտելու համար ընտրում են բոլոր տեսակի պտուղները, իսկ իրենք ապրում են այկայա ծառի ներսում: Այդ ծառն օղակածու է, ներքին տրամագիծը բավականին մեծ է, եւ չափահաս մարդը կարող է հանգիստ պառկել այդտեղ: Եվ այդպես սերնդեսերունդ ապրում են այկայա ծառի ներսում: Արեւոտ եղանակին ծառերի ճյուղերը հովհարածու տարածվում են, իսկ անձրեւի ժամանակ լայն բացվում են, այնպես, որ դրանց տերեւները բացվում են մեծ հովանոցների նման:

Առաջին անգամ գալով Միսիլացյա՝ բոլորը տարակուսում են: Նրանք չգիտեն, թե ինչպես կարող է այսպիսի մոլորակի վրա քաղաքակրթություն առաջանալ, որովհետեւ, ինչպես տեսնում են, այնպիսի վայրում, որտեղ չկա վտանգ եւ մրցակցություն, կյանքը կարող է հոյակապ շարունակվել առանց գիտելիքի անհրաժեշտության: Բայց այստեղ իսկապես կա քաղաքակրթություն, եւ այն իրոք գեղեցիկ է, զարգացող ու մեծապես ստեղծարար:

ՀԱՌ ՑԶԻՆՖԱՆ

Սիսիլացյա ժամանելիս շատերի ստացած առաջին տպավորությունն այն է, որ երբ տարիք առնեն, կգան այստեղ՝ վայելելու իրենց ոսկե տարիները: Նրանց մեծ մասի կարծիքով՝ խանգարող առաջին հանգամանքն այն կլինի, որ սովոր չեն այստեղի ուտելիքին, դրա համար էլ ժամանակ չեն կորցնում՝ զգուշորեն փորձելով բոլոր տեսակի մրգերն ու պտուղները: Ապա, որոշ ժամանակ այստեղ ապրելուց եւ բարիքները ճաշակելուց ու բավականին բարձր գնահատելուց հետո, զարմանալու են՝ իմանալով, որ սիրում են այստեղի ամեն տեսակ ուտելիքները եւ բոլոր տեսակի ծաղիկները, բայց չեն կարող այստեղի կյանքին դիմանալ,- հատկապես տարեցները,- իսկապես չեն կարող դիմանալ:

Իրենց ծնվելու պահից սիսիլացյացիները սկսում են սովորել, թե ինչպես ստեն: Ըստ էության, սա նրանց կյանքի ամենակարեւոր առանձնահատկությունն է: Իրենց ամբողջ կյանքում նրանք միշտ հորինում են, հորինում են պատմություններ, որ տեղի են ունեցել, եւ պատմություններ, որ տեղի չեն ունեցել, դրանք գրի առնելով, նկարելով, երգելով, բայց երբեք չհիշելով: Նրանք երբեք չեն մտածել, թե արդյոք լեզուն համապատասխանում է իրականությանը. զվարճանքը նրանց խոսքի միակ չափանիշն է: Եթե հարցնեք Սիսիլացյայի պատմության մասին, հարյուր տարբեր պատմություններ կներկայացնեն ձեզ, եւ ոչ ոք չի հերքի որեւէ մեկի տեսակետը, քանի որ ամեն պահի նրանք զբաղված են ինքնահերքմամբ:

Սիսիլացյայում մարդիկ միշտ ասում են. «Լավ, ես դա կանեմ», իսկ իրականում երբեք ոչինչ չեն անում, բացարձակապես ոչ ոք այդպիսի խոսքը ճշմարտություն չի համարում, բայց տարաբնույթ զանազան զբաղմունքները կյանքն ավելի հարուստ ու գունագեղ են դարձնում: Սիսիլացյայում հազվադեպ են մարդիկ իսկապես անում այն, ինչ հավաստում են, թե կանեն, բայց դրա համար հատուկ պատճառ պետք է լինի: Եթե հանդիպում կա, եւ երկու կողմերն էլ կատարում են պարտավորությունը, նրանք հաճախ միավորվում են եւ ապրում միասին: Իհարկե, նման բան շատ քիչ է լինում, եւ շատերը միայնակ են ապրում իրենց կյանքը: Սիսիլացյացիներն այստեղ ոչ մի սխալ բան չեն տեսնում: Ընդհակառակը, երբ լսում են գերբնականության պատճառով այլ մոլորակների դժվարությունների մասին, ավելի շատ են համոզվում, որ իրենց մոլորակում ամենալավն են հասկանում կյանքի բարվոք պայմանների մասին:

Այդ իսկ պատճառով Սիսիլացյան ծնունդ տվեց հատկապես փառահեղ գրականության, կերպարվեստի եւ պատմական ուսումնասիրությունների՝ դառնալով լայնորեն հայտնի մշակութային կենտրոն: Այլ տեղերից

եկաձ մարդիկ հիանում էին՝ հուսալով, որ այս կամ այն ծառի տակ, խոտերում կկարողանան լսել տեղացիների ինքնատիպ պատմություններն իրենց ընտանիքի մասին:

Որոշ մարդիկ զարմանում են՝ մի՞թե հնարավոր է ստեղծել կայուն հասարակություն այդպիսի մոլորակի վրա: Նրանք միշտ Միսիլացյան պատկերացում են որպես քառասյին մի պետություն՝ առանց կառավարության կամ առետրի: Բայց նրանք սխալվում են: Միսիլացյայի կառավարությունը քաղաքակիրթ է ու ծաղկուն, եւ դարեր շարունակ մրգերի արտահանման առետուրը հաստատուն զարգացում է ունեցել: Ստելու լեզվական սովորությունը երբեք չի խոչընդոտել նրանց առաջընթացին, այլ իրականում նպաստել է: Միակ բանը, որ Միսիլացյան չունի, գիտությունն է: Ամեն մի իմաստուն մարդ ինչ-որ բան գիտե աշխարհի հրաշալիքների մասին, բայց այդ պատահիկները երբեք ի մի չեն բերվել:

ՊԻՍՈՒՅԱՅԻ

Պիմույացին մեկ այլ վայր է, որ ձեզ չի թողնի պատմությունն իմաստավորել: Այս մոլորակի թանգարաններում, ռեստորաններում եւ հյուրանոցներում կկարողանաք անցած օրերի մասին զանազան պատմություններ լսել: Դուք կշփոթվեք, քանի որ ամեն մեկն այնքան անկեղծ է պատմում, որ պարտավոր եք հավատալ, բայց այդ պատմություններից ոչ մեկը չի համապատասխանում մյուսների հետ: Սքանչելի պատմություններ կան Պիմույացիի բնապատկերի մասին: Եթե ճիշտն ասենք, այն գրեթե չի կարող կոչվել գնդածեւ մոլորակ: Տյուսիսային եւ հարավային կիսագնդերի միջեւ բարձրության տարբերությունը դրամատիկական է:

Գրեթե ուղղահայաց կախված մի ժայռ շարունակաբար հորիզոնական ձեւով պարուրում է հասարակածի շրջանը՝ մոլորակը բաժանելով կտրուկ իրար հակապատկեր երկու աշխարհների: Վերին մասը ծածկված է մաքուր ձյուն ու սառույցով, իսկ ստորոտը շրջապատված է երկնագույն անսահման ծովով: Բայց քաղաքները կառուցված են այդ՝ թվում է անվերջանալի պատի վերեւում՝ նրբորեն փորագրված շենքեր, վերելից ներքեւ իջնող ճանապարհներ, որ նման են արեւի ճառագայթների տակ երեւացող հսկա գեղանկարների:

Ոչ ոք իրականում չգիտե այդ պետության ստեղծման պատմությունը: Այն, ինչ կլսեք, պարզապես ներկայիս բնակչի՝ ռոմանտիկ բնույթի պատ-

ՀԱՌ ՑԶԻՆՖԱՆ

մություն է: Ամեն պատմություն հուզիչ է, դրանց մի մասը զարմանահարաշ հեքիաթներ են՝ արյամբ ողողված, մի մասը՝ ողբերգական ու թշվառ պատմություններ, կան նաև սիրո պատմություններ, որ ստիպում են արտասվել: Իհարկե, այդ ամենը կախված է պատմողի տարիքից ու սեռից: Ոչ ոք չի փորձում ստիպել, որ բոլորն իրենց հավատան, եւ այս կերպ Պիմոյացիի բանավոր պատմությունը շուրթից շուրթ է փոխանցվում՝ ավելի ու ավելի հրաշապատում դառնալով:

Շատ մարդիկ գրավվում են հրաշալի բնապատկերով եւ այստեղի պատմություններով, դրա համար էլ մնում են՝ չցանկանալով հեռանալ: Սա մի անհամեմատելիորեն բաց եւ հյուրընկալ մոլորակ է, որտեղ յուրաքանչյուր այցելու ջերմորեն է ընդունվում եւ ապրում է երջանիկ կյանքով: Երբ այցելուները որոշում են մնալ, նրանք նույնպես տուն են կառուցում՝ գառիթափին, անդունդի վրա եւ իրենց լսած պատմություններն են պատմում նոր ժամանած հյուրերին: Լիովին գոհ եւ բավարարված՝ նրանք աստիճանաբար դառնում են այստեղի նոր բնակիչները:

Այս արբեցումը շարունակվում է այնքան ժամանակ, մինչեւ որ մի օր անսպասելիորեն նրանք իրազեկ են դառնում իրական ճշմարտությանը: Հանկարծ գիտակցում են, որ Պիմոյացիի պատմությունն իսկապես արդեն բացահայտվել է անվերջանալիորեն փոքր ու նուրբ նշաններում: Ըստ էության, բոլորն այստեղ նույնն են: Ըստ էության, այս մոլորակը միայն այցելուներ ունի, իսկ իրական քաղաքացիներ կամ նրանց հետևորդներ չկան:

Հենց այդպես: Պիմոյացին միշտ եղել է հոյակապ պատմություն ունեցող մի վայր, բայց անհայտ մի պատճառով այն անտեսվել է: Պիմոյացիի ժողովուրդը լքել է իր հայրենիքը՝ իրենից հեռո թողնելով դատարկ, շողացող քաղաքը, այստեղ սխալմամբ եկողներին սոսկ զարմանք ու հիացմունք պատճառելով: Պիմոյացիի բնիկներից հետո մնացել են նաև նրանց լեզվի անհասկանալի ու անհասանելի պատառիկները եւ մակերեսային գիտելիքներ այդ լեզվի մասին: Նրանք հավանաբար մի քանի սահմանափակ, ժլատ տեղեկություններ ու հետքեր են թողել իրենց շենքերի ճեղքերում: Եվ դրանք թողել են, որպեսզի գուցե արմատավորվեն կամ ծիլեր տան հետո եկողների ուղեղներում եւ վերածնեն այս մոլորակի անցյալի մասին ամենաձաղկուն, գունազեղ երեւակայության:

Ոչ ոք չգիտե, թե ով առաջինը հայտնաբերեց քաղաքացի չունեցող այս երկիրը: Այցելուների պատմությունը, որը փոխանցվել է սերնդից սերունդ, նույնպես, միտումնավոր թե ոչ, տարրալուծվել է անհայտության մեջ: Բո-

լոր այն այցելուները, ովքեր նախընտրում են մնալ, հույս ունեն լինել Պիմույացիի իսկական քաղաքացիները: Նրանք հետեւում են այս մուրակին՝ անսասան խանդավառությամբ կառավարչի դեր տանելով, ի վերջո նույնիսկ հավատալով, որ դա եղել է միշտ կլինի իրենց հայրենիքը:

Թվում է՝ ոչ մի օտար մարդ չի կարող բացահայտել Պիմույացիի գաղտնիքը, բացի մի քանի թափառականից, որ եղել են տիեզերքի բոլոր անկյուններում: Նրանք խորաթափանց կերպով ընկալում են, որ այստեղի մարդիկ մշտապես պատրաստ են շեշտել այն փաստը, որ իրենք Պիմույացիի բնիկներ են, եւ սա այն է, ինչը շատ հաճախ հեշտությամբ մոռացվել է այն մուրակների վրա, որոնք ղեկավարվում են բնիկ ժողովուրդների կողմից:

ՊԻՆՉԺԻՎՈ

Բացի Պիմույացիից, հավանաբար միայն Պինչժիվոյում կկարողանաք տեսնել կյանքի զանազան ձեւեր, որ բոլորովին այլ սովորույթներ ու մշակույթ են բերում, որոնք իրար են բախվում այս փոքրիկ մուրակի վրա, միասին խորտակվում ու կայծեր արծակում:

Պինչժիվոն մեծ չէ, ոչ էլ փոքր է: Տարվա եղանակները տաք են, իսկ ջերմաստիճանն ու եղանակը՝ մեղմ: Հարթավայրերը լայնարձակ են, լեռներ չկան: Մակերեւույթին միայն փոքր բարձունքներ են, որ գեղեցիկ մի կամար են գծում այնտեղ, որտեղ երկինքը միանում է երկրին: Այն ունի մուրակին բնորոշ բոլոր հատկանիշները, բայց ուրիշ ոչինչ չկա: Այդտեղ պարարտ հող կա, հարուստ հանքեր, բուսական ու կենդանական բազմազան աշխարհ, թփուտներով շրջապատված կլոր դաշտեր, որ բոլորին մղում են երգելու եւ պարելու: Բայց միայն այդքանը, մարդկանց զարմացնելու այլ վայրեր չկան:

Մարդիկ սովորական են, եւ ամենեւին աչքի չեն ընկնում որեւէ բանով: Նրանք պատկանում են կաթնասունների շատ սովորական մի խմբի. չափազանց մեծ չեն, պարզ են ու բարեսիրտ, հեշտ են հաշտվում սեփական վիճակի հետ: Սոցիալական համակարգը յուրահատուկ է իր մեղմությամբ, մարդիկ բավականաչափ ներդաշնակ կյանքով են ապրում:

Պինչժիվոյի ժողովուրդն աչքի է ընկնում իր անսահման բարի բնավորությամբ: Ո՛չ իրար հետ են վիճում, ո՛չ էլ այլ մուրակներից եկած՝ տարբեր գույնի, չափի ու ձեւի օտարների հետ: Թե՛ մեծահասակները, թե՛ երեխա-

ՀԱՌ ՑԶԻՆՖԱՆ

ները հմուտ ունկնդիրներ են: Երբ լսում են մեկին, միշտ իրենց մեծ աչքերը լայն բացում են, հաճախակի գլխով են անում, և նրանց դեմքերը զարմանք կամ հիացմունք են արտահայտում:

Տեղացիների այս բարի բնույթը տեսելով՝ տիեզերքի առավել խելացի ու պատվախնդիր ժողովուրդները հասկացան դրա արժեքը և գաղտնի սկսեցին մրցակցել միմյանց հետ: Դա իրոք այդպես է: Ո՞վ չէր ուզի նման երկիր կառավարել: Այդտեղ կային օգտակար ռեսուրսների բոլոր տեսակները, հարմար կենսապայմաններ և, որ ամենից կարևորն է, մեծ նշանակություն ուներ այդքան շատ առետրական երթուղիների խաչման կետում գտնվելը: Ո՞վ չէր ուզի նվաճել այդպիսի մի պետություն:

Այսպիսով, ուսուցիչներ, միսիոներներ, քաղաքական գործիչներ, հեղափոխականներ ու լրագրողներ, բոլորը եկան, և յուրաքանչյուրը պատկերեց երկնապարգեւ մի պետություն՝ բացահայտելով իդեալական շատ կողմեր: Եվ Պինչժիվոյի ժողովուրդը խոր ու լիաթոք հոգոցներ արձակեց՝ այդ ամենի մասին իմանալով: Եվ ավելին, կային այնպիսի մոլորակներ, որ զարմանալիորեն՝ Լույնիսկ անմիջապես «վերակացուներ» ուղարկեցին ու հանդիսավոր կերպով ներգրավեցին այդ մոլորակի իշխանության ամենաբարձր նստավայրում: Իսկ բնակիչները չընդդիմացան, ըստ էության ամենեւին չմտածեցին անգամ այդ մասին:

Իսկ հետո, երբ այդ հաղթական պահերը անցել էին, այլմոլորակային այցելուներն սկսեցին կորցնել հույսը, յուրաքանչյուրը յուրովի, և որքան ավելի շատ ժամանակ էր անցնում, այնքան ավելի էին հուսալքվում: Պինչժիվոյի ժողովուրդն ըստ էության երբեք չի ընդունում այդ քարոզչություններից որեւէ մեկը, և Լույնիսկ ուսուցումների դեպքում, որ այնքան էլ հավանության չեն արժանանում, երբեք դրանք գործադրելու ծրագրեր չեն ունեցել: Մի կողմից՝ նրանք անընդհատ հիացմունքի բացականչություններ էին արձակում օրենքի գերակայությամբ ամրապնդվող հասարակության հետ կապված: Մյուս կողմից՝ կարծես թե չեն էլ լսել հեռավոր վայրերից եկած այս օրենսդիրների կողմից սահմանված կանոնների մասին:

Այդ առումով բոլոր ինքնահավան ու հավակնոտ անձինք անօգնական էին, քանի որ պարզել էին, որ խոսքի և գործի միջեւ այդ անհամապատասխանությունը ինչ-որ չարամիտ ու դիտավորյալ խաբեության արդյունք չէ, այլ, ավելի շուտ, կենսակերպ է:

Առերեսվելով «ինչու» հարցին, առանց որեւէ հիմնավորման, նրանք ասում էին. «Ճշմարիտ է, ինչ ասում եք, ճիշտ է, բայց աշխարհում շատ ճիշտ բաներ կան, ի՞նչն է իսկապես ճիշտ»:

Որոշ մուրրակներ այլևս չէին կարողանում դա ընդունել, դրա համար էլ փորձում էին ռազմական ուժի միջոցով իրականացնել իրենց ծրագրերը: Բայց այդ դեպքում մեկ այլ մուրրակ հանկարծակի կարող էր միջամտել: Իշխանության եւ զինված ուժերի զննումները ու հավասարակշռումը ցույց էր տալիս, որ ամեն մի հևարավոր հակասություն լուծվում էր Պինչժիվոյի օդային տարածությունից դուրս:

Այսպիսով, Պինչժիվոն ծառայում է որպես կենտրոն, որտեղ օտարները հավաքվում են, եւ այն դարձել է համակեցության ու բնապահպանության ամենանախնական օրինակներից մեկը գալակտիկայի սրտում:

Քեզ դո՞ւր են գալիս այս պատմությունները:

-Դուր գալիս են, բայց մի տեսակ չեմ հասկանում: Ինչո՞ւ են բոլոր մուրրակները լցված այլ մուրրակներից եկած ճանապարհորդներով: Մի տեսակ անհարմար վիճակում եմ հայտնվում: Կենդանաբանական այգու նման մի բան է դա:

Հը՛մմ, ճիշտ ես, ինձ էլ դա դուր չի գալիս: Մուրրակի մատնահետքերը միշտ մաշվում, բարակում են այդպիսի դեպքերում: Լավ, ուրեմն խոսենք մի քանի ճշմարիտ բնիկների մասին:

ԱՄԻՅԱԳԳԻ ԵՎ ԱՅՀՈՒՈՒ

Ինչ վերաբերում է բնիկների կողմից ղեկավարվող մուրրակներին, ես կուզեի քեզ պատմել երկու մուրրակների պատմությունը: Դրանք Ամիյացգին եւ Այիուուուն են: Այս երկու մուրրակների վրա կան բանական էակների երկու առանձին ցեղեր, որոնք իշխում են, եւ երկուսն էլ հավատում են, որ իրենք իսկապես մուրրակի օրինական տերերն են:

Ամիյացգիի արեւը կրկնակի աստղ է՝ մեկը կուրացուցիչ ճառագայթող կապույտ հսկա, իսկ մյուսը՝ թույլ ճերմակ գաճաճ: Երկուսն էլ համեմատաբար նույնական զանգվածներ ունեն, սակայն դրանց ծավալն ու պայծառությունը խիստ տարբեր են: Այդ պատճառով Ամիյացգիի ուղեծիրն անհամաչափ դժվի ձեւ ունի: Նրա հեղափոխական բնույթը կապված է այս երկու աստղերի հակասականության հետ: Ամիյացգին պտտվում է վալսանման պարի պտույտով:

Ամեն անգամ, երբ մոտենում է կապույտ հսկային, Ամիյացգին մտնում է երկարատեւ ամռան շրջանի մեջ, իսկ երբ մոտենում է սպիտակ գաճա-

ՀԱՌ ՑԶԻՆՖԱՆ

ճին, ևույնքան երկարատեւ ծմռան մեջ է հայտնվում: Ամռանը մոլորակը ծածկված է բուսական աշխարհի բոլոր տեսակներով: Իսկ ծմռանը դրանց մեծ մասը խոր քուն է մտնում լռության մեջ:

Ձմռանն ու ամռանը Ամիյացգիում երկու տարբեր տեսակի կյանք է: Մեկն ամռան խիտ անտառներում փթթող կյանքն է, մյուսը՝ մերկ ու լերկ հարթավայրերի ձմեռային մենությունը: Ամառաբնակ ամիյացգիացիներն ապրում են որթատունկերի ներքո, ծղոտածածկ խրճիթներում, եւ երբ ջերմաստիճանն իջնում է ու սառն է լինում, այդ խրճիթներն անհետանում են ծխի եւ ամպի քույաների պես, քանի որ տերեւները չորանում ու թափվում են: Ձմեռաբնակ ամիյացգիացիներն ապրում են ժայռափոր կացարաններում: Երբ եղանակը կրկին տաքանում է, քարանձավների մուտքերի առջեւի բոլոր հետքերն անհետանում են հաստ խոտածածկույթի տակ:

Ամեն անգամ, երբ ամառաբնակ ամիյացգիացիները պատրաստվում են ծմեռելու, նրանք հեղուկ են արտազատում, որը ներծծվում է հողի մեջ: Այդ հեղուկն ազդում է *ուսուսու* անունով հայտնի յուրատեսակ միջատի վրա՝ ստիպելով մտնել զուգավորման շրջան եւ մեծ քանակով բազմանալ: Դա իր հերթին նպաստում է, որ *այուտողոն* կոչվող բույսը, որը թաքնվում է ծմռան ցրտից, նորից արթնանա: Այնուհետեւ այդ փոքրիկ, խոնարհ բույսը նպաստում է ձմեռաբնակ ամիյացգիացիների աստիճանական արթնացմանը: Երբ ձմեռաբնակ ամիյացգիացիներն ավարտում են իրենց սեզոնային ճանապարհորդությունը, քանի որ ծմեռը մոտենում է իր ավարտին, նրանք ծնունդ են տալիս իրենց երիտասարդ սերնդին: Այդ վաղ հասունացող երիտասարդները զարգանում եւ չափահաս են դառնում գետնի տակ՝ թաղանթի շերտով պաշտպանված: Նրանց զարգացումը հանգեցնում է իոնային ռեակցիայի, որը փոխում է հողի բաղադրությունը եւ pH-ը՝ ջրածնային ցուցիչը: Դա էլ իր հերթին նպաստում է, որ բուսական մի ամբողջ կյանք սկսի ծաղկել ու փթթել: Այդ բույսերը մեկը մյուսի ետեւից նախանշում են շոգ ամռան գալուստը, ինչպես նաեւ ազդարարում ամառաբնակ ամիյացգիացիների տիրապետության սկիզբը:

Եվ այսպես, բնական կյանքի այդ երկու տեսակներն Ամիյացգիում անտեղյակ են մեկը մյուսի գոյությունից: Նրանք չգիտեն, որ իրենց գոյությունն ու կենսակերպն անքակտելիորեն եւ անխուսափելիորեն կապված է մեկ այլ քաղաքակրթության հետ: Երկուսն էլ ունեն շատ առաջնակարգ ընտիր ստեղծագործություններ, որոնք փառաբանում են իրենց առաջնորդող հոգիների գերակայությունը, որ իրենց հնարավորություն են տալիս նոր կյանք ծեռք բերել իրենց խոր նիրհի եւ վերստին արթնացման միջեւ

ընկած ժամանակաընթացքում: Բայց նրանք երբեք չեն հասկացել, որ իրենք են աստվածների կողմից կանչված զավակները եւ որ հենց իրենք են աստվածները:

Ինչ վերաբերում է Այիուուին, իրավիճակը բացառապես այլ է: Այիուուին վրա երկու տարբեր բանական քաղաքակրթություններ են, երկուսն էլ հստակ կարող են ընկալել մյուսի գոյությունը, բայց նրանք ամենեւին տեղյակ չեն, որ իրենց նմանակներն իրենց պես են՝ ունեն զգացմունքներ, տրամաբանություն եւ բարոյական վարքականոն:

Պատճառը միանգամայն պարզ է՝ կյանքի այս երկու ծեղերի համար ժամանակի մասշտաբով հսկայական անհամապատասխանությունը:

Այիուուին շատ յուրահատուկ ուղեծրով մոլորակ է. նրա պտտման առանցքի եւ ուղեծրի հարթության միջեւ անկյունը բավականին փոքր է, իսկ իր՝ մոլորակի առանցքը մշտապես դանդաղ տատանման մեջ է: Այդ պատճառով մոլորակի մակերեսը բաժանվել է չորս գոտիների: Այիուուին երկար շերտը, որ մոտ է հասարակածին, ընդմիջվում է ցերեկի եւ գիշերվա միջեւ՝ իր առանցքի շուրջը մոլորակի պտույտից կախված, միևնույն երկու բեւեռները ցերեկվա եւ գիշերվա իրենց սեփական հերթափոխն ունեն՝ առանցքային տատանման արագությունից կախված:

Ցերեկվա եւ գիշերվա այդ երկու տարբեր բաժանումները հաճախ իրենց հարաբերակցությամբ իրարից տարբերվում են մի քանի հարյուր անգամ, այդ իսկ պատճառով այդ երկու տարբեր գոտիներում ծնունդ առած կյանքի երկու տեսակներն ունեն ժամանակային չափումներ, որ տարբերվում են մի քանի հարյուր գործոնով:

Հասարակածի այիուուիցիների համար բեւեռներում առեղծվածային ու երկարատեւ բեւեռային ցերեկներ եւ բեւեռային գիշերներ են լինում, միևնույն բեւեռների այիուուիցիների համար խավարից լույս հասարակածային անցումը տեղի է ունենում նորից ու նորից, ակնթարթի նման կարճ ժամանակում: Դա իսկապես հետաքրքիր երեւույթ է: Հասարակածի այիուուիցիները նրբագեղ են, ճարպիկ ու արագաշարժ, հարյուր հազարներով ապրում են միասին, խմբավորված, միևնույն բեւեռների այիուուիցիներն ունեն իրենց սեփական ցերեկներին ու գիշերներին համապատասխան նյութափոխանակություն, եւ նրանց մարմինները նույնպես հարմարեցված են ժամանակային ցուցիչին:

Երբեմն հասարակածի այիուուիցիները գնում են եւ հետագոտում բեւեռները, որտեղ նրանք անխուսափելիորեն կորչում են լաբիրինթային անտառներում, քանի որ պատահաբար հանդիպած կացարաններն ընդու-

ՀԱՌ ՑԶԻՆՖՔՆ

նում են որպես հսկայական անդունդներ: Հետո, երբ բեւեռի այիուուցիները գալիս են հասարակածում թափառելու, նրանք հիմնականում չեն կարողանում տեսնել մանրամասները՝ նույնիսկ պատահաբար ոչնչացնելով տները: Դա նման է այն հնագույն հեքիաթներին՝ հսկաների եւ փոքր ժողովուրդների երկրների մասին: Նրանք բնակվում են նույն մոլորակի վրա եւ ապրում են տարբեր աշխարհներում:

Երբեմն հասարակածի այիուուցիները մտածում են, թե այդ հսկա արարածները բեւեռներում կարող են իրենց պես բանական լինել: Իրենց սրտի խորքում նրանք կարծում են, որ այդքան դժվարին ու դանդաղ մի բան, մի արարած, որը հազիվ է շարժվում հարյուրամյակների ընթացքում, եթե անգամ գիտակից է, կարող է միայն պարզունակ եւ անգործունակ լինել: Իսկ բեւեռի այիուուցիները նույն կասկածներն ունեն իրենց սրտերում: Նրանք հոգոց են հանում, գլուխները տմբտմբացնում՝ մտածելով, որ այդ փոքրիկ արարածը, որ ծնվում է առավոտյան ու մեռնում գիշերով, ամենայն հավանականությամբ չէր կարողանա հասկանալ կյանքն ու քաղաքակրթությունը:

Այսպիսով, Այիուուի բանական արարածների երկու խմբերն էլ ապրում են՝ սովորելով, աշխատելով, սիրելով, ատելով, գիտակցելով, թե ինչ են պատերազմն ու խաղաղությունը, քանի որ նրանց պատմությունները դրսևորվում են տարբեր ժամանակային չափումներում հաստատելով մեկը մյուսին: Բայց ոչինչ չգիտեն իրենց նմանակների մասին, տեղյակ չեն նաեւ ժամանակի տեւողության մասին, թեւեւ օգտագործում են իրենց սեփական կյանքի տեւողությունը՝ որպես չափորոշիչ, որով չափում են տիեզերքը:

-Սպասիր, - հանկարծ ընդհատում ես դու:- Ինչպե՞ս կարող ես իմանալ այդ երկու քաղաքակրթությունների մասին միաժամանակ: Ե՞րբ ես գնացել Ամիյացգի: Ժամանակի ի՞նչ չափացույց ես կիրառել Այիուուի վրա:

Ես գիտեմ, իհարկե գիտեմ, որ եթե դու լինեիր, դու էլ իսկապես նույնը կասեիր: Սա հենց տարբերությունն է այցելուի եւ բնակչի միջեւ, սա ճանապարհորդություն է:

-Սա ճանապարհորդությունն է: Այդ պատճառով ենք ճանապարհորդում:

Ե՛վ այո, ե՛լ ոչ:

Ուզում ես իմանալ ճանապարհորդության նշանակությունը:

Ուրեմն թող քեզ պատմեմ ճանապարհորդողների մի մոլորակի մասին:

ԼՈՒՆԱՑԻ

Լուսացիաբնականներն արտադրում են գալակտիկայում ամենագեղեցիկ ավտոմեթենաները, սավերը, օդանավերը եւ հրթիռները: Նրանց գեղեցկությունն ու բարդությունը հաճախ գերազանցում են այցելուների երեսակայությունը, նրանք նաեւ խիստ գերազանցում են մոլորակի վրա բոլոր մյուս ինժեներական տեխնոլոգիաների մակարդակը:

Ինտուիտիվ, ներըմբռնող մարդիկ կարող են անմիջապես կռահել, թե ինչն է պատճառը, որ լուսացիաբնականների համար այդքան կարեւոր է ճանապարհորդելը: Այնուամենայնիվ, ավելի խորը պատճառը բավականին դժվար է բացահայտել: Նրանք չեն կարող պատկերացնել, թե ինչու են այդ խելացի մարդիկ այդքան մեծ ջանքեր թափում ճանապարհորդելու եւ ճանապարհորդության նախապատրաստվելու համար՝ անտեսելով ավելի արդյունավետ գործունեություն ծավալելը: Միայն լուսացիաբնականների զարգացման մասին հիմնավոր պատկերացում ունեցող մարդիկ են, որ կարողանում են հասկանալ ամբողջ կյանքում նրանց ստիպող այս անբացատրելի կենսական մղումը:

Լուսացիների տունը մի մեծ ավազան ունեցող վայր է, որտեղ թթվածնի խտացումն ավելի բարձր է, քան մյուս վայրերում, հողը հարուստ է եւ խոնավ, փոքր ջրվեժները թափվում են խորը, վճիտ լճի մեջ, ծաղիկները ծաղկում են տարին բոլոր, գնդակի մեծության պտուղներով ծառեր են շուրջբոլորը, դաշտերը փարթամ, առատ խոտով են ծածկված, ամենուր գունավոր, գեղեցիկ սնկեր են աճում: Յուրաքանչյուր լուսացիաբնակ, այդտեղ ծնվելով, հովվերգական մանկություն է անցկացնում: Ոչ ոք չգիտե, թե ինչպես են հայտնվել այս վայրում: Այն պահից, ինչ ասք են բացել, այս ավազանն է եղել նրանց ամբողջ կյանքը:

Միշտ կան այդպիսի պահեր, եւ միշտ կան այդպիսի անձինք, որ ուզում են իմանալ իրենց ծագման գաղտնիքը կամ ուզում են հայտնաբերել աստվածների կացարանը: Եվ այդպես նրանք հասունանում են ու բավականին մեծ են դառնում, որպեսզի մագլցեն այդ ավազանը շրջապատող մեծ ժայռերի գառիթափ լանջերը: Նրանք խիզախում են եւ առաջ գնում խիտ աճած լաբիրինթանման անտառի միջով՝ լեռնալանջով դեպի վեր, ավազանից դուրս մագլցելով ու ելք որոնելով: Նրանք չեն կարող հստակ ասել, թե ինչ տարիք ունենին, երբ մեծացան, քանի որ միշտ տարբեր է այն ժամանակը, երբ յուրաքանչյուր մարդ սկսում է հասակ առնել՝ ավելի ու ավել

ՀԱՌ ՑԶԻՆՖԱՆ

լի բարձրահասակ դառնալով. ոչ ոք չգիտե, թե իրականում երբ է դա սկսվել:

Ավագանից դուրս ճանապարհի հարթելուց հետո նրանք նորից ու նորից շարունակում են առաջ գնալ՝ ոչինչ չգտնելով: Նրանք գուցե կգտնեն շատ այլ մարդկանց, ովքեր իրենցից առաջ են դուրս եկել ավագանից: Այնժամ կիմանան, որ որոնողները դեռ որոնում են, որ ճանապարհորդությունը դեռ ճանապարհորդություն է, իսկ գաղտնիքն էլ դեռ գաղտնիք է: Այդ պատճառով Լուսացիի բնակիչների կյանքը արտագաղթ է, ելից ճանապարհ: Նրանք մի տեղից մյուսն են գնում՝ երբեք չհիմնավորվելով ու դադար չառնելով: Կառուցում են նավակներ, մեքենաներ եւ ինքնաթիռներ՝ հույս ունենալով արագացնել իրենց ընթացքը, ճանապարհորդել ամբողջ մոլորակի վրա, հասնել երկնքի սահմանին:

Երբեմն, միանգամայն անսպասելիորեն, նրանցից ոմանք մի փոքրիկ, ամայի արահետով հասնում են լեռնային մարգագետին: Այդտեղ ծաղկում է արբեցուցիչ բուրմունք արծակող՝ մի առեղծվածային արծաթե ծաղիկ: Այդ բուրմունքը խենթացնում, ցնորքի մեջ է գցում Լուսացիի յուրաքանչյուր բնակչի եւ համակում մինչ այդ չունեցած քնքուշ զգացումներով: Առաջին անգամ դա ստիպում է նրանց նկատել դիմացինի հմայքն ու գրավչությունը, ստիպում է փոխադարձաբար սիրել միմյանց, միավորվել եւ հարգանք տաճել մեկմեկու հանդեպ: Այնուհետեւ, ջրի կողքին, նրանք երեխա են ծնում, երեխան ջրվեժի հոսքով քշվում է ներքե՝ դեպի ավագան, իսկ նրանք բաժանվում են իրարից եւ սուզվում ցեխի մեջ:

Ճիշտ այդպես՝ այդպիսի պարզ շրջապտույտը դառնում է Լուսացիի բնակիչների ճանապարհորդության եւ նրանց կյանքի ամբողջ իմաստը:

ՅԱՆՅԱՆՆԻ

Ինչ վերաբերում է հասունացմանը, կարող եմ մի քանի կարճ պատմություն պատմել: Առաջինը Յանյաննին է:

Յանյաննիի բնակիչների տարիքը միշտ անմիջապես երեսում է: Նրանք միշտ աճում են, ինչպես ծառի բնի օղակները, եւ երբեք այդ աճը չի դադարում: Աճում են՝ դառնալով ավելի բարձրահասակ, ավելի մեծ, աճում են՝ իրենց տարիքն ի ցույց դնելով: Ամեն տարի ավելի բարձրահասակ են դառնում: Մեծահասակները մի քանի անգամ ավելի բարձր են, քան երեխաները, եւ հնարավոր է, որ երիտասարդների ու տարեցների միջեւ մի քանի

ոտնաչափի տարբերություն լինի: Ամենատարեցները մնացած բոլորից միշտ ավելի բարձրահասակ են:

Այդ պատճառով յանյաննիցիների աշխարհում գրեթե չկա այնպիսի բան, ինչպիսին «բարեկամությունը, որը տարիք չի ճանաչում», եւ գրույցը տարբեր տարիքի մարդկանց միջեւ հոգևեցուցիչ ու ձանձրալի բան է: Որոշ ժամանակ խոսելուց հետո՝ վերեւ նայելու համար վիզները վեր ձգածները կամ ցած նայելու համար կռացածներն սկսում են նեղվել: Ավելին, տարբեր տարիքի յանյաննիցիներն, ըստ էության, խոսելու բան էլ չունեն: Սրանց տները տարբեր չափերի են, իսկ այն, ինչ գնում են, տարբեր գներ ունեն, մեկը մյուսի գոտկատեղը կարող է տեսնել, եւ ոչ ոք մյուսի դեմքի արտահայտությունը չի կարող տեսնել:

Բայց յանյաննիցիները չեն կարող հավերժ ապրել: Ի վերջո նրանք արթնանում են եւ գիտակցում, որ իրենց բարձրությունը չի փոխվել: Եթե դա շարունակվում է մի քանի օր, նրանք հասկանում են, որ արդեն մահանալու են: Բայց բոլորը չէ, որ վշտանում են դրանից, քանի որ աճելն այդքան ծանր աշխատանք է: Շատերն զգում են, որ խիստ ուժասպառ են եղել, ուստի իրենց դադարի համար բավարար արդարացում են գտնում: Սահը շատ դանդաղ գործընթաց է, բայց ոչ ոք չի կարող ասել, թե որքան ժամանակ է պահանջվում: Սրանք երբեք դա չեն հաշվարկել: Պարզապես այն օրը, երբ դադարում են աճել, նշում են որպես իրենց ամենաձեր տարիք: Սրանց համար ժամանակը վիճակի փոփոխության չափում է, եւ երբ աճը դադարում է, ժամանակն էլ կանգ է առնում:

Յանյաննիի ամենաբարձր շենքը կառուցվել է մեկ դար առաջ, այդ ժամանակ մարդը շատ երկար էր ապրում: Տարեցտարի նրա գլուխն ավելի ու ավելի վեր էր բարձրանում, հասնում եւ բախվում էր ամենաբարձր շենքերի առաստաղին, դրա համար էլ Յանյաննիցիները պագողա կառուցեցին: Պագողայի հիմքի տարածքը փոքրիկ մի գբոսայգու չափ էր: Սրա մահից հետո, քանի որ ուրիշ ոչ ոք չէր ապրելու այդքան, պագողան բաժանվեց երկու հարկի եւ վերածվեց ազգային թանգարանի: Ասում են, որ ծերունին պագողայի ամեն լուսամուտի մոտ օրագիր է թողել, որտեղ գրի է առել իր կյանքի վայրիվերումները: Հետագայում մարդիկ սանդուղքներով վեր են բարձրացել, որպեսզի ցած իջեցնեն օրագրերն ու կարդան դրանք, բայց այդ օրագրերն ի վերջո այնքան շատ մարդկանց ձեռք են ընկել, որ այսօր ոչ ոք չգիտե, թե որտեղ են: Այնպես որ՝ շատ մարդիկ այսօր կարող են միայն կանգնել դատարկ լուսամուտների կողքին եւ միայն ենթադրել, թե այն մարդը, որ կարող էր մի քայլով գետն անցնել, ինչպես է անցկացրել իր առօրյա կյանքը:

ՏԻՍՈՒԿՆԻ ԵՎ ԼՈՅԻԿԱՌՈՒՄ

Տիսուատին եւ Լոցիկատուն հակասությունների մեկ այլ զույգ են: Հարյուր հազար լուսատարով հեռու այս երկու աստղերը երկբետեռի՝ դիպոլի երկու կետեր են՝ իրար հակառակ եւ իրար դիմաց շողացող:

Տիսուատիում ապրողների մարմիններն ավելի փոքր են, քան շատ այլ մոլորակների բնակիչների մարմինները: Նրանց մաշկը հազվադեպ փափուկ է, իսկ մարմիններն արագ փոխում են իրենց ձեւը: Այս լամարկյան մոլորակը գենետիկ արտահայտությունը զարգացրել է ծայրահեղորեն՝ գերազանցելով սահմանները եւ սեղմելով խտացնելով տեսակների տարբերությունը մեկ մարդու կարճ կյանքի մեջ:

Տիսուատիցիները կարող են փոխվել ըստ իրենց ցանկության: Նրանք, ովքեր լեռներ են բարձրանում, կարող են ավելի ու ավելի երկար ձեռքեր ունենալ, այնքան, որ նույնիսկ դրանք կարող են իրենց մարմնից ավելի երկար դառնալ: Մեքենայի օպերատորները կարող են վեց ձեռք ունենալ, եւ մեկ աշխատողը կարող է միաժամանակ մի քանի անջատիչ միացնել-անջատել:

Փողոցներում մարդիկ բոլորը մեկը մյուսից խիստ տարբերվում են: Որտեղ էլ լինեք, ամենուր կարող եք տեսնել բերաններ, որ գրավում են դեմքի կեսը, նուրբ ու բարակ կոնքեր, որ ճոճվում են քամուց, եւ մարմիններ, որ գլխից միկնելու ոտքի ծայրը եղջերաթաղանթի շերտավոր զրահի կիսազնդերով են ծածկված: Նման փոփոխություն տեղի է ունենում նրանց ամբողջ կյանքի ընթացքում: Ոչ ոք արտաքին տեսքից դատելով չի կարող ասել, թե ովքեր են իր ձևողները, եւ ձևողներն էլ շատ մեծ դժվարությամբ են իրենց երեխաներին զանազանում:

Ոչ բոլոր տիսուատիցիները կարող են ընտրել իրենց ուզած ձեւը: Այդ պատճառով տիսուատիցիների մեծ մասը շատ ավելի զգուշավոր է, քան մյուս մոլորակների մարդիկ: Խոսելիս եւ գործելիս նրանք շատ զգուշավոր են ու շրջահայաց եւ անհանգստանում են, որ քնելուց առաջ ունեցած իրենց տեսքն առավոտյան լիովին փոխված կլինի:

Տիսուատիի բազմամարդ փողոցներում դուք մի հայացքով կարող եք տեսնել բոլորի կյանքը եւ աշխատանքը, եւ, ցավոք, սա միակ ընդհանրությունն է Լոուցիկաուուի հետ:

Լոուցիկաուուի մարդկանց տեսքը նույնպես շատ է տարբերվում. կան վազորդներ, երգիչներ, ծուլագործներ, մտածողներ եւ շատ այլ տեսակի

մարդիկ, եւ այդ տեսակների միջեւ տարբերությունները կարելի է հստակ տեսնել նրանց մկանային համակարգի, մարմնակազմության, հասակի եւ զգայական օրգանների տարբերության մեջ: Իրավիճակը շատ նման է Տիսուատիի իրավիճակին:

Այրուհանդերձ, Լուուցիկատուի վրա կյանքի ուղին ամբողջովին տարբերվում է Տիսուատիի վրայի կյանքի ուղուց:

Սա դարվինիստական մոլորակ է՝ ոտքից գլուխ հակառակ բոլոր այն ջանքերին, որ կապված են «օգտագործման եւ չօգտագործման» լամարկյան տեսության հետ: Լուուցիկատուի վրա գենետիկ մուտացիայի գործակիցը շատ փոքր է, եւ փոփոխությունն ու տարբերակումը, որոնք հիմնված են պատահական փոփոխության եւ բնական ընտրության վրա, շատ դանդաղ են տեղի ունենում: Այսպիսով, ոչ սեռական ճանապարհով բազմացման առանձնահատուկ ձեւի պատճառով, առանձին լուուցիկատուցիների բջջային մուտացիաները կարող են արտահայտվել ժառանգության միջոցով: Այդ բջիջները մարմնում փոխվելով սերնդից սերունդ՝ առանց վերապահության ձևողներից անցնում են որդիներին ու դուստրերին:

Այսպիսով, երկաթագործների որդիները բնականաբար ավելի ուժեղ են մյուսներից,

Իսկ ժամագործների դուստրերն իրենց ծննդյան օրվանից օժտված են գերազանց տեսողությամբ եւ արագաշարժ, ճկուն մատներով: Հազարավոր տարիների կուտակումից հետո այդ տարբերակումն ի վերջո վերածվում է այնպիսի տարբերակման, որ հնարավոր չի դարձնում խաչասերումը, եւ ամեն մասնագիտական զբաղմունք դառնում է մի առանձին տեսակ: Դրանցից որոշները նույնիսկ վերացել են: Առավել կենսունակ ու հարմարվող տեսակները շարունակում են համառել եւ ծաղկել:

Այն, ինչ միավորում է բոլոր այս տարբեր բնական տեսակները, լեզուն է:

Միայն ընդհանուր լեզուն եւ քրոմոսոմների ընդհանուր թիվն է, որ նրանց թույլ է տալիս ճանաչել նախնիների հետ կապող իրենց արմատները: Բացի դրանից, ընդհանուր ոչինչ չունեն: Ոչ ոք չի նախանձում մյուսի աշխատանքին, ինչպես կապիկը չի նախանձում դիսոզավրին: Թռչուններն ունեն երկինք, իսկ ձկներն՝ օվկիանոս: Նրանք անցնում են մեկը մյուսի կողքով նույն քաղաքում եւ տեսել են իրար, բայց ըստ էության ոչինչ չեն տեսել:

Տիսուատիցիները տասը միլիոն անգամ իրականացրել են Էվոլյուցիայի գործընթացը, բայց իրենց հեռու են պահել իսկական առաջընթացից:

ՀԱՌ ՑԶԻՆՖՔՆ

նրանց սաղմերը մնացել են նույնը՝ թմբիկ եւ կլոր, դեռեւս իրենց սկզբնական ձեւով: Իսկ լուսցիկաուուցիները ճիշտ հակառակն են, նրանցից ոչ մեկը չի կարող զգալ տարբերակումը կամ էվոլյուցիան, բայց ամիսներ եւ տարիներ տեւող մեծ փոփոխությունների ժամանակ, որ թթենու կանաչ տարածքները ծովերի են վերածում, նրանք երթեւեկության մի շարք ուղիներ են կառուցել:

-Ստում ես, -խռոված՝ քիթը կախում ես:- Ինչպե՞ս կարող ես միեւնույն տիեզերքում երկու լիովին հակառակ համակարգեր լինել:

Ինչպե՞ս կարող ես չլինել, իմ սիրելի փոքրիկ արքայադուստր: Անհնարին ոչինչ չկա: Փոքրիկ, չնախատեսված քայլերը, որ միասին են արվում, դառնում են համակարգ: Գուցե հիմա մի քիչ ժպտում ես կամ կնճռոտում ճակատդ, ապագայում դրանք երկու տարբեր արդյունքներ կունենան եւ կդառնան երկու տարբեր համակարգեր, բայց ինչպե՞ս կարող ես դու, որ այժմ այստեղ ես, իմանալ դա:

-Արդյո՞ք այդպես է,- հարցնում ես՝ մտածկոտ կախելով գլուխդ, որոշ ժամանակ չխոսելով:

Նայելով դեմքիդ՝ քնքուշ ժպտում եմ: Ճոճանակը, որին նստած ես, մեղմորեն ճոճվում է՝ թեթեւ քամի անելով, որը ետուառաջ է տանում մազերդ: Ըստ էության, հարցին տրված պատասխանը վերարտադրման ձեւն է: Պարզապես այդ պատասխանը չափազանց ձանձրալի է, եւ ես չեմ ուզում ըեզ ասել:

Գիտես՝ իսկական բանալին այնտեղ չէ, թե արդյո՞ք ճշմարտությունն եմ ասում ըեզ, այլ այնտեղ է, թե դու հավատո՞ւմ ես թե ոչ: Սկզբից մինչեւ վերջ պատմության կարգաբերող խմբավարը բերանը չէ, այլ ականջներն են:

ՅԻՆԿԱՏՈ

Միայն Յինկատոյում են բերանն ու ականջները ձեռք բերում իրենց մեծագույն իրական նշանակությունը: Յինկատոյի բնակիչների համար խոսքը ժամանակ անցկացնելու միջոց չէ. այն կենսական անհրաժեշտություն է:

Ոչինչ Յինկատոյում առանձնահատուկ չէ, բացառությամբ այդտեղի թանձր մթնոլորտի, որն անթափանցելի է լույսի համար: Սուրբակի մակերեսային խավարի թաղանթ է: Կյանքը Յինկատոյի հեղձուցիչ, խտացյալ մակերեսային ձևունդ է առնում օրգանական մակընթացային հորձանք-

ների մեջ, Էներգիան հավաքում է մագմայի հոսքերից և տեղում է անվերջ՝ հրաբխային կրակի ստորգետնյա ջերմության մեջ: Նրանց համար փոթորկուն, խլթխլթացող խառնարաններն արեւ են, աստվածների բնակավայր, Էներգիայի և գիտելիքի աղբյուր: Հրաբխերի խառնարանային կաթսաներից դուրս նրանք կարող են գտնել հավերժ վերականգնող Սիտայանին քաղցրավենիքը, որը նրանց ուտելիքն է, նրանց կյանքի աղբյուրը:

Ցինկատոցիները երբեք լուսազգայուն օրգաններ չեն ունեցել. նրանք աչքեր չունեն: Միմյանց գտնելու համար օգտվում են ձայնից, և նրանց ականջները ոչ միայն կարող են լսել, այլ ևս նկատել: Իհարկե, ավելի ճշգրիտ ասած, նրանք իրականում ականջներ չունեն, փոխարենը օգտագործում են իրենց մարմինները՝ ամեն ինչ զգալու համար: Նրանց մարմնի ամբողջ վերնամասը ծածկված է սանդղածեւ թաղանթներով, որոնց յուրաքանչյուր շերտը ծածկված է տարբեր երկարության հազարավոր մանրաթելերով, որ արծազանքում են ձայնային տարբեր հաճախականությունների: Յուրաքանչյուր թաղանթի կողմից կտրվող փուլային տարբերությունը հետո պետք է մշակվի ուղեղի կողմից՝ որոշելու համար ձայնի աղբյուրի գտնվելու վայրը: Դա ոչ միայն հաշվարկում է հեռավորությունը, այլև կարող է որոշել առարկայի ձեւը:

Այդ իսկ պատճառով ցինկատոցիներն ամեն օր անդադար խոսում են և անդադար լսում են այլոց խոսքը: Նրանք ձայն են արծակում ուրիշների գոյությունը զգալու և իրենց գոյությունը նրանց հայտնի դարձնելու համար: Ցինկատոցիները չեն կարող լռել, եթե լռում են, վտանգի մեջ են: Լռությունը նրանց վախեցնում է: Միայն անընդհատ խոսելով են նրանք կարողանում հաղորդել իրենց գտնվելու ճշգրիտ վայրը ուրիշներին՝ հաստատելու համար, որ դեռ ողջ են: Նրանք ձգտում են խոսել բարձրաձայն, որովհետեւ դա իրենց կդարձնի ավելի բացահայտ և այլոց համար ավելի հեշտ զգալի ու ընկալելի:

Երբեմն որոշ երեխաներ ծնվում են իրենց ձայնային տուփերի վնասվածքով, և թվում է այդ պատճառով նրանք չեն կարող գոյատևել: Անզգույշ մի պահ՝ և նրանց կարող է հարվածել ավագներից մեկնումեկը, իսկ մյուսները նույնիսկ չեն էլ իմանա, որ այդտեղ երեխա կա:

-Դա շատ ողբերգական է: Ինչո՞ւ են քո պատմություններն ավելի ու ավելի կարճ դառնում, և ամեն մեկը՝ նախորդից ավելի ողբերգական:

Ողբերգական: Արդյոք իմ պատմածներն են ողբերգական, թե՞ քո լսած պատմությունները:

-Մի՞թե տարբերություն կա:

Իհարկե, կա: Ես էլ եմ եղել այլ մուրակի վրա: Այնտեղ մարդիկ կարող են արտաբերել ձայնի տասը հազար տարբեր հաճախականություններ, բայց կարող են լսել միայն դրանց մի փոքր մասը: Նրանց ականջների զգայունակությունն այնպիսին է, որ չի կարող լրիվ ընկալել կոկորդիների արձակած ձայնային տատանումները, դրա համար էլ մարդիկ միշտ ավելի քիչ են լսում, քան ասում են: Ամենահետաքրքրականն այն է, որ հաճախականությունները, որ մարդիկ զգում են, բոլորն էլ փոքր-ինչ տարբեր են, այնպես որ՝ միևնույն կարծում են, թե նույն երգն են լսում, հազար մարդ իրականում հազար տարբեր երգ է լսում, բայց ոչ մեկը դա չգիտե:

-Դու ծաղրում ես ինձ: Որտե՞ղ կարող է այդպիսի վայր լինել:- Կծում ես շուրթդ, լայն բացված աչքերդ ասես ափսեներ լինեն:- Սկսում եմ կասկածել՝ եղե՞լ ես արդյոք այդ մուրակներում: Պարզապես հևարել ես դրանք, որպեսզի ինձ ուրախացնես, չէ՞:

Իմ սիրելի արքայադուստր, սկսած Օթելլոյից՝ ամեն ասպետ հեռավոր մի հրաշքի մասին հեքիաթներ է ասել, որպեսզի հուզի իր սրտի տիրուհուն: Կարո՞ղ ես ասել, թե դրանցից որն է ճշմարիտ եւ որն է կեղծ: Այդ մուրակներ կատարած իմ ճամփորդությունների ժամանակ ես նման եմ Մարկո Պոլոյին, իսկ այն քաղաքները, որ նա այցելել է, նման են եղել Կուբլա Խանի այցելած հեռավոր երկրներին, որոնք մեկ ակնթարթում, նրա սրի տակ, անցել են իր աչքի առջեւով: Կարող ես ասել, որ ես իսկապես եղել եմ այնտեղ, եւ կարող ես ասել, որ երբեք չեմ հեռացել: Մուրակները, որոնց մասին խոսում եմ, ցրված են տիեզերքի ամեն անկյունում, բայց լի-նում են նաեւ ժամանակներ, երբ նրանք հանկարծակի հավաքվում են մեկ-տեղ, եւ կարծես թե նրանք միշտ միասին են եղել:

Լսելով սա՞ դու հռիռում ես.

- Հասկանում եմ. դրանք հավաքվում են քո պատմություններում, եւ հիմա պատմություններդ պատմել ես ինձ, ու նրանք հավաքվել են իմ մտքում, չէ՞:

Ես նայում եմ քեզ եւ մեղմ ժպտում ինքս ինձ լուռ հառաչելով, եւ իմ ժպիտից դու ոչինչ չես կանխազգում: Ինչ կարող եմ ասել, ինչպես կարող եմ ասել քեզ, որ պատմությունները չեն կարող որեւէ բան հավաքել, ի մի բերել, եթե դատապարտված են բաժանման:

Այո, հանգիստ ասում եմ ես, նստել ենք այստեղ, պատմություններ պատմել ամբողջ մի օր, եւ ունեցել ենք ամբողջ մի տիեզերք: Պարզապես այս պատմությունն այն մեկը չէ, որ ասում էի քեզ: Այսօր դու եւ ես՝ երկուսս էլ եւ՛ պատմություն պատմող ենք, եւ՛ հանդիսատես ու լսող:

ՅԶԻՆՅԶՅԱԼԻՆ

Յգիւցգլալիւր վերջին մոլորակն է, որի մասին այսօր քեզ կ'աւտմեմ: Պատմութիւնը շատ կարճ է. այն մեկ ակնթարթում կ'աւտմովի:

Յգիւցգլալիւցիւներն այլ կերպարանք ունեն եւ տարբերվում են այն բոլոր մոլորակների բնակիչներից, որոնց մասին քեզ պատմեցի: Նրանց մարմինները նման են փափուկ փուչիկների կամ օդում լողացող մեղուզաների՝ թափանցիկ եւ դուրամատչելի: Յգիւցգլալիւցիւների մարմինների մակերեսները բաղկացած են գրեթէ հեղուկ բջջաթաղանթներից: Նրանք ամբողջովին թափանցիկ չեն, բայց եթէ միմյանց հետ շփման մեջ են մտնում, կարող են միաձուլվել, ապա նորից բաժանվել:

Երբ երկու ցգիւցգլալիւցիւներ մտնում են շփման մեջ, նրանց մարմինների մասերը կարճ ժամանակում միաձուլվում են, եւ դրանց մեջ եղած նյութերը միախառնվում են, միւսն էլ որ երկու մարմինները նորից բաժանվում են: Այնպէս որ, բոլոր ցգիւցգլալիւցիւները չէ, որ մտահոգված են իրենց վերջոյթներով ու մարմնի մասերով:

Իրենք էլ չեն կարող ասել, թէ իրենց մարմնի որ մասն է վերցված նրանցից, ում հետ շփման մեջ են մտել: Համարում են, որ քանի դեռ իրենք իրենք են, որոշ բաների փոխառութիւնը կարելի է չէ:

Սակայն նրանք իրոք չգիտեն, որ ըստ էության «եսի» պահպանումն իսկապէս պատրանք է: Միաձուլման այդ պահին նախատիպ երկու անհատներն այլեւս գոյութիւն չունեն, նրանք դառնում են բաղադրյալ, ապա բաժանվում երկու նոր անհատների: Նոր անհատները տեղյակ չեն, թէ ինչ է եղել իրենց միութիւնից առաջ:

Նրանք պարզապէս կարծում են, որ իրենք իրենք են եւ որ ոչինչ չի փոխվել:

Գիտե՞ս արդո՞ք, որ այս պատմութիւնները քեզ պատմելուց հետո, իմ այս պատմած պատմութիւնները քո լսելուց հետո՝ ես այլեւս ես չեմ, եւ դու այլեւս դու չես: Այս ջերմ կետօրին, ժամանակի այս միաձուլման մեջ, այսուհետ մեր անձերն իրենց մեջ դիմացիկ մի մասնիկն ունեն, եթէ անզամ այս գրույցի մասին ամեն ինչ մոռանանք:

-Ատում ես, որ Յգիւցգլալիւցի մասին քո պատմութիւնն իրականում մեր մոլորակի մասին է:

Մեր մոլորակի? Ո՞ր մեկը նկատի ունես: Ո՞ր մոլորակն է երբեւէ մեզ

ՀԱՈՑՁԻՆՖՔԱՆ

պատկանել: Կամ ո՞ր մոլորակին ենք պատկանել մենք: Եվ ինձ մի՛ հարցրու այդ մոլորակների կոորդինատների մասին: Այդ թվերը տիեզերքի հնագույն առասպելներն են: Դրանք դատարկ տարածություն են քո մատների միջեւ: Կարող ես ձեռքդ մեկնել եւ բռնել դրանք, բայց երբ նորից բացես, բացարձակապես դատարկ կլինի: Դու եւ ես հանդիպել ենք նրանց հետ, տարածություն-ժամանակի միեւնույն կետում եւ հետո կրկին բաժանվել: Ի վերջո, մենք պարզապես ճանապարհորդներ ենք, որ մշուշոտ ու անորոշ երգեր ենք երգում՝ թափառելով ձյութի պես սեւ երկնքում, եւ դա է ամբողջը: Գիտես, որ նրանք երգում են քամու գրկում, հեռավոր հայրենիքում նրանք երգում են քամու գրկում:

ՉԵՆ ՑՅՈՒՖԱԼ

Գ ՆՇԱՆԱԿՈՒՄ Ե ԳԵՐԲՆԱԿԱՆ

Իրեն երկրպագող միլիոնների համար նա անվանի օրիորդ Գ-ն էր, բայց կյանքն սկսել էր լրիվ սովորական մի անունով, ինչպես բոլոր մյուսները: Ծնվել էր այս դարի առաջին տարիների մեծ տնտեսական անկման ժամանակ, ծովափնյա մի քաղաքում, որտեղ վարդագույն հինաձաղիկներ են ծաղկում: Ծնողները միջին խավի գրասենյակային ծառայողներ էին, որ տարիներ շարունակ քաղաքից քաղաք էին տեղափոխվել՝ փորձելով փախչել բնական աղետներից ու մարդկանց ստեղծած տեխնիկական փորձանքներից և ապրուստի միջոցներ գտնել: Նրանք վերջապես բնակություն հաստատեցին վարդագույն հինաձաղիկների քաղաքում: Վարդագույն հինաձաղիկն այնպիսի մի ծաղիկ է, որ, ինչքան էլ տարօրինակ է, ծաղիկների լեզվով նշանակում է «արտաքսում»:

Ծնողները հուզված էին, որ աղջիկ է ծնվել, որովհետև այդ օրերին կին լինելը կրկնակի շահավետ էր, քանզի առավելություն էր եւ՛ աշխատավարձում, եւ՛ տանն աշխատելը: Դուստր ունենալը նաեւ մեծացնում է ծնողների վստահությունը՝ որ իրենց գեները կփոխանցվեն ապագա սերունդներին: Բժշկի մեկ խոսքը, սակայն, վերջ դրեց նրանց սպասելիքներին՝ թե իրենց դուստրը ապրելու է հիանալի կյանքով:

«Դուստրաստ եղեք: Նա թերզարգացած հեշտոց ունի»:

Բժշկական մասնագիտությունը ճանաչում է մի քանի տեսակի թերզարգացում՝ հիպոպլազիա, եւ օրիորդ Գ-ն տառապում էր դրա ամենադժվար դրսեւորումով: Նրա արգանդն ու հեշտոցային ուղին լիովին զարգացած չէին, ինչը նշանակում էր, որ երբեք դաշտան չէր ունենա, երբեք չէր կարողանա բնականոն սեռական կյանք վարել եւ չէր կարողանա ծննդաբերել: Լավ լուրն այն էր, որ ձվարանները գերազանց վիճակում էին, եւ նրա երկրորդային սեռական հատկանիշները կանոնավոր զարգացում կունենային, ու կկարողանար երեխաներ ունենալ արհեստական բեղմնավորման եւ փոխնակ մայր դառնալու միջոցով:

Բժիշկը փորձեց մխիթարել ծնողներին՝ ասելով, որ աղջկա սեռահասուն դառնալուց հետո հնարավոր կլինի վիրաբուժական միջամտությամբ

ՉԵՆ ՑՅՈՒՖԱՆ

վերականգնել սեռական օրգանները, եւ նա կկարողանա ամուսնանալ:

Աղջկա ծնողները հղիության ընթացքում պրոգնոստերոն չէին օգտագործել, ու նրանց ընտանիքներից որեւէ մեկում Էպիլեպսիա հիվանդության պատմություն չէր եղել, հետեւաբար, այս դժբախտությունը կարող էին միայն ճակատագրին վերագրել եւ ընդունել անտրտուն:

Ծնողներն ամեն ինչ արեցին, որպեսզի օրիորդ Գ-ն սեռական որեւէ դաստիարակություն չստանա, այդուհանդերձ, երբ նա տասներեք տարեկան էր, բացահայտեց իր եւ մյուս աղջիկների հիմնական տարբերությունը:

-Մա՛, նրանք բոլորն ամբողջ ժամանակ արնահոսում են,- ասաց դպրոցից խուճապահար տուն եկած օրիորդ Գ-ն:

Երեւակայությունը լարելով՝ օրիորդ Գ-ի մայրը կարողացավ գեղեցիկ մի հեքիաթ հորինել, որով բացատրեց նրա եւ մյուս աղջիկների տարբերությունը: Դա նրան տրված երկնային պարգեւ էր, ասաց օրիորդ Գ-ի մայրը: Մաքրասիրտ մի հրեշտակ միջամտել էր՝ համոզվելու համար, որ օրիորդ Գ-ն հեռու էր կեղտ ու չարիքից: Առնվազն՝ մինչեւ տասնութ տարեկան դառնալը:

Օրիորդ Գ-ն ստիպված էր հանդուրժել դասընկերների խանդն ու Լախանձը, երբ ֆիզիկական դաստիարակությունից բարձր գնահատականներ էր ստանում, քանի որ դաշտանի պատճառած նեղությունները նրան չէին անհանգստացնում: Տրամադրության անբացատրելի պարբերական տատանումներ ունենում էր, բայց ավելի հանգիստ եւ զուսպ էր մնում, քան մյուս աղջիկները: Բավականաչափ զգույշ էր՝ իր գաղտնիքն իր մեջ պահելու համար, որովհետեւ ներքմբռնումով հասկանում էր, որ աղջիկների միջեւ բոլոր սոցիալական փոխհարաբերությունները հիմնված են խմբակայնության վրա: Երբեք ոչ մի լավ բան չի պատահել երամից հեռու թռչող մուրված սագի հետ:

Նրա հետաքրքրասիրությունն ու անհանգստությունը տարեցտարի ավելի էին մեծանում:

Գրադարանից եւ համացանցից բազմաթիվ տեղեկություններ հավաքեց սեռական ֆիզիոլոգիայի մասին, բայց դա նրան ավելի շատ հուսահատեցրեց: Հասկացավ, որ երբեմիցե հեշտանք զգալու իր հնարավորությունները գրեթե զրոյական են, քանի դեռ գիտությունը հսկայական առաջընթաց չի ունեցել: Բայց իր կյանքի առաջին տասնվեց տարիների ընթացքում գիտնականներն ամբողջովին զբաղված էին տղամարդկանց՝ դեռ չբավարարված սեռական մի քանի ցանկությունները բավարարելու ուղի-

ներ փնտրելով եւ անընդհատ պնդելով, թե զբաղված են տղամարդկանց «կյանքի որակը» բարելավելու ազնվագույն խնդիրներով:

Երբ գրեթե տասնյոթ տարեկան էր, հանդիպեց մի տղայի: Գրառումներ փոխանակեցին, հեռախոսով զանգեցին իրար, միասին կինոֆիլմեր դիտեցին, մասնակցեցին տարբեր միջոցառումների, համբուրվեցին: Արեցին այն ամենը, ինչ անում են տղաներն ու աղջիկները, երբ սիրահարված են, եւ օրիորդ Գ-ն արդեն կարծում էր, թե այսպես կոչված «քնական կյանքի» շեմին է: Մինչեւ որ մի օր տղան ձեռքերը տարավ նրա վարտիքից ներս, իսկ հետո հեռու փախավ նրանից, ասես փախչելով իր կյանքն էր փրկում:

-Լսե՞լ եք օրալ սեքսի մասին,- ամենայն լրջությամբ հարցրեց նրան բժիշկը:- Ըստ ուսումնասիրությունների՝ մարդկանց 67 տոկոսն զբաղվում է օրալ սեքսով, իսկ 34.8 տոկոսի կարծիքով օրալ սեքսը սեռական հարաբերության ամենագոհացուցիչ ձեւն է:

Օրիորդ Գ-ն նայեց բժշկի ճաղատ գլխին՝ զսպելով իրեն եւ չհարցնելով, թե այդտեղ քանի տոկոս են կազմում տղամարդիկ եւ քանի տոկոս՝ կանայք:

- Մենք կատարում ենք վերականգնողական վիրահատություն՝ վերցնելով բերանի լորձաթաղանթը եւ տեղափոխելով հեշտոց: Սկզբում վերականգնելու ենք հեշտոցային ուղին, ապա բերանի լորձաթաղանթից հյուսվածք ենք վերցնելու եւ տեղադրելու հեշտոցում: Երկու շաբաթ կպահանջվի, որպեսզի հյուսվածքն ամրանա, իսկ երեսուն օր հետո կկարողանաք սեքսով զբաղվել: Այդ նրբամաշկ թաղանթները ոչ մի հոտ չունեն, շատ չեն արյունահոսում եւ հարթ են ու ոչ կպչուն: Բերանի եւ հեշտոցի թաղանթներն իզոզենիկ են: Դրանք նման են իրենց կառուցվածքով: Ես Ձեզ երաշխավորում եմ, որ փոխարինողը կդառնա իրականի նման: Դա նման կլինի այն բանին, որ լրացուցիչ բերան ունենաք ներքեւում:

-Ես կկարողանամ՞ նորմալ հեշտանք՝ օրգազմ ունենալ:

-Մենք մատուցում ենք ստոմատոլոգիական եւ ատամնաբուժական ամեն տեսակի ծառայություն, ապահովում ենք ատամների խնամք՝ դրանք սպիտակեցնելուց մինչեւ լիցք դնելն ու նորերով փոխարինելով:- Բժիշկը կարծես չէր լսել նրան: - Իսկ վիրահատությունից հետո, վերականգնման ժամանակահատվածում, առանց լրացուցիչ ծախսերի, օգտագործելու համար տրամադրում ենք թրթռիչ սարք եւ տամպոններ, որպեսզի Ձեր նոր հեշտոցը վարժեցնեք սեքսին:

ՉԵՆ ՑՅՈՒՖԱՆ

-Ես կկարողանամ՝ նորմալ հեշտանք ունենալ, բժիշկ:

-Կանանց ութսունհինգ տոկոսն ամբողջ կյանքում հեշտանք չի ունենում: Այդ հարցում չեմ կարող օգնել Ձեզ,- բժիշկն ուները թոթվեց:

Օրիորդ Գ-ն չէր պատրաստվում ինչ-որ մեկի սեքս տիկնիկը լինել, նույնիսկ եթե այդ մեկը սիրահարվեր իր խելքին՝ չիմանալով ոչինչ իր մարմնի մասին եւ սխալմամբ կարծելով, թե դա բավական է՝ իրեն հաճելի լինելու համար: Դա այն չէր, ինչը նշանակում է կին լինել:

Օրիորդ Գ-ն մնաս բարով ասաց ավագ դպրոցի մելամաղձոտ տարիներին եւ իր կարճ կտրած մազերով ու անդրոգին ոճի՝ տղամարդու եւ կնոջ հագուստով գնաց համալսարան: Առաջին իսկ օրից լեսբիական մի քանի կազմակերպության թիրախ դարձավ, որ մրցակցում էին նրան իրենց շարքերում ընդգրկելու համար: Նա անգամ դասընկերուհիներից մի քանիսի հետ շատ գեղեցիկ ու մտերմական հարաբերություններ ունենալու փորձեր արեց, բայց զանազան բնույթի այն բաները, որ անում էին միասին, չէին կարող բավարարել իր ցանկությունները:

-Համալսարանում անցկացրած ժամանակը կարելու է բնավորության հղկման եւ արժեքների ձեւավորման համար: Հուսով եմ, որ ձեզնից ամեն մեկը քաջություն ունի նոր բաներ փորձելու եւ գտնելու կյանքի սեփական ուղին,- այսպես ասաց դասախոսը:

Օրիորդ Գ-ն այն ուսանողն էր, որ արեց այնպես, ինչպես ասել էին իրեն: Խորացավ ազգային մի քանի տարբեր ավանդույթների պոռնոգրաֆիկ կինոֆիլմերի մեջ: Սկսեց մարիխուանա ծխել եւ LSD ընդունել: Փորձեց սադոմազոֆիլիզմը, փորձեց անգամ էրոտիկ շնչարգելությունը եւ քիչ էր մնում շնչահեղձ լինելով մահանա: Բայց ինչքան ավելի շատ բաներ էր փորձում, այնքան ավելի չբավարարված էր մնում: Դա նման էր մի խճանկարային խաղ-գլուխկոտրուկի, որտեղ մասերից մեկը պակասում էր: Որքան շատ եք փորձում ուշադրություն դարձնել ձեր ունեցած՝ բեկորներից բաղկացած գեղեցիկ պատկերի վրա, այնքան ավելի եք զգում, որ հետաքրքրությունից մեռնում եք՝ իմանալու համար, թե ինչպիսի տեսք կունենար գլուխկոտրուկի այդ պատկերը, եթե բացակայող մասը գտնվեր: Դա ձեզ կարող է խենթացնել:

Պահանջմունքն է բոլոր գործողությունների շարժիչ ուժը: Ֆրոյդն այդ մի բանը ճիշտ է հասկացել:

Օրիորդ Գ-ն ուշադրությունն արտաքին աշխարհից շրջեց դեպի ներքին աշխարհ: Դադարեցրեց ավելի ու ավելի մեծ գրգռումներ ունենալու

հետագա փորձերը, որովհետեւ հասկացավ՝ դա միայն առավել կոժվարեց-
 նի իր ցանկությունների բավարարումը: Նա փիլիսոփայություն էր ուսա-
 նում եւ հույս ուներ խաղ-գլուխկոտրուկի բացակայող մասը գտնել մետա-
 ֆիզիկայի միջոցով: Ցավոք, երբ անցնում էր Պլատոնից Օգոստինոսին,
 Կանտին, Լականին, Ժիժեկին, Դեսի Սանգյե Գյաջոյին, իր կառուցած իդե-
 ալական աշխարհներից յուրաքանչյուրը հերթով ոչնչանում էր եւ փոխա-
 րինվում նոր մի բանով, մինչեւ որ վերջապես իրեն գտավ սիհիլիստական
 անապատում թափառելիս: Ուժասպառ էր արդեն եղել իր ճանապարհոր-
 դությունից եւ ոչ մի աղբյուր չէր գտնում, որպեսզի խմեր եւ ծարավը հա-
 գեցներ:

Կիրակնօրյա պայծառ մի առավոտ լսեց քամու բերած՝ եկեղեցու զան-
 գերի ձայնը, եւ սիրտն սկսեց արագ բաբախել:

Հավատի կարողությունն ի ձևե է: Այսպիսի եզրահանգման եկավ օրի-
 որդ Գ-ն այն բանից հետո, երբ խորապես հետաքրքրվեց համալսարանա-
 կան քաղաքի կրոնական մի քանի խոշոր կազմակերպություններով՝ հա-
 վատացյալներից մի քանիսի հետ գիշերային երկար զրույցներ ունենալով:
 Որոշ մարդիկ, ըստ նրա, ծնվել են մյուսներից ավելի ընդունակ, որպեսզի
 խաղաղություն եւ անդրանցիկ գերբնականություն գտնեն կրոնի մեջ: Դա,
 թերեւս, արդյունք է հնարամիտ մի խուսանավման՝ պատկերների ճանաչ-
 ման նրանց ուղեղների գործընթացում: Երբ հավատացյալներն առերես-
 վում էին կենսական դժվարին երկընտրանքների հետ, կարողանում էին
 աղոթքի ձեսի միջոցով իրենց ներսում առաջացնել քիմիական ռեակցիա՝
 ընկալելով դա որպես ոգի, որն իր զորությունը ճանաչելի է դարձնում
 նրանց համար: Այդ կերպ կարողանում էին որոշումներ կայացնել՝ համա-
 րելով, որ դրանք աստծո կողմից են իրենց թելադրված:

Ծանոթացավ բազմաթիվ հետազոտությունների հետ եւ պարզեց, որ
 կարող է հոգեբանական նմանատիպ ազդեցություն ստեղծվել՝ էլեկտրա-
 կան ցնցումների ներգործությունը կիրառելով գլխուղեղի քունքային հատ-
 վածի ձալքերի վրա՝ Էնդորֆինների բարձր չափաբաժնի հետ համատեղ:

Դա նշանակում էր, որ կյանքը տարատեսակ ուռեստներով լի մի սեղան
 է, եւ ինքը կարող է ընտրել այն, ինչ ուզում է: Նա նույնպես կարող էր հա-
 վատացյալ դառնալ:

Օրիորդ Գ-ն օգտվեց բժշկականի ուսանողուհիներից մեկի բարեհա-
 ճությունից, որն իրեն համակրում էր, եւ մի քանի անհաջող փորձից հետո
 կարողացավ ձեռք բերել իրեն անհրաժեշտ սարքավորումներն ու դեղերը:

ՉԵՆ ՑՅՈՒՖՔՆ

Երկուսով համաձայնագիր ստորագրեցին, որև, իհարկե, իրավական հիմք չունեն, եւ իրենց գործարքը կնքեցին երկարատեւ մի համբույրով՝ մեկմեկու խոստում տալով:

Մթնայան մեջ օրիորդ Գ-ն կարող էր լսել, թե ինչպէս է իր սրտի բաբախումը դառնում ավելի ծանր ու արագ, վայրենի բնիկների թմբուկի զարկի նման: Այն բռնկվում էր խարոյկի նման եւ զալարվում էր օծի պէս:

-Մոտենում է:

Այսպէս խոսեց կեղծ քահանան:

Օրիորդ Գ-ի մարմինը ցնցվեց, երբ փայլատակող կայծակն անցավ նրա մշուշված գիտակցության միջով: Այն իջավ ճակատին, ինչպէս աղավնի, թափանցեց գանգի մեջ, հասավ ծոծրակին, ապա սահեց ողնաշարն ի վար եւ տարածվեց ամբողջ մարմնով: Ծնոտներն իրարից թեթեւակի հեռացան, բերանը բացվեց, եւ դեմքի մկանները թրթռացին: Աչքերն արցունքոտվեցին, երբ հրճվանքի անհաղթահարելի զգացողությունը հասավ մարմնի բոլոր կյարդային վերջավորություններին՝ ցած քաշելով դրանք, ինչպէս հասուն խնձորներն են կռացնում ծառի ճյուղերը:

Այնպիսի հանգիստ եւ խաղաղություն զգաց, որպիսին երբեւէ չէր զգացել: Մի դուռ էր բացվել նրա ներսում, որը տանում էր դեպի տարածաժամանակային անսահման թագավորության ոլորտը, որտեղ ջերմ էր ու պայծառ, եւ կյանքի ողջ տեւողությունը սոսկ ավազ էր Գանգեսի մեջ, որ փայլվում էր ու մեղմորեն հոսում հեռու:

Նա ճչաց եւ աղոթք հղեց արարչին.

-Խնդրում եմ, ինձ հեշտանքներ պարգեւիր: Հեշտանքներ, որ հեշտոցի կամ տղամարդու կամ թրթռիչ սարքի կարիքը չունեն: Իսկական, ազատ հեշտանքներ:

Նա գիտակցությունը կորցրեց:

Երբ արթնացավ, մենակ էր լաբորատորիայում, եւ երկար ժամանակ պահանջվեց, մինչեւ որ հիշեց, թե որտեղ է:

Դուրս սահեց շենքից՝ անբացատրելի տոթ եւ անհանգստություն զգալով: Համալսարանական քաղաքը գիշերով ամբողջովին դատարկ էր: Կենդանի ոչ մի շունչ չկար, բացի կողանքից մոլեգնած կատվից, որ անցնում էր փողոցը: Դանդաղ քայլեց դեպի լճափ: Ծառերի ստվերները պարում էին շուրջբոլորը: Լուսնի լույսը նման էր ջրի: Հագուստի տակ մաշկն ասես պրկվել էր, դարձել տաք ու կպչուն: Ինչ-որ բան էր փոխվել շոշափելիքի զգալարաններում: Հանեց շորերն ու զննեց մարմինը: Թեթեւ մի քամի սոսա-

փեց: Լուսնի լույսի տակ կարող էր տեսնել, թե մաշկն ինչպես է ծփում լճի մակերեսային սման: Այն միշտ թավշե եւ հարթ էր եղել, բայց հիմա ծածկված էր փոքրիկ ծալքերով, որ դուրս էին ելնում մաշկի մակերեսային:

Վախը կամաց հաղթահարելով՝ եղունգով շոշափեց մաշկի ծալքը, եւ հաճույքի հզոր մի զգացում, որպիսին երբեք չէր ճաշակել, էլեկտրական հոսանքի պես տարածվեց ամբողջ մարմնով: Հազիվ կարողացավ զսպել իրեն, որ չճչա: Թեթեւ քամին ևորից սոսափեց, եւ մարմնով մեկ՝ ամբողջ մաշկն սկսեց ծփալ ցորենի արտի պես: Մաշկի ամեն մի ծալքի ներքո բուռն հաճույք էր տրոփում, ինչպես մի հանք, որ մեկ հպումից պատրաստ է պայթել:

Դա այն էր, ինչ ինքն էր ցանկացել:

Անձրեւ սկսեց կաթկթել:

Ուժեղ եւ առատ անձրեւ էր: Փայլկտում էր լուսնի ճերմակ լույսի տակ եւ ընկնում մաշկի փոքրիկ բլրակներին: Ուրիշ տեսակի հաճույք էր այժմ դա՝ հոժ եւ սրընթաց: Առանձին ուժգին պոռթկումները միանում էին, բազմապատկվում ու սփռվում: Կորցրել էր ժամանակի զգացողությունը, անձրեւի բոլոր կաթիլները կարծես ընկնում էին միաժամանակ եւ միաժամանակ էլ հոսում: Դրանք սման էին հրազենի գնդակների, որ խփում էին իր վերջույթներին: Ցավ զգաց, ապա ուշաթափվեց: Մաշկից ծորացող հեղուկը խառնվում էր անձրեւաջրի հետ՝ պարուրելով ամբողջ մարմինը, այն դարձնելով օձածկան մաշկի պես փափուկ, ողորկ ու սայթաքուն: Ուզում էր օգնություն կանչել, բայց չէր կարողանում: Ստածեց, որ հիմա կմահանա:

Անձրեւը դադարեց:

Անցորդները գտան օրիորդ Գ-ին եւ տարան հիվանդանոց: Քանի որ ակնհայտ վնասվածքներ չունեի, նրան տեղափոխեցին բաժանմունքից բաժանմունք, մինչեւ որ ի վերջո հայտնվեց հոգեբուժական հիվանդասենյակում՝ բժիշկ Ս-ի ձեռքերում: Օրիորդ Գ-ին մի քանի հարց տալուց եւ նրա մարմինն արագ զննելուց հետո բժիշկ Ս-ն այնպիսի հուզված ու ոգետրված տեսք ընդունեց, ասես հենց նոր շահել էր վիճակախաղում: Նա չեղյալ հայտարարեց իր մնացած պայմանավորվածությունները, դուռը ներսից փակեց եւ սկսեց հետազոտությունը: Էլեկտրասրտագրությունը, համակարգչային տոմոգրաֆիկ սկանավորումը եւ մագնիսական ռեզոնանսային ֆունկցիոնալ պատկերը ոչ մի անսովոր բան չհայտնաբերեցին: Բժիշկ Ս-ն հազավ լատեքսային ձեռնոցները եւ դրանք հեղուկով թրջելով՝ մի քանի անգամ շոշափեց օրիորդ Գ-ի մաշկի վրա առաջացած ուռուցիկ ծալքե-

ՉԵՆ ՑՅՈՒՖՃՆ

րը, մինչեւ որ օրիորդ Գ-ն սարսռաց եւ ուշաթափվեց: Հետո այդ նույնը կրկնեց արդեն չոր ձեռնոցներով: Բժիշկն իրեն պահում էր սառն ու անտարբեր, ինչպես ներքինին:

Նա առաջին տղամարդն էր, որ Գ-ին հեշտանքի հասցրեց, եւ մի պահ թվաց, թե երբեք չի դադարեցնի:

Օրիորդ Գ-ն չէր կարողանում ազատվել այն տարօրինակ զգացողությունից, որ այս տղամարդն ինչ-որ պահի որոշակիորեն տարբերվել է մյուս չորս միլիարդ արարածներից, որոնք տեստոստերոն արտազատող ամորձիներ ունեին: Չէր կարող հստակ ասել, թե որն էր տարբերությունը, բայց հենց որ նա դիպչում էր իրեն, իր տիեզերքը ձեւախեղվում էր եւ նմանվում Կլայնի շշի: Համենայն դեպս, քանի դեռ նա նշտարը չէր վերցրել:

-Գիտեի՞ք արդյոք,- ասաց Ա-ն,- որ մենք երբեք չենք գտել նյարդային վերջավորությունների ավելի բարձր խտացում, քան Ը կետում է:

Օրիորդ Գ-ն այլեւս չէր ձգտում աստվածուհի դառնալ, ինչպես ժողովրդին առաջնորդող «Ազատությունը բարիկաղների վրա» (*Էժեն Դելակրուայի գեղանկարը- Մ. Թ.*), ի տարբերություն Ա-ի, որը զիտության անխոնջ որոնող էր, ծարավի էր սիրո եւ սեքսի: Այնքան հեղուկ դուրս հոսեց Գ-ի մաշկից, որ կարողացավ սահելով դուրս պրծնել Ա-ի ձեռքերից: Մեծ ջանքերի գնով փորձում էր մաքրել զիտակցությունը հեշտանքի հարուցած խառնաշփոթից, երբ դռնից դուրս էր փախչում:

Փախչում էր մերկ, մաշկից գոլորշի էր բարձրանում: Այն օրերին դա արտասովոր չէր համարվում: Միակ մարդիկ, որ հետաքրքրված էին դրանով, երթենկության վերահսկման բաժնի աշխատակիցներն էին: Դա մարդկային ուղեղի բնական սահմանափակում է, որ ուղեղը միաժամանակ չի կարողանում կենտրոնանալ ճանապարհի եւ վազող մերկ կնոջ վրա:

Ճանապարհային ոստիկանության պարեկային ծառայությունն իր օդազնացով օրիորդ Գ-ին բռնեց ճամփեզրին: Տասնհինգ կիլոմետր հեռավորության վրա, երթենկության վերահսկման կենտրոնում, նրա մերկ մարմինը մոնիտորի դիտարկող Էկրանին ցուցադրվում էր տարբեր անկյուններից: Ռոբոտային մի ձայն պարեկային մեքենայից պահանջում էր, որ օրիորդ Գ-ն ներկայացնի ինքնությունը հաստատող փաստաթուղթ: Նա շրջվեց եւ նայեց զառիթափի կողմը, որ տանում էր ճանապարհից դեպի վեր եւ հեռու: Նրա շարժումներն Էկրանի վրա դանդաղեցված էին, ցուցադրվում էին ավելի խոշոր չափերով եւ մեկնաբանվում որպես փախչելու մտադրության նշան: Էլետրաշոկային ատրճանակը կրակեց պարեկային

մեքենայից, լույսի բռնկուն մի աղեղ երեսաց, ճայթուն լսվեց, եւ օրիորդ Գ-ն ընկավ գետնին:

Պատի վրայի Էկրանը բաժանվեց վաթսուներես քառակուսիների: Յուրաքանչյուր քառակուսին ցուցադրում էր նույն մարմինը՝ տարբեր անկյուններից, տարբեր չափերով եւ տարբեր մասերի բաժանված: Բոլոր պատկերներում մարմնեղեն ալիքների ծփանքը վերովարում էր արտառոց եւ սարսռուն շարժումներով: Երթեւեկության վերահսկման պատասխանատու տղամարդը ոտքի կանգնեց, նրա տակի աթոռը շրխկոցով ընկավ հատակին: Վերցրեց հեռախոսը եւ ինչ-որ համար հավաքելով գանգեց:

Երբ օրիորդ Գ-ն ուշքի եկավ, տեսավ, որ կապված է հիվանդանոցային մահճակալին: Մահճակալի մոտ ամեն տեսակի սարքավորումներ էին դրված, իսկ սենյակի պատերը ճերմակ էին: Սենյակում երեք տղամարդ կային: Մեկը, որ երեւի բժիշկն էր, Էլեկտրոդներն էր հեռացնում նրա մարմնից: Մյուս տղամարդը նստած էր՝ կիսադեմով դեպի օրիորդ Գ-ն: Մատնեքով շոշափում էր ձեռքի սիգարը, որը չէր վառվում: Աչքի պոչով զննում էր օրիորդ Գ-ին, հայացքն անթափանց էր: Երրորդը, բավականին հաստափոր մի տղամարդ, կռացած նստած էր բազմոցին եւ երբ տեսավ, որ աղջիկն արթնացել է, դեմքը մտահոգություն արտահայտեց:

Նա ասաց.

- Կազմակերպության անունից ես խոստանում եմ, որ մենք Ձեզ կբուժենք:

Օրիորդ Գ-ն իրեն թույլ էր զգում: Դժվարությամբ կարողացավ ասել.

-Դուք պարտավոր չեք դա անել:

Տղամարդիկ իրար նայեցին եւ ծիծաղեցին:

Գ-ն մեծ ջանքերով փորձում էր նստել: Կողքով դեպի իրեն նստած տղամարդը ձեռքով նշան արեց, եւ բժիշկը թուլացրեց աղջկան զսպող կապերը: Գ-ն տեսավ, որ հագին հիվանդանոցային երկնագույն զգեստ է: Այն բավականին լայն էր եւ ազատ, բայց մի քանի տեղ այնուամենայնիվ կպչում էր մաշկին, եւ դա նրան ստիպում էր տնքալ հաճույքից: Տղամարդիկ անհանգիստ շարժումներ արեցին:

Ամբողջ զգեստի վրա խոնավ բծեր հայտնվեցին՝ պատկերելով նրա մարմնի ուրվագծերը:

-Ինչպես երեւում է՝ Ձեզ ուրիշ հագուստ պետք է տանք,- ասաց սիգարը ձեռքին տղամարդը՝ խզելով լռությունը:

ՉԵՆ ՑՅՈՒՖԱՆ

Նրան նոր հանդերձանքներ տվեցին երեք օր հետո: Դրանք խանութի Էժան շորեր չէին, բայց ևաե վերջին տորածություն բարձրորակ հագուստ չէին: Պատրաստված էին հատուկ եւ միմիայն օրիորդ Գ-ի համար: Առաջին հայացքից սովորական էին թվում, մարմինը կիպ գրկող, բայց շոշափելիս այն զգացողությունն էր, թե պատրաստված են ինչ-որ կոլոնի-դային նյութից: Դրանք պատրաստված էին հատուկ մանրաթելերից, որ պարունակում էին օդով լցված փոքրիկ բջիջներ, որոնք, երբ դիպչում էիր, փոխում էին իրենց ձեւը: Այդպիսով՝ ցանկացած մեկ կետի վրա գործարկված ճնշման ուժն անմիջապես տարածվում ու ցրվում էր հարակից մասերում՝ մեծապես նվազեցնելով այն զրգռիչ ազդակները, որ զգում էր օրիորդ Գ-ն:

Նրանք բավականին հոգատար ու նրբանկատ էին, որպեսզի օրիորդ Գ-ին հնարավորություն տային ընտրելու հագուստի գույներն ու նախշերը:

Գ-ն հայելու մեջ նայեց արծաթե շերտագծերին, եւ հանկարծ մտաբերեց: Ուղեղում առկայծեց Ս-ի ձեռքի նշտարը: Ամեն ինչ այնքան արագ էր տեղի ունեցել եւ այնպիսի արագ հաջորդականությամբ, որ հնարավորություն չէր ունեցել մտածել իր փորձի մասին, անդրադառնալ դրան: Հեշտանքները, որ այդքան անհագորեն տեսչում էր, վերածվել էին սպառնալիքի, որը ցանկացած պահի կարող էր իր կյանքն արժենալ:

Զգում էր, որ արագ ծերանում է, եւ չնայած այն բանին, որ յուրաքանչյուր հեշտանք նրան առողջ մի փայլ էր թողել, ինչ-որ բան փոխվում էր, բայց չէր կարող ասել, թե ինչ էր դա:

Շատ կուզեր իմանալ, թե արդյոք Ս-ն սեռականապես անկարող կդառնա՞ր, եթե նրա հետ էլ պատահեր նմանատիպ մի բան, ինչ իր հետ պատահեց:

Մեկ շաբաթ անց պարոն Ս-ն եւ հրամանատար Պ-ն կրկին երեսացին՝ իրենց հետ մի պայմանագիր բերելով, որպեսզի նա ստորագրի: Օրիորդ Գ-ն աղոտ կերպով զգում էր, որ այս երկու տղամարդիկ վախենում են իրենից, բայց թաքցնում են իրենց վախը՝ փորձելով արժանապատիվ երեսալ: Նա մտքում փաղաքշում էր իր մարմինը, այնպես որ կարող էր հետեւել նրանց շփոթված արձագանքին: Ժպտաց՝ մտածելով, որ իր ողջ կյանքում սա այն դեպքն է, երբ ամենաշատն է մոտեցել իսկական կնոջ փորձառությունը:

Պայմանագիրը նման էր համաձայնության, որ տաղանդավոր գործակալությունը կարող էր կազմել իր հաճախորդի համար, բայց ևաե ձանձ-

րալիորեն երկար էր եւ լի աննշան տափակ մանրութներով: Օրիորդ Գ-ն մի քանի անգամ կարդաց, բայց չկարողացավ հասկանալ, թե որոնք են դրա հիմնական կետերը: Պարոն Ս-ն վերցրեց պայմանագիրը եւ շարտեց սենյակի մեջ: Նա նայեց օրիորդ Գ-ին՝ դեռ խառն ու անորոշ արտահայտությունն աչքերի մեջ, եւ ասաց.

-Միակ բանը, որ պետք է անեք, հեշտանքներից հաճույք ստանալն է: Մենք հոգ կտանենք մնացած ամեն ինչի մասին:

Օրիորդ Գ-ն մի պահ մտածեց եւ եկավ այն եզրակացության, որ այլընտրանք չունի: Համենայն դեպս՝ այդ փակված սենյակում այլընտրանք չկար:

-Ինձ բեմական անուն է պետք:

Նրանք բարձր եւ երկար ծիծաղեցին ու ասացին.

-Արդեն ունեք:

Օրիորդ Գ-ի անունն սկսեց գաղտնի շրջանառվել բարձր դասի հասարակության մեջ: Նրա ներկայացումները միայն հրավերով էին: Տոմսի գինը չափազանց բարձր էր, բայց թե ճշգրիտ որքան էր՝ խստորեն վերահսկվող գաղտնիք էր: Հրավիրատուներ ստացած շատ կարեւոր հյուրերին ուղեկցում էին դեպի մասնավոր սենյակներ, որտեղից նրանք պատուհանով դիտում էին ներկայացումը: Օրիորդ Գ-ի հետ ֆիզիկական շփումն ու բառերի փոխանակումն արգելված էին: Փորձերից հետո օրիորդ Գ-ի ղեկավարները նախագծեցին եւ կառուցեցին մի դահլիճ, այնպես, որ նման լինի դասական օպերային թատրոնի, բայց ավելի փոքր չափերի: Բեմը երեք կողմից եզրապատված էր մասնավոր սենյակներով: Առավելագույնը վաթսունչորս մարդ կարող էր միանգամից տեղավորվել: Հյուրերի գաղտնիությունը երաշխավորվում էր: Նրանք կարող էին ցանկով ընտրել այն տարբերակները, որ ուզում էին դիտել, ներառյալ օրիորդ Գ-ի մարմնի արտապատկերումը՝ պրոեկցիան, որ երեսուն ոտնաչափ բարձր էր եւ ցուցադրում էր ամենափոքր մանրամասները, այնպես որ՝ յուրաքանչյուրն իրեն զգում էր ասես մարմնագույն ծովում լողալիս, երբ նայում էր, թե ինչպես են ալիքները բարձրանում եւ իջնում: Նրանք նույնիսկ հնարավորություն տվեցին հյուրերին՝ մրցակցության հրավիրել միմյանց կամ նվիրաբերություններ կատարել օրիորդ Գ-ին՝ մուտքի վճարի սահմաններից դուրս, ինչը բավարարում էր հանդիսատեսի ցանկությունը՝ դառնալ գործողության մասնակից, ինչպես նաեւ առավելագույն շահույթ էր բերում:

Օրիորդ Գ-ն զգում էր, որ մի տեսակ փոփոխություն է կրում:

ՉԵՆ ՑՅՈՒՖԱՆ

Սկզբում նա ստիպված էր մուգ ակնոց ու ականջակալներ դնել, մինչև որ կարողանար համապատասխան տրամադրության գալ:

Նա միայնակ էր բեմի վրա, եւ լուսարձակներից անդին սեւ-թանաքագույն մթություն էր, ինչպես նախասկզբնական սեւ մի խոռոչ: Հարուստ եւ հզոր մարդիկ թաքնված էին խավարում եւ իրենց հաճույքն էին ստանում նրա հեշտանքներից: Դա կաշկանդում էր նրան, եւ չէր կարողանում հետնել խորհրդին, որ պարզապես վայելի հեշտանքները: Ականջակալներով լսելով՝ անում էր այն ամենը, ինչ իրեն խնդրում էին անել: Բայց դա ավելի ու ավելի քիչ էր հաճույքի նմանվում: Ի վերջո, միշտ ինչ-որ սարքի կարիք էր զգում, մինչև որ կարողանում էր հեշտանքի հասնել: Ապա խոնարհվում էր եւ հեռանում բեմից՝ խոնավ ու լարծուն մարմնով:

Նրանք մշտապես փոխում էին բեմի իրերն ու պարագաները: Օրիորդ Գ-ն հանդես էր գալիս անձրեւի տակ, անտառում եւ անապատում: Օվկիանոսի հատակին մարտնչում էր հսկա ութոտնուկի դեմ: Տառապում էր պալատական թավջապատ սենյակում: Կպչուն ու խորտակիչ ջրապտույտում իր կյանքի համար պայքարում էր օտար մոլորակի վրա: Դրանք կարող էին պարզապես լինել անցյալ դարի 70-80-ական թվականների ցածրորակ պոռնոգրաֆիկ ֆիլմերից տեսարաններ, որ ավարտվում էին այնպիսի հեշտանքներով, որոնք էժանագին էին բառի բոլոր իմաստներով:

Օրիորդ Գ-ն իրեն այնպես էր զգում, ասես այլոց խաղալիքը լինել, բայց երբեք չէր մոռանում այն առաջին փորձը համալսարանական քաղաքում: Դա նրա համար մեծ նշանակություն ուներ: Քամին փաղաքշել էր նրան, իսկ անձրեւը գրգռել: Ոչ մի հոգեբանական ուղղություն չէր կարող բացատրել նրա հետ կատարվածը: Եվ հանկարծ եկավ այն գիտակցման, որ ընդհանրապես տղամարդու կարիք չի զգում: Քամին էր նրա տղամարդը: Անձրեւն էր նրա տղամարդը: Լույսն էր նրա տղամարդը: Աշխարհն էր նրա տղամարդը:

Այդ պահից սկսած՝ դա դարձավ նրա սեռական փիլիսոփայության առաջին սկզբունքը:

Ինչ վերաբերում է միս ու արյունից բաղկացած իրական տղամարդկանց, այն մազնատներին, որ կառավարում էին աշխարհը, օրիորդ Գ-ն հանեց մուգ ակնոցը եւ ուղիղ նայեց իր շուրջը գտնվող սեւ ու դատարկ անեությանը, ասես փնտրում, հայտնաբերում եւ զննում էր այն տեսակների արուններին, որ մակաբույծների պես թաքնվում էին այդտեղ:

-Դուք բոլորդ,- ասաց:- Ապա նրա ականջակալները լցվեցին շփոթված

ու վրդովված բողոքների աղմուկ-ժխտրով:- Դուք բոլորդ ոչ այլ ինչ եք, քան մակաբույծներ՝ ձեր ցցանդամին կպած:

Ամիջապես անջատեցին նրա ձայնը տարածող ալիքը: Ամբողջ աշխարհից եկած շատ կարեւոր անձանց չէր հետաքրքրում, թե ինչ է ասում իրենց մասին մի սեքս տիկնիկ, հատկապես որ նրա ասելիքն այնքան էլ լավ բան չէր:

Բայց հիմա ամեն ինչ փոխվել էր:

Օրիորդ Գ-ն բռնել էր ժամանակի զարկերակը:

Փորձագետներն ասացին, որ սկսվել է մարդու սեռական երրորդ ճգնաժամը:

Եթե ընդունեին, որ առաջին երկու ճգնաժամերն առնչվում էին անվտանգ սեքսին ու սեռական ինքնությանը եւ տեխնոլոգիական առաջընթացների հետեանքով լուծվել էին արագ ու սահուն կերպով, ապա կարող էին ենթադրել, որ այս երրորդ ճգնաժամը կապված էր սեքսի հիմնական բնույթի հետ: Մարդկային սեռական ձգտման հետ կապված՝ ինչ-որ սխալ բան էր կատարվել: Սեռական ցանկությունը նվազում էր, ծնելիության մակարդակն անկում էր ապրել, բնակչությունը ծերանում էր, եւ անդրոգինությունը՝ սեռերի միջեւ սահմանի վերացումը, ավելի ու ավելի սովորական ու համընդհանուր մի բան էր: Դրանք, սակայն, միայն արտաքին, մակերեսային երեւոյթներ էին: Գոյաբանական խնդիրն այն էր, որ մարդ արարածներն, իբրեւ տեսակ, կորցրել էին զարգանալու ցանկությունը: Մարդկությունը նման էր ծերացած, թույլ ու անկարող առնանդամի: Դա վախ էր ներշնչում:

Այն ժամանակ, երբ թմրամիջոցներն ու զանազան սարք-առարկաներն այլեւս չէին կարողանում թեթեւացնել նրանց, մարդիկ հայտնաբերել էին օրիորդ Գ-ին, որը նրանց մոտ եկավ որպէս երկնից իջած պարզեւ:

Օրիորդ Գ-ի դիրքը հասարակության մեջ էլ ավելի բարձրացավ: Նա գիտեր այդ մասին եւ օգտվեց դրանից:

Գ-ն սկսեց ձեւավորել բեմական առականներն ըստ իր ճաշակի: Այդտեղ նա անցնում էր բազմամարդ ավտոբուսի միջով, հանդիպում էր ունենում արագ սննդի ռեստորանում եւ մարզվում սպորտային սարքավորումներով: Բեմական այս նոր իրավիճակում բացակայում էր պատումի կոնֆլիկտը, եւ ոչ մի ցնցող տեսարան չէր ներկայացվում, դրա համար էլ խիստ քննադատության ենթարկվեց, սակայն հետագայում այն գիտնականների համար դարձավ հետազոտման սիրված առարկա: Միահամուռ կարծիքն

ՉԵՆ ՑՅՈՒՖՔՆ

այն էր, որ այդ առտնին տեսարանները հիմնված էին օրիորդ Գ-ի պատանեկության սեռական երեւակայության վրա:

Մասնագիտության վաղեմի ավանդույթի համաձայն, ևս պահանջեց, որ տեսնի իր հանդիսատեսին: Բոլորը պետք է լույսի տակ լինեին, չպետք է լինեին ո՛չ դիմակներ, ո՛չ միակողմանի թափանցող ապակի:

Այդ պահանջն իրարանցում առաջացրեց: Հանդիսատեսներից շատերը դա համարեցին ներխուժում իրենց անձնական կյանք: Նրանք զայրացած ուզեցին հեռանալ, բայց շրջվեցին՝ հարցնելու, թե լրացուցիչ վճարի դիմաց արդյո՞ք իրենց թույլ կտային դիմակներ կրել:

-Ո՛չ մի բարեհաճություն, ո՛չ մի բացառություն:

Այսպես խոսեց օրիորդ Գ-ն:

Պարոն Ս-ն եւ հրամանատար Պ-ն սկսեցին հասկանալ, որ հեռակառավարումն այլեւս իրենց ձեռքում չէ:

Որպեսզի իր հաճախորդների հետ հաշտության եզրեր գտնի, օրիորդ Գ-ն նախատեսեց ձեռնոցներ, որոնք ապահովում էին հետադարձ ակարկապը: Ներկայացման որոշակի մի հատվածում հանդիսատեսները կարող էին հագնել ձեռնոցները եւ ըստ էության փաղաքշել օրիորդ Գ-ի մարմինը: Ձեռնոցները նրանց այնպիսի զգացողություն էին տալիս, ասես դիպչում էին Գ-ի մարմնին: Նույնիսկ կարող էին զգալ խոնավությունը: Մատուցվող ծառայության այս բարեփոխում նորոպթ ընդունվեց խանութատնում:

Հետո օրիորդ Գ-ն պահանջեց, որ շատ կարեւոր այցելուներից ամեն մեկի սենյակի լուսամուտից դուրս լույս դրվի: Երբ հյուրի վիճակը ծանրանում էր, լույսը կանաչ գույնի էր լինում, իսկ երբ սերմնաժայթքում էր տեղի ունենում, լույսը վառվում էր կարմիր գույնով: Դրանից հետո ֆերմոններով հագեցած օձանելիք էր սփռվում սենյակում:

Եվ այսպես, օրիորդ Գ-ն փոխեց իր ներկայացումների կանոնները:

Այժմ նա վերահսկում է իրավիճակը:

Երբ նա բեմում ներկայացնում էր տեսարաններ սովորական, առօրյա կյանքից եւ սկսում էր խոնավանալ գրգռվելուց, կարող էր ըստ ցանկության առաջացնել իր հանդիսատեսների կերպարների արտապատկերումը՝ խոշոր պլանով, կրծքավանդակով, մերկ: Միայն աչքերի շարժումով կարող էր խոշորացնել կամ փոքրացնել պատկերները, կամ դրանք ձեռախեղել ու երկարածգել: Նա տնքում էր ու հառաչում, գալարվում ու սարսռում, մաշկը ցնցվում էր եւ վերուվարում, ինչպես ալիքները թայֆունի ժամանակ: Տեսնում էր ինչպես են վառվում կանաչ լույսերը, դառնում ավե-

լի պայծառ, ապա փոխվում են՝ դառնում կարմիր, հետո մարում: Նա կարողանում էր ընկալել թուլացած տարբերություններն ու փոփոխությունները տղամարդկանց արծազանքներում: Կարողանում էր զգալ ձգողականության ու ծանրության ուժը եւ ժամանակի ընթացքը: Ի վերջո փլվում էր, շնչահեղձ լինում եւ սուզվում անեության մեջ:

Այնպես էր զգում, ասես կենդանիներ վարժեցնող է, բայց նաեւ գիտնական: Նա հետազոտում էր սեփական մարմինը, հետազոտում էր այն արարածներին, որ գոյություն ունեին որպես մակաբույծներ՝ կպած սեփական առնանդամներին, եւ հետազոտում էր իր եւ նրանց մարմինների միջեւ եղած բարդ կապը: Այդ ամենը նրա համար անսահման գրավիչ էր:

Քանի դեռ **Նա** չէր հայտնվել:

Նրա լույսը կանաչ գույն դարձավ՝ հենց որ մտավ իր սենյակ: Եվ դեռ կանաչ էր մնում, երբ մթան մեջ փարոսների պես շողացող մյուս լույսերը կանաչից կարմիր էին դարձել ու մարել:

Օրիորդ Գ-ն լուսանկարեց նրան եւ նկարը մեծացրեց: Սովորական տեսք ուներ, բայց հագել էր հատուկ տաբատ, որ չափազանց լայն էր, պարկանման, որպեսզի թաքցներ նրան շատ անհասկացող գաղտնիքը: Գ-ն փորձեց իր իմացած բոլոր հնարքները, բայց չկարողացավ այնպես անել, որ նրա լույսը կանաչից կարմիր դառնա: Հուսահատված նայեց, թե նա ինչպես է դուրս գալիս: Կյանքում առաջին անգամ մի տղամարդ հայտնվեց, որի մասին ինքն ուզում էր իմանալ ամեն բան:

-Շատ եմ ցավում, բայց դա պայմանագրի կանոնների խախտում կլինի,- ասաց պարոն Մ-ն անդրդվելի տոնով:- Սա հավանաբար նաեւ մեր վերջին ներկայացումն է այստեղ: Մենք կասեցնում ենք մեր համաձայնությունը:

- Արդյո՞ք մտածում են, թե մեր արածն անօրինական է:- Օրիորդ Գ-ն այլ բացատրություն չէր կարող մտածել:

-Ոչ,- պարոն Մ-ն ծիծաղեց, բայց, ինչպես միշտ, նրա աչքերից չերեւաց, թե ինչ է մտածում:- Հանգամանքները փոխվել են: Կարծում են, որ Դուք պետք է պատկանեք ամբողջ մարդկությանը, ոչ թե միայն հարուստներին եւ հզորներին: Բայց Ձեզ այնուամենայնիվ գործակալ է պետք, այնպես չէ՞:

Օրիորդ Գ-ն համոզված էր, որ սա ինչ-որ կապ ունի կանաչ լույսով տղամարդու հետ: Նա վախեցավ, քանի որ մի բան էր այն, ինչ անում էր բեմի վրա, լուսարձակի ներքո, եւ բոլորովին այլ բան էր՝ դա անել օրը ցերեկով, բնական լույսի տակ: Բայց դարձյալ զգաց, որ այլընտրանք չունի:

Հանրային հրապարակում իր առաջին ելույթն աղետալի վախճան ու-

ւեցավ: Որպէս խիստ ցնցումից դեռ ուշքի չեկածի՝ օրիորդ Գ-ին արագ հեռացրին ռազմական ուղղաթիռով: Նա ցած կայեց դեպի բլուրավոր մարդկանց փոթորկուն զանգվածը: Նրանք բռնաբարում էին, կողոպտում, ոտնատակ տալիս միմյանց, կռվում ու հրդեհում: Սեռական գրգիռը բորբոքվելով վերածվել էր վայրենի, հրեշավոր մի բռնության, որ վարակի պէս տարածվում էր ամբոխի մեջ: Նա տեսավ գետնաքարշ, արյան հետքեր թողնող մեռած մարմիններ: Սարսափած՝ փակեց աչքերը:

- Դա Ձեր մեղքը չէ,- պարոն Մ-ն սփոփեց դողացող օրիորդ Գ-ին:- Ներկայացումը պետք է լիներ միայն լրատվամիջոցներով:

Իրականում՝ լրատվամիջոց ասվածը բավականին որոշակի մի լրատվամիջոց էր: Նրանք արտոնագրեցին շարժական հոլոգրաֆիկ մի սարքի արտադրության իրավունքը՝ նախապէս ներբեռնելով օրիորդ Գ-ի լավագույն ներկայացումներից քսանչորսը: Սարդիկ այդ հարմարանքն անվանեցին «Սրբապատկեր»: Սեւ շուկայում առետուր ծավալողները ծրագրային համակարգով մեծ գումարներ ներդրեցին, որպեսզի ջարդեն այդ սարքը, բայց նրանց իրական խնդիրը տեխնոլոգիական մարտահրավերների լուծումը չէր: Իրական խնդիրն այն էր, որ նրանք, ովքեր հավատում էին օրիորդ Գ-ին այնպիսի նվիրվածությամբ, ինչպէս շամաններին եւ երկրպագում, այդպիսի հանդիսատեսին փոխանցված սեռական ուժն ամենագորեղն էր օրիորդ Գ-ի կենդանի կատարումների, ապա Սրբապատկերի հոլոգրաֆիայի, եւ երրորդ՝ ավանդական լրատվամիջոցների դեպքում: Սրբապատկերի արտապատկերման՝ հեղինակային իրավունքը խախտող կրկնօրինակները նվազագույն ներգործությունն ունեին, որովհետեւ սրբապիղծ էին:

Հրապարակում հարյուր քսանչորս մարդ մահացավ, եւ մի քանի հազար մարդ էլ վիրավորվեց: Այդ դրվագը ներկայացվեց որպէս զանգվածային անկարգության դրսեւորում:

Օրիորդ Գ-ն հրաժարվեց ներկայացում տալու բոլոր հրավերներից: Նա ամեն բան ծանրութեթեւ էր անում: Նրա հեշտանքներն իրեն բուռն հաճույք էին պարգեւում եւ գրգռում էին այլոց՝ ազատագրելով նրանց թաքնված սեռական էներգիան: Բայց Գ-ի հեշտանքները կործանիչ մեծ ուժ ունեին. դրանք չէին կարող վերահսկվել կամ ուղղորդվել: Դա այնպիսի մի սեքս էր, որի կարիքն աշխարհը չուներ: Հաշվի առնելով, որ աշխարհը փրկելու նրա երազանքն արդէն խորտակվել էր, սեռական լրացուցիչ ներկայացումների անհրաժեշտությունը չկար:

-Այդ դեպքում ո՞րն է իմ գոյության իմաստը:

Եվս մեկ անգամ նա հայտնվեց ինքնության ճգնաժամի մեջ, որը կասկածի տակ դրեց այն ամենն, ինչին հավատում էր: Փորձեց «դատարկություն» գտնել Ձենի մտահայեցման միջոցով: Հաշվում էր իր շնչառությունը, մի կողմ էր վանում բոլոր կանխակալ պատկերացումները, անկիրք ու ինքնամիտի հետեւում էր, թե ինչպես են մտքերը գալիս ու գնում իր գիտակցության մեջ, բայց երբեք չէր կարողանում հասնել Բուդդայի տիրույթին եւ խաղաղություն գտնել: Օրիորդ Գ-ն ցնցված էր՝ զիտակցելով, որ իր միտքը կապված էր ոչ միայն այն տղամարդու հետ, որի կանաչ լույսը երբեք չէր փոխվում, այլ նաեւ նշտարակիր բժիշկ Ս-ի հետ:

Այդ երկուսն ընդհանուր մի բան ունեին: Նրանք անընկալունակ էին օրիորդ Գ-ի հանդեպ:

Ներկայացումն աննախադեպ մեծ չափեր էր ընդգրկում, եւ հեռարձակման իրավունքները վաճառվեցին Լույնքան բարձր գներով, որքան աշխարհի գավաթի առաջնության բացման արարողությունների հեռարձակման իրավունքները: Հանդիսականներին թույլատրում էին ներկայանալ միայն անվտանգության մանրակրկիտ ստուգումից հետո: Հատուկ հրավիրված հյուրերն ապահովեցին բացման հրաշալի արարողությունների անցկացումը: Հնդկաստանի «Կամա Սուտրա» ակրոբատիկայի թատերախմբի ելույթը եւ էլեկտրոնային երաժշտության գրգռիչ ազդեցությունը՝ դիջեյ Ֆոյի կատարմամբ՝ ամբոխին հասցրեց եռման կետին: Իսկ հետո սկսվեց հիմնական գործողության դրամատիկական մուտքը:

Մի ուղղաթիռ հայտնվեց եւ մի մեծ գնդածեւ առարկա իջեցրեց գետնից երկու հարյուր ոտնաչափ բարձրության վրա, որտեղ այն անվտանգ տեղադրվեց մարգաղաշտի տանիքին ամրացված եւ դաշտի վերելում կախված հենակառուցի կենտրոնում: Գունդը խոշոր պլանով հայտնվեց մարգաղաշտի շուրջ տեղադրված բոլոր էկրաններին, նրա թափանցիկ մակերեսույթը ապակու նման փայլում էր լուսարձակների ճառագայթների տակ: Օրիորդ Գ-ի հագին թափանցիկ արտահագուստ էր, նա կուչ էր եկել եւ լողում էր գնդի ներսում, ինչպես սաղմ:

Ամբոխը երջանիկ մի մռնչյուն արձակեց, լույսերը մարեցին, եւ մարգաղաշտի վրա լուռություն իջավ, ասես թագադրման կամ մկրտության արարողություն էր:

Ներքեւից լույսի շողոզուն մի սյուն վեր խոյացավ դեպի գունդը՝ ասես պահելով այն: Գունդը բեկեց լույսը՝ այն շատրվանի պես սփռելով բոլոր

ՉԵՆ ՑՅՈՒՖԱՆ

ուղղություններով: Լույսի գույնը համաչափորեն փոխվում էր էլեկտրական թմբուկների զարկերի հետ: Ամբոխը թմրամիջոցներ չէր ընդունել, բայց այդ ամենը նրանց թվում էր դարակազմիկ գոյափոխության երեկոյթ: Լույսն առկայծեց, եւ գույներն ալեկոծվեցին հավատացյալների աչքերի ցանցաթաղանթներում՝ նրանց նյարդային համակարգերը ճոճելով խելքամաղ եւ անզուսպ գրգիռների ազդեցության ներքո: Բժշկական անձնակազմն շտապեց հետեւելու գրգիռներից տապալված մարմիններին:

Դանդաղ, սրբագեղորեն՝ օրիորդ Ա-ն ծալ-ծալ բացում, մերկացնում էր իր մարմինը, ինչպես կյանքն էր սկսում Էփոյուցիայի գործընթացը հարյուր միլիոնավոր տարիներ առաջ: Նա հայացքը սեւեռեց իր ներքեւում գտնվող զանգվածներին՝ լոզանք ընդունելով լույսի ծիածանի մեջ: Սուրբ Մարիամի պես լայն բացեց բազուկները, եւ ժպիտ խաղաց շուրթերի վրա:

Էկրանների վրա, մարզադաշտի շուրջբոլորը հսկայական պայծառ տառերով բառեր սկսեցին առկայծել, վառվել ու մարել, եւ ամբոխն սկսեց միահամուռ ու միածայն երգել.

ԹՈՂ ՈՐ ԳԱ:

ԹՈՂ ԹԱՓԵՄ:

ԹՈՒԱՓՎԵՄ:

Նստատեղերից կանաչ լույսի ճառագայթներ էին շողարձակում, հատելով անցնում մարզադաշտի բաց օդի միջով եւ թափանցում գնդից ներս: Էկրաններին խոշոր պլանով ցուցադրվում էր, թե ինչպես են ճառագայթներն անցնում գնդի պատիճի միջով եւ հասնում օրիորդ Գ-ի կրծքերին: Նրա լուսազգայուն արտահագուստն սկսեց առկայծել էլեկտրականության փոքրիկ, կապտաճերմակ թրթռոցներով: Երբ Էներգիան հասավ Գ-ի մարմնին, մաշկը փշաքաղվեց, շուրթերը թեթեւակի բացվեցին, եւ դուրբի ձայնային համակարգը մարզադաշտը լցրեց նրա տնքոց-հառաչանքի սարսուզոտ ձայնով: Գրեթե միաժամանակ գրգիռը թոթափելու պատրաստ ամբոխն սկսեց ալեկոծվել: Էկրանների վրա օրիորդ Գ-ի մաշկն էր սարսուռում եւ ծփում:

Միայն հիմա ամբոխին պարզ դարձավ նստատեղերի տակ դրված լազերային գրիչների նպատակը:

Մարզադաշտի կենտրոնում անկանոն մի կոնի ծայրից արձակված լույսի անթիվ ճառագայթներ հոսեցին դեպի գունդը: Մակընթացության հորդուն ալիքի նման՝ դրանք տեղացին գնդի վրա՝ հեղեղելով այն, օրիորդ Գ-ի արտահագուստը ողողելով էլեկտրական լույսի աղեղների բռնկուն,

պայծառ բոցերով, ինչպես փոթորիկը Խաղաղ օվկիանոսի հարավում: Լույսը փայլատակեց նրա կրծքերի վրա, թեւատակերին, ցայլքին ու աճուկներին, ականջաբլթակներին, փորին, դաստակներին: Նա ասես իր դանդաղ պտտվող ֆրակտալ պատկերը լինեք. նրա մտի եւ մկանների շարժումը պարուրածեւ ելնում էր եւ բազուկների պես փաթաթվում մարմնի շուրջը: Նա մի շրջան-մանդալա էր՝ օժտված այնպիսի գորությամբ, որ ի վիճակի է հորդաբուխ հեղուկներ եւ զանգվածային հաճույք առաջացնել:

Այդ ամենը ներկայացվում էր հոյուգրաֆիկ ծավալապատկերներով, որ հորդաբուխ ներխուժում էին հանդիսատեսի տեսադաշտ: Ամբոխը մոլեգնաձ էր:

Անվտանգության ուժերը պատրաստվեցին: Իրավիճակը շատ վտանգավոր էր եւ կարող էր դուրս գալ վերահսկողությունից:

Ամբողջ այդ քառուսի մեջ օրհորդ Գ-ն այնպես էր զգում, ասես իրեն ետ էին տարել այն առաջին անձրեւոտ երեկոյի գիրկը: Վեր նայելով լույսերի միջով, որ անձրեւի պես թափվում էին իր շուրջը, նա հայացքը հառեց աստղալից երկնքին: Ոչինչ չէր փոխվել: Հեշտանքի մեջ անգամ մարդիկ դեռ կաշկանդված էին տարածության ու ժամանակի օրենքներով եւ նախկինի պես իրենց զգայությունների գերին էին: Հանկարծ նա մի աննախադեպ պարզություն եւ խաղաղություն զգաց, երբ ամեն ինչ միավորվեց այդ պահին, ամեն ինչ՝ նրա մարմնի վրայի փայլուն, խաղացկուն հեղուկը, օդում փայլվող փոշին, լույսի անհամար կետերը, ամբողջ աշխարհը:

-Կա՛նգ առեք,- ասաց նա:

Ամեն բան կանգ առավ:

Լույսի ճառագայթները հեռացան գնդից, երաժշտությունը դադարեց, իսկ եռման կետին հասած ամբոխը սառեց: Տարակուսած՝ բոլորն ուշադրությամբ նայեցին Էկրաններին, որ մտածում էին նրանց փոխարեն: Ինչպես տեսնում եք, այնպես էլ կստանաք: Օրհորդ Գ-ն մնում էր հանգիստ ու անվրդով: Նա դեմքից սրբեց հեղուկը եւ նայեց լիբիդոյի հարյուր հազար աշակերտներին: Որոշել էր թուլացնել նրանց լարվածությունը:

-Ոչ մի հեշտանք էլ չկար,- ասաց նա:- Ես կեղծում էի:

-Ամեն ինչ պատրանք է, ամբողջ պատրանքն սկսվում է սեփական անձից, ամեն ինչ վերադառնում է դեպի անիրականություն:

Ամբոխը ճգնում էր հասկանալ այս հայքուսանման խոսքի խոր իմաստը: Մարդիկ իրենց դատարկ ու լքված էին զգում: Ոմանք սկսեցին լաց լինել, մյուսները զայրացած փորձեցին ճեղքել-անցնել անվտանգության ցան-

ՉԵՆ ՑՅՈՒՖՔՆ

կապառը, բայց նրանց մեծ մասը նստած տեղից հանգիստ վեր կացավ եւ դուրս եկավ մարզադաշտից, ասես բոլոր տարփալից պատկերացումներն ու սեռական զգացումն ամբողջովին պարավել, դուրս էր մղվել նրանց էութունից: Վաղ թե ուշ դա պետք է տեղի ունենար: Հոգեմաշ այդ պատկերները արբանյակային հեռահաղորդմամբ տարածվում էին եւ հասնում մուրակի բնակչության ութսունհինգ տոկոսին: Ամբողջ աշխարհն ուժասպառ էր, տանջահար եւ վերականգնվելու համար ժամանակի կարիք ուներ:

Օրիորդ Գ-ն նայեց մարզադաշտի իրարանցմանը: Մարմինը թուլացավ, եւ նա ուշաթափվեց: Ստելուց բացի նա այլընտրանք չուներ: Չէր կարող կատարել մարդկության փրկչի դերը: Կեղծ հույսերը նրան, բոլոր մյուսների հետ միասին, կործանման կտանեին: Միակ բանը, որ կարող էր անել, այն էր, որ մարդիկ վերադառնան իրենց սեռական զգացողությունները վերահսկելու:

Բայց մտքով երբեք չէր անցել հաշվի առնել սեփական դժվարին կացությունը:

Froid Équateur (*Ֆրանսերեն` Յուրտ հասարակած - Շ.Թ.*) անունով արմատական կրոնական մի կազմակերպություն հայտարարեց, որ օրիորդ Գ-ն խարդախ է եւ Աստծուն հայհոյող, հետեւաբար այդ կազմակերպության յուրաքանչյուր անդամ պարտավոր է հետապնդել նրան եւ սպանել: Գուցե ճակատագրի հեզանքով՝ օրիորդ Գ-ն դատապարտվեց հեշտանքից մեռնելու:

Նա այնպիսի եզակի ֆիզիոլոգիա ուներ, որ չէր կարողանա կոսմետիկ վիրաբուժությունից հետո կենդանի մնալ, դրա համար էլ ստիպված էր երկրից փախչել ուրիշի անունով: Փորձեց իր նախկին հաճախորդներից ոմանց խնդրել, որ պաշտպանեն իրեն, բայց այդ հզոր տղամարդիկ սառնորեն մերժեցին նրան: Եվ նույն պատճառաբանությամբ, ինչ պատճառաբանություն բերում էին այն մարդիկ, ովքեր ուզում էին սպանել նրան. նա խաբբել, մոլորության մեջ էր գցել իրենց: Լրացուցիչ մի հեզանք էլ այն էր, որ այն պահից, ինչ իմացել էին օրիորդ Գ-ի մասին ճշմարտությունը, նրա ելույթներն ընդհանրապես կորցրել էին այդ մարդկանց մեջ որեւէ սեռական ցանկություն առաջացնելու կարողությունը:

-Ինչը նշանակում է, որ զոնե մեկ հարցում ոչ ոքի չեմ մոլորեցնում, մտածեց օրիորդ Գ-ն:

Բարեբախտաբար, պարոն Ա-ն հավատարիմ մնաց իրենց պայմանա-

գրին եւ նրան մի մեծ գումար տվեց՝ որպէս իր աշխատանքի փոխհատուցում եւ իրենց համաձայնությունը խախտելու համար: Նա լայն բացեց իր ձեռքերը, բայց հետո ցած իջեցրեց եւ մեղմ ասաց.

-Հոգա քո մասին:

Ապա իր կադիլլակով անհետացավ գիշերվա մեջ:

Կյանքը փախուստի մեջ դժվար է, հատկապէս օրիորդ Գ-ի նման հայտնի մարդկանց համար:

Հսկայական գումարներ ծախսելով՝ կարողացավ թաքնվել հեռավոր վայրերում եւ էլ ավելի շատ գումար ծախսեց՝ գնելով իրեն օգնած մարդկանց լուծությունը: Քանի որ նրա չափազանց զգայուն մարմինը պահանջում էր, որ հատուկ պատրաստած սարքավորում ունենա, նրա համար անհնար էր իր կյանքը գաղտնի պահել, եւ երկար տարիներ ստիպված էր չվող թռչնի պէս տեղից տեղ շարժվել: Ալյայան նախալեռներից ուղեւորվեց դեպի Խուբսուգուլ լիճ եւ Լոյնիսկ փորձեց Տոնգայի Հանրապետությունում ամբողջությամբ վարձակալել անմարդաբնակ մի կղզի, բայց նրա գտած հանգիստը միշտ ժամանակավոր էր եւ անցողիկ: Չկար այնպիսի մի վայր, որ Freud Էգուատորի համար հասանելի չլիներ: Այդ կազմակերպությունը բարձրացրեց օրիորդ Գ-ի գլխագինը եւ ավելի մեծ պարգեւներ խոստացավ նրան սպանողի համար:

Վերջին անգամ նա վտանգից մազապործ եղավ Նոր Զելանդիայի Միլֆորդ Սաունդում: Մի բարյացակամ տուրիստական ուղեվար նրան ասաց, որ տեսել էին կոպիտ տեսք ունեցող մի խումբ օտարերկրացիների, որոնք Տե-Անաու տանող ճանապարհին կանգնեցնում էին ավտոմեքենաները եւ մարդկանց ցույց էին տալիս օրիորդ Գ-ի լուսանկարը: Միլֆորդ Սաունդից դեպի դուրս երկաթուղային կամ ջրային տրանսպորտի ծառայություն չկար, իսկ շուրջըլորը ժայռեր էին եւ սառցադաշտեր: Օրիորդ Գ-ն անօգնական նայեց թուլակազմ երիտասարդ ուղեվարին, բայց վերջինս խուսափեց նրա հայացքից՝ շրջվելով, որպէսզի ցած նայի ջրին եւ Միտր Պիկ լեռան անդրադարձին, որ երեսում էր շրջված՝ գազաթը դեպի ներքե:

Նրանք նավակ նստեցին:

Հասկանալի է, որ տուրիստական օպերատորին պետք էր գնել, եւ այդպէս էլ արվեց:

Մի քանի ամրակազմ տղամարդ, որ ինքնությունը հաստատող ոչ մի փաստաթուղթ ցույց չտվեցին, սկսեցին խուզարկել նավակը:

-Ի՞նչ է այնտեղ,- հարցրեց խմբի պատասխանատու տղամարդը՝ մատ-

ՉԵՆ ՑՅՈՒՖՔՆ

Լացույց անելով տախտակամածի փոքրիկ մուտքի դռնակը:

-Չուկ:

Երիտասարդ ուղեվարը բացեց այն, եւ ձկան հոտը խփեց նրանց դեմ-
քին: Ապա ավելացրեց.

-Սատկած ծուկ:

Խմբի ղեկավարը կնճռոտեց դեմքը եւ խոժոռված՝ մի քանի քայլ ետ
գնաց: Նա ձեռքով նշան արեց իր ենթականերից մեկին, որ ստուգի ամեն
ինչ: Վերջինս մոտեցավ, կռացավ մուտքի վրա, ներս նայեց, հայհոյեց,
խոր շունչ քաշեց, թեւքերը քշտեց եւ ձեռքերը մտցրեց ձկների մեջ:

Օրիորդ Գ-ն, որի ամբողջ մաշկը կերպասի պես հարթ էր ու սայթաքուն,
քիչ էր մնում գիտակցությունը կորցնելու ձկների գարշահոտությունից:
Սատկած ձկները տակնուվրա եղան, խառնշուվեցին նրա շուրջը լողողը, եւ
մանր թեփուկները քսվեցին մաշկին: Սեղմեց ատամներն ու մեծագույն
ճիգ գործադրեց, որպեսզի չտնքա: Մի ձեռք դիպավ նրա ոտնակոճին, հա-
ճույքի ուժգին մի ալիք պարուրեց նրան, եւ նա չկարողացավ զսպել իրեն,
որպեսզի մարմինը չցնցվի ու չջղածվի:

Ենթակա պաշտոնյայի դեմքը քարացավ: Նա ձեռքը ետ քաշեց եւ ցա-
սումնալից հայացքով նայեց այժմ արդեն զուսատ դեմքով տուրիստական
ուղեվարին, ապա հենվեց նավակի կողին եւ սկսեց ործկալ:

-Քու մերը... Բոլորը չեն սատկած,- ասաց հազալով:

Օրիորդ Գ-ն արդեն կուշտ էր այս կյանքից: Որոշեց, որ ինքն իրեն
կսպանի եւ կույս կմեռնի, նախքան կկարողանան խոշտանգելով մահվան
հասցնել իրեն:

Նա վերադարձավ իր ծննդավայր՝ վարդագույն հիւսածաղիկների քա-
ղաք: Իր մանկության տնից մեկ թաղամաս այն կողմ՝ հյուրանոցում մի
սենյակ վերցրեց եւ հեռվից հետետում էր տարեց ծնողներին: Աչքերի առ-
ջեւ հառնում էին մանկության տեսարաններ, եւ զգաց, որ ժամանակից
շուտ ծերացել է: Ուզում էր իրենից ինչ-որ բան թողնել, բայց մի քիչ գումա-
րից բացի, թողնելու արժանի ոչինչ չուներ, հատկապես իր հուշերը:

Թվում էր՝ երբեք ոչ ոքի իսկապես չէր սիրել, բացառությամբ իր ծնող-
ների: Ամբողջ կյանքն անցկացրել էր անընդհատ հեշտանքների ձգտելով
եւ հիմա պետք է մեռնել իր հեշտանքների համար: Եթե կյանքը ոչ այլ ինչ
էր, քան առավելագույն լարվածություն, ապա մեռնելը նույնը չէ՞ր արդյոք,
ինչ լարվածությունից զուրկ կյանքը: Չէր կարողանում պարզել, թե որտեղ
է սխալվել: Փորձել էր տարբեր լինել բոլորից, բայց ի վերջո կորցրել էր

այն, ինչն իրեն դարձնում էր առանձնահատուկ, կամ գուցե հակառակն էր: Նրա սխալը, հավանաբար, անսահմանի իշխանության որոնումն էր մարմնի սահմանափակ մեքենայի մեջ: Ամբողջ կյանքն էր սահմանափակ ու վերջավոր, ամեն ինչ, ամեն ինչ տիեզերքը, ազատությունը, սերը:

Հեշտանքը բացառություն չէր:

Նա դարձել էր իր իսկ աշակերտը եւ պարզեց, որ պետք է ի՛ր զոհը մատուցի:

Մտքերը խառնվեցին իրար, նա իր սենյակում միացրեց ջրային շիթերով ջրավազանը՝ ջակուզին: Այն տասնվեց ծորակ ուներ, հինգ կարգավորվող արագություն եւ կարգավորիչ բազմաթիվ հարմարանքներ: Գ-ն պատրաստվում էր մեռնել ջրագրկումից՝ փրփրուն ու ալեկոծ ջրի ավազանում:

Օրիորդ Գ-ն խոր շունչ քաշեց ու սահեց ջակուզիի մեջ: Հաճույքը պարուրեց նրան, հաճույքի անվերջանալի ալիքները, եւ նա սկսեց կուչ գալ, գալարվել ավելի կրքոտ ու կատաղի, քան ջակուզիի ջրերը: Ուշաթափվեց եւ շնչասպառ եղավ՝ քիչ մնալով խեղդվեր մի կում ջրից: Հեշտանքի ալիքները մտրակում էին նրա մարմնի յուրաքանչյուր հատված եւ թափանցում բոլոր ծակոտիներից ներս՝ ցավ պատճառելով: Սկսեց զղջալ իր որոշման համար եւ ձեռքը մեկնեց, որ ջակուզին անջատի, բայց չհասցնելով՝ սուզվեց: Անկարող էր նստել, հզոր մի ուժ շարունակում էր նրան ետ քաշել դեպի ջրի խորքը, իսկ մարմնի վրայի սայթաքուն հեղուկն ասես ալեբախության ետհոսք լիներ: Հայացքը մշուշվեց: Նա շատ լավ գիտեր այդ պահի կամկար, խառնաշփոթ, ուղեղը մթազևող զգացողությունը: Նման էր սաթի մեջ թակարդված միջատի:

- Ամեն ինչ պատրանք է, ամբողջ պատրանքն սկսվում է սեփական անծից, ամեն ինչ վերադառնում է դեպի անիրականություն:

-Ամեն ինչ վերադառնում է դեպի անիրականություն:

-Անիրականություն:

Մի մեծ ձեռք հանեց նրան ջրից, ջակուզիից դուրս քաշելով՝ դրեց հատակին, շրջեց որովայնի վրա եւ այնքան սեղմեց մեջքին, մինչեւ որ օրիորդ Գ-ն սկսեց ուժեղ հազալ եւ դուրս թքել փրփրալից արյան հետ խառնված ջուրը:

Գ-ն լավ չէր նայել այդ մարդուն, բայց դեմքի աղոտ ուրվագիծը հառնեց նրա մշուշված գիտակցության մեջ եւ դուրս լողալով՝ աստիճանաբար հստակ ձեւ ստացավ:

ՉԵՆ ՑՅՈՒՖՔՆ

Դա այն տղամարդն էր, որի լույսը միշտ կանաչ գույնով էր վառվում:

Դա **Նա** էր: **Նրա** աչքերում խոր մտահոգություն էր, ոչ թե բուռն ցանկություն: Գ-ի տիեզերքը նորից ոլորվեց՝ Կլայնի շշի ձեռն ստանալով:

-Դուք փրկեցիք ինձ:

Օրիորդ Գ-ն երբեք չէր ակնկալել, որ իր շուրթերը կարող են այդպիսի թատերական արտահայտություն հնչեցնել:

-Ոչ: Դուք ինձ փրկեցիք:

Նա բռնեց օրիորդ Գ-ի ձեռքը և այն տարավ դեպի իր ոտքերի արանքը: Օրիորդ Գ-ն ինչ-որ կոշտ բան զգաց: Բայց դա առևանդամ չէր: Դա մի տեսակ պաշտպանիչ անոթ էր: Ինչ-որ լույս իջավ նրա վրա, և նա մի նոր ցանկություն ունեցավ՝ լրջորեն հավատալու:

-Չեք կարող պատկերացնել, թե ինչի միջով եմ ես անցել,- կամացուկ ասաց տղամարդը:- Եթե Դուք չլինեիք, չէի կարողանա ապրել:

Նայելով նրան՝ օրիորդ Գ-ն զգաց, որ իր էությունից բոլորովին նոր մի մաս է ի հայտ գալիս՝ ասես կայծակի հարվածից երկփեղկված:

-Ոչ ոք չէր կարող Ձեզ հասկանալ ավելի լավ, քան ես, - ասաց նա:

Օրիորդ Գ-ն և պարոն Ֆ-ն կանգնած էին կողք կողքի, առանց միմյանց դիպչելու, դեմքերը դեպի օվկիանոսը:

Ծովային մեղմ քամին շոյում էր նրանց: Չէին խոսում, չէին շարժվում, պարզապես կանգնել էին՝ փակ աչքերով: Ալիքներն ընկնում էին ավազին և ետ քաշվում՝ թողնելով հետք ու նշաններ, ոչինչ չթողնելով:

Նրանք մոռացել էին ժամանակը, մոռացել էին տարածությունը, մոռացել էին անցողիկ ու մոռացվող ամեն բան:

Այդպես երկար կանգնեցին, ասես դա հանգստի պահ էր վերին ոլորտների երաժշտության մեջ:

Հետո նրանք հասան այնտեղ՝ դանդաղ, վճռակաևորեն, հորձանքի հետ, միաժամանակ, հասան տեղ:

ՀԵՂԻՆԱԿՆԵՐԻ ՍԱՍԻՆ

ՉԺԱՆ ՅՈՒԵԺԱՆ - Կին արձակագիր, ծնվել է 1982 թվականին: Նրա գործերը տպագրվել են աշխարհի տարբեր լեզուներով: Հեղինակ է «Արեւածաղիկներն անհետացան 1890-ին», «Տասը սեր» պատմվածքների ժողովածուների, «Հեռավորությունը բայենուց», «Նարցիսը հեռացել է ծածանի հետ», «Խոստացող թռչունը» վեպերի:

ԴԻ ԱՆ - Կին արձակագիր, ծնվել է 1983 թվականին: Տպագրվել է 2003 թվականից: Հեղինակ է «Հրաժեշտ երկնքին», «Հիբիսկուսը նման է դեմքի», «Ուռենու տերեւները հոնքերի են նման», «Արեւմտյան մենամարտ», «Արեւեցյան նեոն», «Հարավային հնչյուն» վեպերի: Նրա «Լիլի» նովելը 2007 թվականին արժանացել է Նոր Զինական «Արեւմտյան Լիճ» գրական առաջին մրցանակին, ինչպես նաեւ ընդգրկվել է Զինական գրական ընկերակցության «Լավագույն պատմվածքներ» ժողովածուում:

ՅԱՆ ԳԵ - Կին արձակագիր, ծնվել է 1984 թվականին: Իսկական անունն է՝ Դայ Յուեսին: Տպագրվել է 1994-ից: «Նոր կոնցեպտուալ գրականություն» մրցույթի չորրորդ փուլում արժանացել է առաջին մրցանակի: Նրա ստեղծագործություններից են՝ «Գուան գետը», «Լավ ժամանակներ», «Տարօրինակ կենդանիների գրանցումը», «Գարունը Տաղե քաղաքում», «Մայիսյան թագուհին», «Հնչյունների նվազախումբը» եւ այլն:

ՖՈՒ ՅՈՒԵՀՈՒՅ - Արձակագիր, ծնվել է 1984 թվականին: Նրա նովելներն ու պատմվածքները տպագրվել են Շանհայի, Հոնկոնգի եւ Թայվանի հեղինակավոր թերթերում ու գրական հանդեսներում:

ՉԺՈՒՄ ՅԶՅԱՆԻՆ - Կին արձակագիր, ծնվել է 1982 թվականին: 1999 - ին «Նոր կոնցեպտուալ գրականություն» մրցույթի առաջին փուլում արժանացել է երկրորդ մրցանակի, իսկ մեկ տարի անց՝ առաջին մրցանակի: Հիմնական գրքերն են՝ «Թափառաշրջիկ երգչի սիրուհին», «Ստախոսի ժամանակի գանձատուփը», «Վերջին անգամ, երբ մոռանամ քեզ», «Երկինքը պարզ է» պատմվածքների ժողովածուները, «Զինվոր Սիսին խեցեգործական քաղաքում», «Կախարդուհու աչքերը», «Ամառը սուզվում է», «Հարավային դարաշրջանի ուղղությամբ» վեպերը եւ այլն:

ՄԱ ՄՅԱՌՏԱՌ - Կին արձակագիր, ծնվել է 1982 թվականին: Իսկական անունն է՝ Մա Տյանմու: Չին գրողների ընկերակցության անդամ է եւ «ժողովրդի գրականություն» հանդեսի խմբագիր: 2001-ին «Նոր կոնցեպտուալ գրականություն» մրցույթում արժանացել է առաջին մրցանակի: Նրա պատմվածքները տպագրվել են հեղինակավոր թերթերում ու գրական հանդեսներում: 17 տարեկանում տպագրել է ակնարկների «Կապույտ ժապավեն» ժողովածուն: Նրա ստեղծագործություններից են՝ «Ծառաճանճերը», «Թռչնահանգիստ» վեպերը եւ «Մարսեցի աղջկա երկրային ժամանակը» պատմվածքների ժողովածուն:

ՍՈՒ ՑԻՑԻ - Կին արձակագիր, ծնվել է 1982 թվականին: 1998-ին ավարտել է բժշկական ինստիտուտը եւ 17 տարեկանից, որպես բուժքույր, աշխատել է հոգեբուժական հիվանդանոցում՝ հիևզ տարի: Այս կատարել է տարբեր աշխատանքներ՝ դիսկո պարողի, հյուրանոցի սպասավորի, թերթի խմբագրի: 2003-ից սկսել է գրել բանաստեղծություններ, իսկ 2005-ից՝ գեղավեստական արձակ: Նրա ստեղծագործություններից են՝ «Անգղազերը», «Իններորդ գիշերը», «Թանկագին եղբայր»:

ՇՈՈՒ ՉՃԻ - Արձակագիր, ծնվել է 1981 թվականին: Իսկական անունն է՝ Լյան Սյուեմին: Տպագրվել է 2004-ից՝ հեղինակավոր գրական հանդեսներում: Խմբագրել եւ հրատարակել է «Զվարճանք ճանապարհին» գրական երիտասարդական հանդեսը:

ՍՈՒ ԴԵ - Կին արձակագիր, ծնվել է 1981 թվականին: Իսկական անունն է՝ Վան Ի: 16 տարեկանում ավարտել է Լու Սինի անվան գրականության ինստիտուտի կազմակերպած՝ պատանի գրողների առաջին դասընթացը: Գեղարվեստական արձակ գործեր սկսել է գրել 2001 թվականից, 2007-ին դարձել է Չին գրողների ընկերակցության անդամ: Համագործակցում է Շանհայի գրողների ընկերակցության հետ: Նրա ստեղծագործություններից են՝ «Ամայի ճակատիս երկայնքով», «Սերն անմոռանալի է», «Ուզում եմ ճամփին պատմություններ պատմել», «Միտք պատմությունը՝ ռելսերի վրա»:

ՉԺԱՆ ԻՎԵՅ - Կին արձակագիր, ծնվել է 1987 թվականին: Շահակյի գրողների ընկերակցության անդամ է: 2004-ին «Նոր կոնցեպտուալ գրականություն» մրցույթում արժանացել է առաջին մրցանակի: Նրա գրքերից են՝ «Սելամադոտ տարիներ» (արձակ գործերի ժողովածու), «Երիտասարդության արգելված խաղերը» (պատմվածքների ժողովածու) և «Արթնացում երազներից», «Հաջորդ կանգառը», «Սիդան», «Գիշերները, որոնց մասին չգիտեք», «Ժամանակը», «Սպասիր, ինչպես եմ», «Հինավուրց լաբիրինթոսը» վեպերը:

ՎԱՆ ՎԵՅԼՅԱՆ - Արձակագիր, ծնվել է 1982 թվականին: Հիմնական ստեղծագործություններից են՝ «Փրկվածը» վեպը, «Օրենքի ետերգություն», «Ներքին երեսը», «Մարդն առանց մատնահետքերի», «Երկրորդ անձը» վիպակները, «Կյանքը՝ գլխիվայր», «Պաշտոնաթողություն» պատմվածքները և այլն:

ՉԺԵՆ ՍՅԱՆՆՅՈՒՅ - Արձակագիր, ծնվել է 1986 թվականին: Իսկական անունն է՝ ՉԺԵՆ ՊԵՆ: Չին գրողների ընկերակցության անդամ է: Համագործակցում է Պեկինի գրողների ընկերակցության հետ: Ավարտել է Լու Սինի անվան գրականության ինստիտուտի կազմակերպած՝ երիտասարդ գրողների դասընթացը: Հիմնական ստեղծագործություններից են՝ «Մանկական ժողովրդական ոտանավորները 1921 թվականին», «Զորը», «Երեխաներին հարմար չէ», «Սիչժոուի բալլադը»:

ՖԵՅ ԴԱՈ - Արձակագիր, ծնվել է 1983 թվականին: Իսկական անունն է՝ Յոյա Լիյուան: Մագիստրոսի կոչում է ստացել Պեկինի մանկավարժական համալսարանում, իսկ Ցինհուայի համալսարանում գիտությունների թեկնածուի կոչում: «Պատմություն աշխարհի վերջի մասին» գիտաֆանտաստիկ պատմվածքը թարգմանվել է իտալերեն և ընդգրկվել գիտաֆանտաստիկ գեղարվեստական գրականության միջազգային հատորներում: Այդ պատմվածքի հիման վրա նկարահանված կինոնկարի սցենարն արժանացել է «Երիտասարդ գրողների ներկայացրած կինոսցենարներ» մրցույթի երկրորդ մրցանակին:

ՇՈՒ ՅՅԱՆ - Կին արձակագիր, ծնվել է 1980 թվականին: Ֆուդանի համալսարանում ստացել է բժշկության պատմության մագիստրոսի եւ մտավոր պատմության բակալավրի աստիճան: Տպագրել է «Գառլի նավարկող նավակը» վեպը, «Մարդն ու կերակուրը հավասար են», «Խոհարար տանտիկնոջ օրագիրը», «Կերեք», «Կերեք, որ ժպտաք» էսսեները, այլ գործեր: Նրա «Մահացու համեղ» պատմվածքի հիման վրա ֆիլմ է նկարահանվել:

ՀԱՌ ՅԶԻՆՖԱՆ - Կին արձակագիր, ծնվել է 1984 թվականին: 2002-ին «Նոր կոնցեպտուալ գրականություն» մրցույթում արժանացել է առաջին մրցանակի: Հիմնական ստեղծագործություններից են՝ «Մարսեցի թափառականը», «Վերադառնալ Կարոն» վեպերը, «Աստղային ուղեւորներ» պատմվածքների ժողովածուն, «Եվրոպան ժամանակի մեջ», «Կորսված», «Ըմբռնում», «Ամառը տատիկի մոտ», «Հացահատիկի աստծո թռիչքը» վիպակները:

ՉԵՆ ՅՅՈՒՖԱՆ - Արձակագիր, ծնվել է 1981 թվականին: Ավարտել է Պեկինի համալսարանը՝ մասնագիտանալով չինարենի եւ չինական գրականության, նաեւ՝ կինոյի եւ հեռուստատարվեցի ոլորտում: Հիմնականում ստեղծագործում է գիտական ֆանտաստիկայի բնագավառում: Նրա ստեղծագործություններից են՝ «Գերեզմանը», «Չուկը Լի գետում», «Նին գետի քարանձավը», «Սկան տարին», «Խորամանկ աշակերտները»:

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ	5
ՉԺԱՆ ՅՈՒԹԺԱՆ. ՏՈՒՆԸ	9
ԴԻ ԱՆ. ՍԵՆ ԳԵՏԸ ՉԻ ՍԱՌՉՈՒՄ	32
ՅԱՆ ԳԵ. ՈՂԲԵՐԳՈՒԹՅԱՆ ԹԱՏՐՈՆԸ	47
ՖՈՒ ՅՈՒԹՆՈՒՅ. ՀՍԿԱ ՓԻԴԸ	71
ՉԺՈՒԹ ՅԶՅԱՆԻՆ. ՊԱՐՈՆ ՊԱՌԼՈՆ	100
ՍԱ ՍՅԱՌՏԱՌ. ԱՆԱՎԱՐՏ ԶՈՒՅԳԸ	109
ՍՈՒ ՅԻՅԻ. ՎԱԶԻՐ, ԼԻ ԼԻՆԻ, ՎԱԶԻՐ	159
ՇՈՒԹ ՉԺԻ. ԵԿԵԹ ՄԻ ԲԱՆ ԱՆԵՆԹ	182
ՍՈՒ ԴԵ. ՍԱՏԱՆԻՆԵՐԻ ԵՎ ՈՐԴԻՆԵՐԻ ՍԱՍԻՆ	193
ՉԺԱՆ ԻՎԵՅ. ԴԺԿԱՍ ԱՆԴՐԱԴԱՐՁ	203
ՎԱՆ ՎԵՅԼՅԱՆ. ԱՂԻ ԶԱՅՆԸ	218
ՉԺԵՆ ՍՅԱՌԼՅՈՒՅ. «ՖԻԼԻՊՍ» ԷԼԵԿՏՐԱԿԱՆ ԱԾԵԼԻՆ	242
ՖԵՅ ԴԱՌ. ՊԱՏՍՈՒԹՅՈՒՆ ԱՇԽԱՐՀԻ ՎԵՐՋԻ ՍԱՍԻՆ	285
ՇՈՒ ՅՅԱՌ. ՓԱՓՈՒԿ ԵՎ ՀԱՍԵՂ ԶՎԱԾԵՂ	291
ՀԱՌ ՅԶԻՆՖԱՆ. ԱՆՏԵՍԱՆԵԼԻ ՍՈՒՈՐԱԿՆԵՐ	299
ՉԵՆ ՅՅՈՒՖԱՆ. Գ ՆՇԱՆԱԿՈՒՄ Է ԳԵՐԲԵՆԱԿԱՆ	319
ՀԵՂԻՆԱԿՆԵՐԻ ՍԱՍԻՆ	343

ԱՂԻ ԶԱՅՆԸ

20-րդ դարի հետախույզական թվականների սերնդի
չին գրողների պատմվածքներ

Անգլերենից թարգմանությունը՝
Խորեն ԳԱՍՊԱՐՅԱՆԻ

Գիրքը չինարենից անգլերեն են թարգմանել՝
ՔԱՅԼ ԱՆԴԵՐՍՈՆԸ, ԷՎԱ ՇԱՆ ՉՈՈՒՆ, ԷՆԴՐՅՈՒ ՉԱԲԲԸ,
ՍՁԻՎԸՆ ԴԵՅԸ, ԴԱՐԻԵԼ ԴՈՐՐԻԵԼԳՈՐՆԸ, ԼԻԼԻԱՆ ԳԱՁԸ,
ԴԵՅՎԻԴ Ն. Ս. ՀԱԼԸ, ՓԱՍԵԼԱ ՀԱՆՁԸ, ՆԱԹԱՆԱՅԵԼ ԱՅՁԵՔՍՈՆԸ,
ՊԵՅ ԻՆ ԼԻՆԸ, ԲՐԻՋԻՁ ԼԻՆԴԵՐԸ, ԹՈՍԱՍ ՍՈՐԱՆԸ, ԳԵՆ ՍՈՒՆԸ

Ստեփանակերտ 2018

Խմբագիր՝ Յ. Ալեքսանյան
Սրբագրիչ՝ Ա. Գրիգորյան
Էջադրումը՝ Թ. Հարությունյանի
Կազմի ձեւավորումը՝ Մ. Սայիյանի

Թուղթը՝ օֆսեթ, չափսը՝ 60x84 ^{1/16}: Ծավալը՝ 22 տպ. մամուլ
Տպաքանակը՝ 1000:

Տպագրվել է «Դիզակ պլուս» հրատարակչության տպարանում
ԼՂՀ, Ստեփանակերտ, Հ. Հակոբյան

«ԳԵՂԱՐՄ» հանդեսի մատենաշարով լույս են տեսել

- «Թատերախաղեր Արեւմտյան գրականությունից» - 2010
Իոսիֆ Բրոդսկի. «Տեղատարափի շաշունը» - 2011
Մ. Բախտին. «Դոստոեւսկու պոետիկայի խնդիրները» - 2012
«Միրիուսի սրնգահարները»/Վ.Խլեբնիկով, Ն. Գումիլյով,
Վ.Խոդասեւիչ/ - 2012
Սերգեյ Դովլաթով. «Միայնակների երթը» - 2012
Յուրի Լոտման. «Միֆ.Անուն.Մշակույթ» - 2012
Վառլամ Շալամով. «Կոլիմյան պատմվածքներ»- 2012
Ժարկո Միլենիչ. «Լեոնը՝ հրաշագործի աշակերտը»- 2013
Պավել Ֆլորենսկի. «Իկոնոստաս» - 2014
Ռուս կոնցեպտուալ պոեզիա/ Գ.Պրիգով, Վ.Նեկրասով,
Լ.Ռուբինշտեյն/ - 2014
Հենրիխ Սապգիր. «Ձուգահեռ մարդը» - 2014
Վասիլի Գրոսման. «Կյանք եւ ճակատագիր» - 2014
«Կամուրջների խռովությունը.
մետամետաֆորիստներ» - 2015
Ալեքսանդր Սոլժենիցին. «Մատրյոնայի կավվածքը»- 2015
Անդրեյ Պլատոնով. «Չեւենգուր. Գուրը.
Պատմվածքներ» - 2015
Արդի ռուսական վերլիբը (անթոլոգիա) - 2015
Չինաստանի մշակույթի քրեստոմատիա - 2015
Ջիդի Մաջիա. «Հրեղեն խոսքեր» - 2015
Մա Բայ. «Մրտի արձագանքներ» - 2015
Եվգենի Վոդյազկին. «Լավր» - 2015
Քայ Տյանսին. «Խաղաղ կյանքի երգը» - 2015
Ռուս այլախոհական պոեզիա (անթոլոգիա) - 2015
Չինական ստեղծագործությունների հիմնական
հասկացություններ (հատոր 1) - 2016

Յու Ջիան. «Անձրեից պատասպարվող թռչունը» - 2016

Պավել Բասինսկի. «Լեւ Տոլստոյ.

Փախուստ դրախտից» - 2016

Չժան Յզի-յան. «Երազ ծովի մասին» - 2016

Վան Ջենչկի. «Երիտասարդ վանականի սիրո

պատմությունը» - 2016

Լյուդմիլա Պետրուշենսկայա. «Սեր. երջանկություն.

ռեպլիեմ» - 2016

Անդրեյ Բելի. «Պետերբուրգ» - 2016

«Դիկոռոսներ. Անհայտ պոետների ապաստան»

(անթրոլոգիա) - 2016

Ռուս մինիմալիստներ (անթրոլոգիա) - 2016

Իձյե Թան. «Կոնֆուցիականությունը, ուղղալականությունը,
դաստիգմը, քրիստոնեությունը եւ չինական

մշակույթը» - 2016

Սյուն Շի-ի. «Երկնային կամուրջը» - 2016

Չինական մտքի եւ մշակույթի հիմնական

հասկացություններ (հատոր 2 եւ 3) - 2016

Դոնգ Քիանգ. «Ամուսնություն» - 2017

Դոնգ Քիանգ. «Կացարաններ» - 2017

Ինգերորգ Բախման. «30-րդ տարին» - 2017

Ջիդի Մաջիա. «Ընձառյուծից մինչեւ Մայակովսկի» - 2017

Չինական մտքի եւ մշակույթի հիմնական

հասկացություններ (հատոր 4) - 2017

Անդրեյ Վոլոս. «Վերադարձ Փանջիռուդ» - 2017

Դոնգ Քիանգ. «Թաղում» - 2017

Դոնգ Քիանգ. «Փառատոներ» - 2017

Դոնգ Քիանգ. «Ուտեստներ» - 2017

Սյաո Յյան. «Վիշապի մորուքներն ընդդեմ

նախագծերի» - 2017

Ուան Յուրիան. «Մերձակցության աստիճաններ» - 2017
Ֆյոդոր Սոլոգուբ. «Չնչադեղ» - 2018
Չինական մտքի եւ մշակույթի հիմնական
հասկացություններ (հատոր 5) - 2018
Ու Չուն. «Չինական մշակույթ. փիլիսոփայություն» -2018
Մարտիրոս Ռբն. «Մոմերն իզուր են այրվել
մեղքերիս համար» - 2018
Ռեյսին Սյուրն, Սյուն Ճու. «Չինաստանի յուրահատկու-
թյունները: Չինաստանի համաշխարհային
ժառանգությունը»- 2018
Չինական մտքի եւ մշակույթի հիմնական
հասկացություններ (հատոր 6) - 2018



Էլ. հասցե՝ vogli.nairi@mail.ru
հեռ.՝ +37497252323